






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.12





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.12




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.12



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.12

Ab. 3/5



Ex Libris Joannis Nenoini
1874

M. TVLLII CICERONIS DE PHI-
LOSOPHIA VOLV MEN SE-
CVNDVM, IDEST,

De natura deorum	libri	III.
De diuinatione	libri	II.
De fato	liber	I.
De legibus	libri	III.
De vniuersitate	liber	I.
Q. Ciceronis de petitione Consulatus ad Marcum fratrem	liber	I.

Cum scholijs, & coniecturis Pauli Manutij de
locis aliquot obscurioribus.



CORRIGENTE PAVLO MANVTI
ALDI FILIO.
VENETIIS, M. D. XLV.



Ab. 3)



Ex

AD MARCELLVM CERVINVM,
Reuerendissimum Sanctæ Crucis Cardinalem,
Pauli Manutij, Aldi filij, in alterâ Cice-
ronis philosophiæ partem præfatio.

Est genus hominum, qui ita sentiunt :
philosophari, aut totum nihil esse; aut
nō eorum esse, qui rerum agendarum
in studio uersantur . quorum in alte-
ro mihi uidentur , cum homines sint ,
bestiarum consuetudinem imitari, quæ tantum ea, quæ
pedibus teruntur , quæq; adsunt , intuentur , nihil al-
tum sufficiunt , nihil longinquum cogitant : in altero
res à natura copulatas uelle seiuungere . nam qui ab as-
suetudine rerum philosophiam excludit, is, quantum in se
ipso est, corporis & animi societatem dirimit, cum &
corpus regimine animi , & animus ministerio corporis
indigeat . Sed proferunt multos, quibus ignoratio phi-
losophiæ non obstitit, quo minus ea , quæ uolebant , re-
ctissime perficerent. quasi uero sit eadem rerum omni-
um natura, & quod uni aliqua in causa contigerit, id
cuiilibet omnibus in causis posse contingere credibile sit.
naufragium facit natationis ignarus: arripit tabulam,
& amplexu tenens, ad litus incolumis à fluctibus ap-
pellitur. num ideo natandi peritiam negemus esse u-
tilem, quodd, sine ea quæ fuit, è periculo tempestatis eua-
serit ? incidit aliquis in febrem, non curatur, & con-
ualescit: tollemus igitur medicinam, quoniam sunt qui
sine eius ope sanentur ? nihil minus : nisi si ea, quæ in
casu sita sunt, anteponimus ijs, quæ ratio gubernat .

A ij

quod idem de philosophia dicendum est : nam ut illud
demus , sine ea multos esse laudem consecutos : non &
hoc dabimus , fore , ut sine eadem consequi omnes
possint . non eiusdem semper generis agenda sunt res .
est , ubi prudentia uel mediocris abunde satisfaciat : est
item , ubi mentis altior speculatio requiratur . hoc ex=
tremum qui poterit , sequitur ut & illud primum pos=
sit : sed qui illud primum , non et hoc extremum . quod
cum ita sit : utrum praestet habere , facilis est dijudica=
tio . in optione enim , & eligendi potestate nemo ferè
est quin totum partibus censeat esse praferendum : pro=
pterea quod non totum in partibus , sed partes inclu=
duntur in toto . Ergo cum perspicuum hoc sit , accide=
re & posse , & solere , ut philosophia cognitio utilita=
tem afferat , ignoratio detrimentum : dubium non est ,
quin ea uideatur esse cum rerum actione coniungen=
da . sed idem coniungi posse negant : quo argumento ?
aiunt eas dissimili in genere uersari , alteram in otio ,
alteram in negotijs : itaque se non uidere , qui possit in
utraque unus excellere . Hic ego Ceruine praestantissi=
me meam memoriam non excutiam , ut ea , quae lege=
rim , aut audiuerim , reminiscar . non est consilium ,
quae ad illos redarguendos faciant , ueterum è scriptis
eruere . uolo , ut exemplo tuo refellantur . Romae uixis ,
et uixisti multos iam annos . nunquam omnino tua uir=
tus tam illustri loco latuit : sed postea quam te Pau=
lus I I I . incredibili Pontifex non modo sapientia , sed
bonitate etiam ornatus , in altiore dignitatis gradu col=
locatum , suorum omnium consiliorum & participem ,
& adiutorem esse uoluit ; tum uero clarissime sese

ostendit lumen animi, ingenijq; tui; ut nullus esset ho-
nor tantus, qui in te collatus, non uideretur ei, qui
contulisset, magnam esse iudicij laudem allaturus. ita-
que paulo post Cardinalis factus es, & factus tanto
bonorum applausu, tantaq; letitia, quantam in ani-
mis hominum recte sentientium summa dignitas uirtu-
ti tributa potuit excitare. quo toto tempore ualde tu
quidem fuisti, atque es etiam nunc, districtus à nego-
tijs, maximeq; ab ijs, quæ & ad sedandas Christiano-
rum principum discordias, & ad reprimendam Lu-
theranæ heresis immanitatem pertinet: sed te tamen
à philosophiæ studio nulla res unquam potuit diuelle-
re. sic & animo, & corpori suis cuique muneribus
apte distributis, quotidie ferè modo à cognitione ad res
agendas, modo à rebus agendis ad cognitionem tradu-
ctus, teq; ipse in hoc quasi circulo identidem reuoluens,
effecisti quod ab ijs, de quibus initio dixi, fieri posse ne-
gatur, ut & in tractandis negotijs, & in consideran-
dis rerum humanarum diuinarumq; causis occupatus,
dispari in studio, pari tamen cum laude uerseris. ex
quo intelligitur, ab ijs, qui rerum actioni se dant, &
percipi philosophiam, & tractari posse: debere autem
ostendimus: est igitur eorum, qui aliter existimant,
sententia omnis explodenda. nos quidem & nostra spon-
te commoti, & tuo exemplo impulsus, quotidie magis
philosophiam admirantes, in eius cognitione cupimus
acquiescere, ad eamq; magnis defatigati laboribus &
molestijs tanquam ad iucundissimum diuersorium pro-
peramus. quod si peruenero, uel potius cum peruene-
ro (cur enim meam ipse cupiditatem omnibus optimis

non prosequar?) tum ego quidem multo, quàm nunc,
facilius tua in me merita uel tuebor, uel etiam illustra=
bo. interea non sumus otiosi: utinam potius aliquanto
minus occupati. prouinciam cepimus duram, atque
difficilem, ueterum scriptorum libros emendare dum
uolumus. omnino in hoc onere sustinendo ualde suda=
mus: sed animus tuarum cohortationum memoria cõ=
firmatus, manet in officio, manebitq; dum id, quod in=
stituimus, absoluitur. nunc edemus Ciceronis libros de
philosophia, sanè multis à mendis, potissimum ex an=
tiquo Bernardini Maffei, qui te maxime obseruat, iuue=
nis eloquentissimi, libro uindicatos. qui cum ita dige=
sti essent, ut in duas partes tributi legerentur; cumq;
ego ex ijs partibus eam maxime uellem tibi inscriptam
emittere, quæ tuæ personæ dignitatiq; aptissima uide=
retur: feci, ut eam deligerem, in qua de natura deo=
rum eleganter & acute disputatur: ut, quoniam ualde
tibi pro tua ueteri erga me uolūtate, proq; sum=
mis officijs deberi fructus industriæ meæ
uidentur; ij dum ad maturitatem
peruenirent, his te interim
quasi floribus ob=
lectares.

M. TVLLII CICERONIS DE N A=
TVRA DEORVM AD MAR=
CVM BRVTVM

LIBER I.

C Vm multa res in philosophia nequa=
quā satis adhuc explicatae sunt, tū per=
difficilis Brute, quod tu minime igno=
ras, & perobscura quæstio est de natu=
ra deorū: quæ & ad agnitionem ani=
mī pulcherrima est, & ad moderandam religionem ne=
cessaria. de qua tā uariæ sunt doctissimorum hominū,
tamq; discrepantes sententiæ, ut magno argumento esse
debeat, causam, id est principium philosophiæ, esse scien=
tiam, prudenterq; Academicos à rebus incertis assensio=
nem cohibuisse: quid est enim temeritate fortius? aut
quid tam temerarium, tamq; indignum sapientis gra=
uitate, atque constantia, quam aut falsum sentire, aut,
quod non satis explorate perceptum sit, & cognitum,
sine ulla dubitatione defendere? uelut in hac quæstio=
ne, plerique, quod maxime uerisimile est, & quod o=
mnes duce natura uehimur, deos esse dixerunt: dubi=
tare se Protagoras: nullos esse omnino Diagoras me=
lius, & Theodorus Cyrenaicus putauerunt. qui uero
deos esse dixerunt, tanta sunt in uarietate, ac dissensio=
ne constituti, ut eorum molestum sit annumerare sen=
tentias. nam & de figuris deorū, & de locis, atque sedi=
bus, & actione uitæ multa dicuntur: deq; his summa
philosophorum dissensione certatur. quod uero maxime

A iij

DE NATURA DEORVM

rem, causamq; continet, utrum nihil agant, nihil
moliuntur, an ab omni curatione, & administratione
rerum uacent; an contra ab his & à principio omnia
facta, & constituta sint, & ad infinitum tempus re=
gantur, atque moueantur: in primis magna dissensio
est: eaq; nisi diiudicatur, in summo errore necesse est
homines, atque in maximarum rerum ignorantia uer=
sari. Sunt enim philosophi, & fuerunt, qui omnino
nullam habere censerent humanarum rerum procura=
tionem deos. quorum si uera sententia est, quæ potest
esse pietas? quæ sanctitas? quæ religio? hæc enim omnia
pure, ac caste tribuenda deorum numini ita sunt, si ani=
maduertuntur ab ijs, & si est aliquid à dijs immorta=
libus hominum generi tributum. sin autem dii neque pos=
sunt nos iuare, nec uolunt, nec curant omnino, nec,
quid agamus, animaduertunt, nec est quod ab his ad
hominum uitam permanere possit: quid est, quod ul=
los dijs immortalibus cultus, honores, preces adhibea=
mus? in specie autem fictæ simulationis, sicut reli=
quæ uirtutes, ita pietas inesse non potest: cum qua si=
mul & sanctitatem, & religionem tolli necesse est:
quibus sublati, perturbatio uitæ sequitur, & magna
cōfusio. atque haud scio, an, pietate aduersus deos subla=
ta, fides etiam, & societas humani generis, & una
excellentissima uirtus iustitia tollatur. Sunt autem alij
philosophi, & hi quidem magni, atque nobiles, qui
deorum mente, atque ratione omnem mundum admi=
nistrari & regi censeant: neque uero id solum, sed
etiam ab iisdem uitæ hominum consuli, & prouideri:
nam & fruges, & reliqua, quæ terra pariat, &

tempestates, ac temporum uarietates, cœliq; mutationes, quibus omnia, quæ terra gignat, maturata pubescant, à dijs immortalibus tribui generi humano putant, multaq; quæ dicuntur in his libris, colligunt: quæ talia sunt, ut ea ipsa dij immortales ad usum hominum fabricati penè uideantur. contra quos Carneades ita multa disseruit, ut excitaret homines non sordides ad ueri inuestigandi cupiditatem: res enim nulla est, de qua tantopere non solum indocti, sed etiam docti dissentiant. quorum opiniones cum tam uariæ sint, tamq; inter se dissidentes: alterum fieri profecto potest, ut earum nulla; alterum certe non potest, ut plus una uera sit. qua quidem in causa & beneuolos obiurgatores placare, & inuidos uituperatores confutare possumus, ut alteros reprehendisse pœniteat, alteri se didicisse gaudeant. nam qui admonent, amice docendi sunt: qui inimice insectantur, repellendi. multum autem fluxisse uideo de libris nostris, quos complures breui tempore edidimus, uariumq; sermonem, partim admirantium, unde hoc philosophandi nobis subito studium extitisset; partim, quid quaque de re certi haberemus, scire cupientium. multis etiam sensi mirabile uideri, eam nobis potissimum probatam esse philosophiam, quæ lucem eriperet, & quasi noctem quandam rebus offunderet, desertaq; disciplina, & iampridem relicte patrocinium nec opinatum à nobis esse susceptum. nos autem nec subito cœpimus philosophari: nec mediocrem à primo tempore ætatis in eo studio operam, curamq; consumpsimus, & cum minime uidebamur, tum maxime philosophabamur.

DE NATURA DEORVM

quod & orationes declarant referta philosophorum
sententijs; & doctissimorum hominum familiaritates,
quibus semper domus nostra floruit; & principes illi
Diodorus, Philo, Antiochus, Posidonius, à quibus in=
stituti sumus. & si omnia philosophiæ præcepta refe=
runtur ad uitam, arbitramur nos & publicis, & pri=
uatis in rebus ea præstitisse, quæ ratio & doctrina præ=
scripserit. sin autem quis requirit, quæ causa nos impu=
lerit, ut hæc tam sero literis mandaremus: nihil est,
quod expedire tam facile possimus. nam cum otio lan=
gueremus, & is esset Reip. status, ut eã unius consilio,
atque cura gubernari necesse esset: primũ ipsius Reip.
causa philosophiam nostris hominibus explicandam pu=
taui, magni existimans interesse ad decus, & laudem
ciuitatis res tam graues, tamq; præclaras latinis etiam
literis contineri. eoq; me minus instituti mei poeni=
ter, quod facile sentio, quàm multorum non modo di=
scendi, sed etiam scribendi studia commouerim: com=
plures enim græcis institutionibus eruditi, ea, quæ di=
dicerant, cum ciuibus suis communicare non poterant,
quod illa, quæ à Græcis acceperant, latine dici posse dif=
fiderent. quo in genere tantum profecisse uidemur, ut
à Græcis ne uerborum quidem copia uinceremur. Hor=
tata est etiam, ut me ad hæc conferrem, animi ægri=
tudo, fortune magna, & graui commota iniuria. cuius
ius si maiorem aliquam leuationem reperire potuissem,
non ad hanc potissimum confugissem. ea uero ipsa nul=
la ratione melius frui potui, quàm si me non modo ad
legendos libros, sed etiam ad totam philosophiam per=
tractandã dedissem. omnes autem eius partes, atque o=

omnia membra tum facillime nascuntur, cum totæ quæ-
stiones scribendo explicantur: est enim admirabilis quæ-
dam cōtinuatio, seriesq; rerum, ut alia ex alia nexa, et
omnes inter se aptæ, colligatæq; uideantur. qui autem
requirunt, quid quæque de re ipsi sentiamus, curiosius id
faciunt, quàm necesse est: non enim tam auctores in di-
sputando, quàm rationis momenta querēda sunt. quin etiā
obest plerunque ijs, qui discere uolunt, auctoritas eorū,
qui se docere profitentur: desinunt enim suum iudicium
adhibere: id habent ratū, quod ab eo, quem probant, iu-
dicatū uident. nec uero probare soleo id, quod de Pytha-
goreis accepimus: quos ferunt, si quid affirmarent in
disputando, cum ex ijs quæreretur, quare ita esset, re-
spondere solitos, ipse dixit. ipse autem, erat Pythago-
ras. tantum opinio præiudicata poterat, ut etiam sine
ratione ualeret auctoritas. qui autem mirantur nos
hanc potissimum disciplinam secutos, his quatuor Aca-
demicis libris satis responsum uidetur. nec uero deser-
tarum, relictarumq; rerum patrociniū suscepimus:
non enim hominū interitu sententiæ quoque occidunt,
sed lucem auctoris fortasse desiderant: ut hæc in philo-
sophia ratio contra omnia differendi, nullamq; rem
aperte iudicandi, profecta a Socrate, repetita ab Ar-
cesila, confirmata a Carneade, usque ad nostram ui-
guit ætatem: quam nunc propemodum orbam esse in
ipsa Græcia intelligo. quod non Academia uitio, sed
tarditate hominum arbitror contigisse. nam si singulas
disciplinas percipere magnum est, quāto maius omnes?
quod facere ijs necesse est, quibus propositum est, uerū
reperiendi causa, & contra omnes philosophos, &

DE NATURA DEORVM

pro omnibus dicere. cuius rei tanta, tamq; difficilis facultatem consecutum esse me non profiteor; secutum esse prae me fero. nec tamē fieri potest, ut, qui hac ratione philosophetur, ij nihil habeant quod sequatur. dictū est hac de re alio loco diligentius: sed quia nimis indociles quidam, tardiq; sunt, admonendi videntur sapius: non enim sumus ij, quibus nihil uerum esse uideatur; sed ij, qui omnibus ueris falsa quaedam adiuncta esse dicamus, tanta similitudine, ut in ijs nulla insit ceratū iudicandi, & assentiendi nota. ex quo existit & illud, multa esse probabilia: quae quanquam non perciperentur, tamen quia uisum haberent quendam insignem, & illustrem, his sapientis uita regeretur. sed iam, ut omni me inuidia liberem, ponam in medio sententias philosophorum de natura deorum. quo quidem loco conuocandi omnes uidentur, qui, quae sit earū uera, iudicent. tum demum mihi procax Academia uidebitur, si aut consenserint omnes, aut erit inuentus aliquis, qui, quid uerum sit, inuenerit. itaque mihi libet exclamare, ut Statius in Synephebis:

- „ Prò deum, popularium omnium adolescentium
- „ Clamo, postulo, obsecro, oro, ploro, atque imploro fidem: non leuissima de re, ut queritur ille fieri in ciuitate facinora capitalia,
- „ Ab amico amante argentū accipere meretrix nō uult: sed ut adsint, cognoscant, animaduertant, quid de religione, pietate, sanctitate, cerimonia, fide, iure iurando, quid de templis, delubris, sacrificijsq; solennibus, quid de ipsis auspicijs, quibus nos praesumus, existimandum sit: hac enim omnia ad hanc de dijs im-

mortalibus questionem referenda sunt. profecto eos ipsos, qui se aliquid certi habere arbitrantur, adducere coget doctissimorum hominum de maxima re tanta dissensio. quod cum saepe alias, tum maxime animaduerti, cum apud C. Cottam familiarem meum accurate sanè, & diligenter de dijs immortalibus disputatum sit. Nam cum ferijs Latinis ad eum ipsius rogatu, accersituq; uenissem, offendi eum sedentem in exhedra, & cum C. Velleio senatore disputantem, ad quem tum Epicurei primas ex nostris hominibus deferrebant. aderat etiam Q. Lucilius Balbus: qui tantos progressus habebat in Stoicis, ut cum excellentibus in eo genere Graecis compararetur. tum ut me Cotta uideret, peropportune, inquit, uenis: oritur enim mihi magna de re altercatio cum Velleio: cui pro tuo studio non est alienum te interesse. Atqui mihi quoque uideor, inquam, uenisse, ut dicis, opportune: tres enim trium disciplinarum principes conuenistis: M. enim Piso si adesset, nullius philosophiae, earum quidem, quae in honore sunt, uacaret locus. Tum Cotta, si, inquit, liber Antiochi nostri, qui ab eo nuper ad Balbum missus est, uera loquitur: nihil est, quod Pisonem familiarem tuum desideres: Antiocho enim Stoici cum Peripateticis re concinere uidentur, uerbis discrepare. quo de libro uelim scire Balbe quid sentias. Ego ne, inquit ille, miror Antiochum, hominem in primis acutum, non uidisse, interesse plurimum inter Stoicos, qui honesta à comodis, non nomine, sed genere toto disungerent; & Peripateticos, qui honesta commiscerent comodis; ut ea inter se magnitudine, et quasi gradibus, non genere differrent: haec enim est non

DE NATURA DEORVM

uerborum parua, sed rerum permagna dissensio. uerum hæc aliàs. nunc quod coepimus, si uidetur. Mihi uero, inquit Cotta, uidetur. sed ut hic, qui interuenit, me intuens, ne ignoret quæ res agatur, de natura agebamus deorum. quæ cum mihi uideretur perobscura, ut semper uideri solet: Epicuri ex Velleio sciscitabar sententiam. quamobrem, inquit, Vellei, nisi molestum est, repete quæ coeperas. Repetam uero: quæquam non mihi, sed tibi hic uenit adiutor: ambo enim, inquit arridens, ab eodem Philone nihil scire didicistis.

Tum ego, quid didicerimus, Cotta uiderit: tu autem nolo existimes me adiutorem huic uenisse, sed auditorem, & quidem æquum, libero iudicio, nulla eiusmodi astrictum necessitate, ut mihi, uelim, nolim, sit certa quædam tuenda sententia. Tum Velleius fidenter sanè, ut solent isti, nihil tam uerens, quàm ne dubitare aliqua de re uideretur; tanquam modo ex deorum concilio, & ex Epicuri intermundijs descendisset, audite, inquit, non commentitias, futilesq; sententias, non opificem, ædificatoremq; mundi Platonis de Timæo deum, nec animum fatidicam Stoicorum *πρόνοια*, quam latine licet providentiam dicere, neque uero mundum ipsum animo, & sensibus præditum, rotundum, ardentem, uolubilem deum, portenta, & miracula non differentium philosophorum, sed somniantium, quibus enim oculis intueri potuit uester Plato fabricam illam tanti operis, qua construi à deo, atque ædificari mundum facit? quæ molitio? quæ ferramenta? qui uectes? quæ machinæ? qui ministri tanti muneris fuerunt? quemadmodum autem obedire, & parere uo-

luntati architeſti aer, ignis, aqua, terra potuerunt? unde
uero orta illa quinque forma, ex quibus reliquæ formæ
tur, apte cadentes ad animum efficiendum, pariendosq;
ſenſus? longū eſt iter ad omnia. quæ talia ſunt, ut opta
ta magis, quàm inuenta uideātur. ſed illa palmaris quī
dem, quod, qui non modo natum mundū introduxerit,
ſed etiam manu penè factum, is eum dixerit fore ſempi
ternū. hunc cenſes primis, ut dicitur, labris guſtaſſe phy=
ſiologiam, qui quidquam, quod ortum ſit, putet æter=
num eſſe poſſe? quæ eſt enim coagmentatio nō diſſolubi
lis? aut quid eſt, cuius principium aliquod ſit, nihil ſit ex
tremum? Pronœa uero ſi ueſtra eſt Lucili, eadē requiro
quæ paulo ante, miniſtros, machinas, omnem totius orbis
deſignationem, atque apparatū: ſin alia eſt, cur mortæ=
lem fecerit mundum, non, quemadmodum Platonius
deus, ſempiternum. ab utroque autem ſciſcitor, cur mun
di ædificatores repente extiterint, innumerabilia ante
ſecula dormierint. non enim, ſi mundus nullus erat,
ſecula non erant. ſecula nunc dico, non ea, quæ dierū
noctiumq; numero annuis curſibus conficiuntur: nam
fateor ea ſine mundi conuerſione effici non potuiſſe:
ſed fuit quædam ab infinito tempore æternitas, quam
nulla temporum circunſcriptio metiebatur; ſpatio ta=
men qualis ea fuerit, intelligi non poteſt: quod ne in
cogitationem quidem cadit, ut fuerit tempus aliquod,
nullum cum tempus eſſet. iſto igitur tam immenſo ſpa=
tio quæro Balbe cur Pronœa ueſtra ceſſauerit. labo=
rem ne fugiebat? at iſte nec attingit deum, nec erat
ullus, cum omnes naturæ numini diuino, cœlum, ignes,
terræ, maria parerent. quid autem erat, quod con=

DE NATURA DEORVM

cupisceret deus mundum signis, et luminibus tanquam Aedilis ornare? si ut deus ipse melius habitaret: antea uidelicet tempore infinito in tenebris tanquā in gurgustio habitauerat. post autem, uarietate ne eum delectari putamus, quā coelū & terras exornatas uidemus? quā ista potest esse oblectatio deo? quā si esset, non ea tandiū carere potuisset. An hæc, ut ferè dicitis, hominum causa à deo constituta sunt? sapientū ne? propter paucos ergo tanta est facta rerum molitio. an stultorum? at primum causa non fuit, cur de improbis bene mereretur: deinde quid est affecutus, cum omnes stulti sint sine dubio miserrimi, maxime quod stulti sunt? miseri enim stultitia quid possumus dicere? deinde quod ita multa sunt incōmoda in uita, ut ea sapientes commodorum compensatione leniant, stulti nec uitare uenientia possint, nec ferre presentia. Qui uero mundum ipsum animantem, sapientemq; esse dixerunt, nullo modo uiderunt animi naturam, intelligētes in quam figuram cadere posset: de quo dicam paulo post. nunc autem hætenus admirabor eorum tarditatem, qui animantem, immortalem, & eundem beatum, & rotundū esse uelint, quod ea forma ullam neget esse pulchriorem Plato. at mihi uel cylindri, uel quadrati, uel conij, uel pyramidis uidetur esse formosior. Quæ uero uita attribuitur isti rotundo deo? nempe ut ea celeritate contorqueatur, cui par nulla ne cogitari quidem possit. in qua non uideo ubinam mens constans, & uita beata possit insistere: quodq; in nostro corpore si minima ex parte significetur, molestum sit; cur hoc idem non habeatur molestum in deo? terra enim profecto, quoniam

quoniam pars mundi est, pars est etiam dei. atqui terra maximas regiones inhabitabiles, atque incultas uisum demus, quod pars earum appulsu solis exarserit, pars obriguerit niue, pruinaque, longinquo solis abscessu. quæ, si mundus est deus, quoniam partes mundi sunt, dei membra partim ardentia, partim refrigerata dicenda sunt. Atque hæc quidem uesira Lucili. qualia uero sint, ab ultimo repetam superiorum. Thales enim Milesius, qui primus de talibus rebus quæsiuit, aquam dixit esse initium rerum; deum autem eam mentem, quæ ex aqua cuncta fingeret. Si dii possunt esse sine sensu & mente, cur aquæ adiunxit, si ipsa mens constare potest uacans corpore? Anaximandri autem opinio est natiuos esse deos, longis intervallis orientes, occidentesque, eoque innumerabiles esse mundos. sed nos deum nisi sempiternum intelligere qui possumus? post Anaximenes æra deum statuit, eumque gigni, esseque immensum, & infinitum, & semper in motu: quasi aut ær sine ulla forma deus esse possit, cum præsertim deum non modo aliqua, sed pulcherrima specie esse deceat; aut non omne, quod ortum sit, mortalitas consequatur. inde Anaxagoras, qui accepit ab Anaximene disciplinam, primus omnium rerum descriptionem, & modum mentis infinitæ uis ac ratione designari, & confici uoluit: in quo non uidit, neque motum sensui coniunctum & continentem in infinito ullum esse posse, neque sensum omnino, quo non ipsa natura pulsa sentiret. deinde si mentem istam quasi animal aliquod esse uoluit, erit aliquid interius, ex quo illud animal nominetur, quid autem interius mente? cingitur igitur corpore externo.

DE NATURA DEORVM

quod quoniam nō placet, apēta simplexq; mens nulla re adiuncta, quā sentire possit, fugere intelligentiæ nostræ uim & notionem uidetur. Crotoniates autem Alcmeo, qui soli, & lunæ, reliquisq; sideribus, animoq; præterea diuinitatem dedit, nō sensit sese mortalibus rebus immortalitatem dare. nam Pythagoras, qui censuit animum esse per naturam rerum omnem intentum & commētem, ex quo nostri animi caperentur, non uidit detractiōe humanorum animorum discerpi, & dilacerari deum; & cum miseri animi essent, quod plerisque contingeret, tum dei partem esse miseram: quod fieri non potest. cur autem quidquam ignoraret animus hominis, si esset deus? quomodo porro deus iste, si nihil esset animus, aut infixus, aut infusus, esset in mundo? tum Xenophanes, qui mente adiuncta omne præterea, quod esset infinitum, deum uoluit esse, de ipsa mente ita reprehenditur, ut ceteri; de infinitate autem uehementius, in qua nihil neque sentiens, neque coniunctum esse potest. nam Parmenides commentitium quiddam coronæ similitudine efficit: Stephanem appellat, continentem ardore lucis orbem, qui cingit cœlum, quem appellat deum. in quo neque figuram diuinam, neque sensum quisquam suspicari potest. multaq; eiusdem monstra, quippe qui bellum, qui discordiam, qui cupiditatem, ceteraq; generis eiusdem ad deum reuocat: quæ uel morbo, uel somno, uel obliuione, uel uerustate delentur. eademq; de sideribus. quæ reprehensa iam in alio, in hoc omittantur. Empedocles autem multa alia peccans, in deorum opinione turpissime labitur. quatuor enim naturas, ex

quibus omnia constare uult, diuinas esse censet: quas et nasci, & extinguere perspicuum est, & sensu omni carere. nec uero Protagoras, qui sese negat omnino de dijs habere quod liqueat, sint, non sint, quales ue sint, quidquam uidetur de natura deorum suspicari. quid Democritus, qui tum imagines, earumq; circuitus in deorum numero refert, tum illam naturam, quæ imagines fundat, ac mittat, tum scientiam, intelligentiamq; nostram, non ne in maximo errore uersatur? cum idem omnino, quia nihil semper suo statu maneat, neget esse quidquam sempiternum: non ne deum ita tollit omnino, ut nullam opinionem eius reliquā faciat? quid aer, quo Diogenes Apolloniatæ ueritur deo, quem sensum habere potest, aut quam formam dei? iam de Platonis inconstantia longum est dicere: qui in Timæo, patrem huius mundi nominari negat posse: in legum autem libris, quid sit omnino deus, inquiri oportere non censet. quod uero sine corpore ullo deum uult esse, ut Græci dicunt, ἀσώματος; id quale esse possit, intelligi non potest: careat enim sensu necesse est, careat prudentia, careat uoluptate: quæ omnia unā cum deorum notione cōprehendimus. idem & in Timæo dicit, & in legibus, & mundum deum esse, & cœlum, & astra, & terram, & animos, & eos quos maiorum institutis accepimus: quæ & per se sunt falsa perspicue, & inter sese uehementer repugnantia. atque etiā Xenophon paucioribus uerbis eadem ferè peccat: facit enim in ijs, quæ à Socrate dicta retulit, Socratem disputantem, formam dei quæri non oportere, eundemq; & solem, & animum deum dicere, & modo unum,

DE NATURA DEORVM

tum autem plures deos . quæ sunt ijsdem in erratis ferè, quibus ea, quæ de Platone dicimus . atque etiã Antisthenes in eo libro, quì phisicus inscribitur, populares deos multos, naturalem unum esse dicens, tollit uim & naturam deorum . nec multo secus Speusippus Platonem auunculum subsequens, & uim quandam dicens, quæ omnia regantur, eamq; animalem, euellere ex animis conatur cognitionem deorum. Aristoteles quoque in tertio de philosophia libro multa turbat, à magistro Platone uno dissentiens: modo enim menti tribuit omnem diuinitatem; modo mundum ipsum deum dicit esse; modo quendam alium præficit mundo; eiq; eas partes tribuit, ut replicatione mundi quadam motu regat, atque tueatur: tum cœli ardorem deum dicit esse, non intelligens cœlum mundi esse partem: quæ alio loco ipse designauit deum . quo modo autem cœli diuinus ille sensus in celeritate tanta conseruari potest? ubi deinde illi tot dii, si numeramus etiam cœlum deum? cum autem sine corpore idem uult esse deum, omni illum sensu priuat, & prudentia . quo porro modo mundus moueri potest carens corpore? aut quo modo semper se mouens esse quietus & beatus potest? nec uero eius condiscipulus Xenocrates in hoc genere prudentior: in cuius libris, qui sunt de natura deorum, nulla species diuina describitur: deos enim octo esset dicit; quinque eos, qui in stellis uagis nominantur; unum, qui ex omnibus sideribus, quæ infixæ cœlo sunt, ex dispersis quasi membris simplex sit putandus deus; septimum solem adiungit, octauamq; lunam: qui quo sensu beati esse possint, intelligi non potest. ex eadem Platonis schola Ponticus

Heraclides puerilibus fabulis referre libros : & tamen modo mundum, tum mentem diuinam esse putat : errantibus etiam stellis diuinitatem tribuit, sensuq; deum priuat, & eius formam mutabilem esse uult : eodemq; libro rursus terram, & coelum refert in deos . nec uero Theophrasti incōstantia ferenda est : modo enim menti diuinum tribuit principatum , modo coelo , tum autem signis , sideribusq; cōlestibus . nec audiendus eius auditor Strato, is qui physicus appellatur; qui omnem uim diuinā in natura sitam esse censet, quæ causas gignendi, augendi, minuendi ne habeat, sed careat omni sensu, & figura . Zeno autem (ut iam ad uestros Balbe ueniam) naturalem legem diuinam esse censet, eamq; uim obtinere recta imperantem, prohibentemq; contraria . quam legem quo modo efficiat animantē, intelligere non possumus . deum autem animantem certe uolumus esse . atque hic idem alio loco athera deum dicit, si intelligi potest nihil sentiens deus, qui nunquam nobis occurrit neque in precibus, neque in optatis, neque in uotis . alijs autem libris rationem quandam per omnem pertinentem naturam, ut diuinam, esse affectam putat . idem astris hoc idem tribuit, tum annis, mensibus, annorumq; mutationibus . cum uero Hesiodi theogoniam interpretatur, tollit omnino usitatas, perceptasq; cognitiones deorū : neque enim Iouem, neque Iunonē, neque Vestam, neque quenquam, qui ita appelleretur, in deorum habet numero, sed rebus inanitatis, atque mutis per quandā significationē hæc docet tributa nomina . cuius discipuli Aristonis nō minus magno in errore sententiā est : qui neque formam dei in-

DE NATURA DEORVM

telligi posse censeat, neque in dijs sensum esse dicat, dubi-
 tetq; omnino deus animans nec ne sit. Cleanthes autē,
 qui Zenonem audiuit unā cum eo, quem proxime no-
 minauit, tum ipsum mundum deum dicit esse, tum to-
 tius naturæ menti, atque animo hoc nomen tribuit, tum
 ultimū, & altissimū, atque undique circumfusum, &
 extremum, omnia cingentem, atque complexum ardo-
 rem, qui æther nominetur, certissimum deum iudicat.
 idem quasi delirans in ijs libris, quos scripsit contra uo-
 luptatem, tum fingit formam quandam, & speciem
 deorum, tum diuinitatem omnem tribuit astris, tum ni-
 hil ratione censet esse diuinius. ita fit, ut deus ille, quem
 mente noscimus, atque in animi notione tanquā in ue-
 stigio uolumus reponere, nusquam prorsus appareat.
 at Perseus eiusdē Zenonis auditor eos dicit esse habitos
 deos, à quibus magna utilitas ad uitæ cultum esset in-
 uenta, ipsasq; res utiles, & salutares deorum esse uo-
 cabulis nuncupatas: ut ne hoc quidem diceret, illa in-
 uenta esse deorum, sed ipsa diuina. quo quid absurdius,
 quā aut res sordidas, atque deformes deorum hono-
 re afficere; aut homines iam morte deletos reponere in
 deos, quorum omnis cultus esset futurus in luctu? iam
 uero Chrysippus, qui Stoicorum somniorum uasferri-
 mus habetur interpres, magnam turbam congregat
 ignotorum deorum, atque ita ignotorum, ut eos ne
 coniectura quidem informare possimus, cum mens no-
 stra quiduis uideatur cogitatione posse depingere: ait
 enim uim diuinā in ratione esse positam, & uniuersa
 nature animo, atque mente; ipsumq; mundum
 deum dicit esse, & eius animi fusionem uniuersam:

tum eiusipsius principatum, qui in mente & ratione
uerfetur, communemq; rerum naturam uniuersa, atque
omnia continentem, tum fatalem umbram, & neces=
sitatem rerum futurarum: ignem præterea, & eum,
quem antea dixi, æthera: tum ea, quæ natura fluere,
atque manarent, ut aquam, & terram, & aeram, so=
lem, lunam, sidera, uniuersitatemq; rerum, qua o=
mnia continerentur, atque homines etiam eos, qui im=
mortalitatem essent consecuti. idemq; disputat, æthera
esse eum, quem homines Iouem appellarent; quiq; aer
per maria manaret, eum esse Neptunum; terram, eam
quæ Ceres diceretur. similiq; ratione persequitur uoca=
bula reliquorum deorum. idemq; etiam legis perpetuæ,
& æternæ uim, quæ quasi dux uitæ, & magistra of=
ficiorum sit, Iouem dicit esse: eandemq; fatalem ne=
cessitatem appellat, sempiternam rerum futurarum
ueritatem: quorum nihil tale est, ut in eo uis diuina
inesse uideatur. & hæc quidem in primo libro de na=
tura deorum: in secundo autem uult Orphei, Musæi,
Hesiodi, Homeriq; fabellas accommodare ad ea, quæ
ipse primo libro de dijs immortalibus dixerit: ut etiam
ueterissimi poeta, qui hæc ne suspicati quidem sint, Stoi=
ci fuisse uideantur. quem Diogenes Babylonius conse=
quens in eo libro, qui inscribitur de Minerva, partum
Iouis, ortumq; uirginis ad physiologiam traducens dis=
iungit a fabula. Exposui ferè non philosophorum
iudicia, sed delirantium somnia: nec enim multo absur=
diora sunt ea, quæ poetarum uocibus fusa, ipsa sua=
uitate nocuerunt, qui & ira inflammatos, & libidine
furentes induxerunt deos, feceruntq; ut eorum bella,

DE NATURA DEORVM

pugnas, praelia, uulnera uideremus, odia prater ea,
dissidias, discordias, ortus, interitus, querelas, lamen=
tationes, effusas in omni intemperantia libidines, adul=
teria, uincula, cum humano genere concubitus, mor=
talesq; ex immortalis procreatos. cum poetarum autem
errore coniungere licet portenta magorum, Aegyptio=
rumq; in eodem genere dementiam: tum etiam uulgi
opinionem, quæ in maxima inconstantia, ueritatis igno=
ratione uersantur. ea qui consideret quàm incôsulte ac
temere dicantur, uenerari Epicurum, & in eorum ip=
sorum numero, de quibus hæc quæstio est, habere de=
beat: solus enim uidit primum esse deos, quod in o=
mnium animis eorum notionem impressisset ipsa natu=
ra: quæ est enim gens, aut quod genus hominum,
quod non habeat sine doctrina anticipationem quan=
dam deorum? quam appellat πρόληψιν Epicurus, id est
anteceptam animo rei quandam informationem, sine
qua nec intelligi quidquam, nec quæri, nec disputari
possit. cuius rationis uim atque utilitatem ex illo coele=
sti Epicuri de regula, & iudicio uolumine accepimus.
quod igitur fundamentum huius quæstionis est, id præ=
clare iactum uidetis. cum enim non instituto aliquo,
aut more, aut lege sit opinio constituta, maneatq; ad
unum omnium firma consensus: intelligi necesse est, esse
deos, quoniam insitas eorum, uel potius innatas cogni=
tiones habemus. de quo autem omnium natura consen=
tit, id uerum esse necesse est. esse igitur deos confiten=
dum est. quod quoniam ferè constar inter omnes non
philosophos solum, sed etiam indoctos: fateamur cons=
tare illud etiam, hanc nos habere siue anticipatio

nem, ut ante dixi, siue prænotionem deorum: sunt enim rebus nouis noua ponenda nomina, ut Epicurus ipse πρόληψιν appellauit, quam antea nemo eo uerbo nominarat. hanc igitur habemus, ut deos beatos, & immortales putemus. quæ enim nobis natura informationem deorum ipsorum dedit, eadem insculpsit in mentibus, ut eos æternos & beatos haberemus. quod si ita est, uere exposita illa sententia est ab Epicuro; quod æternum beatumq; sit, id nec habere ipsum negotij quidquam, nec exhibere alteri; itaque neque ira, neque gratia teneri; quod, quæ talia essent, imbecilla essent omnia. si nihil aliud quæreremus, nisi ut deos pie coleremus, & ut superstitione liberaremur, satis erat dictum: nam & præstans deorum natura hominū pietate coleretur, cum & æterna esset, & beatissima; habet enim uenerationem iustam quidquid excellit: et metus omnis à ui atque ira deorum pulsus esset: intelligitur enim, à beata immortaliqu; natura & iram & gratiam segregari: quibus remotis, nullos à superis impendere metus. sed ad hanc confirmandam opinionē inquirat animus & formam, & uitam, & actionem mentis, atque agitationem in deo. ac de forma quædem partim natura nos admonet, partim ratio docet: nam à natura habemus omnes omnium gentium speciem nullam aliam, nisi humanam deorum: quæ enim alia forma occurrit unquam aut uigilanti cuiquam, aut dormienti? sed ne omnia reuocentur ad primas notiones, ratio hoc idem ipsa declarat. nam cum præstantissimam naturam, uel quia beata est, uel quia sempiterna, conuenire uideatur eandem esse pulcherram

DE NATURA DEORVM

rimam, quæ compositio membrorum, quæ conforma-
tio lineamentorum, quæ figura, quæ species huma-
na potest esse pulchrior? uos quidem Lucili soletis (nam
Cotta meus modo hoc, modo illud) cum artificium ef-
fingitis, fabricamq; diuinam, quàm sint omnia in ho-
minis figura non modo ad usum, uerum etiam ad ue-
nustatem apta, describere. quodd si omnium animan-
tium formam uincit hominum figura, deus autem ani-
mans est: ea figura profecto est, quæ pulcherrima sit
omnium. quoniamq; deos beatissimos esse constat, bea-
tus autem esse sine uirtute nemo potest, nec uirtus sine
ratione constare, nec ratio usquam inesse, nisi in homi-
nis figura: hominis esse specie deos confitendum est. nec
tamen ea species corpus est, sed quasi corpus; nec habet
sanguinem, sed quasi sanguinem. hæc quanquã & in-
uenta sunt acutius, & dicta subtilius ab Epicuro, quàm
ut quiuís ea possit agnoscere: tamen fretus intelligentia
uestra differo breuius, quàm causa desiderat. Epicurus
autem, qui res occultas, & penitus abditas nõ modo ui-
* derat animo, sed etiam sic tractat, ut manu, doceat eã
esse uim, & naturam deorum, ut primum non sensu,
sed mente cernatur, nec soliditate quadam, nec ad nu-
merum, ut ea, quæ ille propter firmitatem ^{σεσέμνωτα}
appellat, sed imaginibus similitudine, & transi-
tione perceptis, cum infinita simillimarum imaginum spe-
cies ex innumerabilibus indiuiduis existat, & ad deos
affluat, cū maximis uoluptatibus in eas imagines men-
tem intentam, infixamq; nostram intelligentiam, ca-
pere quæ sit & beata natura, & æterna. summa uero
uis infinitatis, & magna, ac diligenti contemplatione

dignissima est : in qua intelligi necesse est, eam esse naturam, ut omnia omnibus paribus paria respondeant : hanc *ισονομίαν* appellat Epicurus, idest æquabilem tributionem. ex hac igitur illud efficitur, si mortaliū tanta multitudo sit, esse immortalium non minorem : & si, quæ interimant, innumerabilia sunt, etiam ea, quæ conseruent, infinita esse debere. & querere à nobis Balbe soletis, quæ uita deorum sit, quæq; ab ijs degatur ætas. ea uidelicet, quæ nihil beatius, nihil omnino bonis omnibus affluentius excogitari potest : nihil enim agit : nullis occupationibus est implicatus : nulla opera molitur : sua sapientia, & uirtute gaudet : habet exploratum fore se semper tum in maximis, tum in æternis uoluptatibus. hunc deum rite beatum dixerimus, uestrum uero laboriosissimū. siue enim ipse mundus deus est, quid potest esse minus quietum, quàm nullo puncto temporis intermisso uersari circum axem cœli admirabili celeritate? nisi quietum autem nihil beatum est. siue in ipso mundo deus inest aliquis, qui regat, qui gubernet, qui cursus astrorum, mutationes temporum, rerum uicissitudines, ordinesq; conseruet, terras & maria contemplanis hominum commoda, uitasq; tueatur : nã ille est implicatus molestis negotijs, & operosis. nos autem beatam uitam in animi securitate, & in omnium uacatione munerum ponimus : docuit enim nos idem qui cetera, natura effectum esse mundum, nihil opus fuisse fabrica, eamq; rem ei esse tam facilem, quàm uos negatis effici sine diuina posse solertia, ut innumerabiles natura mundos effectura sit, efficiat, effecerit. quod quia quemadmodum natura efficere sine aliqua

DE NATURA DEORVM

mente possit, non uidetis: ut tragici poetae, cum explicare argumenti exitum non potestis, confugitis ad deum. cuius operam profecto non desideraretis, si immensam, & interminatam in omnes partes magnitudinem regionum uideretis: in quam se injiciens animus, & intendens, ita late, longeque peregrinatur, ut nullam tamen oram ultimi uideat, in qua possit insistere. in hac igitur immensitate latitudinum, longitudinum, altitudinum infinita uis innumerabilium uolitat atomorum: quae in reiecto inani cohaerescunt tamen inter se, & aliae aliis apprehedentes continuantur: ex quo efficiuntur haerum formae, atque figurae: quas uos effici posse sine folibus, & incudibus non putatis. itaque imposuistis in ceruicibus nostris sempiternum dominum, quem dies, & noctes timeremus: quis enim non timeat omnia providentem, & cogitantem, & animaduertentem, & omnia ad se pertinere putantem, curiosum, & plenum negotij deum? hinc uobis extitit primum illa fatalis necessitas, quam εἰμαρμένη dicitis: ut quidquid accidat, id ex aeterna ueritate, causarumque continuatione fluxisse dicatis. quanti autem haec philosophia aestimanda est, cui, tanquam aniculis, & ijs quidem indolis, fato fieri omnia uideantur? sequitur μαντικὴ uestra, quae latine diuination dicitur: qua tanta imbuemur superstitione, si uos audire uellemus, ut aruspices, augures, arioli, uates, & coniectores nobis essent colendi. his terroribus ab Epicuro soluti, & in libertatem uindicati, nec metumus eos, quos intelligimus nec sibi fingere ullam molestiam, nec alteri quaerere; & pie sancteque colimus naturam excellentem, atque pra-

stantem. Sed elatus studio uereor ne longior fuerim. erat autem difficile rem tantam, tamq; praeclaram, inchoatam relinquere. quanquam non tam dicendi mihi ratio habenda fuit, quam audiendi. Tum Cotta comiter, ut solebat, Atqui, inquit, Vellei, nisi tu aliquid dixisses, nihil sanè ex me quidem audire potuisses: mihi enim non tam facile in mentem uenire solet, quare uerum sit aliquid, quam quare falsum. idq; cum saepe, tum cū te audirem, paulo ante contigit. roges me, qualem deorum naturam esse ducam: nihil fortasse respondēam. quāras, putem ne talem esse, qualis modo à te sit exposita: nihil dicam mihi uideri minus. sed antequā aggrediar ad ea, quae à te disputata sunt, de te ipso dicam quid sentiam. saepe enim de L. Crasso, familiari tuo illo, uideor audisse, cum te rogatis omnibus sine dubio anteferreret, & paucos tecum Epicureos è Græcia compararet. sed quidd ab eo te mirifice diligi intelligebam, arbitrabar illum propter beneuolentiam id uberius dicere. ego autem, & si uereor laudare præsentem, iudico tamen de re obscura, atque difficili à te dictum esse dilucide; neque sententijs solum copiose, sed uerbis etiā ornatijs, quam solent uestri. Zenonem, quem Philo noster Coryphaeum appellare Epicureorum solebat; cum Athenis essem, audiebam frequenter, & quidem ipso auctore Philone; credo ut facilius iudicarem, quam illa bene refellerentur; cum à principe Epicureorum accepissem, quemadmodum dicerentur. non igitur ille, ut plerique, sed isto modo, ut tu, distincte, grauiter, ornate. sed quod in illo mihi usu saepe uenit, idē modo, cū te audirem, acciderat, ut moleste ferrem tantum inge-

DE NATURA DEORVM

nium (bona uenia me audies) in tam leues, ne dicam
in tā ineptas, sententias incidisse. nec ego nunc ipse ali
quid afferam melius : ut enim modo dixi, omnibus fe-
rè in rebus, & maxime in physicis, quid non sit, citius,
quàm quid sit, dixerim. roges me, quid, aut qualis sit
deus : auctore utar Simonide: de quo cum quaesisset
hoc idem tyrannus Hiero, deliberandi causa sibi unum
diem postulauit: cum idem ex eo postridie quæreretur, bi-
duum petiuit: cum sapius duplicaret numerum dierū,
admiransq; Hiero quæreretur cur ita faceret, quia quan-
to, inquit, diutius considero, tanto mihi res uidetur ob-
scurior. sed Simonidem arbitror (nō enim poeta solum
suauis, uerum etiam ceteroqui doctus sapiensq; tradi-
tur) quia multa uenirent in mentem acuta, atque sub-
ilia, dubitantem quid eorum esset uerissimum, despe-
rasse omnem ueritatem. Epicurus uero tuus (nam cum
illo malo differere, quàm tecum) quid dicit, quod non
modo philosophia dignum esset, sed etiam mediocri pru-
dentia : queritur primum in ea quaestione, quæ est de
natura deorum, sint ne dii, nec ne sint : difficile est ne-
gare: credo, si in concione quærat: sed in huiuscemo-
di sermone, & confesso, facillimum. itaque ego ipse
Pontifex, qui ceremonias, religionesq; publicas sanctis-
sime tuendas arbitror, is hoc, quod primum est, esse
deos, persuaderi mihi non opinione solum, sed etiam ad
ueritatem planè uelim: multa enim occurrunt, quæ cō-
turbent, ut interdū nulli esse uideantur. sed uide, quàm
tecum agam liberaliter. quæ communia sunt uobis cū
ceteris philosophis, non attingam, ut hoc ipsum: placet
enim omnibus ferè, mihiq; ipsi in primis, deos esse: ita-

que non pugno: rationem tamen eam, quæ à te afferatur, non satis firmam puto. quod enim omnium gentium, generumq; hominibus ita uideretur, id satis magnū esse argumentum dixisti, cur esse deos confitemur. quod cum leue per se, tum etiam falsum est. primum enim unde nota tibi sunt opiniones nationum? equidem arbitror, multas esse gentes sic immanitate effertas, ut apud eas nulla suspicio deorum sit. quid? DYGORAS, Atheos qui dictus est, posteaq; THEODORUS, nonne aperte deorum naturam sustulerunt? nam ABDERITES quidē PROTAGORAS, cuius à te modo mentio facta est, sophistes temporibus illis uel maximus, cum in principio libri sui sic posuisset, de dijs neque ut sint, neque ut non sint, habeo dicere, Atheniensium iussu urbe atque agro est exterminatus, libriq; eius in concione combusti. ex quo equidem existimo tardiores ad hanc sententiā profitendam multos esse factos, quippe cum pœnam ne dubitatio quidē effugere potuisset. quid de sacrilegis, quid de impijs, periurisque dicemus?

„ —Tubulus si Lucius unquam,

„ Si Lupus, aut Carbo, aut Neptuni filius, —

ut ait Lucilius, putasset esse deos, tam periurus, aut tam impius fuisset nō est igitur tam explorata ista ratio ad id, quod uultis, confirmandum, quàm uidetur. sed quia commune est hoc argumentum aliorum etiam philosophorum, omittā hoc tempore, ad uestra propria uenire malo. concedo esse deos: doce me igitur, unde sint, ubi sint, quales sint corpore, animo, uita. hac enim scire desidero. abuteris ad omnia atomorum regno & licentia. hinc quodcunque in solū uenit, ut dicitur, effingis, atque

DE NATURA DEORVM

efficis. quæ primū nullæ sunt: nihil enim est, quod uacet corpore: corporibus autem omnis obsidetur locus: ita nullum inane, nihil esse indiuiduū potest. hæc ego nunc physicorum oracula fundo: uera an falsa, nescio; sed ueri tamen similia, quàm uestra: ista enim flagitia Democriti, siue etiam ante Leucippi, esse corpuscula quædam leuia, alia aspera, rotunda alia, partim angulata, curuata quædam, & quasi adunca; ex his esse etiam esse coelum, atque terras, nulla cogente natura, sed concursu quodā fortuito: hanc tu opinionem C. Vellei usque ad hanc ætatem perduxisti, priusq; te quis de omni uitæ statu, quā de ista auctoritate deiecerit: ante enim iudicasti Epicureum te esse oportere, quàm ista cognouisti. ita necesse fuit aut hæc flagitia animo concipere, aut susceptæ philosophiæ nomen amittere. quid enim mereas, ut Epicureus esse desinas? nihil equidem, inquis, ut rationem uitæ beatæ, ueritatemq; deferam. ita igitur est ueritas? nam de uita beata nihil repugno: quam tu ne in deo quidē esse censes, nisi planè otio langueat. sed ubi est ueritas? in mundis credo innumerabilibus, omnibus minimis temporum punctis, alijs nascentibus, alijs cadentibus; an in indiuiduis corpusculis, tam præclara opera, nulla moderante natura, nulla ratione, fingentibus? sed oblitus liberalitatis meæ, qua tecū paulo ante uti cœperam, plura complector. concedam igitur ex indiuiduis constare omnia: quid ad rem? deorū enim natura queritur. sint sane ex atomis. non igitur æterni. quod enim ex atomis sit, id natū aliquando sit. si natum, nulli dii ante quàm nati. & si ortus est deorū, interitus sit necesse est, ut tu paulo ante de Platonis mundo

mundo disputabas . ubi igitur illud uestrum beatum ,
& æternum ? quibus duobus uerbis significatis deum .
quod cum efficere uultis, in dumeta correptis: ita enim
dicebas, non corpus esse in deo, sed quasi corpus; nec
sanguinem, sed quasi sanguinem . hoc persæpe facitis,
ut, cum aliquid non uerisimile dicatis, & effugere re=
prehensionem uelit, afferatis aliquid, quod omnino ne
fieri quidem possit: ut satius fuerit id ipsum, de quo am=
bigebatur, concedere, quàm tam impudenter resistere .
uelut Epicurus, cum uideret, si atomi ferrentur in lo=
cum inferiorem suapte pondere, nihil fore in nostra po=
testate, quòd esset earum motus certus, & necessarius,
inuenit quo modo necessitatē effugeret; quod uidelicet
Democritum fugerat: ait atomum, cum pondere &
gravitate directo deorsum feratur, declinare paulu=
lum . hoc dicere turpius est, quàm illud, quod uult,
non posse defendere . idem facit contra dialecticos . à
quibus cum traditum sit, in omnibus disunctionibus,
in quibus aut etiam, aut nō, poneretur, alterutrum ue=
rum esse: pertimuit, ne, si concessum esset huiusmodi
aliquid, aut uiuet cras, aut non uiuet Epicurus, alter=
utrum fieret necessariū: totum hoc aut etiam, aut nō,
negauit esse necessarium . quo quid dici potest obtusius?
urgebat Arcefilas Zenonem, cum ipse omnia falsa dice=
ret, quæ sensibus uiderentur: Zeno autem non nulla
uisa esse falsa, non omnia . timuit Epicurus, ne, si unū
uisum esset falsum, nullum esset uerum: omnes sensus
ueri nuncios dixit esse: nihil horum, nisi callide: gra=
uiorem enim plagam accipiebat, ut leuiorem repelle=
ret . idem facit in natura deorū: dum indiuiduorum

DE NATURA DEORVM

corporum concretionem fugit, ne interitus & dissipatio consequatur, negat esse corpus deorum, sed tãquam corpus; nec sanguinem, sed tanquam sanguinem. mirabile uidetur, quod non rideat aruspex, cum aruspicem uiderit: hoc mirabilius, quod uos inter uos risum tenere possitis. non est corpus, sed quasi corpus. hoc intelligerem quale esset, si id in cereis fingeretur, aut fictilibus figuris: in deo quid sit quasi corpus, aut quasi sanguis, intelligere non possum: ne tu quidem Vellei: sed non uis fateri: ista enim à uobis quasi dictata redduntur: quæ Epicurus oscitans hallucinatus est, cum quidē gloriaretur, ut uidemus in scriptis, se magistrum habuisse nullum. quod & nō prædicanti tam facile quidē credam, sicut mali ædificij domino glorianti se architectum nō habuisse: nihil enim olet ex Academia, nihil ex Lyceo, nihil ne è puerilibus quidem disciplinis. Xenocratem audire potuit: quem uirum dū immortales: & sunt qui putant audiuisse, ipse non uult: credo plus nemini. Pamphilum quendam Platonis auditorem ait à se Sami auditum: ibi enim adolescēs habitabat cum patre et fratribus, quod in eam pater eius Neocles agripeta uenerat. sed cum agellus eum non satis aleret, ut opinor, ludi magister fuit. sed hunc Platonem mirifice contemnit Epicurus. ita metuit, ne quid unquam didicisse uideatur. in Nausiphane Democriteo tenetur. quem cū à se nō neget auditum, uexat tamen omnibus contumelijs. atqui si hæc Democritea nō audisset, quid audierat? quid est in physicis Epicuri nō à Democrito? nā etsi quædam cōmutauit, ut quod paulo ante de inclinatione atomorū dixi: tamen pleraque

dicit eadem, atomos, inane, imagines, infinitatem loco-
 rum, innumerabilitatemq; mundorum, eorum ortus,
 & interitus, omnia ferè, quibus naturæ ratio contine-
 tur. nunc istuc quasi corpus, & quasi sanguinem,
 quid intelligis? ego enim scire te ista melius quàm me,
 non fateor solum, sed etiam facile patior. cum qui-
 dem semel dicta sunt, quid est quod Velleius intelligere
 possit, Cotta nō possit? itaque corpus quid sit, sanguis
 quid sit, intelligo: quasi corpus, & quasi sanguis quid
 sit, nullo prorsus modo intelligo. Nec tu me calas, ut
 Pythagoras solebat alienos: nec consulto dicis occulte,
 tãquam Eraclitus: sed, quod inter nos liceat, ne tu qui-
 dem intelligis. illud video pugnare te, species ut quæ-
 dam sit deorum, quæ nihil concreti habeat, nihil solidi,
 nihil expressi, nihil eminētis, sitq; pura, levis, perlucida.
 dicemus ergo idem, quod in Venere Coa: corpus illud
 non est, sed simile corpori: nec ille fusus, et candore mī-
 xtus rubor sanguis est, sed quædā sanguinis similitudo:
 sic in Epicureo deo non res, sed similitudines rerū esse.
 fac id, quod ne intelligi quidem potest, mihi esse persua-
 sum: ceddō mihi istorum adumbratorum deorum linea-
 menta, atque formas. non deest hoc loco copia ratio-
 num, quibus docere uelitis humanas esse formas deorū:
 primum, quod ita sit informatum, anticipatumq; men-
 tibus nostris, ut homini, cum de deo cogitet, forma
 occurrat humana: deinde, ut, quoniam rebus omni-
 bus excellat natura diuina, forma quoque esse pulcher-
 rima debeat, nec esse humana ullam pulchriorem. ter-
 tiam rationem affertis, quod nulla in alia figura do-
 micilium mentis esse possit. primum igitur quidque cō-

DE NATURA DEORVM

sideremus quale sit. arripere enim mihi uidebini quasi uestro iure rem nullo modo probabilē . quis tam cecus in contemplandis rebus unquam fuit , ut non uideret species istas hominum collatas in deos aut consilio quodam sapientum , quo facilius animos imperitorum ad deorum cultum à uitæ prauitate conuerterent ; aut superstitione , ut essent simulacra , quæ uenerantes, deos ipsos se adire crederent ? auxerunt autem hæc eadem poetæ , pictores, opifices . erat autem non facile agentes aliquid & molientes deos in aliarum formarum imitatione seruare. accessit etiam ista opinio fortasse, quod homini homine nihil pulchrius uideatur . sed tu hoc physice non uides, quam blanda conciliatrix, & quasi sui sit lena natura . an putas ullam esse terra marique beluam , quæ non sui generis belua maxime deleatur ? quod nī ita esset , cur non gestiret taurus equæ contrectatione, equus uaccæ ? an tu aquilam, aut leonem , aut delphinum ullam anteferre censes figuram suæ? quid igitur mirum, si hoc eodem modo homini natura præscripsit , ut nihil pulchrius quam hominem putaret , eam esse causam , cur deos hominum similes putaremus ? quid censes, si ratio esset in beluis, non suo quasque generi plurimum tributuras fuisse? at mehercle ego (dicam enim ut sentio) quamuis amem ipse me, tamen nō audeo dicere pulchriorem esse me, quam ille fuit taurus, qui uexit Europam . non enim hoc loco de ingenijs , aut de orationibus nostris , sed de specie, figuraque quæritur . quod si fingere nobis, & iungere formas uelimus , qualis ille maritimus Triton pingitur , natantibus inuehens beluis , adiunctis humano

corpori, nolis esse? difficili in loco uersor. est enim uis tanta naturæ, ut homo nemo uelit nisi hominis similis esse. & quidem formica formicæ: sed tamen cuius hominis? quotus enim quisque formosus est? Athenis cū essem, è gregibus epheborum uix singuli reperiébantur. uideo, quid arriſeris: sed ita tamen res se habet. deinde nobis, qui, concedentibus philosophis antiquis, adolescentulis delectamur, etiam uitia sepe iucunda sunt. næuus in articulo pueri delectat Alcæum. at est corporis macula næuus. illi tamen hoc lumen uidebatur. Quæ Catulus, huius collega & familiaris nostri pater, dilexit municipem tuum Roscium: in quem etiam illud est eius.

» Conſtiteram exoriente auroram forte saluans,

» Cum subito à læua Roscius exoritur.

» Pace mihi liceat coelestes dicere ueſtra,

» Mortalis uisus pulchrior esse deo.

huic pulchrior deo? at erat, sicut hodie est, peruersissimis oculis. quid refert? si hoc ipsum falsum & uenustum illi uidebatur. redeo ad deos: ecquos si nō tam strabones, at petulos esse arbitramur? ecquos nāuum habere? ecquos silos, flaccos, frontones, capito=nes, quæ sunt in nobis? an omnia emendata in illis? detur id uobis. num etiam est una omnium facies? nam si plures, aliam esse alia pulchriorem necesse est. igitur aliquis non pulcherrimus deus. si una omnium facies est, florere in coelo Academiā necesse est. si enim nihil inter deum, & deum differt: nulla est apud deos cognitio, nulla perceptio. quid, si etiam Vellei falsum illud omnino est, nullam aliam nobis de deo cogi=

DE NATURA DEORVM

tantibus speciem nisi hominis occurrere: tamen ne ista
tam absurda defendes? nobis fortasse si occurrit ut di-
cis: Iouem, Iunonem, Minervam, Neptunum, Vulca-
num, Apollinem, reliquos deos ea facie nouimus, qua
pictores, fictoresq; uoluerunt; neque solum facie, sed
etiam ornatu, etate, atque uestitu: at non Aegyptij,
nec Syri, nec ferè cuncta barbaries: firmiores enim ui-
deas apud eos opiniones esse de bestijs quibusdā, quā
apud nos de sanctissimis templis, & simulacris deorū.
etenim fana multa expoliata, & simulacra deorū de
locis sanctissimis ablata uidemus à nostris: at uero ne-
fando quidem auditum est, crocodilum, aut ibim, aut
felem uiolatum ab Aegypto. quid igitur censes? Apim
illum sanctum Aegyptiorum bouem, non ne deum ui-
deri Aegyptijs? tam hercle, quā tibi illam nostram
Sospitam, quam tu nunquam ne in somnis quidem ui-
des, nisi cum pelle caprina, cum hasta, cum scutulo,
cum calceolis repandis. at non est talis Argiua, nec
Romana Iuno. ergo alia species Iunonis Argiuis, alia
Latinis. & quidē alia nobis Capitolini, alia Afris Am-
monis Iouis. non pudet igitur physicum, id est specu-
latorem, uenatoremq; naturæ, ab animis consuetudine
imbutis petere testimonium ueritatis? isto enim modo
dicere licebit Iouem semper barbaram, Apollinem sem-
per imberbem, cæcios oculos Minervæ, cæruleos esse Ne-
ptuni. & quidem Athenis laudamus Vulcanum eum,
quem fecit Alcámenes: in quo stante, atque uestito le-
uiter apparet claudicatio non deformis. claudū igitur
habebimus deum, quoniam de Vulcano sic accepimus.
Age et his uocabulis deos esse facimus, qbus à nobis no-

minatur. at primum quot hominū linguā, tot nomina
deorū. nō enim, ut tu Velleius quocunque ueneris, sic
idem in Italia Vulcanus, idem in Africa, idem in Hi-
spania. deinde nominū nō magnus numerus ne in Pō-
rificijs quidem nostris, deorū autē innumerabilis. an
sine nominibus sunt? istud quidem ita uobis dicere ne-
cesse est. quid enim attinet, cum una facies sit, plura
esse nomina? quā bellum erat Vellei, confiteri potius
nescire quod nescires, quā ista effutientem nauseare,
atque ipsum sibi displicere. an tu mei similem putas
esse, aut tuī deū? profecto nō putas. quid ergo? solem
dicam, aut lunā, aut coelum deū? ergo etiam beatum.
quibus fruētem uoluptatibus? & sapientem. qui po-
test esse in eiusmodi trūco sapientia? hęc uestra sunt.
si igitur nec humano uisu, quod docui; nec tali ali-
quo, quod tibi persuasum est: quid dubitas negare
deos esse? non audes. sapienter id quidem. et si hoc
loco non populum metuis, sed ipsos deos. noui ego Epi-
cureos omnia sigilla numerantes: quanquam uideo nō
nullis uideri, Epicurū, ne in offensionem Atheniensium
caderet, uerbis reliquisse deos, re sustulisse. itaque in il-
lis selectis eius, breuibusq; sententijs, quas appellatis
κρίσεις δόξας, hęc, ut opinor, prima sententia est:
Quod beatum & immortale est, id nec habet, nec ex-
hibet cuiquam negotium. In hac ita exposita senten-
tia, sunt qui existiment, quod ille inscirta planē loquen-
di fecerit, fecisse consulto. de homine minime uastro
male existimant. dubium est enim, utrū aliquid dicat
iste beatum & immortale, an, si quod sit beatū, id esse
immortale. non animaduertunt, hic eum ambigue lo-

DE NATURA DEORVM

cutum esse, sed multis alijs locis & illum, & Metro-
dorum tam aperte, quàm paulo ante te. ille uero deos
esse putat: nec quenquam uidi, qui magis ea, quæ ti-
menda esse negaret, timeret, mortem dico & deos. qui-
bus mediocres homines non ita ualde mouentur, his ille
clamat omnium mortalium mentes esse perterritas. tot
milia latrocinantur morte proposita. alij omnia, quæ
possunt, fana compilant. credo, aut illos mortis timor
terret, aut hos religionis. sed quoniã non audes (iam
enim cum ipso Epicuro loquar) negare esse deos, quid
est quod te impediat aut solem, aut lunam, aut mun-
dum, aut mentem aliquam sempiternam in deorũ na-
tura ponere? nunquam uidi, inquis, animam rationis
consiliq; participem in ulla alia, nisi humana figura.
quid? solis nunquidnam, aut lunæ, aut quinque erran-
tium siderum simile uidisti? sol duabus unius orbis ul-
timis partibus definiens motum, cursus annuos cõficit.
huius hanc illustrationem eiusdem incensa radijs men-
stroo spatio luna complet. quinque autem stellæ eun-
dem orbem tenentes, aliæ propius à terris, aliæ remo-
tius, ab ijsdem principijs, disparibus temporibus eadem
spatia conficiunt. nunquid tale Epicure uidisti? ne sit
igitur sol, ne luna, ne stellæ: quoniam nihil esse po-
test, nisi quod attigimus, aut uidimus. quid? deum
ipsum num ne uidisti? cur igitur credis esse? tollamus
ergo omnia, quæ aut historia nobis, aut noua ratio af-
fert. ita sit, ut mediterranei mare esse non credant.
quæ sunt tantæ animi angustię; ut, si Seriphi natus es-
ses, nec unquam egressus ex insula, in qua lepusculos,
uulpeculasq; sæpe uidisses, non crederes leones, & pan-

theras esse, cum tibi, quales essent, diceretur? si uero de
elephanto quis diceret, etiam irrideri te putares? Et tu
quidem Vellei non uestro more, sed dialecticorum, quæ
funditus gens uestra non nouit, argumenti sententiam
conclusisti: beatos esse deos sumpsisti. cōcedimus. bea-
tum autem sine uirtute neminem esse posse, id quoque
damus, & libenter quidem. uirtutē autem sine ratio-
ne constare non posse, conueniat id quoque necesse est
adiungis, nec rationem esse nisi in hominis figura. quē
tibi hoc daturū putas? si enim ita esset, quid opus erat
te gradatim istuc peruenire? quid autem est istuc gra-
datim? sumpsisses tuo iure. nā à beatis ad uirtutem, à
uirtute ad rationē uideo te uenisse gradibus: à ratio-
ne ad humanam figuram quo modo accedis? precipi-
tare istuc quidem est, nō descendere. nec uero intelligo,
cur maluerit Epicurus deos hominum similes dicere, q̄
homines deorū. queres, quid intersit. si enim hoc illi
simile sit, esse illud huic uideo. sed hoc dico, nō ab ho-
minibus formæ figuram peruenisse ad deos: dij enim
semper fuerunt, & nati nunquā sunt, si quidē eter-
ni sunt futuri. at homines nati: ante igitur humana
forma, quā homines, eā qua erant forma dij immor-
tales. nō ergo illorum humana forma, sed nostra di-
uina dicenda est. uerū hoc quidem, ut uoletis. illud quæ-
ro, quæ fuerit tanta fortuna: nihil enim in rerū natu-
ra ratione factum esse uultis. sed tamē quis iste tantus
casus, unde tam felix concursus atomorum, ut repente
homines deorum forma nascerentur? semina deorū de-
cidisse de coelo in terras putamus, et sic homines patrū
similes extitisse? uellem diceretis: deorum cognationē

DE NATURA DEORVM

agnoscerem non inuitus. nihil tale dicitis: sed casu esse factum, ut deorum similes essemus. Et nunc argumenta querenda sunt, quibus hoc refellatur? utinam tam facile uera inuenire possem, quam falsa conuincere. etenim enumerasti memoriter, et copiose, ut mihi quidem admirari liberet in homine esse Romano tantam scientiam, usque à Thalete Milesio de natura deorum philosophorum sententias. omnes ne tibi illi delirare uisi sunt, qui sine manibus et pedibus constare deum posse decreuerunt? nec hoc quidem uos mouet. considerantes quæ sit utilitas, quæque opportunitas in homine membrorum, ut iudicetis membris humanis deos non egere? quid enim pedibus opus est sine ingressu? quid manibus, si nihil comprehendatur? quid reliqua descriptione omnium corporis partium? in qua nihil inane, nihil sine causa, nihil superuacaneum est. itaque nulla ars imitari solertiam naturæ potest. habebit igitur linguam deus, et non loquetur; dentes, palatum, fauces nullum ad usum: quæque procreationis causa natura corpori affinxit, ea frustra habebit deus: nec externa magis, quam interiora. cor, pulmones, iecur, ceteraque, detracta utilitate, quid habent uenustatis? quandoquidem hæc esse in deo propter pulchritudinem uultis. istis ne fidentes somnijs non modo Epicurus, et Metrodorus, et Hermachus contra Pythagoram, Platonem, Empedoclemque dixerunt, sed meretricula etiam Leontium contra Theophrastum scribere ausa sit? scito quidem illa sermone, et Attico. sed cum tantum Epicuri hortus habuerit licentie, etiam soletis queri? Zeno quidem etiam litigabat. quid dicam Albutium? nam Phædro nihil ele-

gantius, nihil humanius. sed stomachabatur senex, si-
quid asperius dixeram : cum Epicurus cōtumeliosissi-
me Aristotelem uexarit, Phædoni Socratico turpissi-
me maledixerit, Metrodori sodalis sui fratrē Timocra-
tem, quia nescio quid in philosophia dissentiret, totis uo-
luminibus conciderit, in Democritum ipsum, quem secu-
tus est, fuerit ingratus, Nausiphanem magistrum suū,
à quo nihil didicerat, tam male acceperit. Zeno qui-
dem non eos solū, qui tum erant, Apollodorum, Syllū,
cæterosq; figebat maledictis, sed Socratem ipsum, paren-
tem philosophiæ, latino uerbo utens, scurrām Atticum
fuisse dicebat, Chrysippum nunquam nisi Chesippū uo-
cabat: tu ipse paulo ante, cum tanquam senatum phi-
losophorum citares, summos uiros desipere, delirare, de-
mentes esse dicebas. quorum si nemo uerū uidit de na-
tura deorum, uerendum est ne nulla sit omnino. nam
ista, quæ uos dicitis, sunt tota cōmentitia, uix digna
lucubratione anicularum. non .n. sentitis, q̄ multa
uobis suscipienda sint, si impetraueritis, ut concedamus
eandem esse hominum & deorum figuram. omnis cul-
tus, & curatio corporis erit eadem adhibenda deo,
quæ adhibetur homini; ingressus, cursus, accubatio,
inclinatio, sessio, comprehensio, ad extremum etiam ser-
mo, & oratio. Nam quod & mares deos, & foeminas
esse dicitis, quid sequatur uidetis. equidem mirari satis
non possum, unde ad istas opiniones uester ille princeps
uenerit. sed clamare non desinitis, retinendū hoc esse,
deus ut beatus immortalisq; sit. quid autem obstat, quo-
minus sit beatus, si non sit bipes? aut ista siue beatitas,
siue beatitudo dicenda est (utrūque omnino durū, sed

DE NATURA DEORVM

usu mollienda nobis uerba sunt) uerum ea, quaecunque est, cur aut in solem illum, aut in hunc mundum, aut in aliquam mentem aeternam, figura membrisq; corporis uacuam, cadere non potest? nihil aliud dicis, nisi, nūquam uidi solem, aut mūdum beatum. quid? mundū prāter hunc unquā ne uidisti? negabis. cur igitur nō sexcenta millia esse mundorum, sed innumerabilia ausus es dicere? ratio docuit. ergo hoc te ratio nō docebit, cū prāstantissima natura quærat, eāq; beata, et aeterna, quæ sola in diuina natura sunt, ut immortalitate uincamur ab ea natura, sic animi prāstantia uinci; atque ut animi, item corporis? cur igitur, cū ceteris rebus inferiores simus, forma pares sumus? ad similitudinem enim deo propius accedebat humana uirtus, q̄ figura. an quidquā tam puerile dici potest (ut eūdem locum diutius urgeam) quā si ea genera beluarum, quæ in rubro mari India ue gignantur, nulla esse dicamus? atqui ne curiosissimi quidem homines exquiredo audire tam multa possunt, quā sunt multa, quæ terra, mari, paludibus, fluminibus existunt. quæ negemus esse, quia nunquam uidimus. Ipsa uero quā nihil ad rem pertinet, quæ uos delectat maxime, similitudo? quid? canis non ne similis lupo? atque, ut Ennius,

Simia quā similis turpissima bestia nobis?

at mores in utroque dispares. elephanto beluarum nulla prudēior. at figura quæ uastior? de bestiis loquor. quid? inter ipsos homines nō ne et simillimis formis dispares mores, et moribus figura dissimilis? etenim si semel Vellei suscipimus genus hoc argumenti, attende quod serpat. tu enim sumebas, nisi in hominis figura ra

tionem inesse non posse. sumet alius, nisi in terrestri; nisi in eo, qui natus sit; nisi in eo, qui adoleuerit; nisi in eo, qui didicerit; nisi in eo, qui ex animo constet, & corpore caduco, & infirmo; postremo nisi in homine, atque mortali. quod si in omnibus his rebus obsistis, quid est, quod te una forma conturbet? his enim omnibus, quæ proposui, adiunctis, in homine rationem esse, et mentem uidebas. quibus detractis, deum tamen nosse te dicis, modo lineamenta maneant. hoc est non considerare, sed quasi sortiri quid loquere. nisi forte ne hoc quidem attendis, non modo in homine, sed etiam in arbore, quidquid superuacaneum sit, aut usum non habeat, obstare. quam molestum est uno digito plus habere? quid ita? quia nec speciem, nec usum alium quinque desiderant. tuus autem deus non digito uno reducat, sed capite, collo, cervicibus, lateribus, aluo, tergo, poplitibus, manibus, pedibus, fœminibus, cruribus. si ut immortalis sit, quid hæc ad uitam membra pertinent? quid ipsa facies? magis illa, cerebrum, cor, pulmones, iecur: hæc enim sunt domicilia uitæ. oris quidem habitus ad uitæ firmitatem nihil pertinet. at eos uituperabas, qui ex operibus magnificis, atque præclaris, cum ipsum mundum, cum eius membra, cœlum, terras, maria, cumque horum insignia solem, lunam, stellasque uidissent, cumque temporum mutationes, maturitates, uicissitudinesque cognouissent, suspicari essent aliquam excellentem esse, præstatemque naturam, quæ hæc fecisset, moueret, regeret, gubernaret. qui, etiam si aberrant à coniectura, uideo tamen quid sequantur. tu quod opus tandem magnum, & egregium habes, quod effectum diuina

DE NATURA DEORVM

mente uideatur, ex quo esse deos suspicere? habeo, in-
 quis, in animo insitam informationem quandam dei.
 & barbati quidē Iouis, galeatæ Minervæ. nū igitur ta-
 les putas? quanto melius hæc uulgus imperitorum: qui
 non membra solum hominis deo tribuunt, sed usum
 etiam membrorum: dant enim arcum, sagittas, hastā,
 clypeum, fuscina, fulmen: & si, actiones quæ sint
 deorum, non uident, nihil agentem tamen deum nō
 queunt cogitare. ipsi, qui irridentur, Aegyptij nullā
 beluam, nisi ob aliquam utilitatem, quam ex ea cape-
 rent, consecrauerunt. Ibes maximam uim serpentium
 conficiunt, cum sint aues excelsæ, cruribus rigidis, cor-
 neo proceroq; rostro: auertunt pestem ab Aegypto, cū
 uolucres angues ex uastitate Libyæ uento Africo inue-
 ctas interficiunt, atque consumunt. ex quo fit, ut illæ
 nec morsu uiuæ noceant, nec odore mortuæ. possum de
 Ichneumonum utilitate, de Crocodilorum, de Felium
 dicere: sed nolo esse longus. ita concludam tamen, be-
 luas à barbaris propter beneficium consecratas, uestro-
 rum deorum non modo beneficium nullum extare, sed
 ne factum quidem omnino. Nihil habet, inquit, nego-
 tij. profecto Epicurus, quasi pueri delicati, nihil cessa-
 tione melius existimat. at ipsi tamen pueri, etiam cum
 cessant, exercitatione aliqua ludicra delectantur: deum
 sic feriatur uolumus cessatione torpere, ut, si se com-
 mouerit, uereamur, ne beatus esse non possit. hæc ora-
 tio non modo deos spoliatur motu, et actione diuina, sed
 etiam homines inertes efficit, si quidem agēs aliquid ne
 deus quidem esse beatus potest. uerum sit sanè, ut uul-
 tis, deus effigies hominis, & imago: quod eius est do-

miciliū? quæ sedes? qui locus? quæ deinde actio uitæ?
quibus rebus, id quod uultis, beatus est? utatur enim suis
bonis oportet, & fruatur, qui beatus futurus est. nam
locus quidem ijs etiam naturis, quæ sine animis sunt,
suus est: cuique proprius, ut terra infimum teneat, hæc
inundet aqua, superior aer, ignibus altissima ora red
datur. bestiarum autem terrenæ sunt aliæ, partim
aquatiles, aliæ quasi ancipites, in utraque sede uiuen-
tes: sunt quedam etiam, quæ igne nasci putentur, appa-
reantq; in ardentibus fornacibus sæpe uolitantes. quæ-
ro igitur, uester deus primū ubi habitet: deinde quæ
causa eum loco moueat; si modo mouetur aliquando:
postremo, cum hoc proprium sit animantium, ut ali-
quid appetant, quod sit naturæ accommodatum; deus
quid appetat; ad quam denique rem motu mentis, ac
rationis utatur: postremo, quo modo beatus sit, quo mo-
do æternus. quidquid enim horum attigeris, ulcus est.
ita male instituta ratio exitum reperire non potest. sic
enim dicebas, speciem dei percipi cogitatione, non sen-
su, nec esse in ea ullam soliditatem, neque eandē ad
numerū permanere, eamq; esse eius uisionem, ut simili-
tudine & transitione cernatur, neque deficiat unquā
ex infinitis corporibus similium accessio; ex eoq; fieri,
ut in hæc intentā mens nostra beatā illam naturam, et
sempiternam putet. hoc, per ipsos deos, de quibus lo-
quimur, quale tandem est? nam si tantum modo ad
cogitationem ualent, nec ullam habent soliditatem, nec
eminentiam: quid interest, utrum de Hippocentauro,
an de deo cogitemus? omnem enim talem confirmatio-
nem animi ceteri philosophi motum inanem uocāt: uos

DE NATURA DEORVM

autem aduentum in animos, & introitum imaginum dicitis . ut igitur Ti. Gracchum cum uideor cōcionan-
tem in Capitolio uidere, de M. Oētauiō deferentē sitel-
lam, tum eum motum animi dico esse inanem; tu au-
tem & Gracchī & Oētauij imagines remanere, quæ,
in Capitolium cum peruenerint, tum ad animum meū
referantur: hoc idem fieri in deo, cuius crebra facie pel-
latur animi, ex quo esse beati atque æterni intelligan-
tur . fac imagines esse, quibus pulsantur animi: species
duntaxat obijcitur quædam. num etiam cur beata sit,
cur æterna? quæ autē istæ imagines uestræ, aut unde?
à Democrito omnino hæc licentia . sed & ille reprehē-
sus à multis est, nec uos exitum reperitis, totaq; res ua-
cillat, & claudicat . nam quid est, quod minus probari
possit, quàm omnium in me incidere imagines? Home-
ri, Archilochi, Romuli, Numæ, Pythagoræ, Platonis,
nec ex formæ, quæ illi fuerunt? quō modo illi ergo? et
quorum imagines? Orpheum poetam docet Aristoteles
nunquam fuisse, et hoc Orphicum carmen Pythagori-
cū ferunt cuiusdam fuisse Cercopis . at Orpheus, id est
imago eius, ut uos uultis, in animum meum sæpe incur-
rit . quid, quod eiusdem hominis in meum aliæ, aliæ in
tuum? quid, quod earum rerum, quæ nunquam omni-
no fuerunt, neque esse potuerunt, ut Scyllæ, ut Chime-
ræ? quid, quod hominum, locorum, urbium earum,
quas nunquā uidimus? quid, quod, simul ac mihi col-
libitum est, præsto est imago? quid, quod etiam ad dor-
mientē ueniunt inuocata? tota res Vellei nugatoria est:
uos autem non modo oculis imagines, sed etiā animis
inculcatis: tanta est impunitas garriendi. at quā li-
center?

center? fluentium frequenter transitio fit uisionum, ut
 è multis una uideatur. puderet me dicere non intelli-
 gere, si uos ipsi intelligeretis, qui ista defenditis. quo mo-
 do enim probas, cōtinenter imagines ferri? aut, si con-
 tinenter, quo modo æternæ? innumerabilitas, inquis,
 suppeditat atomorum. num eadem ergo ista facient,
 ut sint omnia sempiterna? cōfugis ad æquilibritatem:
 sic enim ἰσονομία, si placet, appellemus: & ais, quo-
 niam sit natura mortalis, immortalem etiam esse opor-
 tere. isto modo, quoniā homines mortales sunt, sint ali-
 qui immortales: et quoniā nascuntur in terra, nascan-
 tur & in aqua: et quia sunt quæ interimāt, sint quæ
 conseruent. sint sanè: sed ea cōseruent, quæ sunt. deos
 istos esse non sentio. omnis tamen ista rerum effigies ex
 indiuiduis quo modo corporibus oritur? quæ etiam si
 essent, quæ nulla sunt; pellere se ipsa et agitari inter se
 concursu fortasse possent; formare, figurare, colorare,
 animare non possent. nullo igitur modo immortalem
 deum efficitis. Videamus nunc de beato. sine uirtu-
 te certe nullo modo. uirtus autem actiuosa, & deus ue-
 ster nihil agens: expers uirtutis igitur: ita ne beatus
 quidem. quæ ergo uita? suppeditatio, inquis, bonorum,
 nullo malorum interuentu. quorum tandem bonorū?
 uoluptatum. credo: nempe ad corpus pertinentium:
 nullam enim nouistis nisi profectam à corpore, & re-
 deuntem ad corpus animi uoluptatem. non arbitror
 te Vellei similem esse Epicureorum reliquorum: quos
 pudeat earum Epicuri uocum, quibus ille testatur, se
 ne intelligere quidem ullum bonum, quod sit seiun-
 ctum à delicatis, & obscænis uoluptatibus: quas qui-

D

DE NATURA DEORVM

dem nō erubescens persequitur omnes nominatim. quē cibū igitur, aut quas potiones, aut quas uocum & florum uarietates, aut quos tactus, quos odores adhibebis ad deos, ut eos perfundas uoluptatibus? at poeta quidē nēctar, ambrosiam epulas comparant, & aut iuentatem, aut Ganymedem pocula ministrātem. tu autē Epicure quid facies? neque enim, unde habeat ista deus tuus, uideo, nec quo modo utatur. locupletior igitur hominum natura ad beate uiuendū est, quā deorum, quā pluribus generibus fruitur uoluptatum. At has leniores ducis uoluptates, quibus quasi titillatio (Epicuri enim hoc uerbū) sensibus adhibetur. Quousque ludis? nā Philo noster ferre non poterat aspernari Epicureos molles et delicatas uoluptates: summa enim memoria pronūciabat plurimas Epicuri sententias ijs ipsis uerbis, quibus erant scriptæ: Metrodori uero, qui est Epicuri collega sapientiæ, multa impudentiora recitabat: accusat enim Timocratem fratrem suum Metrodorus, quod dubitet omnia, quæ ad beatam uitam pertineant, uentre metiri: neque id semel dicit, sed sæpius. annuere te uideo: nota enim tibi sunt. proferrem libros, si negares. neque nunc reprehendo, quod ad uoluptatem omnia referantur: alia est ea quæstio: sed doceo, deos uestros esse uoluptatis expertes: ita uestro iudicio ne beatos quidē. at dolore uacant. satin est id ad illam abundārem bonis, uitam beatissimam? cogitant, inquis, assidue beatos esse se: habent enim nihil aliud, quod agitent in mente. comprehende igitur animo, et propone ante oculos, deum nihil aliud in omni æternitate, nisi, mihi pulchre est, & ego beatus sum, cogitantē. nec tamē uideo,

quo modo uideatur iste deus beatus, cū sine ulla intermissione pulsetur, agiteturq; incursione atomorum sempiterna, cumq; ex ipso imagines semper affluāt. ita nec beatus est uester deus, nec aternus. At etiam de sanctitate, de pietate aduersus deos, libros scripsit Epicurus. at quo modo in his loquitur? ut Coruncanū, aut Scaeuolam Pontifices maximos te audire dicas; non eum, qui sustulerit omnem funditus religionem; nec manibus, ut Xerxes, sed rationibus, deorū immortalium templa et aras euerterit. quid est enim, cur deos ab hominibus colendos dicas, cum dii non modo homines non colāt, sed omnino nihil curent, nihil agant? at est eorum eximia quaedam praestansq; natura, ut ea debeat ipsa per se ad se colendam elicere sapientem. an quidquam eximium potest esse in ea natura, quæ sua uoluptate letans, nihil nec actura sit unquā, neque agat, neque egerit? quæ porro pietas ei debetur, à quo nihil acceperis? aut quid omnino, cuius nullum meritum sit, ei deberi potest? est enim pietas, iustitia aduersum deos: cum quibus quid potest nobis esse iuris, cum homini nulla cum deo sit cōmunitas? sanctitas autem, est scientia colendorū deorum: quī quamobrem colendi sunt, non intelligo, nullo nec accepto ab ijs, nec sperato bono. quid est autem, quod eos ueneremur propter admirationem eius naturæ, in qua egregium nihil uidemus? Nam superstitione, quod gloriari soletis, facile est liberari, cum sustuleris omnem uim deorum. nisi forte Diagoram, aut Theodorum, qui omnino deos esse negabant, censes supersticiosos esse potuisse. ego ne Protagoram quidem: cui neutrum liquerit, nec esse deos, nec non esse. horum

D ij

DE NATURA DEORVM

enim sententia omnium non modo superstitionem tollunt, in qua inest timor inanis deorum; sed etiam religionem, quæ deorum cultu pio continetur. quid? ij, qui dixerunt totam de dijs immortalibus opinionem factam esse ab hominibus sapientibus Reip. causa, ut, quos ratio non posset, eos ad officium religio duceret; nõ ne omnem religionem funditus sustulerunt? quid Prodicus Chius? qui ea, quæ prodesse hominum uitæ, deorum in numero habita esse dixit, quam tandem religionem reliquit? quid, qui aut fortes, aut claros, aut potentes uiros tradunt post mortem ad deos peruenisse, eosq; esse ipsos, quos nos colere, precari, uenerariq; soleamus? non ne expertes sunt religionum omnium? quæ ratio maxime tractata ab Euhemero est: quæ noster & interpretatus, & secutus est præter ceteros Ennius. ab Euhemero autem & mortes, & sepulturæ demonstrantur deorum. utrum igitur hic confirmasse religionem uidetur, an penitus totam sustulisse? omitto Eleusinam sanctam illam & augustam,

» Vbi initiantur gentes orarum ultimæ:

præterea Samothraciam, eaq; , quæ Lemni nocturno aditu occulta coluntur siluestribus sepibus densa. quibus explicatis, ad rationemq; reuocatis, rerum magis natura cognoscitur, quàm deorum. mihi quidem etiam Democritus, uir magnus in primis, cuius fontibus Epicurus hortulos suos irrigauit, nutare uidetur in natura deorum. tum enim censet imagines diuinitate præditas inesse uniuersitati rerum: tum principia, mentesq; , quæ sunt in eodem uniuerso, deos esse dicit, tum animantes imagines, quæ uel prodesse nobis solent, uel

nocere ; tum ingentes quasdam imagines, tantasq; , ut
uniuersum mundum complectantur extrinsecus . quæ
quidem omnia sunt patria Democriti, quàm Democri-
to digniora . quis enim istas imagines comprehendere
animo potest ? quis admirari ? quis aut cultu, aut re-
ligione dignas iudicare ? Epicurus uero ex animis homi-
num extraxit radicibus religionem, cum dijs immorta-
libus & opem , & gratiam sustulit : cum enim opti-
mam & præstantissimam naturam dei dicat esse, ne-
gat idem esse in deo gratiam : tollit id, quod maxime
proprium est optimæ præstantissimæq; naturæ : quid
enim est melius, aut quid præstantius bonitate, & be-
neficientia ? qua cum carere deum uultis, neminem deo
nec deum, nec hominem charum, neminem ab eo ama-
ri, neminem diligere uultis . ita fit, ut non modo homi-
nes à dijs, sed ipsi dij inter se ab alijs alij negligantur .
quanto Stoici melius, qui à uobis reprehenduntur . cen-
sent autem sapientes sapientibus etiam ignotis esse ami-
cos : nihil est enim uirtute amabilius . quam qui ade-
ptus erit, ubicunque erit gentium, à nobis diligetur .
uos autem quid mali datis, cum imbecillitatem gra-
tificationem, & beneuolentiam ponitis ? ut enim omit-
tam uim & naturam deorū, ne homines quidem cen-
setis, nisi imbecilli essent, futuros beneficos, & beni-
gnos fuisse . nulla est charitas naturalis inter bonos ?
charum ipsum uerbum est amoris : ex quo amicitie no-
men est ductum : quam si ad fructum nostrum refe-
remus, non ad illius commoda, quem diligimus ; non
erit ista amicitia, sed mercatura quædam utilitatū sua-
rum . prata, & arua, & pecudū greges diliguntur isto

D iij

DE NATURA DEORVM

modo, quod fructus ex eis capiuntur. hominum charitas, & amicitia gratuita est. quanto igitur magis deorum? qui nulla re egentes & inter se diligunt, & hominibus consulunt. quod ni ita sit, quid ueneramur, quid precamur deos? cur sacris Pontifices, cur auspicijs Augures praesunt? quid optamus à dijs immortalibus? quid uouemus? at etiā Epicuri liber est de sanctitate. ludimur ab homine non tam faceto, quā ad scribendi licentiam libero. quae enim potest esse sanctitas, si dij humana non curant? quae autem animas natura, nihil curans? uerius est igitur illud nimirū, quod familiaris omnium nostrū Posidonius disseruit in libro quinto de natura deorum, nullos esse deos Epicuro uideri; quaeq; is de dijs immortalibus dixerit, inuidiae detestanda gratia dixisse: neque enim tā desipiens fuisset, ut homūculis similem deum fingeret, lineamentis dūtaxat extremis, non habitu solido; membris hominis praeditū omnibus, usu membrorū ne minimo quidem; exilem quendā, atque perlucidū, nihil cuiquā tribuentem, nihil gratificantem, omnino nihil curantem, nihil agentem. quae natura primū nulla esse potest: idq; uidens Epicurus, re tollit, oratione relinquit deos. deinde si maxime talis est deus, ut nulla gratia, nulla hominū charitate teneatur; ualeat; quid enim dicam, propitius sit? esse enim propitius potest nemini, quoniam, ut dicitis, omnis in imbecillitate est & gratia, & charitas.

M. TVLLII CICERONIS
DE NATVRA DEORVM
LIBER II.

Væ cum Cotta dixisset, tū Velle-
ius, Næ ego, inquit, incautus, qui cū
Academico, & eodem rhetore cō-
gredi conatus sum. nā neque indi-
sertum Academicū pertimuissem,
nec sine ista philosophia rhetorem

quamuis eloquentem: neque enim flumine conturbor
inanium uerborum, nec subtilitate sententiarum, si or-
rationis est siccitas. tu autem Cotta utraque re ualui-
sti: corona tibi, & indices defuerūt. sed ad ista aliids.
nunc Lucilium, si ipsi commodum est, audiamus.

Tum Balbus, Eundem equidem, inquit, malletm audire
Cottā, dū, qua eloquentia falsos deos sustulit, eadem ue-
ros inducat: est enim & philosophi, & Pōtificis, &
Cottæ, de dijs immortalibus habere nō errātem, & ua-
gā, ut Academici, sed, ut nostri, stabilem, certamq; sen-
tentiā. nā contra Epicurū satis superq; dictū est. sed
aueo audire, tu ipse Cotta quid sentias. An, inquit,
oblitus es, quod initio dixerim, facilius me, talibus præ-
sertim de rebus, quid nō sentirem, q̄ quid sentirem, posse
dicere: quidd si haberem aliquid, quod liqueret; tamē te
audire uicissim uellem, cū ipse tā multa dixissem. Tū
Balbus, Gerā tibi morem, et agā quā breuissime potero:
etenim cōiectis Epicuri erroribus, lōga de mea disputa-
tione detracta oratio est. Omnino diuidūt nostri totā

D iiij

DE NATURA DEORVM

istam de dijs immortalibus quaestionem in partes quatuor. primum docent esse deos : deinde quales sint : tū mūdum ab his administrari : postremo cōsulere eos rebus humanis . nos autem hoc sermone, quæ priora duo sunt, sumamus : tertium, et quartū, quia maiora sunt, puto in aliud esse tempus differenda. Minime uero, inquit Cotta : nam & otiosi sumus, & ijs de rebus agimus, quæ sunt etiam negotijs anteponendæ. Tū Lucilius, Ne egere quidem uidetur, inquit, oratione prima pars : quid enim potest esse tam apertum, tamq; perspicuum, cum cœlum suspeximus, cœlestiaq; contemplati sumus, quàm esse aliquod nomen præstantissimæ mentis, quo hæc regantur? quod ni ita esset, qui potuisset assensu omnium dicere Ennius,

” Aspice hoc sublime cādens, quem inuocāt omnes Iouē. illum uero & Iouem, & dominatorem rerū, et omnia nutu regentem, et, ut idem Ennius,

” =patrem diuumq; hominumq;,
& præsentem, ac præpotentem deum. quod qui dubitat, haud sanè intelligo, cur non idem, sol sit, an nullus sit, dubitare possit. quid enim est hoc illo euidentius? quod nisi cognitum comprehensumq; animis haberemus, non tam stabilis opinio permaneret, nec confirmaretur diuturnitate temporis, nec unā cū seculis, ætatibusq; hominum inueterare potuisset. etenim uidemus ceteras opiniones fictas, atque uanas diuturnitate extabuisse. quis enim Hippocentaurum fuisse, aut Chimæram putat? quæ uel anus tam excors inueniri potest, quæ illa, quæ quondam credebantur, apud inferos portenta extimescat? opinionum enim cōmenta delet dies, na

tura iudicia confirmat. itaque & in nostro populo, et
 in ceteris deorum cultus religionumq; sanctitates exi-
 stunt in dies maiores, atque meliores. idq; euenit non te-
 mere, nec casu, sed quod & presentiam saepe diui sua
 declarant: ut & apud Regillum bello Latinorum, cū
 A. Postumius Dictator cū Octauio Mamillio Tuscu-
 lano praelio dimicaret, in nostra acie Castor, & Pol-
 lux ex equis pugnare uisi sunt: & recentiore memo-
 ria idem Tyndaridæ Persen uictum nunciauerunt:
 P. enim Vatienns, auus huius adolescentis, cū ē prae-
 fetura Reatina Romā uenienti noctu duo iuuenes cum
 equis albis dixissent, Regem Persen illo die captū, sena-
 tui nūciauit, et primo, quasi temere de Rep. locutus es-
 set, in carcerem coniectus est, post à Paulo literis alla-
 tis, cū idem dies constitisset, & agro à senatu, & uaca-
 tione donatus est. atque etiā cū ad fluiuium Sagrā Cro-
 toniatis Locri maximo praelio deuicissent, eo ipso die au-
 ditā esse eam pugna ludis Olympiæ, memoriae proditū
 est. saepe Faunorum uoces exaudita, saepe uisæ formæ
 deorū, quemuis aut non hebetem, aut impium deos prae-
 sentes esse confiteri coegerūt. prædictiones uero, & prae-
sensiones rerū futurarum quid aliud declarant, nisi ho-
minibus ea, quæ sint, ostendi, monstrari, portendi, prædi-
cī? ex quo illa ostenta, monstra, portenta, prodigia di-
cuntur. quod si ea ficta credimus licentia fabularum,
 Mopsū, Tiresiam, Amphiarāum, Calchantem, Hele-
 num, quos tamen augures ne ipsæ quidem fabulæ ascie-
 uissent, si res omnino repudiarent: ne domesticis quidē
 exemplis docti, numen deorū cōprobabimus? nihil nos
 P. Claudij bello Punico primo temeritas mouebit? qui

DE NATURA DEORVM

etiam per iocum deos irridens, cum cauea liberati pulli non pascerentur, mergi eos in aquam iussit, ut biberet, quoniam esse nollēt. qui risus classe deuicta multas ipsi lacrymas, magnam populo R. cladem attulit. quid? collega eius Iunius eodem bello non ne tempestate classem amisit, cū auspicijs non paruisset? itaque P. Claudius à populo condemnatus est, Iunius necem sibi ipse consciauit. C. Flaminium Celius religione neglecta cecidisse apud Thrasimenū scribit, cū magno Reip. uulnere. quorū exitio intelligi potest, eorū imperijs Remp. amplificatam, qui religionibus paruissent. Et si conferre uolumus nostra cū externis, ceteris rebus aut pares, aut etiam inferiores reperiemur, religione, id est cultu deorum, multo superiores. an Aetij Nauij lituus ille, quo ad inuestigandum suam regiones uineae terminauit, contemnendus est? crederem, nisi eius augurio Rex Hostilius maxima bella gessisset. sed negligentia nobilitatis augurij disciplina omissa, ueritas auspiciorū sprete est, species tantū retenta. itaque maximae Reip. partes, in his bella, quibus Reip. salus continetur, nullis auspicijs administrantur, nulla perennia seruantur, nulla ex acuminibus, nulli uiri uocantur: ex quo in procinctu testamenta perierunt. tum enim bella gerere nostri duces incipiunt, cum auspicia posuerunt. at uero apud maiores tanta religionis uis fuit, ut quidam imperatores etiam se ipsos dijs immortalibus capite uelato uerbis certis pro Rep. deuouerent. multa ex Sibyllinis uaticinationibus, multa ex aruspicum responsis commemorare possum, quibus ea confirmantur, quae dubia nemini debent esse. atqui Et no-

strorum Augurum, & Hetruscorum, & aruspicum disciplinam P. Scipione, C. Figulo Consulibus res ipsa probauit. quos cum Ti. Gracchus Consul iterum crearet, primus rogatorum, ut eos retulit, ibidem est repente mortuus. Gracchus cum comitia nihilo minus peregisset, remq; illam in religionem populo uenisse sentiret, ad senatū retulit. senatus, quos ad soleret, referendū censuit. aruspices introducti, responderunt, non fuisse iustum comitiorum rogatorem. tum Gracchus, ut è patre audiebā, incensus ira, ita ne uero? ego non iustus, qui & Cōsul rogauī, & Augur, & auspicato? an uos Thusci ac barbari auspiciorū populi R. ius tenetis, & interpretes esse comitiorum potestis? itaque tum illos exire iussit. post autem è provincia literas ad collegium misit, se, cum legeret libros, recordatū esse uitio sibi tabernaculum captū fuisse in hortos Scipionis, quod, cū pomœrium postea intrasset habendi senatus causa, in redeundo, cū idem pomœriū trāsiret, auspicari esset oblitus: itaque uitio creatos esse Consules. Augures rem ad senatū: senatus, ut abdicarent: Consules abdicauerunt. quæ quærimus exempla maiora? uir sapientissimus, atque haud scio an omnium præstantissimus, peccatū suū, quod calari posset, confiteri maluit, quàm herere in Rep. religionem: Consules summum imperium statim deponere, quàm id tenere punctum temporis contra religionem. magna Augurum auctoritas. quid aruspiciū ars, non ne diuina? hæc innumerabilia ex eodem genere qui uideat, non ne cogatur confiteri deos esse? quorum enim interpretes sunt, eos ipsos esse certe necesse est. deorum autem interpretes

DE NATURA DEORVM

sunt: deos igitur esse fateamur, ac fortasse non omnia
 eueniunt, quæ prædicta sunt. ne ægri quidem quia
 non omnes conualeſcunt, iccirco ars nulla medicina est.
 signa ostenduntur à dijs rerum futurarum. in his si
 qui errauerunt, non deorum natura, sed hominum cō
 iectura peccauit. itaque inter omnes omnium gentium
 sententia constat: omnibus enim innatum est, & in
 animo quasi insculptum, esse deos. quales sint, uarium
 est: esse nemo negat. Cleāthes quidem noster quatuor
 de causis dixit in animis hominum informatas deorū
 esse notiones. primam posuit eam, de qua modo dixi;
 quæ orta esset ex præſensione rerum futurarum: alte-
 ram, quam ceperimus ex magnitudine commodorum,
 quæ percipiuntur coeli temperatione, fecunditate ter-
 rarum, aliarumq; commoditatum complurium copia:
 tertiam, quæ terreret animos fulminibus, tempestati-
 bus, nimbis, niuibus, grandinibus, uastitate, pestilentia,
 terræ motibus, & sæpe fremitibus; lapideisq; imbris,
 & guttis imbrium quasi cruentis, tum lapidibus, aut
 repentinis terrarum hiatibus, tum præter naturam
 hominum, pecudumq; portentis, tum facibus uisis
 coelestibus, tum stellis ijs, quas Græci Cometas, nostri
 Crinitas uocant: quæ nuper bello Octauiano magna-
 rum fuerunt calamitatum prænunciæ: tum sole ge-
 minato, quod, ut ē patre audiuī, Tuditano, & AQUI-
 lio Consulibus euenerat: quo quidem anno P. Africa-
 nus sol alter extinctus est. quibus exterriti homines uim
 quandam esse coelestem, & diuinam suspicati sunt.
 quartam causam esse, eamq; uel maximam, æquabili-
 tatem motus, conuersionem coeli, solis, lunæ, siderumq;

omnia
quia
na est.
his si
rum co
entium
in
uarum
quarum
deum
do dicit;
um: alie
uorum,
teate ter
e copia:
pe/lati:
ilentia,
horibus,
as, aut
curam
is uisus
nostri
agnat
ile per
Aquis
fricta
uim
nt.
bili:
m.

omnium distinctionem, uarietatem, pulchritudinem,
ordinem: quarum rerum aspectus ipse satis indicaret,
non esse fortuita. ut si quis in domum aliquam, aut in
gymnasium, aut in forum uenerit: cum uideat omni-
um rerum rationem, modum, disciplinam, non possit
ea sine causa fieri iudicare, sed esse aliquem intelligat,
qui praesit, & cui pareatur: multo magis in tantis mo-
tibus, tantisq; uicissitudinibus, tam multarum rerum,
atque tantarum ordinibus, in quibus nihil unquam
immensa, & infinita uetustas mentita sit, statuat ne-
cesse est, ab aliqua mente tantos naturae motus guber-
nari. Chrysippus quidem, quanquam est acerrimo in-
genio, tamen ea dicit, ut ab ipsa natura didicisse, non
ut ipse reperisse uideatur. si enim, inquit, est aliquid in
rerum natura, quod hominis mens, quod ratio, quod
uis, quod potestas humana efficere non possit: est cer-
te id, quod illud efficit, homine melius. atqui res coele-
stes, omnesq; ea, quarum est ordo sempiternus, ab ho-
mine confici non possunt: est igitur id, quo illa conficiun-
tur, homine melius. id autem quid potius dixerim, quam
deum? etenim si dii non sunt, quid esse potest in rerum
natura homine melius? in eo enim solo ratio est, qua
nihil potest esse praestantius. esse autem hominem, qui
nihil in omni mundo melius esse, quam se putet, desipien-
tis arrogantiæ est. ergo est aliquid melius. est igitur pro-
fecto deus. an uero, si domum magnam, pulchramq;
uideris, non possis adduci, ut, etiam si dominum non ui-
deas, muribus illam, & mustellis ædificatam putes: tantum
uero ornatum mundi, tantam uarietatem, pulchritudi-
nemq; rerum coelestium, tantam uim, & magnitudinem

DE NATURA DEORVM

maris, atque terrarum, si tuum, ac non deorum immortalium domicilium putes, nō ne planē desipere uideare? an ne hoc quidem intelligimus, omnia supera esse meliora? terrā autem esse infimā, quam crassissimus circumfundat aer, ut ob eam ipsam causam, quod etiam quibusdam regionibus, atque urbibus contingere uidemus, hebetiora ut sint hominū ingenia propter cœli pleniorē naturam, hoc idem generi humano euenerit, quod in terra, hoc est in crassissima regione mundi, collocati sint. & tamen ex ipsa hominū solertia esse aliquā mentem, & eā quidem acriorem, & diuinā, existimare debemus. unde enim hanc homo arripuit? ut ait apud Xenophontē Socrates. quin & humorē, & calorem, qui est fusus in corpore, & terrenam ipsam uiscerum soliditatem, animum denique illū spirabilem si quis quærat unde habemus; apparet, quod aliud à terra sumpsimus, aliud ab humore, aliud ab igne, aliud ab aere eo, quem spiritu ducimus. illud autem, quod uincit hæc omnia, rationem dico, et, si placet pluribus uerbis, mentem, consilium, cogitationem, prudentiam ubi inuenimus? unde sustulimus? an cætera mundus habebit omnia, hoc unū, quod plurimū est, non habebit? atqui certe nihil omnium rerū melius est mundo, nihil præstabilius, nihil pulchrius: nec solum nihil est, sed ne cogitari quidem quicquam melius potest. & si ratione & sapientia nihil est melius, necesse est hæc inesse in eo, quod optimum esse concedimus. quid uero tanta rerū consentiens, conspirans, continuata cognatio? quem non coget ea, quæ à me dicuntur, cōprobare? posset ne uno tempore florere, de-

inde uicissim horrere terra? aut, tot rebus ipsis se im-
mutantibus, solis accessus, discessusq; solstitijs, brumisq;
cognosci? aut æstus maritimi, fretorumq; angustia or-
tu, aut obitu lunæ cōmoueri? aut una totius cœli con-
uersione cursus astrorum dispares conseruari? hæc ita
fieri omnibus inter se concinentibus mundi partibus
profecto non possent, nisi ea uno diuino, & cōtinuato
spiritu continerentur. atque hæc cū uberius disputan-
tur, & fusius, ut mihi est in animo facere, facilius effu-
giunt Academicorū calumniam: cū autem, ut Zeno
solebat, breuius, angustiusq; concluduntur, tū apertiora
sunt ad reprehendendum. nam ut profluens amnis
aut uix, aut nullo modo, conclusa autem aqua facile
corrumpitur: sic orationis flumine reprehensoris uitia
diluuntur, angustia autem conclusæ orationis non fa-
cile se ipsa tutatur. hæc enim, quæ dilatantur à nobis,
Zeno sic premebat. quod ratione utitur, id melius est,
quàm id, quod ratione non utitur. nihil autem mun-
do melius: ratione igitur mundus utitur. similiter
effici potest, sapientem esse mundum; similiter, beatū;
similiter, æternū. omnia enim hæc meliora sunt, quàm
ea, quæ sunt his carentia: nec mundo quicquam me-
lius: ex quo efficitur esse mūdum deū. idemq; hoc mo-
do. nullius sensu carentis pars aliqua potest esse sen-
ziens. mundi autem partes sentientes sunt: non igitur
caret sensu mundus. pergit idem, & urget angustius.
nihil, inquit, quod animi, quodq; rationis est expers,
id generare ex se potest animantem, compotemq; ratio-
nis. mundus autem generat animantes, compotesq; ra-
tionis: animās est igitur mūdus, cōposq; rationis. idemq;

DE NATURA DEORVM

similitudine, ut saepe solet, rationem conclusit hoc modo . si ex oliua modulate canentes tibia nascerentur ; non dubitares , quin inesset in oliua tibicinis quaedam scientia . quid , si platani fidiculas ferrent numero se sonantes ? idem scilicet censeretur , in platanis inesse musica . cur igitur mundus non animans , sapiensq ; iudicetur , cum ex se procreet animantes , atque sapientes ? sed quonia coepi secus agere , atque initio dixeram ; negara enim hanc prima partem egere oratione , quod esset omnibus perspicuum , deos esse : tamen id ipsum rationibus physicis confirmari uolo . sic enim res se habet , ut omnia , quae alantur , & crescant , contineant in se uim caloris : sine qua neque ali possent , neque crescere . nam omne , quod est calidum , & igneum , ciatur , & agitur motu suo : quod autem alitur , & crescit , motu quodam utitur certo , & aequabili : qui quandiu remanet in nobis , tandiu sensus , & uita remanet : refrigerato autem , & extincto calore , occidimus ipsi , & extinguimur . quod quidem Cleanthes his etiam argumentis docet , quanta uis insit caloris in omni corpore : negat enim ullum esse cibum tam grauem , quin is die , & nocte concoquatur : cuius etiam in reliquijs inest calor , ijs , quos natura respuerit . iam uero uenae , et arteriae micare non desinunt quasi quodam igneo motu : animaduersumq ; saepe est , cum cor animantis alicuius euulsum , ita mobiliter palpitaret , ut imitaretur igneam celeritatem . omne igitur , quod uiuit , siue animal , siue terra editum , id uiuit propter inclusum in eo calorem . ex quo intelligi debet , eam caloris naturam uim in se habere uitalem per omnem mundum pertinentem . atque id facilius cerne-

mus

mus toto genere hoc igneo, quod tranat omnia, subtilius explicato. omnes igitur partes mundi tangam, quæ maximo calore fulcæ sustentur. quod primum in terrena natura perspicui potest. nam & lapidum conflictu, atque tritu elici ignem uidemus: & recensiti fossione

22 = terram fumare calentem, atque etiam ex puteis iugibus aquam calidam trahi, et id maxime hibernis fieri temporibus, quod magna uis terræ cauernis cõtineatur caloris, eaq; hieme sit dẽsior, ob eamq; causam calorem insitum in terris cõtineat ætius. longa est oratio, multaq; rationes, quibus doceri possit, omnia, quæ terra concipiat, semina, quæq; ipsa ex se generata stirpibus infixæ contineat, ea tepera-
 tione caloris & oriri, & auferre. atque aqua etiam admistum esse calorem, primum ipse liquor, tum aqua declarat effusio, quæ neque congelaretur frigoribus, neque niue pruinaq; cõtresceret, nisi eadem se admisso calore liquefacta & dilapsa diffunderet. itaque & aquilonibus, reliquisq; frigoribus adieclis durescit humor: & idem uicissim molitur tepesfactus, & tabescit calore. atque etiam maria agitata uentis ita tepescunt, ut intelligi facile possit in tantis illis humoribus inclusum esse calorem: nec enim ille externus, & aduentitius habendus est tepor, sed ex intimis maris partibus agitatione excitatus, quod nostris quoque corporibus contingit, cū motu atque exercitatione recalescunt. ipse uero aer, quæ natura est maxime frigidus, minime est expers caloris. ille uero & multo quidẽ calore admistus est: ipse enim oritur ex respiratione aquarum: earum enim quasi

E

DE NATURA DEORVM

uapor quidam aer habendus est. is autem existit motu
eius caloris, qui aquis continetur. quā similitudinem cer-
nere possumus in ijs aquis, quæ effervescent subditis igni-
bus. iam uero reliqua quarta pars mundi, ea & ipsa
tota natura feruida est, & cæteris naturis omnibus sa-
lutarem impertit, & uitalem calorem. ex quo conclu-
ditur, cum omnes mundi partes sustineantur calore,
mundū etiam ipsum simili, pariq; natura in tanta diu-
turnitate seruari, eoq; magis, quod intelligi debet, cali-
dum illud, atque igneū ita in omni fusum esse natura,
ut in eo insit procreandi uis, & causa gignendi: à quo
& animantia omnia, & ea, quorum stirpes terra con-
tinentur, et nasci sit necesse, et augescere. natura est igitur,
quæ contineat mundum omnem, eumq; tueatur,
& ea quidem non sine sensu, atque ratione: omnem
enim naturam necesse est, quæ non solitaria sit, neque
simplex, sed cum alio coniuncta, atque connexa, habe-
re aliquem in se principatum, ut in homine mentem, in
belua quiddam simile mentis, unde oriuntur rerum ap-
petitus. in arborum autem, & earum rerum, quæ gi-
gnuntur è terra, radicibus inesse principatus putatur.
principatum autem id dico, quod Græci *ἡγεμονικὸν* uo-
cant: quo nihil in quoque genere nec potest, nec debet
esse præstantius. itaque necesse est illud etiā, in quo sit
totius naturæ principatus, esse omnium optimum, om-
niumq; rerum potestate dominatūq; dignissimū. uide-
mus autem in partibus mundi (nihil est enim in omni
mundo, quod nō pars uniuersi sit) inesse sensum & ra-
tionem. in ea parte igitur, in qua mūdi est principatus,
hæc inesse necesse est, & acriora quidē, atque maiora.

quocirca sapiētem esse mundum necesse est, naturamq;
eam, quæ res omnes cōplexa teneat, perfectione rationis
excellere, eoq; deum esse mundum, omnemq; uim mūdi
diuina natura contineri. atque mundi feruor ille pu-
rior, perlucidior, mobiliorq; multo, ob easq; causas
aptior ad sensus commouendos, quàm hic noster calor,
quo hæc, quæ nota nobis sunt, retinentur, & uigent. ab-
surdum est igitur dicere, cum homines, bestiaq; hoc calo-
re teneantur, & propterea moueantur, & sentiāt, mū-
dum esse sine sensu, qui integro, & puro, & libero, eo-
demq; acerrimo, & mobilissimo ardore teneatur, præ-
sertim cum is ardor, qui est mundi, non agitatus ab
alio, neque externo pulsu, sed per se ipse, ac sua spon-
te moueatur. nam quid potest esse mundo ualentius,
quod pellat, atque moueat calorem eum, quo ille tenea-
tur? audiamus enim Platonem quasi quendam deum
philosophorum: cui duos placet esse motus, unum suū,
alterum externum; esse autē diuinius, quod ipsum ex
se sua sponte moueatur, quàm quod pulsu agitetur alie-
no. hunc autem motum in solis animis esse ponit, ab
hisq; principium motus esse ductum putat. quapropter
quoniam ex mundi ardore motus omnis oritur, is autē
ardor non alieno impulsu, sed sua sponte mouetur:
animus sit necesse est. ex quo efficitur, animātem esse
mundum. atque ex hoc quoque intelligi poterit, in eo
inesse intelligentiam, quodd certe est mundus melior,
quàm ulla natura. ut enim nulla pars corporis nostri
est, quæ nō sit minor, quàm nosmet ipsi sumus: sic mun-
dum uniuersum pluris esse necesse est, quàm partem ali-
quam uniuersi. quod si ita est, sapiens sit mundus ne-

E ij

DE NATURA DEORVM

cesse est : nam ni ita esset, hominem, qui est mūdi pars, quoniam rationis est particeps, pluris esse, quā mundum omnem, oporteret . atque etiā si à primis inchoatisq; naturis ad ultimas perfectasq; uolumus procedere, ad deorū naturā perueniamus necesse est . primo enim animaduertimus à natura sustineri ea, quæ gignuntur è terra, quibus natura nihil tribuit amplius , quā ut ea alendo, atque augēdo tueretur . bestiis autē sensum & motum dedit, & cum quodā appetitu accessum ad res salutare, à pestiferis recessum : homini hoc amplius, quodd addidit rationem , quæ regerentur animi appetitus, qui tum remitterentur, tum continerentur . quartus autem gradus, et altissimus, eorum, qui natura boni, sapientesq; gignuntur : quibus à principio innascitur ratio recta, constansq; , quæ supra hominem putanda est , deoq; tribuenda, id est mundo : in quo necesse est perfectam illam, atque absolutā inesse rationem . neque enim dici potest , in ulla rerum institutione non esse aliquid extremū , atque perfectū . ut enim in uite, ut in pecude , nisi quæ uis obstitit, uidemus naturam suo quodā itinere ad ultimum peruenire ; atque ut pictura, et fabrica, ceteraq; artes habent quendam absoluti operis effectum : sic in omni natura , ac multo etiam magis, necesse est absolui aliquid ac perfici . etenim ceteris naturis multa externa, quo minus perficiantur, possunt obfistere : uniuersam autem naturā nulla res potest impedire : propterea quodd omnes naturas ipsa cohibet, et cōtinet . quo circa necesse est esse illum quartum, et altissimum gradum, quod nulla uis possit accedere . is autem gradus est, in quo rerum omnium natura ponitur : quæ

quoniam talis est, ut præsit omnibus, & eam nulla res possit impedire, necesse est intelligentem esse mundum, & quidem etiam sapientem. quid autem est inscitius, quam aut eam naturam, quæ omnes res sit complexa, non optimam dici; aut, cum sit optima, non primum animantem esse, deinde rationis, & consilij copotem, postremo sapiëntem? qui enim aliter potest esse optima? neque enim, si stirpium similis sit, aut etiam bestiarum, optima putanda sit potius, quam deterrima: nec uero, si rationis particeps sit, nec sit tamen à principio sapiens, non sit deterior mundi potius, quam humana conditio: homo enim sapiens fieri potest: mundus autem, si in æterno præteriti temporis spatio fuit insipiens, nunquam profecto sapientiam consequetur: ita erit homine deterior. quod quoniam absurdum est, & sapiens à principio mundus, & deus habendus est. neque enim est quidquam aliud præter mundum, cui nihil absit, quodq; undique aptum, atque perfectum, expletumq; sit omnibus suis numeris, & partibus. scite enim Chrysippus, ut clypei causa inuolucrum, uaginam autē gladij, sic præter mundum cætera omnia aliorum causa esse generata, ut eas fruges, atque fructus, quos terra gignit, animantium causa, animates autem hominum, ut equum uehendi causa, arandi bouem, uenandi, et custodiendi canem. ipse autem homo ortus est ad mundum contemplandum, & imitandum, nullo modo perfectus, sed quadam particula perfecti. sed mundus, quoniam omnia complexus est, nec est quidquam quod non insit in eo, perfectus undique est. quid igitur potest ei deesse, quod est optimum? nihil autem est mente &

DE NATURA DEORVM

ratione melius : ergo hæc mundo deesse non possunt .
bene igitur idem Chrysippus , qui similitudines adiun-
gens, omnia in perfectis, & maturis docet esse meliora ;
ut in equo, quàm in equulo ; in cane, quàm in catulo ;
in uiro, quàm in puero : iam quod in omni mūdo opti-
mum sit, id in perfecto aliquo, atque absoluto esse debe-
re . est autem nihil mundo perfectius, nihil uirtute me-
lius : igitur mundi est propria uirtus . nec uero hominis
natura perfecta est : & efficitur tamen in homine uir-
tus . quanto igitur in mundo facilius ? est ergo in eo uir-
tus : sapiens igitur est, et propterea deus . atque hac mū-
di diuinitate perspecta , tribuenda est sideribus eadem
diuinitas : quæ ex mobilissima, purissimaq; ætheris par-
te gignūtur, neque ulla præterea sunt admixta natura,
totaq; sunt calida, atque perlucida, ut ea quoque rectis-
sime & animata esse, & sentire, atque intelligere di-
cātur . atque ea quidem tota esse ignea duorū sensuum
testimonio confirmari Cleāthes putat, tactus, & ocu-
lorum . nam solis candor illustrior, quàm ullus ignis,
quippe qui immenso mundo tam lōge, lateq; colluceat :
& is eius tactus est, non ut tepefaciat solum, sed etiā
sepe comburat . quorum neutrum faceret, nisi esset
igneus . ergo, inquit, cum sol igneus sit, oceaniq; alatur
humoribus, quia nullus ignis sine pastu aliquo possit
permanere : necesse est, aut ei similis sit igni, quē adhi-
bemus ad usum, atque ad uictum ; aut ei, qui corpori-
bus animantium cōtinetur . atque hic noster ignis, quem
usus uitæ requirit, confector est, & cōsumptor omnium,
idemq; , quocūque inuasit, cūcta disturbat, ac dissipat .
contra ille corporeus, uitalis, & salutaris omnia cōser-

uat, alit, auget, sustinet, sensuq; afficit. negat ergo esse
dubium, horum ignium sol utri similis sit, cū is quoque
efficiat, ut omnia floreant, & in suo quaque genere pu
bescant. quare cum solis ignis similis eorum ignium sit,
qui sunt in corporibus animantiū : solem quoque ani
mantem esse oportet, et quidem reliqua astra, quæ oriā
tur in ardore cœlesti, qui æther, uel cœlum nominatur.
cum igitur aliorum animantium ortus in terra sit, alio
rum in aqua, in aere aliorum : absurdum esse Aristote
li uidetur, in ea parte, quæ sit ad gignenda animalia
aptissima, animal gigni nullum putare. Sidera autem
æthereum locum obtinent : qui quoniam tenuissimus
est, & semper agitur, & uiget ; necesse est, quod ani
mal in eo gignatur, idem & sensu acerrimo, & mo
bilitate celerrima esse. quare cum in æthere astra gi
gnantur, consentaneum est, in ijs sensum inesse, & in
telligentiam. ex quo efficitur, in deorum numero astra
esse ducenda. etenim licet uidere acutiora ingenia, et
ad intelligendum aptiora eorum, qui terras incolant
eas, in quibus aer sit purus, ac tenuis, quam illorum,
qui utantur crasso cœlo, atque concreto. quin etiam,
cibo quo utare, interesse aliquid ad mentis aciem pu
tant. probabile est igitur, præstantem intelligentiam in
sideribus esse, quæ & ætheream mundi partem inco
lant, & marinis, terrenisq; humoribus longo intervallo
extenuatis alantur. sensum autem astrorum, atque
intelligentiam maxime declarat ordo eorū, atque con
stantia : nihil est enim quod ratione, & numero moue
ri possit sine consilio : in quo nihil est temerarium, ni
hil uarium, nihil fortuitum, ordo autem siderum, et in

E iiij

DE NATURA DEORVM

omni eternitate constantia, neque naturā significat, est enim plena rationis; neque fortunā, quæ amica varietati constantiam respuit. sequitur ergo, ut ipsa sua spōte, suo sensu, ac diuinitate moueantur. Nec uero Aristoteles non laudandus in eo, quod omnia, quæ mouentur, aut natura moueri censuit, aut ui, aut uoluntate: moueri autem solem, & lunam, & sidera omnia: quæ autem natura mouerentur, hæc aut pondere deorsum, aut leuitate in sublime ferri: quorum neutrum astris contingeret, propterea quod eorum motus in orbem circumferretur. nec uero dici potest, uī quadam maiore fieri, ut contra naturam astra moueantur: quæ enim potest maior esse? restat igitur, ut motus astrorum sit uoluntarius. quæ qui uideat, non indocte solum, uerum etiam impie faciat, si deos esse neget. nec sanè multum interest, utrum id neget, an eos omni procuratione, atq; actione priuet: mihi enim, qui nihil agit, esse omnino non uidetur. esse igitur deos ita perspicuum est, ut, id qui neget, uix cum sanæ mentis existimem.

Restat, ut, qualis eorum natura sit, consideremus: in quo nihil est difficilius, quàm à consuetudine oculorū aciem mentis abducere. ea difficultas induxit & uulgo imperitos, & similes philosophos imperitorū, ut, nisi figuris hominum constitutis, nihil possent de dijs immortalibus cogitare. cuius opinionis leuitas confutata à Cotta non desiderat orationem meam. sed cū talem esse deum certa notione animi præsentiamus, primū ut sit animans, deinde ut in omni natura nihil eo sit præstantius: ad hanc præensionem, notionemq; nostram, nihil uideo, quod potius accomodem, quàm

ut primum hunc ipsum mundum, quo nihil fieri excellens
 lentius potest, animantem esse, & deum iudicem. hic
 quam uolet Epicurus iocetur, homo non aptissimus ad
 iocandum, minimeq; respiciens patriam; & dicat se
 non posse intelligere, qualis sit uolubilis, & rotundus
 deus: tamen ex hoc, quod ipse etiam probat, nunquam
 me mouebit. placet enim illi esse deos, quia necesse sit
 praestatem aliquam esse naturam, qua nihil sit melius.
 mundo autem certe nihil est melius. nec dubium, quin,
 quod animans sit, habeatq; sensum, & rationem, &
 mentem, id sit melius, quam id, quod his careat. ita
 efficitur, animantem, sensus, mentis, rationis mundum
 esse compotem. qua ratione, deum esse mundum, con-
 cluditur. sed haec paulo post facilius cognoscuntur ex
 ijs rebus ipsis, quas mundus efficit. interea Vellei noli
 quaeso praeferre uos plane expertes esse doctrinae. com-
 num tibi ais, & cylindrum, & pyramidem pulchrior-
 rem, quam sphaeram, uideri. nouum etiam oculorum
 iudiciu habetis. sed sint ista pulchriora, duntaxat aspe-
 ctu: quod mihi tamen ipsum non uidetur: quid enim
 pulchrius ea figura, quae sola omnes alias figuras com-
 plexa continet, quaeq; nihil asperitatis habere, nihil of-
 fensionis potest, nihil incisum angulis, nihil anfractu-
 bus, nihil eminens, nihil lacunosum e cumq; duae for-
 mae praestantes sint, ex solidis globus, (sic enim σφαῖρα
 interpretari placet) ex planis autem circulus, aut
 orbis, qui κύκλος graece dicitur: his duabus formis
 contingit solis, ut omnes earum partes sint inter se si-
 millimae, a medioq; tantum absit extremum, quantum
 idem a summo: quo nihil fieri potest aptius. sed si

DE NATURA DEORVM

hæc non uidetis, quia nunquam eruditum illum pulue
rem attigistis: an ne hoc phisici quidem intelligere po-
tulistis, hanc æqualitatem motus, constantiamq; ordi-
num in alia figura non potuisse seruari? itaque nihil
potest esse indoctius, quàm quod à uobis affirmari so-
let. nec enim hunc ipsum mundum pro certo rotundū
esse dicitis: nā posse fieri, ut sit alia figura: innumera-
bilesq; mundos, alios aliarū esse formarū. quæ, si bis
bina quot essent didicisset Epicurus, certe nō diceret. sed
dum palato, quid sit optimum, iudicat, cœli palatum
(ut ait Ennius) non suspexit. nam cum duo sint ge-
nera siderum, quorum alterum spatijs immutabilibus
ab ortu ad occasum cōmeans, nullum unquam cursus
sui uestigium inflectat; alterum autem continuas con-
uersiones duas iisdem spatijs cursibusq; conficiat: ex
utraque re & mundi uolubilitas, quæ nisi in globosa
forma esse non posset, & stellarum rotundi ambitus co-
gnoscuntur; primusq; sol, qui astrorum obtinet princi-
patum, ita mouetur, ut cum terras larga luce comple-
uerit, easdem modo his, modo illis partibus opacet: ipsa
enim umbra terræ soli officiens, noctem efficit: noctur-
norum autem spatiorum eadem est æquabilitas, quæ
diurnorum: eiusdemq; solis tum accessus modici, tum
recessus, & frigoris, & caloris modum temperant: cir-
cuitus enim solis orbiū V defectibus & LX & CCC,
quarta ferè diei parte addita, conuersionem conficiunt
annuam: inflectens autem sol cursum tum ad septen-
triones, tum ad meridiem, æstates, & hiemes efficit, &
ea duo tempora, quorū alterū hiemi senescenti adiun-
ctum est, alterum æstati, ita ex quatuor temporum

mit
init
me
fac
giff
at
tia
lis
qua
O
O
è
qui
en
sus
qua
tum
tum
celer
uen
rum
them
O
com
uer
uero
satis
qua
sum
ficie

mutationibus omnium, quæ terra, mariq; gignuntur, initia, causæq; ducuntur. iam solis annuos cursus spatijs mensuris luna consequitur: cuius tenuissimū lumen facit proximus accessus ad solem, digressus autem longissimus quisque plenissimum. neque solum eius species ac forma mutatur tum crescendo, tum defectibus in initia recurrendo, sed etiam regio, quæ tum est aquilonalis, tum australis. in lunæ quoque cursu est & brumæ quædam, & solstitij similitudo: multaq; ab ea manant, & fluunt, quibus & animantes alantur, augescantq; & pubescant, maturitatemq; assequantur, quæ oriuntur à terra. maxime uero admirabiles sunt motus earum quinque stellarum, quæ falso uocantur errantes: nihil enim errat, quod in omni æternitate conseruat progressus, & regressus, reliquosq; motus constantes, & ratos. quod eo est admirabilius in his stellis, quas dicimus, quia tum occultantur, tum rursus aperiantur; tum abeunt, tum recedunt; tum accedunt, tum subsequuntur; tum celerius mouentur, tum tardius; tum omnino ne mouentur quidem, sed ad quoddam tempus insistant. quarum ex disparibus motionibus magnum annum mathematici nominauerunt: qui tum efficitur, cum solis, & lunæ, & quinque errantium ad eandem inter se comparisonem confectis omnium spatijs est facta conuersio. quæ quidam longa sit, magna quæstio est: esse uero certam, & definitam, necesse est. nam ea quæ Saturni stella dicitur, φάινωq; à Grecis nominatur, quæ à terra abest plurimū, XXX ferè annis cursum suum conficit. in quo cursu multa mirabiliter efficiens tum antecedendo, tum retardando, tum uespera

DE NATURA DEORVM

tinis temporibus delitescendo, tum matutinis rursum se
aperiendo, nihil immutat sempiternis seculorum ætati-
bus, quin eadem iisdem temporibus efficiat. infra au-
tem hanc propius à terra Iouis stella feritur, quæ φάειδον
dicitur; eaq; eundem XII. signorum orbem annis
XII. conficit; eademq; quas Saturni stella, efficit in
cursu uarietates. huic autem proximum inferiorem or-
bem tenet πυρρῆς, quæ stella Martis appellatur; eaq;
III. & XX. mensibus, VI, ut opinor, diebus mi-
nus eundem lustrat orbem, quem duæ superiores. infra
hanc autem stella Mercurij est: ea ἑλβον appellatur
à Græcis: quæ anno ferè uertente signiferum lustrat
orbem, neque à sole longius unquam unius signi inter-
uallo discedit, tum anteuertens, tum subsequens. infima
est quinque errantium, terræq; proxima stella Veneris:
quæ φῶσφορ græce, Lucifer latine dicitur, cū antegre-
ditur solem; cum subsequitur autem, Hesperos. ea cur-
sum anno conficit, & latitudinem lustrans signiferi or-
bis, & longitudinem: quod idem faciunt stellæ superio-
res: neque unquam ab sole duorum signorum interval-
lo longius discedit, tum antecedens, tum subsequens. hanc
igitur in stellis constanti, hanc tantam tam uarijs cur-
sibus in omni æternitate conuenientiam temporum non
possum intelligere sine mente, ratione, consilio. quæ cū
in sideribus inesse uideamus, non possumus ea ipsa non
in deorum numero reponere. nec uero eæ stellæ, quæ
inerrantes uocantur, non significant eandem mentem,
atque prudentiam; quarum est quotidiana conueniēs,
constansq; conuersio: nec habent æthereos cursus, neque
cælo inherentes, ut plerique dicunt physica rationis

ignari: non est enim ætheris ea natura, ut uī sua stellas complexa contorqueat: nam tenuis, ac perlucens, & aquabili calore suffusus æther, non satis aptus ad stellas continendas uidetur. habent igitur suam sphaeram stellæ inarrantes ab ætherea coniunctione secretam, & liberam. earum autem perennes cursus, atque perpetui, cum admirabili, incredibiliq; constantia, declarant in his uim, & mentem esse diuinam: ut, hæc ipsa qui non sentiat deorū uim habere, is nihil omnino sensurus esse uideatur. nulla igitur in cœlo nec fortuna, nec temeritas, nec erratio, nec uanitas inest: contraq; omnis ordo, ueritas, ratio, constantia. quæq; his uacant, ea mentita, & falsa, plenaq; erroris eunt circum terras, infra lunam: quæ omnium ultima est, in terrisq; uersatur. coelestem ergo admirabilem ordinem, incredibilemq; constantiā, ex qua conseruatio, & salus omnium omnis oritur, qui uacare mente putat, is ipse mentis expers habendus est. haud ergo, ut opinor, errauero, si a principe inuestigandæ ueritatis huius disputationis principium duxero. Zeno igitur ita naturā diffinit, ut eam dicat ignem esse artificiosum ad gignendum progrediētem uia: censet enim artis maxime proprium esse, creare, & gignere; quodq; in operibus nostrarum artium manus efficiat, id multo artificiosius natura efficere, id est, ut dixi, ignem artificiosum, magistrum artium reliquarum. atque hac quidē ratione omnis natura artificiosa est, quod habet quasi uiam quandam, et sectā, quam sequatur. ipsius uero mundi, qui omnia complexu suo coercet, & continet, natura non artificiosa solum, sed planē artifex, ab eodem Zenone dicitur cōsul

DE NATURA DEORVM

trix, & provida utilitatum, opportunitatumq; omnium. atque ut cetera naturæ suis seminibus quæq; gignatur, augetur, continentur: sic natura mundi omnes motus habet uoluntarios; conatusq;, & appetitiones, quas ὁρμῆς Græci uocant, & his cōsentaneas actiones sic adhibet, ut nosmet ipsi, qui animis mouemur, & sensibus. talis igitur mens mūdi cum sit, ob eamq; causam providētia appellari recte possit (græce enim προνοία dicitur) hæc potissimum providet, & in his maxime est occupata, primum ut mundus quamaptissimus sit ad permanendum, deinde ut nulla re egeat, maxime autem ut in eo eximia pulchritudo sit, atque omnis ornatus. Dīctum est de uniuerso mūdo: dīctum est etiam de sideribus: ut iam propemodū appareat multitudo nec cessantium deorum, nec ea, quæ agant, molientium cum labore operoso, ac molesto. non enim uenis, & neruis, & ossibus continentur, nec ijs escis aut potionibus uescuntur, ut aut nimis acres, aut nimis concretos humores colligāt: nec ijs corporibus sunt, ut aut casus, aut ictus extimescant, aut morbos metuāt ex defatigatione membrorum. quæ uerens Epicurus, monogrammos deos, & nihil agentes commentus est. illi autem pulcherrima forma præditi, purissimaq; in regione cœli collocati, ita feruntur, moderanturq; cursus, ut ad omnia cōseruanda, & tuenda consensisse uideantur. multæ autem aliæ naturæ deorum ex magnis beneficijs eorum non sine causa & à Græciæ sapientibus, & à maioribus nostris constitutæ, nominatæq; sunt: quidquid enim magnā utilitatem generi afferret humano, id non sine diuina bonitate erga homines fieri ar-

bitrabatur. itaque tum illud, quod erat à deo natum,
nomine ipsius dei nuncupabāt : ut cum fruges Cererē
appellamus, vinum autem Liberum : ex quo illud
Terentij,

» Sine Cerere, & Libero friget Venus.

eum autem res ipsa, in qua vis inest maior aliqua, sic
appellatur, ut ea ipsa nominetur deus, ut Fides, ut
Mens, quas in Capitolio dedicatas videmus proxime à
M. Aemilio Scauro, ante autē ab Atrilio Calatino erat
Fides consecrata. uides Virtutis templum, uides Hono-
ris, à M. Marcello renouatum: quod multis ante annis
erat bello Ligustico à Q. Maximo dedicatum. quid
Opis? quid Salutis? quid Concordiae? Libertatis? Vi-
etoriae? quarum omnium rerum quia vis erat tanta, ut
sine deo regi non posset, ipsa res deorum nomen obtinuit.
quo ex genere Cupidinis, & Voluptatis, & Lubentinae
Veneris uocabula consecrata sunt, uitiosarum rerum,
neque naturalium: quāquam Velleius aliter existimat:
sed tamen ea ipsa uitia naturam uehementius saepe pul-
sant. utilitatum igitur magnitudine constituti sunt ij
dij, qui utilitates quasque gignebant. atque his quidem
nominibus, quae paulo ante dicta sunt, quae vis sit in
quoque declaratur deo. suscepit autem uita hominum,
consuetudoq; communis, ut beneficijs excellētes uiros in
coelum fama, ac uoluntate tollerent. hinc Hercules,
hinc Castor, & Pollux, hinc Aesculapius, hinc Liber
etiam: hunc dico Liberum Semele natum, non eum,
quem nostri maiores auguste, sancteq; Liberum cum
Cerere, & Libera consecrauerunt: quod quale sit, ex
mysterijs intelligi potest. sed quod ex nobis natos liberos

DE NATURA DEORVM

appellamus, iccirco Cerere nati nominati sunt Liber, et Libera : quod in Libero seruant, in Libera non item . hinc etiam Romulus, quem quidem eundem esse Quirinum putant : quorum cum remanerent animi, atque æternitate fruerentur, dii rite sunt habiti, cum & optimi essent, & æterni . alia quoque ex ratione, & quidam physica, magna fluxit multitudo deorum: qui induti specie humana fabulas poetis suppeditauerunt, hominum autem uitam superstitione omni referferunt . atque hic locus à Zenone tractatus, post à Cleanthe, et Chrysippo pluribus uerbis explicatus est . nā uetus hæc opinio Græciam oppleuit, exectū Celum à filio Saturno, uinctum autem Saturnum ipsum à filio Ioue. physica ratio non inelegans inclusa est in impias fabulas : coelestem. n. altissimam, æthereamq; naturā, id est igneam, quæ per sese omnia gigneret, uacare uoluerunt ea parte corporis, quæ coniunctione alterius egeret ad procreandum . Saturnum autem eum esse uoluerunt, qui cursum, & conuersionem spatiorum, ac temporum contineret : qui deus græce id ipsum nomen habet: Κρόνος enim dicitur : qui est idem χρόνος. i. temporis spatium. Saturnus autē est appellatus, quodd saturaretur annis: ex se enim natos comesse fingitur solitus, quia consumit ætas temporum spatia, annisq; præteritis insaturabiliter expletur . uinctus est autē à Ioue, ne immoderatos cursus haberet, atque ut eum siderum uinculis alligaret. sed ipse Iupiter, id est iuuans pater, quem conuersis casibus appellamus à iuuando Iouem, à poetis pater diuumq; hominumq; dicitur, à maioribus autem nostris optimus, maximus, & quidem ante optimus, id est beneficentissimus,

neficientissimo, quàm maximus; quia maius est, cer-
teq; gratius prodesse omnibus, quàm opes magnas ha-
bere. hunc igitur Ennius, ut supra dixi, nuncupat ita
dicens,

- » Aspice hoc sublime cādens, quē innuocant omnes Iouē.
planiusq; alio loco idem,
» Cui, quod in me est, execrabor hoc, quo lucet quidquid
est. hūc etiam augures nostri cū dicunt, Ioue fulgente,
tonante: dicunt enim coelo fulgentē, tonante. Euri-
pides autem, ut multa praeclare, sic hoc breuiter,
» Vides sublime fūsum, immoderatum aethera:
» Qui tenero terram circumuectu amplectitur:
» Hunc summum habeo diuum: hunc perhibeto Iouem.
Aer autem, ut Stoici disputant, interiectus inter mare
& coelum Iunonis nomine consecratur: quae est soror,
& coniux Iouis, quodd & similitudo est aetheris, &
cum eo summa coniunctio. effeminarunt autem eum,
Iunoniq; tribuerunt, quodd nihil est eo mollius. sed
Iunonem à iuuando credo nominatam. Aqua resida-
bat & terra, ut essent ex fabulis tria regna diui-
sa. datum est igitur Neptuno alterū Iouis, ut uolunt,
fratri maritimum omne regnum: nomenq; produ-
ctum, ut Portunus à portu, sic Neptunus à nando,
paulum primis literis immutatis. Terrena autem uis o-
mnis, atque natura Diti patri dedicata est: qui Dis,
ut apud Graecos πλούτων, quia & recidant omnia in
terras, & oriantur è terris. is rapuit Proserpinam,
quod Graecorum nomen est: ea enim est, quae περσεφό-
νι graece nominatur, quam frugum semen esse uolunt,
absconditamq; queri à matre fingunt. mater autem

DE NATURA DEORVM

est à gerendis frugibus Ceres, tanquam gerēs: casuq;
prima litera itidem immutata, ut à Græcis: nam ab il
lis quoque Δημήτηρ, quasi γημότηρ nominata est. iam
quī magna uerteret Mauors, Minerva autem quæ uel
minueret, uel minaretur. cumq; in omnibus rebus uim
haberent maximā prima, & extrema, principem in sa
crificando Ianum esse uoluerunt: quod ab eundo no
men est ductum: ex quo transitiones peruiæ, Iani; fo
resq; in liminibus profanarum adium, ianua nominā
tur. nam Vestæ nomen à Græcis: ea est. n. quæ ab illis
ἑστία dicitur. uis autem eius ad aras, et focos pertinet.
itaque in ea dea, quæ est rerum custos intimarum, om
nis & precatio, & sacrificatio extrema est. nec lon
ge absunt ab hac uī dii penates, siue à penu ducto no
mine (est enim omne, quo uescuntur homines, penus)
siue ab eo, quod penitus insident, ex quo etiam pene
trales à poetis uocantur. iam Apollinis nomen est græ
cum: quē solem esse uolunt: Dianam autem, et Lunā
eandem esse putant: cum sol dictus sit, uel quia solus
ex omnibus sideribus est tantus, uel quia, cum est exor
tus, obscuratis omnibus solus apparet; Luna à lucēdo
nominata sit: eadem est enim Lucina: itaque ut apud
Græcos Dianam, eamq; Luciferam, sic apud nostros In
nonem Lucinam in pariendo inuocant: quæ eadē Dia
na omniuaga dicitur, non à uenando, sed quod in se
ptem numeratur tanquam uagantibus. Diana dicta,
quia noctu quasi diem efficeret. adhibetur autē ad par
tus, quod ij maturescunt aut septem non nunquam,
aut plerūque nouem lunæ cursibus: qui quia mēsa spa
tia faciunt, menses nominantur. cōcinneq; ut multa,

Timeus : qui cum in historia dixisset, quæ nocte natus Alexander esset, eadem Dianæ Ephesiæ templum defla-
 grauissè; adiunxit, minime id esse mirandum, quòd Dia-
 na, cum in partu Olympiadis adesse uoluisset, absuisset
 domo. Quæ autem dea ad res omnes ueniret, Venerem
 nostri nominauerunt : atq; ex ea potius uenustas, quàm
 Venus ex uenustate. Videtis ne igitur, ut à physicis re-
 bus bene, atq; utiliter inuentis tracta ratio sit ad cōmen-
 titios, & fictos deos? quæ res genuit falsas opiniones,
 erroresq; turbulentos, & superstitiones penè aniles. &
 formæ enim nobis deorum, & atates, & uestitus, orna-
 tusq; noti sunt : genera præterea, coniugia, cognatio-
 nes, omniaq; traducta ad similitudinem imbecillitatis
 humanæ: nam & perturbatis animis inducuntur: ac-
 cipimus enim deorum cupiditates, ægritudines, iracun-
 dias : nec uero, ut fabulæ ferunt, bellis, prælijsq; carue-
 runt; nec solum, ut apud Homerum, cum duos exerci-
 tus contrarios alij dij ex alia parte defenderent; sed
 etiam, ut cum Titanis, ut cum gigantibus, sua pro-
 pria bella gesserunt. hæc & dicuntur, & creduntur
 stultissime, & plena sunt futilitatis, summæq; leuita-
 tis. sed tamen his fabulis spretis, ac repudiatis, deus
 pertinens per naturam cuiusque rei, per terras Ceres,
 per maria Neptunus, alijs per alia, poterunt intelligi
 qui, qualesq; sunt, quoq; eos nomine consuetudo nun-
 cupauerit, quos deos & uenerari, & colere debemus.
 cultus autem deorum est optimus, idemq; castissimus,
 atq; sanctissimus, plenissimusq; pietatis, ut eos semper
 pura, integra, incorrupta & mente, & uoce uenere-
 mur : non enim philosophi solum, uerum etiam maio-

DE NATURA DEORVM

res nostri superstitionem à religione separauerunt. nam qui totos dies precabantur, et immolabant, ut sibi sui liberi superstites essent, superstitiosi sunt appellati: quod nomen postea latius patuit. qui autem omnia, quæ ad cultum deorum pertinerent, diligenter pertractarent, et tanquam relegerent, sunt dicti religiosi ex relegendo, ut elegantes ex eligendo, tanquam à diligendo diligentes, ex intelligendo intelligentes: his enim in uerbis omnibus inest uis legendi eadem, quæ in religioso. ita factum est in superstitioso, & religioso, alterum uitij nomen, alterum laudis. Ac mihi uideor satis, & esse deos, & quales essent, ostendisse. Proximum est, ut doceam, deorum providentia mundum administrari. magnus sanè locus, & à uestris Cotta uexatus: ac nimirum uobiscum omne certamen est. nam uobis Vellei minus notum est, quæadmodum quidque dicatur. uestra enim solum legitis, uestra amatis: cæteros causa incognita condemnatis. uelut à te ipso hesternum die dictum est, anum fatidicam *μρόνοια* à Stoicis induci, id est providentiam. quod eo errore dixisti, quia existimas ab his providentiam fingi quasi quamdam deam singularem, quæ mundum omnem gubernet, & regat. sed id præcise dicitur. ut, si quis dicat Atheniensium Remp. consilio regi, desit illud, Ariopagi: sic, cum dicimus providentia mundum administrari, deesse arbitrator, deorum. plene autem & perfecte sic dici existimato, providentia deorum mundum administrari. ita salem istum, quo caret uestra natio, in irridendis nobis nolitote consumere. & mehercle, si me audiat, ne experiamini quidem. non decet: non

datum est : non potestis . nec uero hoc in te unum conuenit moribus domesticis , ac nostrorum hominum . urbane limatum , sed cum in reliquos uestros , tum in eū maxime , qui ista peperit , hominem sine arte , sine literis , insultantem in omnes , sine acumine ullo , sine auctoritate , sine lepore . dico igitur providentia deorū mundum , & omnes mundi partes & initio cōstitutas esse , & omni tempore administrari : eamq; disputationem tres in partes nostri ferē diuidunt : quarum pars prima est , quæ ducitur ab ea ratione , quæ docet esse deos : quo concessō , cōfitendum est eorū consilio mundum administrari . secunda est autē , quæ docet omnes res subiectas esse naturæ sentienti , ab eaq; omnia pulcherrime geri . quo cōsuetū , sequitur ab animantibus principijs eam esse generatam . tertius locus est , qui ducitur ex admiratione rerum cœlestium , atque terrestriū . Primū igitur aut negandum est deos esse , quod & Democritus simulacra , & Epicurus imagines inducens quodā pacto negat : aut , qui deos esse cōcedant , ijs fatendum est , eos aliquid agere , idq; præclarum . nihil est autem præclarius mundi administratione : deorū igitur cōsilio administratur mundus . quod si aliter est , aliquid profecto sit necesse est melius , & maiore uī præditū , quā deos , quale id cunque est , siue inanima natura , siue necessitas uī magna incitata , hæc pulcherrima opera efficiēs , quæ uidemus . nō est igitur natura deorū præpotēs , neque excellēs , siquidem ea subiecta est ei uel necessitati , uel naturæ , qua cœlū , maria , terraq; regatur . nihil autē est præstātius deo : ab eo igitur necesse est mūdum regi . nulli igitur est naturæ obediens , aut subiectus deus .

DE NATURA DEORVM

omnem ergo regit ipse naturam. etenim si concedimus
intelligentes esse deos, concedimus etiam providentes, et
rerum quidem maximarum. ergo utrum ignorāt, quæ
res maximæ sint, quoq; hæ modo tractandæ, & tuen=
dæ, an vim non habent, quæ tantas res sustineant, &
gerant? at & ignoratio rerum aliena naturæ deorū
est, & sustinendi muneris propter imbecillitatem dif=
ficultas minime cadit in maiestatem deorum. ex quo
efficitur id, quod uolumus, deorum providentia mun=
dum administrari. atqui necesse est, cum sint dii, si
modo sint, ut profecto sunt, animantes esse, nec so=
lum animantes, sed etiam rationis compotes, inter seq;
quasi civili conciliatione & societate coniunctos, unū
mundum, ut cōmunem Remp. atque urbem aliquam
regentes. sequitur, ut eadem sit in his, quæ in genere
humano, ratio, eadem ueritas utrobique sit, eademq;
lex: quæ est recti præceptio, prauiq; depulsio. ex quo
intelligitur, prudentiam quoque, & mentem à dijs ad
homines peruenisse: ob eamq; causam maiorū institu=
tis mens, fides, uirtus, concordia, consecratæ, & pu=
blice dedicatæ sunt. quæ qui conuenit penes deos esse
negare, cum eorum augusta, & sancta simulacra ue=
neremur? quidd si inest in hominum genere mens, fi=
des, uirtus, concordia: unde hæc in terras, nisi à su=
peris, defluere potuerunt? cumq; sit in nobis cōsiliū,
ratio, prudentia, necesse est deos hæc ipsa habere ma=
iora, nec habere solum, sed etiam his uti in maximis,
& optimis rebus. nihil autem est nec maius, nec melius
mundo: necesse est ergo eum deorum cōsilio, & prou=
dentia administrari. postremo cū satis docuerimus hos

esse deos, quorum insignem uim, & illustrem faciem uideremus, solem dico, & lunam, & uagas stellas, & inerrantes, & coelum, & mundum ipsum, & earum rerum uim, quæ inessent in omni mundo cū magno usu, & commoditate generis humani: efficitur, omnia regi diuina mente atque providentia. Ac de prima quidem parte satis dictum est. Sequitur, ut doceā, omnia subiecta esse naturæ, eaq; ab ea pulcherrime regi. sed quid sit ipsa natura, explicandum est ante breuiter, quo facilius id, quod docere uolumus, intelligi possit. nanque alij naturam censent esse uim quandā sine ratione, cientē motus, in corporibus necessarios: alij autem uim participem rationis, atque ordinis, tanquam uia progredientem, declarantemq; , quid cuiusque rei causa efficiat, quid sequatur, cuius solertiā nulla ars, nulla manus, nemo opifex consequi possit imitādo: seminis enim uim esse tantam, ut id, quāquam sit perexiguū, tamen, si inciderit in concipientem, comprehendentemq; naturā, natūmque sit materiam, qua ali, augeriq; possit, ita fingat, & efficiat in suo quidque genere, partim ut tantum modo per stirpes alantur suas, partim ut moueri etiam, & sentire, & appetere possint, & ex sese similia sui gignere. sunt autem, qui omnia naturæ nomine appellent, ut Epicurus, qui ita diuidit, omnium, quæ sint, naturam esse, corpora, & inane, quæq; his accidant. sed nos cum dicimus natura constare, administrariq; mundum, nō ita dicimus ut glebā, aut fragmentū lapidis, aut aliquid eiusmodi nulla coherendi natura, sed ut arborem, ut animal, in quibus nulla temeritas, sed ordo apparet, & artis quæ

DE NATURA DEORVM

dam similitudo . quod si ea, quæ à terra stirpibus continentur, arte naturæ uiuunt, & uigent: profecto ipsa terra eadem ui continetur & arte naturæ, quippe quæ gravidata seminibus omnia pariat, & fundat ex sese; stirpes amplexa alit, & augeat, ipsaq; alatur uicissim à superis, externisq; naturis . eiusdemq; expirationibus aer alitur, & æther, & omnia sidera . ita si terra natura tenetur, & uiget, eadem ratio in reliquo mûdo est: stirpes enim terræ inherant: animantes autem à spiratione aeris suslinentur: ipseq; aer nobiscum uidet, nobiscum audit, nobiscum sonat: nihil enim eorû sine eo fieri potest . quin etiam mouetur nobiscum: quacunque . n . inus, quacunque mouemur, uidetur quasi locû dare, & cedere . quæq; in medium locum mundi, qui est infimus, & quæ à medio in superum; quæq; conuersione rotunda circum medium feruntur, ea continem tem mundi efficiunt, unamq; naturam . & cum quatuor sint genera corporum, uicissitudine eorum mundi continuata natura est . nam ex terra aqua, ex aqua oritur aer, ex aere æther: deinde retrorsum uicissim ex æthere aer, ex aere aqua, ex aqua terra infima . sic naturis his, ex quibus omnia constant, sursum, deorsum, ultro, citroq; commeantibus, mundi partium coniunctio continetur . quæ aut sempiterna sit necesse est, hoc eodem ornatu, quem uidemus; aut certe per diuturna, permanens ad longinquum, & immensum penè tempus . quorum utrumuis ut sit; sequitur, natura mundum administrari . quæ enim classium nauigatio, aut quæ instructio exercitus, aut rursus (ut ea, quæ natura efficit, conferamus) quæ procreatio uitis, aut arboris,

que porro animantis figura conformatioq; membroru
tantam nature solertiam significat, quantam ipse mun-
dus: aut igitur nihil est, quod sentiente natura regatur:
aut mundum regi confitendum est. etenim qui
reliquas naturas omnes, earumq; semina contineat, qui
potest ipse non natura administrari? ut si quis dentes,
& pubertatem natura dicat existere, ipsum autem hominem,
cui ea existant, non constare natura, non intelligat ea,
quæ efferant aliquid ex sese, perfectiorē habere naturam,
quàm ea, quæ ex iis efferantur. omnium autem rerum,
quæ natura administrantur, seminator, & sator, & parens,
ut ita dicam, atque educator, et aliorum est mundus:
omniaq; sicut membra, & partes suas, nutritur, & continet. quod si mundi partes natura
administrantur, necesse est mundum ipsum natura administrari:
cuius quidem administratio nihil habet in se, quod reprehendi possit:
ex iis enim naturis, quæ erant, quod effici potuit optimum,
effectum est. doceat ergo aliquis potuisse melius. sed nemo unquam docebit.
& si quis corrigere aliquid uolet, aut deterius faciet, aut id,
quod fieri non potuit, desiderabit. quod si omnes mundi partes
ita constitutæ sunt, ut neque ad usum meliores potuerint esse,
neque ad speciem pulchriores: uideamus, utrum ea fortuita sint,
an eo statu, quo coherere nullo modo potuerint, nisi sensu moderante,
diuinaq; providentia. si ergo meliora sunt ea, quæ natura,
quàm illa, quæ arte perfecta sunt, nec ars efficit quidquam
sine ratione: ne natura quidem rationis experta habenda.
qui igitur conuenit, signum, aut tabulam pictam cum aspexeris,
scire adhibitam esse artem;

DE NATURA DEORVM

cumq; procul cursum nauigij uideris, nō dubitare quin
id ratione atque arte moueatur; aut cū solariū uel de-
scriptū, aut ex aqua contemplare, intelligere declarari
horas arte, non casu; mundum autem, qui & has ip-
sas artes, & earum artifices, & cuncta cōplectatur, cō-
siliū, & rationis esse expertem putare? quod si in Scy-
thiam, aut in Britanniam sphaeram aliquis tulerit hanc,
quam nuper familiaris noster effecit Posidonius, cuius
singula conuersiones idem efficiunt in sole, et in luna,
& in quinque stellis errantibus, quod efficitur in cælo
singulis diebus, & noctibus: quis in illa barbarie dubi-
tet, quin ea sphaera sit perfecta ratione? hi autem du-
bitat de mūdo, ex quo & oriuntur, & fiunt omnia, ca-
su ne ipse sit effectus, aut necessitate aliqua, an ratione,
an mente diuina: & Archimedē arbitratur plus ua-
luisse in imitandis sphaeræ cōuersionibus, q̄ naturā in effi-
ciendis, praesertim cū multis partibus sint illa perfecta, q̄
hac simulata, solertius. atque ille apud Aetiū pastor,
qui nauem nunquā ante uidisset, ut procul diuinū, &
nouū uehiculū Argonautarū è monte conspexit, pri-
mo admirans, & perterritus hoc modo loquitur:

- » - tanta moles labitur
- » Fremebunda ex alto ingenti sonitu & spiritu:
- » Præ se undas uoluit: uertices ui suscitatur:
- » Ruit prolapsa: pelagus respergit: profuit:
- » Ita dum interruptum credas nimbū uoluer,
- » Dum quod sublime uentis expulsū rapi
- » Saxum, aut procellis, uel globosos turbines
- » Existere iētos undis concursantibus,
- » Nisi quas terrestres pontus strages conciet;

- 22 Aut forte Triton fuscina euertens specus ,
 22 Subter radices penitus undanti in freto
 22 Molem ex profundo saxeam ad coelum uomit .
 dubitat primo, quæ sit ea natura, quam cernit ignotâ :
 idemq; iuuenibus uisis, auditoq; nautico cantu ,
 22 Sicut inciti atque alacres rostris perfremunt
 22 Delphinis item alia multa .
 22 Syluari melo
 22 Consimilem ad aures cantum, & auditum refert .
 ergo ut hic primo affectu inanimum quiddâ sensuq;
 uacuum se putat cernere, post autem signis certioribus,
 quale sit id, de quo dubitauerat, incipit suspicari : sic
 philosophi debuerunt, si forte eos primus aspectus mun-
 di conturbauerat, postea cum uidissent motus eius fini-
 tos, & æquabiles, omniaq; ratis ordinibus moderata,
 immutabiliq; constantia, intelligere inesse aliquem non
 solum habitatorem in hac coelesti ac diuina domo, sed
 etiam rectorem, & moderatorem, & tanquam archi-
 rectum tanti operis, tantiq; muneris. nunc autem mihi
 uidentur ne suspicari quidem, quanta sit admirabilitas
 coelestium rerum, atque terrestrium. principio enim ter-
 ra sita in media parte mundi, circumfusa undique est
 hac animabili, spirabiliq; natura, cui nomen est aer,
 gracû illud quidem, sed receptû iam tamen usu à no-
 stris : tritû est enim pro latino. hunc rursus amplecti-
 tur immensus æther, qui constat ex altissimis ignibus .
 mutuemur hoc quoque uerbû, dicaturq; tam æther lati-
 ne, quàm dicitur aer : etsi interpretatur Pacuuius,
 22 Hoc, quod memoro, nostri coelû, Graij perhibet æthera .
 quasi uero nō Graius hoc dicat, at latine loquitur . si=

DE NATURA DEORVM

quidem nos non quasi græce loquentem audiamus, docet idem alio loco

» Graiugena de isto aperit ipsa oratio .
sed ad maiora redeamus . Ex æthere igitur innumera-
biles flammæ siderum existunt : quorū est princeps sol,
omnia clarissima luce collustrans, multis partibus ma-
ior atque amplior, quā terra uniuersa : deinde reli-
qua sidera magnitudinibus immensis . atque hi tantū
ignes, tamq̃; multi nō modo nihil nocent terris, rebusq̃;
terrestribus, sed ita prosunt, ut, si mota loco sint, conflagrare terras necesse sit à tantis ardoribus, moderatione
& temperatione sublata . hic ego non mirer esse quē-
quam, qui sibi persuadeat corpora quædā solida, atque
indiuia, ui & gravitate ferri, mundumq̃; effici or-
natissimū, & pulcherrimum ex eorum corporū concur-
sione fortuita ? hoc qui existimat fieri potuisse, non in-
telligo cur non idem putet, si innumerabiles unius, &
uiginti formæ literarum uel aureæ, uel quales libet, ali-
quod coniungantur, posse ex his in terrā excussis annales
Ennii, ut deinceps legi possint, effici : quod nescio an-
ne in uno quidem uersu possit tantū ualere fortuna .
isti autem quemadmodum asseuerāt ex corpusculis nō
colore, non qualitate aliqua, quam ποιότητα Græci uo-
cant, non sensu præditis, sed concurrentibus temere,
atque casu mundum esse perfectum ? uel innumerabi-
les potius in omni puncto temporis alios nasci, alios in-
terire ? quod si mundum efficere potest concursus ato-
morum, cur porticum, cur templum, cur domum,
cur urbem non potest ? quæ sunt minus operosa, &
multo quidem facilliora . certe ita temere de mūdo est

futiunt, ut mihi quidem nunquam hunc admirabilem
 cœli ornatum, qui locus est proximus, suspexisse ui-
 deantur. præclare ergo Aristoteles, Si essent, inquit,
 qui sub terra semper habitauissent, bonis, & illustribus
 domicilijs, quæ essent ornata signis, atque picturis, in-
 structa; rebus ijs omnibus, quibus abundant ijs, qui bea-
 ti putantur, nec tamen exissent unquam supra terrâ,
 accepissent autem fama, & auditione, esse quoddam
 numen, & uim deorum, deinde aliquo tempore, pa-
 tefactis terræ faucibus, ex illis abditis sedibus euadere
 in hæc loca, quæ nos incolimus, atque exire potuissent;
 cum repente terram, & maria, cœlumq; uidissent,
 nubium magnitudinem, uentorumq; uim cognouis-
 sent, aspexissentq; solem, eiusq; tum magnitudinem,
 pulchritudinemq; tum etiâ efficientiam cognouissent,
 quod is diem efficeret, toto cœlo luce diffusa; cum au-
 tem terras nox opacasset, tum cœlum totum cernerent
 astris distinctum, & ornatum, lunâq; luminum uarie-
 tatem tum crescentis, tum senescentis, eorumq; omni-
 um ortus, & occasus, atque in omni æternitate ratos,
 immutabilesq; cursus: hæc cum uiderent, profecto &
 esse deos, et hæc tanta opera deorum esse arbutarentur.
 Atque hæc quidem ille, nos autē tenebras cogitemus tā-
 tas, quantæ quondam eruptione Aetnaorum igniū fi-
 nitimas regiones obscurauisse dicuntur, ut per biduum
 nemo hominem homo agnosceret: cum autē tertio die
 sol illuxisset, tum ut reuixisse sibi uiderentur. quod si
 hoc idem ex æternis tenebris contingeret, ut subito
 lucem aspiceremus: quamam species cali uideretur?
 sed assiduitate quotidiana, & consuetudine oculorum

DE NATURA DEORVM

assuescunt animi: neque admirantur, neque requirunt rationes earū rerum, quas semper uident: perinde quasi nouitas nos magis, quā magnitudo rerū debeat ad exquirendas causas excitare. quis enim hunc hominē dixerit, qui cum tam certos cœli motus, tam ratos astro- rum ordines, tamq; omnia inter se connexa, et apta uiderit, neget in his ullam inesse rationem, eaq; casu fieri dicat, quæ quāto consilio gerantur, nullo cōsilio assequi possumus? an cum machinatione quadam moueri aliquid uidemus, ut spherā, ut horas, ut alia permulta; non dubitamus, quin illa opera sint rationis: cū autem impetum cœli admirabili cum celeritate moueri, uertiq; uideamus, constantissime conficientem uicissitudines anniuersarias, cum summa salute, & conseruatione rerū omnium; dubitamus, quin ea non solum ratione fiat, sed etiam excellenti quadam diuināq; ratione: licet enim iam, remota subtilitate disputandi, oculis quodam modo contemplari pulchritudinem rerum earum, quas diuina prouidentia dicimus cōstitutas. ac principio terra uniuersa cernatur, locata in media mundi sede, solida, & globosa, & undique ipsa in sese nutibus suis conglobata, uestita floribus, herbis, arboribus, frugibus. quorum omniū incredibilis multitudo insatiabili uarietate distinguitur. adde huc fontium gelidas perennitates, liquores perlucidos amnium, riparum uestitus uiridissimos, speluncarum concauas altitudines, saxorum asperitates, impendentium montium altitudines, immensitatesq; camporum. adde etiam reconditas auri, argētiq; uenas, infinitamq; uim marmoris. quæ uero, & quā uaria genera bestiarum uel cicurum, uel feras

rum? qui uolucrum lapsus, atque cantus? qui pecudū
pastus? quæ uita siluestrium? quid iam de hominū ge-
nere dicam? qui quasi cultores terræ constituti, non pa-
tiuntur eam nec immanitate beluarum efferari, nec stir-
piū asperitate uasari, quorumq; operibus agrī, insulæ,
litoraq; collucet, distincta tectis, & urbibus. quæ si, ue-
animis, sic oculis uidere possemus, nemo cunctā intues
terram, de diuina ratione dubitaret. at uero quāta ma-
ris est pulchritudo? quæ species uniuersi? quæ multitu-
do, et uarietas insularum? quæ amoenitates orarū, et
litorum? quot genera, quamq; disparia partim submer-
sarum, partim fluitantium, & innatantium beluarum,
partim ad saxa natiuis testis inharētium? ipsum autem
mare sic terram appetēs litoribus cludit, ut una ex dua-
bus naturis cōflata uideatur. exinde mari finitimus aer,
die, & nocte distinguitur: isq; tū fusus & extenuatus
in sublime fertur; tum autem concretus in nubes cogi-
tur; humoremq; colligens terram auget imbribus; tum
effluens huc & illuc uentos efficit. idem annuas frigo-
rum, & calorum facit uarietates: idemq; & uolatus
alitiū sustinet, et spiritu ductus alit et sustentat animā-
tes. Restat ultimus, & à domicilijs nostris altissimus, om-
nia cingens et coercens coeli cōplexus, qui idem æther
uocatur, extrēma ora, & determinatio mundi: in quo
cum admirabilitate maxima igneæ formæ cursus ordi-
natos definiunt. è quibus sol, cuius magnitudine multis
partibus terra superatur, circum eam ipsam uoluitur;
isq; oriens & occidens, diem, noctemq; cōficit; et modo
accedens, tum autē recedens, binas in singulis annis re-
uersiones ab extremo cōtrarias facit: quarum interval-

DE NATURA DEORVM

lo tum quasi tristitia quædam contrahit terram, tū uicissim latificat, ut cum coelo hilarata uideatur. luna autem, quæ est, ut ostendunt mathematici, maior quàm dimidia pars terræ, iisdem spatijs uagatur, quibus sol: sed tum cōgrediens cum sole, tum digrediens, & eam lucē, quā à sole accepit, mittit in terras, & uarias ipsa mutationes lucis habet: atque etiam tū subiecta, atque opposita soli, radios eius, & lumen obscurat; tum ipsa incidens in umbram terræ, cum est è regione solis, interposita, interiectuq; terræ repente deficit: iisdemq; spatijs eæ stellæ, quas uagas dicimus, circum terram feruntur, eodemq; modo oriuntur, & occidunt. quarum motus tū incitantur, tum retardantur, sæpe etiam insistant. quo spectaculo nihil potest admirabilius esse, nihil pulchrius. Sequitur stellarum inerrantiū maxima multitudo: quarum ita descripta distinctio est, ut ex notarū figurarū similitudine nomina inuenerint. atque hoc loco me intues, utar, inquit, carminibus Arati, eis, quæ à te admodum adolescentulo conuersa, ita me delectant, quia latina sunt, ut multa ex ijs memoria teneam. ergo, ut oculis assidue uidemus sine ulla mutatione, aut uarietate,

» Cætera labuntur celeri cœlestia motu,

» Cum cœloq; simul noctesq; diesq; feruntur.

quorum cōtēplatione nullius expleri potest animus naturæ constantiam uidere cupientis.

» Extremusq; adeo duplici de cardine uertex

» Dicitur esse polus. =

hunc circum α γ τ ο ι duæ feruntur, nunquam occidētes.

» Ex his altera apud Graios Cynosura uocatur,

» Altera dicitur esse Helice. =

Cuius

cuius quidem clarissimas stellas totis noctibus cernimus.

- „ Quas nostri septem soliti uocitare Triones .
paribusq; stellis similiter distinctis eundem coeli uertice
lustrat parua Cynosura .
- „ Hac fidunt duce nocturna Phoenices in alto .
- „ Sed prior illa magis stellis distincta refulget ,
- „ Et late prima confestim à nocte uidetur .
- „ Hac uero parua est: sed nautis usus in hac est :
Nam cursu interiore breui conuertitur orbe .
et quo sit earum stellarum admirabilior aspectus ,
- „ Has inter, ueluti rapido cum gurgite flumen ,
- „ Toru^{us} Draco serpit subter , supraq; reuoluens
- „ Sese, conficiensq; sinus è corpore flexos .
eius cum totius est praeclara species, in primis suspicien=
da est figura capitis, atque ardor oculorum .
- „ Huic non una modo caput ornans stella relucet ,
- „ Verum tempora sunt duplici fulgore notata,
- „ E^t trubicusq; oculis duo feruida lumina flagent .
- „ Atq; uno mentum radianti sidere lucet :
- „ Obstipum caput & tereti ceruice reflexum
- „ Obtutum in cauda maioris figere dicas .
& reliquum quidem corpus draconis totis noctibus cer=
nimus .
- „ Hoc caput hic paulum sese subitoq; recondit ,
- „ Ortus ubi atq; obitus parte admiscuntur in una .
Id autem caput ,
- „ Attingens defessa uelut moerentis imago
uertitur . = quam quidem Graeci
- „ Engonasin uocitant, genibus quia nixa feratur .
- „ Hic illa eximio posita est fulgore corona .

DE NATURA DEORVM

atq; hæc qdē d tergo. propter caput autē Anguitenēs:

» Quem claro perhibent ὀφιοῦχον nomine Graij .

» Hic pressu duplici palmarum continet Anguem ,

» Eius & ipse manet religatus corpore toto :

» Nanque uirum medium serpens sub pectura cingit .

» Ille tamen nitens grauitur uestigia ponit,

» Atque oculos urget pedibus, pectusq; Nepai.

septentriones autem sequitur

» Arctophylax vulgo qui dicitur esse Bootes :

» Quod quasi temone adiunctam præ se quatit Arctū .

dein quæ sequuntur. huic Booti enim

» = Subter præcordia fixa uidetur

» Stella micans radijs Arcturus nomine claro :

cui subiecta fertur ,

» Spicum illustre tenens splendenti corpore Virgo .

atq; ita demetata signa sunt, ut in tatis descriptionibus
diuina solertia appareat .

» Et patos Geminos inuises sub caput Arcti .

» Subiectus media est cancer , pedibusq; tenetur

» Magnu' Leo tremulam quatiens è corpore flāma .

Auriga

» Sub læua Geminorum obductus parte feretur .

» Aduersum caput huic Helice truculenta tuerur .

» At Capra læuum humerum claro obtinet. =

tum quæ sequuntur .

» Verum hæc est magno atque illustri prædita signo.

» Contra Hædi exiguum iaciunt mortalibus ignem .

cuius sub pedibus

» Corniger est ualido connexus corpore Taurus .

eius caput stellis conspersum est frequentibus .

- 22 Hæc Græci stellas Hyadas uocitare fuerunt:
 à pluendo: seu enim est pluere. nostri imperite sacu-
 las: quasi à suis essent, nō ab imbris nominatæ. mi-
 norem autem septentrionem Cepheus passis palmis ter-
 go subsequitur.
- 22 Næque ipsum ad tergū Cynosuræ uertitur Arcti.
 hunc antecedit
- 22 Obscura specie stellarum Cassiopea.
- 22 Hanc autem illustri uersatur corpore propter
- 22 Andromeda, aufugiens aspectum mœsta parentis.
- 22 Huic Equus ille iubam quatiens fulgore micanti
- 22 Summum contingit caput aluo: stellaq; iungens
- 22 Vna, tenet duplices communi lumine formas,
 22 Aeternum ex astris cupiens connectere nodum.
- 22 Exin contortis Aries cum cornibus hæret.
 quem propter
- 22 Pisces, quorum alter paulum prælabitur ante,
 22 Et magis horriferis aquilonis tangitur alis.
 ad pedes Andromedæ Perseus describitur.
- 22 Quæ summa ab regione aquilonis flamina pulsant.
 cuius propter læuum genu
- 22 =Vergiliæ tenui cum luce uidebis.
- 22 Inde Fides leuiter posita & connexa uidetur.
- 22 Inde est ales auis lato sub tegmine cœli.
 capiti autem Equi proximat Aquarij dextra, totusq;
 deinceps Aquarius.
- 22 Tum gelidum ualido de pectore frigus anhelans,
 22 Corpore semifero magno Capricornus in urbe.
- 22 Quem cum perpetuo uestiuit lumine Titan,
 22 Brumali flectens contorquet tempore currum.

DE NATURA DEORVM

hinc autem aspicitur,

- " Vt sese emergens ostendat Scorpius alte
- " Posteriore trahens flexum vi corporis arcum .
- " Quem propter nitens pennis conuoluitur ales .
- " At propter se Aquila ardenti cum corpore portat .
- deinde Delphinus .
- " Exinde Orion obliquo corpore nitens .
- quem subsequens
- " Feruidus ille Canis stellarum luce refulget .
- Post Lepus subsequitur ,
- " Curriculum nunquam defesso corpore sedans .
- " At Canis ad caudam serpens prolabitur Argo .
- " Hanc Aries tegit, & squamoso corpore Pisces ,
- " Fluminis illustri tangentem corpore ripas .
- quam longe serpentem & manantem
- " -aspicies , proceraq; uincta uidebis ,
- " Quæ retinent Pisces caudarum à parte locata .
- " Inde Nepæ cernes propter fulgentis acumen
- " Aram, quam flatu permulcet spiritus austri .
- propter quæ Centaurus
- " Cedit Equi partis properans submergere Chelis .
- " Hinc dextram porgens, quadrupes quæ uasta tenetur,
- " Tendit, & illustrem truculentus cedit ad aram .
- " Hic sese infernis è partibus erigit Hydra :
- cuius longe corpus est fusum :
- " In medioq; sinu fulgens cratera relucet .
- " Extremam nitens plumato corpore Coruus
- " Rostro tundit : & hic Geminis est ille sub ipsis
- " Ante Canem , graio Procyon qui nomine fertur .
- hæc omnis descriptio siderū, atque hic tātus cœli orna=

tus, ex corporibus huc, & illuc casu, et temere cōcursan-
tibus potuisse effici cuiquam sano uideri potest? aut ue-
ro alia quæ natura mentis et rationis experts hæc effi-
cere potuit, quæ non modo ut fierent, ratione eguerūt,
sed intelligi qualia sint, sine summa ratione non pos-
sunt? nec uero hæc solū admirabilia, sed nihil maius,
quàm quod ita stabilis est mundus, atque ita coheret
ad permanendum, ut nihil ne excogitari quidem possit
aptius: omnes enim partes eius undique medium locū
capeffentes, nituntur æquabiliter: maxime corpora au-
tem inter se iuncta permanent, cum quodā quasi uin-
culo circumdata colligantur: quod facit ea natura,
quæ per omnem mundum omnia mente, & ratione
conficiens funditur, & ad medium rapit, & conuertit
extrema. quo circa si mūdus globosus est, ob eamq; cau-
sam omnes eius partes undique æquales ipsæ per se atq;
inter se continentur: cōtingere idem terræ necesse est,
ut omnibus eius partibus in mediū uergentibus (id au-
tem mediū infimū in sphaera est) nihil interrūpat, quo
labefactari possit tanta contentio gravitatis, & pon-
derum. eademq; ratione mare, cum supra terram sit,
medium tamen terræ locum expetens, conglobatur un-
dique æqualiter, neque redūdat unquā, neque effundi-
tur. huic autē cōtinens der fertur ille quidem leuitate
sublimi, sed tamen in omnes partes se ipse fundit: ita-
que & mari cōtinuatus, & iunctus est, & natura fer-
tur ad cœlū; cuius tenuitate, & calore temperatus, ui-
talem, & salutarem spiritū præbet animātib. quem
cōplexa summa pars cœli quæ æther dicitur, & suū re-
tinet ardorem tenuem, & nulla admisione cōcretū, et


DE NATURA DEORVM

cum aeris extremitate coniungitur. In æthere autem
 astra uoluuntur: quæ se & nixu suo conglobata cōti-
 nent; & forma ipsa figuraq; , sua momenta suspen-
 dat: sunt enim rotunda: quibus formis, ut ante dixisse
 uideor, minime noceri potest. sunt autem stellæ natura
 flammæ: quocirca terræ, maris, aquarū uaporibus alun-
 tur ipsæ, qui à sole ex agris reperfusis, & ex aquis excitā-
 tur: quibus altæ, renouatæq; stellæ, atque omnis æther,
 refundunt eadem, & rursus trahunt in idem, nihil ut
 ferè intereat, aut admodum paululū, quod astrorū ignis,
 & ætheris flamma consumat. ex quo euenturū nostri
 putant id, de quo Panætium addubitare dicebāt, ut ad
 extremum omnis mundus ignesceret, cum, humore con-
 sumpto, neque terra ali posset, neque remearet aer, cuius
 ortus aqua omni exhausta esse non posset: ita res-
 linqui nihil præter ignem: à quo rursus animāte, ac
 deo renouatio mūdi fieret, atque idē ornatus oriretur.
 nolo in stellarū ratione multus uobis uideri, maximeq;
 earū, quæ errare dicuntur: quarū tantus est concentus
 ex dissimillimis motibus, ut cum summa Saturni refri-
 geret, media Martis incendat, his interiecta Iouis illu-
 stret, & temperet, infraq; Martem duæ soli obediant,
 ipse sol mūdū omnem sua luce cōpleat, ab eoq; luna il-
 luminata grauiditates, et partus afferat, maturitatesq;
 gignendi. quæ copulatio rerū, & quasi consentiens ad
 mundi incolumitatem coagmentatio naturæ quem nō
 mouet, hunc horum nihil unquam reputauisse certo
 scio. Age ut à coelestibus rebus ad terrestres ueniamus:
 quid est in his, in quo non naturæ ratio intelligentis
 appareat? principio, eorum, quæ gignuntur è terra,

stirpes & stabilitatem dant ijs, quæ sustinent, et ex ter-
 ra succum trahunt, quo alantur ea, quæ radicibus con-
 tinentur, obducunturq; libro aut cortice trunci, quo
 sint à frigoribus, & à caloribus tutiores. iam uero uites
 sic clauiculis adminicula, tanquam manibus, apprehen-
 dunt, atque ita se erigunt, ut animates. quin etià à cau-
 libus, brassicisq; si propè sati sint, ut à pestiferis, &
 nocentibus refugere dicuntur, nec eos ulla ex parte cō-
 tingere. animantiū uero quāta uarietas est? quāta ad
 eā rem uis, ut in suo quoque genere permaneat? qua-
 rum aliæ corijs tectæ sunt, aliæ uillis uestitæ, aliæ spinis
 hirsutæ: pluma alias, alias squama uidemus obductas,
 alias esse cornibus armatas, alias habere effugia penna-
 rum. pastū autem animantibus large & copiose natu-
 ra eū, qui cuique aptus erat, cōparauit. enumerare pos-
 sum, ad eū pastum capeffendum, conficiendumq; quæ
 sit in figuris animantiū, & quā solers subtiliq; descri-
 ptio partiū, quāq; admirabilis fabrica membrorū: o-
 mnia enim, quæ quidē intus inclusa sunt, ita nata, atq;
 ita locata sunt, ut nihil eorū superuacaneū sit, nihil ad
 uitā retinendā nō necessarium. dedit autem eadem na-
 tura beluis & sensum, & appetitū, ut altero conatum
 haberent ad naturales pastus capeffendos, altero secerne-
 rēt pestifera à salutaribus. iam uero alia animalia gra-
 diendo, alia serpendo ad pastū accedūt, alia uolando,
 alia nando, cibumq; partim oris hiatu, & dentibus ip-
 sis capeffunt, partim unguīū tenacitate arripiunt, par-
 tim adūcitāte rostrorū: alia sugunt, alia carpunt, alia
 uorāt, alia mādunt. atque etiā aliorū ea est humilitas,
 ut cibum terrestrem rostris facile contingant. quæ au-

DE NATURA DEORVM

tem altiora sunt, ut anseres, ut cygni, ut grues, ut cameli, adiuvantur proceritate collorum. manus etiā data elephantis, quia propter magnitudinem corporis difficiles aditus habebant ad pastum. at quibus bestiis erat is cibus, ut alius generis bestiis uescerentur; aut vires natura dedit, aut celeritatem: data est quibusdā etiam machinatio quādam atque solertia: ut in araneolis, aliæ quasi rete texunt, ut, si quid inhæserit, conficiant; aliæ autem ut ex inopinato observāt, et, si quid incidit, arripiunt, idq; consumunt. Pinna uero (sic enim græce dicitur) duabus grandibus parula conchis cum parua squilla quasi societatem coit comparandi cibi. itaque cum pisciculi parui in concham hiantem innatauerint, tum admonita à squilla pinna morsu cōprimit conchas. sic dissimillimis bestiolis communiter cibus queritur. in quo admirandum est, congressu ne aliquo inter se, an iam inde ab ortu naturæ ipsæ congregatæ sint. est etiam admiratio non nulla in bestiis aquaticilibus ijs, quæ gignūtur in terra: ueluti crocodili, fluuiatilesq; testudines, quādamq; serpentes ortæ extra aquam, simul ac primum niti possunt, aquam persequuntur. quin etiam anatum oua gallinis sæpe supponimus: ex quibus pulli orti primum aluntur ab ijs, ut à matribus; deinde eas relinquunt, à quibus exclusi, fotiq; sunt, & effugiunt, cum primum aquam quasi naturalem domum uidere potuerunt. tantam ingenuit animantibus conseruandi sui natura custodiam.
 { legi etiam scriptum, esse auem quādam, quæ Platalea nominetur: eam sibi cibum quærere aduolantem ad eas aues, quæ se in mari mergerent: quæ cum



emerfissent, pifcemq; cepiffent, ufque eò premere earum capita mordicus, dum illæ captum amitterent: id quod ipfa inuaderet. eademq; hæc auis fcribitur conchis fe folere complere, easq; cum ftomachi calore concoxerit, euomere, atque ita eligere ex ijs, quæ funt efculenta. Rana autem marinæ dicuntur obruere fe fe arena folere, & moueri propè aquam; ad quas quafi ad efcam pifces cum accefferint, confici à ranis atque confumi. Miluo eft quoddam bellum naturale cum coruo. ergo alter alterius, ubicunque nactus eft, oua frangit. Illud uero ab Aristotele animaduertifum, à quo pleraque, quis potest non mirari? Grues, cum loca calidiora petentes maria transmittunt, trianguli formam efficere: eius autem summo angulo aer ab ijs aduerfus pellitur: deinde fenfim ab utroque latere, tanquam remis, ita pennis curfus auium leuatur. bas autem trianguli, quam grues efficiunt, ea tanquam à puppi uentis adiunatur, hæq; in tergo præuolantium colla, & capita reponunt. quod quia ipfe dux facere non potest, quia non habet ubi nitatur, reuolat, ut ipfe quoque quiefcat. in eius locum fuccedit ex ijs quæ acquieuerunt: eaq; uiciffitudo in omni curfu conseruatur. Multa eiusmodi proferre possum: sed genus ipsum uidetis. Iam uero illa etiam notiora, quanto fe opere custodiant bestię, ut in pastu circumspectent, ut in cubilibus delitefcant. atque illa mirabilia. quid ea, quæ nuper, id eft paucis ante feculis, medicorum ingenijs reperta funt? uomitione canis purgare
* aluos ibes Aegyptiæ curât. auditum eft, pantheras, quæ in barbaria uenenata carne caperentur, remediũ quod=

DE NATURA DEORVM

dam habere; quo cum essent usæ, non morerentur: ca-
 pras autem in Creta feras, cū essent confixæ uenenatis
 sagittis, herbam quærere, quæ Dictamus uocaretur;
 quam cum gustauissent, sagittas excidere dicunt è cor-
 pore. ceruæq; paulo ante partum perpurgant se qua-
 dam herbula, quæ Sefelis dicitur. iam illa cernimus, ut
 contra metum, & uim suis se armis quæque defendat.
 cornibus tauri, apri dentibus, morsu leones, aliæ fuga se,
 aliæ occultatione tutantur: atramenti effusione sepia,
 torpore torpedines. multæ etiam insectantes odoris into-
 lerabili fœditate depellunt. ut uero perpetuus mundi es-
 set ornatus, magna adhibita cura est à prouidentia deo-
 rum, ut semper essent & bestiarum genera, & arbo-
 rum, omniumq; rerum, quæ altæ aut radicibus à terra,
 aut stirpibus continerentur. quæ quidem omnia eam
 uim seminis habent in se, ut ex uno plura generentur:
 idq; semen inclusum est in intima parte earum baca-
 rum, quæ ex quaque stirpe funduntur: iisdemq; semi-
 nibus & homines affatim nascuntur, et terræ eiusdem
 generis stirpium renouatione complentur. quid lo-
 quar, quanta ratio in bestiis ad perpetuam conser-
 uationem earum generis appareat: nam primum aliæ
 mares, aliæ feminae sunt: quod perpetuitatis causa
 machinata natura est. deinde partes corporis & ad
 procreandum, & ad concipiendum aptissimæ, & in
 mari, & in femina commiscendorum corporum mi-
 ra libidines. cum autem in locis semen insedit, rapit
 omnem ferè cibum ad sese, eoq; septum fingit ani-
 mal: quod cum ex utero elapsum excidit, in ijs ani-
 mantibus, quæ lacte aluntur, omnis ferè cibus matrum.

laetescere incipit, eaq; , quæ paulo ante nata sunt, sine magistro, duce natura mamas appetunt, earumq; uber tate saturantur. atque ut intelligamus nihil horum esse fortuitum, & hæc omnia esse provida, solertisq; natura: quæ multiplices foetus procreant, ut sues, ut canes, his mammarum data est multitudo: quas easdem paucas habent eæ bestiae, quæ pauca gignunt. quid dicam, quantum amor bestiarum sit in educandis custodiendisq; ijs, quæ procreauerint, usque ad eum finem, dum possint se ipsa defendere? etsi pisces, ut aiunt, ova cum genuerunt, relinquunt: facile enim illa aqua & susinentur, & fœtum fundunt. testudines autem, & crocodilos dicunt, cum in terra partum ediderint, obruere ova, deinde discedere. ita & nascuntur, & educantur ipsa per sese. iam gallinæ, avesq; reliquæ & quietum requirunt ad pariendum locum, & cubilia sibi, nidosq; construunt, eorq; quam possunt mollissime substernunt, ut quam facillime ova seruantur. ex quibus pullos cum excluderint, ita tumentur, ut & pennas foueant, ne frigore ledantur; et, si est calor, à sole se opponant. cum autem pulli pinnulis uti possunt, tum uolatus eorum matres prosequuntur, reliqua cura liberantur. accedit etiã ad nullorum animantium, & earum rerum, quas terra gignit, conseruationem, & salutem, hominum etiam solertia, & diligentia. nam multæ & pecudes, & stirpes sunt, quæ sine procuratione hominum saluæ esse non possunt. magnæ etiam opportunitates ad cultum hominum, atque abundantia aliæ alijs in locis reperiuntur. Aegyptum Nilus irrigat; & cum tota æstate obruta, oppletamq; tenuit, tum recedit, mollitoq; & oblima-

DE NATURA DEORVM

ros agros ad serendum relinquit. Mesopotamiam ferti-
lem efficit Eufrates : in quam quotannis quasi novos
agros inuehit . Indus uero, qui est omnium fluminum ma-
ximus , non aqua solum agros laticat , & mitigat ,
sed eos etiam conserit : magnam enim uim seminum se-
cum frumenti, & similiū dicitur deportare. multa q; a-
lia in alijs locis comemorabilia proferre possum , mul-
tos fertiles agros alios aliorum fructuum. sed illa quan-
ta benignitas naturae, quod tam multa ad uescendum,
tam uaria, tamq; iucunda gignit? neque ea uno tem-
pore anni : ut semper & nouitate delectemur, & co-
pia. quam tempestiuos autem dedit, quam salutare non
modo hominum , sed etiam pecudum generi , his deni-
que omnibus, quae oriuntur e terra, uentos etefias? quo-
rum flatu nimij temperantur calores. ab iisdem etiam
maritimi cursus celeres , & certi diriguntur . multa
prætereunda sunt : & tamen multa dicuntur . enu-
merari enim non possunt fluminum opportunitates, æ-
stus maritimi, multum accedentes , & recedentes, mon-
tes uestiti, atque siluestres, salinae ab ora maritima re-
motissima, medicamentorum salutarium plenissima ter-
ra, artes denique innumerabiles ad uictum, & ad ui-
tam necessariae. iam diei noctisq; uicissitudo conseruat
animantes, tribuens aliud agendi tempus, aliud quie-
scendi . sic undique omni ratione concluditur, mente,
consilioq; diuino omnia in hoc mundo ad salutem o-
mnium, conseruationemq; admirabiliter administrari.
sin quæret quispiam, cuiusnam causa tantarum rerum mo-
litio facta sit , arborum ne & herbarum, quae quan-
quam sine sensu sunt, tamen a natura sustentantur? at

id quidem absurdum est. an bestiarum? nihilo probabilius, deos mutarum, & nihil intelligentium causa tantū laborasse. quorum igitur causa quis dixerit effectum esse mundum? eorum scilicet animantium, quæ ratione utuntur. hi sunt dii, & homines: quibus profecto nihil est melius: ratio est enim, quæ præstat omnibus: itaque fit credibile, deorū & hominum causa factum esse mundum, quæq; in eo sint omnia. faciliusq; intelligitur, à diis immortalibus hominibus esse provisum, si erit tota hominis fabricatio perspecta, omnisq; humanæ naturæ figura, atque perfectio. nam cum tribus rebus animantium vita teneatur, cibo, potione, spiritu, ad hæc omnia percipienda os est aptissimum, quod adiunctis naribus spiritu augetur. dentibus autem in ore constructis manditur, atque ab his extenuatur, & molitur cibus. eorum aduersi acuti morsu diuidunt escas, intimi autem cōficiunt, qui gemini uocantur: quæ cōfectio etiam à lingua adiuuari uidetur. linguam autem ad radices eius hærens excipit stomachus: quod primū illabuntur ea, quæ accepta sunt ore. is utraque ex parte tonsillas attingens, palato extremo, atque intimo terminatur: atque is agitatione & motibus linguæ cū depulsum, & quasi detrusum cibum accepit, depellit. ipsius autem partes eæ, quæ sunt infra id, quod deuoratur, dilatantur; quæ autem supra, contrahuntur. sed cum aspera arteria (sic enim à medicis appellatur) ostium habeat adiunctū linguæ radicibus, paulo supra, quàm ad linguam stomachus annectitur; eaq; ad pulmones usque pertineat, excipiatq; animam eā, quæ ducta sit spiritu, eademq; à pulmonibus respiret, & red=

DE NATURA DEORVM

dat : tegitur quasi quodam operculo. quod ob eā cau-
sam datum est, ne, si quid in eam cibi forte incidisset,
spiritus impediretur. sed cum alui natura, subiecta sto-
macho, cibi, & portionis sit receptaculum, pulmones
autem, & cor extrinsecus spiritum adducant : in aluo
multa sunt mirabiliter effecta : quæ cōstant ferè è ner-
uis. est autem multiplex, & tortuosa, arceiq; , & cō-
tinet siue illud aridum est, siue humidum quod recipit,
ut id mutari, & concoqui facile possit : eaq; tū astrin-
gitur, tum relaxatur, atque omne, quod accepit, co-
git, & confundit : ut facile & calore, quem mul-
tum habet, & terendo cibo, & præterea spiritu omnia
cocta, atque confecta in reliquum corpus diuidantur.
in pulmonibus autem inest raritas quædam, & assimi-
lis spongijs mollitudo, ad hauriendum spiritum aptissi-
ma : qui tum se contrahunt aspirantes, tum spiritu di-
latant, ut frequenter ducatur cibus animalis, quo ma-
xime aluntur animantes. ex intestinis autem & aluo
secretus à reliquo cibo succus is, quo alimur, permanat
ad iecur per quasdam à medio intestino usque ad por-
tas iecoris (sic enim appellant) ductas, & directas
uias, quæ pertinent ad iecur, eiq; adherent. atque inde
aliæ pertinētes sunt, per quas cadit cibus à iecore dilap-
sus. ab eo cibo cū est secreta bilis, uq; humores, qui ex re-
nibus profunduntur, reliqua se in sanguinem uertunt,
ad easdemq; portas iecoris confluunt, ad quas omnes
eius uie pertinent : per quas lapsus cibus ex hoc ipso lo-
co in eā uenā, quæ caua appellatur, confunditur, perq;
eā ad cor confectus iam coactusq; perlabitur : à corde
autem in totu corpus distribuitur per uenas admodum

multa-
modum
bas (e
di-
inuen
fabrica
datione
quasi
do, per
tridant
in que
it. eaq;
omne
ducent
dam
quid
comm
artu
omnem
artu
re per
trache
nanc
lettem
quane
sine
conflic
capere
la, ad
retine

multas, in omnes partes corporis pertinentes. quemadmodum autem reliquiae cibi depellantur tum astringentibus se intestinis, tum relaxantibus, haud sanè difficile dictum est, sed tamen praetereundum est, ne quid habeat iniucunditatis oratio. illa potius explicetur incredibilis fabrica naturae. nam quae spiritu in pulmones animaducitur, ea calescit primum ab ipso spiritu, deinde coagitatione pulmonum: ex eaquae pars redditur respirando, pars concipitur cordis parte quadam, quam ventriculum cordis appellat: cui similis alter adiunctus est, in quem sanguis à iecore per uenam illam caua influat. eoquae modo ex his partibus et sanguis per uenas in omne corpus diffunditur, et spiritus per arterias. utraque autem crebra, multaque toto corpore intexta uim quandam incredibilem artificiosi operis, diuiniquae testantur. quid dicam de ossibus? quae subiecta corpori mirabiles commissuras habent, et ad stabilitatem aptas, et ad artus finiendos accommodatas, et ad motum, et ad omnem corporis actionem. huc adde neruos, à quibus artus continentur; eorumquae implicationem toto corpore pertinentem: qui, sicut uenae, et arteriae à corde tractae, et profectae, in corpus omne ducuntur. ad hanc prouidentiam naturae tam diligentem, tamquae solertem adiungi multa possunt, è quibus intelligatur, quantae res hominibus à deo, quamquae eximia tributae sint: qui primum eos humo excitatos celso, et erectos constituit, ut deorum cognitionem, coelum intuentes, capere possent. sunt enim è terra homines non ut incolae, atque habitatores, sed quasi spectatores superarum rerum, atque coelestium: quarum spectaculum ad nul-

DE NATURA DEORVM

lum aliud genus animantium pertinet. sensus autem interpretēs ac nunciij rerum, in capite tanquam in arce mirifice ad usus necessarios & facti, & collocati sunt. nam oculi, tanquam speculatores, altissimū locū obtinēt; ex quo plurima conspicientes, fungantur suo munere. & aures cum sonum recipere debeant, qui natura in sublime fertur; recte in altis corporum partibus collocatae sunt. itemque nares, eo quod omnis odor ad superiora fertur, recte sursum sunt: & quod cibi & potio- nis iudicium magnum earum est, non sine causa uici- nitatem oris secutae sunt. iam gustatus, qui sentire eorū, quibus uescimur, genera debet, habitat in ea parte oris, qua esculentis, & poculentis iter natura patefecit. ta- ctus autem toto corpore aequabiliter fusus est, ut omnes ictus, omnesque nimios & frigoris, & caloris appulsus sentire possimus. atque ut in aedificijs architecti auertūt ab oculis & naribus dominorum ea, quae profluentia necessario terti essent aliquid habitura: sic natura res similes procul amandauit a sensibus. quis uero opifex, praeter naturā, qua nihil potest esse callidius, tantam so- lertiam persequi potuisset in sensibus? quae primū ocu- los membranīs tenuissimis uestiuit, & sepsit: quas pri- mū perlucidas fecit, ut per eas cerni posset; firmas au- tem, ut cōtinerentur. sed lubricos oculos fecit, & mobi- les, ut & declinarent, si quid noceret; & aspectū, quod uellent, facile conuerterent. aciesque ipsa, qua cernimus, quae pupilla uocatur, ita parua est, ut ea, quae nocere possint, facile uitet. palpebraeque, quae sunt tegumenta oculorum, mollissimae tactu, ne laederent aciem, aptis- sime factae et ad claudendas pupillas, ne quid incideret;

& ad

Et ad aperiendas: idq; providit ut identidē fieri posset cum maxima celeritate. munitaq; sunt palpebræ tanquā uallo pilorum: quibus Et apertis oculis, si quid incideret, repelleretur; Et somno conniuentibus, cum oculis ad cernendum non egeremus, ut qui tanquā inuoluti quiescerent. latent præterea utiliter, Et excelsit undique partibus sepiuntur. primum enim superiora supercilijs obducta sudorem à capite, Et fronte defluentē, repellunt, genæ deinde ab inferiore parte tutantur subiectæ, leuiterq; eminentes. nāsus ita locatus est, ut quasi murus oculis interiectus esse uideatur. auditus autem semper patet: eius enim sensu etiam dormientes egemus. à quo cum sonus est acceptus, etiam è somno excitamur. flexuosum iter habet, ne quid intrare possit, si simplex Et directum pateret. prouisum etiam, ut si quæ minima bestiola conaretur irrumperē, in sordibus aurium, tanquam in uisco, inhæresceret. extra autem eminent, quæ appellantur aures, Et tegendi causa factæ, tutandiq; sensus, Et ne adiectæ uoces laberentur, atque errarent, priusquam sensus ab his pulsus esset. sed duros, Et quasi corneolos habent introitus, multiq; cū flexibus, quod his naturis relatus amplificatur sonus. quocirca Et in fidibus testudine resonatur, aut cornu: Et ex tortuosis locis, Et inclusis referuntur ampliores. similiter nares, quæ semper propter necessarias utilitates patent, cōtractiores habent introitus, ne quid in eas, quod noceat, possit peruadere: humoremq; semper habent ad puluerem multaq; alia repellenda non inutilem. gustatus præclare sepius est: ore enim continetur, Et ad usum apte, Et ad incolumitatis custodiam. omnisq;

H

DE NATURA DEORVM

sensus hominum multo antecellit sensibus bestiarum .
 primum enim oculi in ijs artibus, quarum iudicium est
 oculorum , in pictis, fictis, calatisq; formis , in corpo-
 rum etiam motione , atque gestu multa cernunt subti-
 lius : colorum etiam, & figurarum tum uenustatem ,
 atque ordinem , & ut ita dicam, decentiam oculi iudi-
 cant: atque etiam alia maiora : nam & uirtutes , &
 uitia cognoscunt ; iratum , propitium , latantem, do-
 lentem , fortem, ignauum , audacem , timidumq; co-
 gnoscunt . aurium item est admirabile quoddam arti-
 ficiosumq; iudicium, quo iudicatur & in uocis , & in
 tibiarum , nervorumq; cantibus uarietas sonorum, in-
 ternualla , distinctio , & uocis genera permulta , cano-
 rum, fuscum ; leue, asperum ; graue, acutum ; flexi-
 bile, durum; quæ hominum solum auribus iudicantur .
 nariumq; item, & gustandi, & aperte tangēdi magna
 iudicia sunt . ad quos sensus capiendos , & perfruen-
 dos plures etiam , quàm uellem , artes repertæ sunt .
 perspicuum est enim , quod compositionem unguentorū,
 quod ciborum conditiones, quod corporum lenocinia pro-
 cesserint. iam uero animum ipsum, mentemq; hominis,
 rationem , consilium , prudentiam , qui nō diuina cu-
 ra perfecta esse perspicit , is his ipsis rebus mihi uidetur
 carere . de quo dum disputarem , tuā mihi dari uelim
 Cotta eloquentiā. quo enim tu illa modo diceres? quā-
 ta primum intelligentia , deinde consequentium re-
 rum cum primis coniunctio , & comprehensio esset
 in nobis : ex quo uidelicet , quid ex quibusque rebus
 efficiatur , idq; ratione , concludimus : singulasq; res
 diffinimus , circumscripτεq; complectimur : ex quo sci-

entia intelligitur quam vim habeat, qualis sit: qua ne in deo quidem est res ulla praestantior. quanta uero illa sunt, quae uos Academici infirmatis, & tollitis, quoddam sensibus, & animo ea, quae extra sunt, percipimus, atque comprehendimus. ex quibus collatis inter se, & comparatis artes quoque effcimus, partim ad usum uitae, partim ad oblectatione necessarias. iam uero domina rerum, ut uos soletis dicere, eloquendi uis quam est praeclara, quamque diuina? quae primum efficit, ut ea, quae ignoramus, discere, & ea, quae scimus, alios docere possimus. deinde hac cohortamur, hac persuademus, hac consolamur afflictos, hac deducimus perterritos à timore, hac gestientes comprimimus, hac cupiditates, iracundiasque restringimus. haec nos iuris, legum, urbium societate deuinxit, haec à uita immani, & fera segregauit. ad usum autem orationis, incredibile est, nisi diligenter attenderis, quanta opera machinata natura sit. primum enim à pulmonibus arteria usque ad os intimum pertinet: per quam uox principium à mente ducens, percipitur, & funditur. deinde in ore sita lingua est, finita dentibus. ea uocem immoderate profusam fingit, & terminat: quae sonos uocis distinctos & pressos efficit, cum & ad dentes, & ad alias partes pellit oris. itaque plectri similem linguam nostri solent dicere, cordarum dentes, nares cornibusque, qui ad nervos resonant in catibus. quam uero aptas, quamque multarum artium ministras manus natura homini dedit? digitorum enim contractio facilis, facilisque porrectio, propter molles commissuras, & artus, nullo in motu laborat. itaque

DE NATURA DEORVM

ad pingendum, ad fingendum, ad sculpendum, ad neruorum eliciendos sonos, ac tiliarum apta manus est ad motionem digitorum. atque hæc oblectationis, illa necessitatis. cultus dico agrorum, extructionesq; tectorum, tegumenta corporum uel texta, uel suta, omnemq; fabricam æris, & ferri: ex quo intelligitur, adinuenta animo, percepta sensibus, adhibitis opificum manibus omnia nos consecutos, ut tecti, ut uestiti, ut salui esse possimus, urbes, muros, domicilia, delubra haberemus. iam uero operibus hominum, id est manibus, cibi etiam uarietas inuenitur & copia. nam & agri multa ferunt manu quesita, quæ uel statim consumantur, uel mandentur condita uetustati: & præterea uescimur bestiis & terrenis, & aquatilibus, & uolatilibus, partim capiendo, partim alendo. efficimus etiam domitu nostro quadrupedum uectiones: quorum celeritas, atque uis nobis ipsis affert uim, & celeritatem. nos onera quibusdam bestiis, nos iuga imponimus: nos elephantorum acutissimis sensibus, nos sagacitate canum ad utilitatem nostram abutimur: nos è terræ cauernis ferrum elicimus, rem ad colendos agros necessariam: nos æris, argenti, auri uenas penitus abditas inuenimus, & ad usum aptas, & ad ornatum decoras: arborum autem confectione, omniq; materia, & culta, & siluestri, partim ad calefaciendum corpus igni adhibita, et ad mitigandum cibum utimur, partim ad ædificandum, ut tectis septi frigora, caloresq; pellamus. magnos uero usus affert ad nauigia facienda. quorum cursibus suppeditantur omnes undique ad uitam copiam: quasq; res uiolentiissimas natura genuit, earum mode

rationem nos soli habemus ; maris , atque uentorum ,
propter nauticarum rerum scientiam : plurimisq; ma-
ritimis rebus fruimur , atque utimur . terrenorum item
comodorum omnis est in homine dominatus . nos cam-
pis , nos montibus fruimur : nostri sunt amnes , nostri la-
cus : nos fruges serimus , nos arbores : nos aquarum
inductionibus terris fecunditatem damus : nos flumi-
na arcemus , dirigimus , auertimus : nostris denique ma-
nibus in rerum natura quasi altera naturam efficere
conamur . quid uero ? hominum ratio non in coelum
usque penetrauit ? soli enim ex animantibus nos astro-
rum ortus , obitus , cursusq; cognouimus : ab hominu
genere finitus est dies , mensis , annus : defectiones so-
lis & lunae cognita , praedictaq; in omne posterum tem-
pus , quae , quanta , quando futurae sint . quae con-
tuens animus , accipit ab his cognitionem deorum , ex
qua oritur pietas : cui coniuncta iustitia est , reliquaq;
uirtutes : ex quibus uita beata existit , par & similis
deorum , nulla re , nisi immortalitate , quae nihil ad
bene uiuendum pertinet , cedens caelestibus . Quibus
rebus expositis , satis docuisse uideor , hominis natura
quanto omnes anteiret animantes . ex quo debet intel-
ligi , nec figuram , situmq; membrorum , nec ingenij
mentisq; uim talem effici potuisse fortuna . Restat ,
ut doceam , atque aliquando perorem , omnia , quae
sint in hoc mundo , quibus utantur homines , hominum
causa facta esse , & parata . Principio ipse mundus deo-
rum hominumq; causa factus est : quaeq; in eo sunt o-
mnia , ea parata ad fructum hominum , et inuenta sunt .
est enim mundus quasi communis deorum atque homi-

DE NATURA DEORVM

num domus, aut urbs utrorumque. soli enim ratione
utentes iure, ac lege uiuunt. ut igitur Athenas, & La-
cedæmonem, Atheniensium, Lacedæmoniorumq; causa
putandū est conditas esse; omniaq; , quæ sint in his ur-
bibus, eorū populorū recte esse dicuntur: sic quæcunque
sunt in omni mūdo, deorū, atque hominū putāda sunt.
iam uero circuitus solis, & lunæ, reliquorumq; siderū,
quanquam etiam ad mūdi coherentiam pertinent, ta-
men & spectaculū hominibus præbent: nulla est enim
insatiabilior species, nulla pulchrior, & ad rationem so-
lertiamq; præstātior: eorum enim cursus demetiti, ma-
turitates temporum, & uarietates, mutationesq; cogno-
uimus. quæ si hominibus solis nota sunt, hominū causa
facta esse iudicanda sunt. Terra uero foeta frugibus,
& uario leguminū genere, quæ maxima largitate fun-
dit, ea ferarum ne, an hominū causa gignere uidetur?
quid de uitis oliuetisq; dicam? quarū uberrimi læ-
tissimiq; fructus nihil omnino ad bestias pertinet. neq;
enim ferendi, neque colendi, nec tēpestiue demetēdi, per-
cipiēdiq; fructus, neque cōdendi, ac reponēdi ulla pecu-
dum scientia est: earumq; omnium rerum hominū est
& usus, & cura. ut fides igitur, & tibiæ eorū causa
factas dicendum est, qui illis uti possunt: sic ea, quæ di-
ximus, solis ijs confitendum est esse parata, qui utun-
tur. nec si quæ bestie furantur aliquid ex his, aut ra-
piunt, illarū quoque causa ea nata esse dicemus. neque
enim homines murium, aut formicarū causa frumen-
tum condunt, sed coniugum, & liberorū, & familia-
rum suarū. itaque bestie furtim, ut dixi, fruuntur, do-
mini palām, & libere. hominū igitur causa eas rerum

copias comparatas, fatendū est. nisi forte tanta ubertas, & uarietas pomorum, eorumq; iucundus nō gustatus solum, sed odoratus etiam, & aspectus dubitationem affert, quin hominibus solis ea natura donauerit. tantumq; abest, ut hæc bestiarum etiam causa parata sint, ut ipsas bestias hominum gratia generatas esse uideamus. quid enim oues aliud afferunt, nisi ut earum uillis confectis, atque cōtextis homines uestiantur? quæ quidem neque ali, neque sustentari, neque ullū fructū edere ex se sine cultu hominū, et curatione potuissent. canū uero tā fida custodia, tamq; amās dominorū adu-
latio, tantumq; odium in externos, & tā incredibilis ad inuestigandū sagacitas narium, tanta alacritas in uenando quid significat aliud, nisi se ad hominū cōmoditates esse generatos? quid de bobus loquar? quorū ipsa terga declarāt nō esse se ad onus accipiendū figurata: ceruices autem natæ ad iugum: tum uires humerorum, & latitudines ad aratra extrahenda. quibus cū terræ subigerentur fissione glebarum, ab illo aureo genere, ut poetæ loquuntur, uis nunquam ulla afferebatur.

- » Ferrea tum uero proles exorta repente est,
 - » Ausaq; funestum prima est fabricarier ensem,
 - » Et gustare manu uictum domitumq; iuuentum.
- tanta putabatur utilitas percipi ex bobus, ut eorum uisceribus uesci scelus haberetur. longum est mulorum persequi utilitates, & asinorum: quæ certe ad hominum usum paratæ sunt. sus uero quid habet præter escam? cui quidem, ne putresceret, animam ipsam pro sale datam dicit esse Chrysippus. quæ pecude, quod

H iij

DE NATURA DEORVM

erat ad uescendum hominibus apta, nihil genuit natura
 fecundius. quid multitudinem, suauitatemq; piscium
 dicam? quid auium? ex quibus tanta percipitur uolu-
 ptas, ut interdum Pronoea nostra Epicurea fuisse ui-
 deatur. atque hæc ne caperentur quidem, nisi hominū
 ratione, atque solertia: quanquam aues quasdam &
 alites, & oscines, ut nostri augures appellant, rerum
 augurandarum causa esse natas putemus. iam uero
 immanes & feras belluas nanciscimur uenando, ut &
 uescamur ijs, & exerceamur in uenando ad similitudi-
 nem bellicæ disciplinæ, & utamur domitis, & condoce-
 factis, ut elephantis, multaq; ex earum corporibus re-
 media morbis, & uulneribus eligamus, sicut ex qui-
 busdam stirpibus, & herbis, quarum utilitatis longin-
 quū temporis usu, et periclitatione percepimus. totam
 licet animis tanquam oculis lustrare terram, mariaq;
 omnia cernere, et spatia frugifera, atque immensa cam-
 porum, uestitusq; densissimos montium, pecudum pa-
 stus, tum incredibili cursus maritimos celeritate. nec ue-
 ro tantum supra terram, sed etiam in intimis eius tene-
 bris plurimarum rerum latet utilitas; quæ ad usum ho-
 minum orta, ab hominibus solis inuenitur. illud uero,
 quod uterque uesterū fortasse arripiet ad reprehenden-
 dum; Cotta, quia Carneades libeter in Stoicos inuehe-
 batur; Velleius, quia nihil tam irridet Epicurus, quàm
 prædictionem rerum futurarum: mihi uidetur uel ma-
 xime confirmare deorum providentia consuli rebus hu-
 manis. est enim profecto diuinitas, quæ multis locis,
 rebus, temporibus apparet, tum in priuatis, tum maxi-
 me in publicis. multa cernunt aruspices: multa augu-

res provident: multa oraculis declarantur, multa uatinationibus, multa somnijs, multa portentis: quibus cognitis, multæ sepe res hominum sententia atque utilitate partæ, multa etiam pericula depulsa sunt. hæc igitur siue uis, siue ars, siue natura, ad scientiam rerum futurarum homini profecto est, nec ab alio alicui, quàm à dijs immortalibus data. quæ si singula uos forte non mouent, uniuersa certe inter se connexa, atque cōiuncta mouere debebunt. nec uero uniuerso generi hominum solum, sed etiam singulis à dijs immortalibus consuli, et provideri solet. licet enim contrahere uniuersitatē generis humani, eamq; gradatim ad pauciores, postremo deducere ad singulos. nam si omnibus hominibus, qui ubique sunt, quacūque in ora, ac parte terrarum ab hu iusce terræ, quam nos incolimus, continuatione distanzium, deos consulere censemus ob eas causas, quas ante diximus: his quoque hominibus cōsulunt, qui has nobiscū terras ab oriente ad occidentē colunt. sin autem his cōsulunt, qui quasi magnā quandam insulam incolunt, quam nos orbem terræ uocamus: etiam illis cōsulunt, qui partes eius insulæ tenent, Europam, Asiam, Africam. ergo & earum partes diligunt, ut Romā, Athenas, Spartam, Rhodum: & earum urbium separatim ab uniuersis singulos diligunt, ut Pyrrhi bello Curium, Fabricium, Coruncanum, primo Punico Calatinum, Duillium, Metellum, Lutatium, secūdo Maximum, Marcellum, Africanum, post hos Paulum, Gracchum, Catonem, patrum uel memoria Scipionē, Leliū: multosq; præterea et nostra ciuitas, et Græcia tulit singulares uiros: quorum neminem nisi iuuante deo ta-

DE NATURA DEORVM

lem fuisse credendum est. quæ ratio poetas, maximeq; Homerū impulit, ut principibus heroum, Vlyxi, Diomed, Agamemnoni, Achilli, certos deos discriminū, & periculorum comites adiungeret. Præterea ipsorum deorum sæpe præsentia, quales supra commemoravi, declarant, ab his & ciuitatibus, & singulis hominibus consulti. quod quidē intelligitur etiam significationibus rerū futurarum, quæ tum dormientibus, tum uigilantibus portenduntur. multa præterea ostentis, multa extis admonemur, multisq; rebus alijs: quas diuturnus usus ita notauit, ut artē diuinationis efficeret. nemo igitur uir magnus sine aliquo afflatu diuino unquam fuit. nec uero ita refellendum est, ut, si segetibus aut uinetis cuiuspiam tempestas nocuerit, aut si quid ē uitæ cōmodis casus abstulerit, eum, cui quid horū acciderit, aut inuisum deo, aut neglectū à deo iudicemus. magna dii curant, parua negligunt. magnis autem uiris prosperæ semper omnes res: si quidem satis à nostris, & à principe philosophorum Socrate dictum est de ubertatibus uirtutis, & copijs. Hæc mihi ferè in mentem ueniebāt, quæ dicenda putarem de natura deorū. tu autem Cora, si me audias, eandem causam agas; teq; & principem ciuem putes, & Pontificem esse cogites; et, quoniā in utrāque partem uobis licet disputare, hæc potius sumas; eamq; facultatem differendi, quā tibi à rhetoricis exercitationibus acceptā amplificauit Academia, huc potius cōferas: mala enim, & impia cōsuetudo est cōtra deos disputādi, siue ex animo id fit, siue simulate.

M. TVLLII CICERONIS
DE NATVRA DEORVM
LIBER III.

QVæ cum Balbus dixisset, tum ar-
 ridens Cotta, sero, inquit, mihi
 Balbe præcipis quid defendā. ego
 enim, te disputate, quid contradi-
 cerem mecum ipse meditabar, ne-
 que tam refellendi tui causa,
 quam ea, quæ minus intelligen-
 bam, requirendi. cū autem suo cuique iudicio sit uten-
 dum, difficile factu est, me id sentire, quod tu uelis. Hic
 Velleius, nescis, inquit, quāta cū expectatione Cotta sim
 te auditurus: iucundus enim Balbo nostro sermo tuus
 cōtra Epicurum fuit. præbebo igitur me tibi uicissim
attentū contra Stoicos auditorem: spero enim te, ut so-
 les, bene paratū uenire. Tū Cotta, si mehercule, in-
 quit, Vellei: neque enim mihi par ratio cū Lucilio est,
 ac tecū fuit. Qui tandem, inquit ille? Quia mihi uī-
 detur Epicurus uester de dijs immortalibus nō magno-
 pere pugnare. tātum modo negare deos esse nō audet,
 ne quid inuidiæ subeat, aut criminis. cum uero deos ni-
 hil agere, nihil curare cōfirmat, mēbrisq; humanis esse
 præditos, sed eorū membrorū usum nullū habere: lu-
 dere uidetur, satisq; putare, si dixerit, esse quandā bea-
 tam naturā, & eternam. à Balbo autem animadu-er-
 tisti credo q̄ multa dicta sint, quamq; , etiam si minus
 uera, tame apta inter se, & coherentia. itaq; cogito, ut

DE NATURA DEORVM

dixi, non tam refellere eius orationē, quā ea, quae mi-
nus intellexi, requirere. quare Balbe tibi permitto, respō-
dere ne mihi malis de singulis rebus quærēt ex te ea
quae parū accepi, an uniuersam audire orationē meā.
Tū Balbus, ego uero, si quid explanari tibi uoles, respō-
dere malo: sin me interrogare, non tam intelligēdi cau-
sa, quā refellendi; utrum uoles, faciam; uel ad singu-
la, quae requires, statim respondebo; uel, cum peroraris,
ad omnia. Tum Cotta, optime, inquit. quamobrē sic
agamus, ut nos ipsa ducit oratio. sed antequam de re,
pauca de me. non enim mediocriter moueor auctorita-
te tua Balbe, orationēq; ea, quae me in perorādo cohor-
tabatur, ut meminissem, me et Cottā esse, et Pontificē.
quod eō credo ualebat, ut opiniones, quas à maioribus
accepimus de dijs immortalibus, sacra, cerimonias, reli-
gionesq; defenderem. ego uero eas defendam, semperq;
defendi: nec me ex ea opinione, quā à maioribus accepi
de cultu deorum immortalium, ullius unquam oratio
aut docti, aut indocti mouebit. sed cum de religione
agitur, T. Coruncanum, P. Scipionem, P. Scaeuolā, Pō-
tifices maximos, non Zenonem, aut Cleanthem, aut
Chrysippum sequor; habeoq; C. Lelium augurem, eun-
dem sapientem: quem potius audiam de religione dicē-
tem in illa oratione nobili, quā quenquam principem
Stoicorum. cumq; omnis populi R. religio in sacra &
in auspicia diuina sit; tertiū adiunctum sit, si quid prae-
dictionis causa ex portentis, & monstris Sibyllae inter-
pretes, aruspices uel monuerunt: harum ego religionum
nullam unquam contemnendam putaui; mihiq; ita
persuasi, Romulum auspicijs, Numam sacris constitutis

fundamenta iecisse nostræ ciuitatis : quæ nūquam profecto sine summa placatione deorū immortalium tanta esse potuisset . Habes Balbe, quid Cotta, quid Pontifex sentiat . fac nunc ergo intelligam, tu quid sentias : à te enim philosopho rationē accipere debeo religionis , maioribus autem nostris , etiam nulla ratione reddita, credere . Tum Balbus, quam igitur à me rationem , inquit, Cotta desideras ? Et ille, quadripartita, inquit, fuit diuisio tua : primū ut uelles docere deos esse : deinde quales essent : tum ab his mundum regi : postremo consulere eos rebus humanis . hæc, si recte memini, partitio fuit . Rectissime, inquit Balbus : sed expecto, quid requiras . Tum Cotta, primū quidque uideamus , inquit : etsi id est primū, quod inter omnes, nisi admodum impios, cōuenit, mihi quidem ex animo exuri nō potest, esse deos . id tamen ipsum , quod mihi persuasum est , esse deos auctoritate maiorū, cur ita sit nihil tu me doces . Quid est, inquit Balbus, si tibi persuasum est, cur à me uelis discere ? Tum Cotta, quid sic aggredior , inquit, ad hanc disputationem, quasi nihil unquam audierim de dijs immortalibus, nihil cogitauerim, rudem me discipulum et integrum accipe, & ea, quæ requiro, doce . Dic igitur, quid requiras . Ego ne ? primum illud, cur, quod perspicuum in istam partem , ne egere quidem oratione dixisses , quod esset conspicuum , & inter omnes constaret, de eo ipso tam multa dixeris ?

Quia te quoque, inquit, animaduerti Cotta sæpe, cū in foro diceres, quàm plurimis posses argumentis onerare iudicem, si modo eam facultatem tibi daret causa . atque hoc idem & philosophi faciunt, & ego, ut potui,

DE NATURA DEORVM

feci . tu autem , qui id quæris , similiter facis , ac si me roges , cur te duobus contuear oculis , & non altero tantum , cum idem uno assequi possim . Tū Cotta , quàm simile istud sit , inquit , tu uideris . nā ego neque in causis , si quid est euidentis , de quo inter omnes conueniat , argumentari soleo ; perspicuitas enim argumētatione eleuatur : nec , si id facerem in causis forensibus , idem facerem in hac subtilitate sermonis . cur contuereris autē altero oculo , causa nō esset , cum idem obtutus esset amborum , & cum rerum natura , quam tu sapientem esse uis , duo lumina ab animo ad oculos perforata nos habere uoluisset . sed quia nō confidebas tam esse id perspicuum , quàm tu uelis , propterea multis argumentis deos esse docere uoluisti . mihi enim unum satis erat , ita nobis maiores nostros tradidisse . sed tu auctoritates omnes contemnis , ratione pugnas . patere igitur , rationē meam cum tua ratione contendere . Afferis hæc omnia argumenta , cur dū sint : remq; mea sententia minime dubiam , argumentando dubiam facis . mandauī enim memoriæ non numerum solum , sed etiā ordinem argumentorum tuorum . primum fuit , cum cœlum suscepissemus , statim nos intelligere esse aliquod numen , quo hæc regantur . ex hoc illud etiam ,

- » Aspice hoc sublime candens , quē inuocant omnes Iouē . quasi uero quisquam nostrum , istum potius , quàm Capitolinum , Iouem appellet ; aut hoc perspicuū sit , constetq; inter omnes , eos esse deos , quos tibi Velleius , multiq; præterea ne animantes quidem esse cōcedant . graue etiam argumentum tibi uidebatur , quod opinio de dijs immortalibus & omnium esset , & quotidie cresce-

ret. placet igitur, tantas res opinione stultorum iudicari, uobis praesertim, qui illos insanos esse dicatis? at enim praesentes uidemus deos, ut apud Regillum Postumius, in Salaria Vatienu, nescio quid etiam de Locrorum apud Sagram praelio. quos igitur tu Tyndaridas appellabas, id est homines homine natos; et quos Homerus, qui recens ab illorum aetate fuit, sepultos esse dicit Lacedaemone; eos tu canterijs albis, nullis calonibus, obuam Vatienu uenisse existimas, et uictoriam populi R. Vatienu potius homini rustico, quam M. Catoni, qui tum erat princeps, nunciauisse? ergo et illud in silice, quod hodie apparet apud Regillum, tanquam uestigium ungulae, Castoris equi credis esse? non ne mauis illud credere, quod probari potest, animos praecclarorum hominum, quales isti Tyndaridae fuerunt, diuinos esse, et aeternos, quam eos, qui semel cremati essent, equitare, et in acie pugnare potuisse? aut si hoc fieri potuisse dicis, doceas oportet quo modo nec fabellas aniles proferas.

Tum Lucilius, an tibi, inquit, fabellae uidentur? non ne ab A. Postumio aedem Castori et Polluci in foro dedicatam, non ne S. C. de Vatienu uides? nam de Sagra Graecorum etiam est uulgare prouerbiu: qui, quae affirmant, certiora esse dicunt, quam illa, quae apud Sagram. his igitur auctoribus non ne debes moueri? Tum Cotta, rumoribus, inquit, mecum pugnas Balbe: ego autem a te rationes requiro. * Sequuntur, quae futura sunt. effugere enim nemo id potest, quod futurum est. saepe autem ne utile est quidem scire, quid futurum sit: miserum est enim nihil proficentem angere, nec habere ne spei quidem extremum, et tamen

DE NATURA DEORVM

commune solatium, praesertim cum uos iidem fato fieri dicatis omnia: quod autem semper ex omni aeternitate uerum fuerit, id esse fatum. quid igitur iuuat, aut quid affert ad cauendum, scire aliquid futurum, cum id certe futurum sit? unde porro ista diuinitio? quis inuenit fissum iecoris? quis cornicis cantum notauit? quis sortes? quibus ego credo: nec possum Attij Nauij, quae commemorabas, lituum contemnere: sed qui ista intellecta sunt, à philosophis debeo discere, praesertim cum isti plurimis de rebus diuinis mentiantur. At medici quosque (ita. n. dicebas) saepe falluntur. quid simile medicina, cuius ego rationem uideo, & diuinitio, quae unde oriatur, non intelligo? tu autem etiam Deciorum deuotionibus placatos deos esse censes. quae fuit eorum tanta iniquitas, ut placari populo R. non possent, nisi uiri tales occidissent? consilium illud imperatorum fuit, quod Graeci *σφατύνημα* appellant; sed eorum imperatorum, qui patriae consulerent, uitae non parcerent: rebantur enim fore, ut exercitus imperatorem equo incitato se in hostes immittentem persequeretur: id quod euenit. nam Fauni uocem equidem nunquam audiui. tibi, si audiuisse te dicis, credam. etsi, Faunus omnino quid scit, nescio: non igitur adhuc, quantum quidem in te Balbe est, intelligo deos esse: quos equidem credo esse, sed nihil docent Stoici. nam Cleanthes, ut dicebas, quatuor modis formatas in animis hominum putat deorum esse notiones. unus is modus est, de quo satis dixi, qui est susceptus ex praesensione rerum futurarum. alter ex perturbationibus tempestatum, & reliquis motibus. tertius ex commoditate rerum, quas percipimus, & copia.

quartus

quartus ex astrorum ordine, cœliq; constantia. de præ-
sensione diximus. de perturbationibus cœlestibus, &
maritimis, & terrenis, non possumus dicere, cum ea
fiant, non esse multos, qui ea metuant, & à dijs im-
mortalibus fieri existiment. sed non id queritur, sint
ne aliqui, qui deos esse putent: dii utrum sint, nec ne
sint, queritur. nā reliquæ causæ, quas Cleāthes affert;
quarum una est de cōmodorum, quæ capimus, copia,
altera de temporū ordine, cœliq; constantia; tum tra-
ctabuntur à nobis, cum de providentia deorum dispu-
tabimus; de qua plurima à te Balbe dicta sunt: eo-
demq; illa etiam differemus, quod Chrysippum dice-
re aiebas, quoniam esset aliquid in rerum natura,
quod ab homine effici non posset, esse homine aliquid
melius: quæq; in domo pulchra cum pulchritudine
mundi comparabas, & cum totius mundi convenien-
tiam consensumq; afferebas, Zenonisq; breves, & acu-
tulas conclusiones in eam partem sermonis, quam mo-
do dixi, differemus: eodemq; tempore illa omnia, quæ
à te physice dicta sunt de vi ignea, deq; eo calore, ex
quo omnia generari dicebas, loco suo quarentur: o-
mniaq; quæ à te nudius tertius dicta sunt, cum
docere velles deos esse, quare & mundus universus,
& sol, & luna, & stellæ sensum ac mentem ha-
berent, in idem tempus reservabo. à te autem illud
etiam atque etiam queram, quibus rationibus tibi
persuadeas deos esse. Tum Balbus, equidem at-
tulisse rationes mihi uideor: sed eas tu ita refellis,
ut, cum me interrogaturus esse uideare, & ego me ad
respondendum compararim, repente auertas oratio-

DE NATURA DEORVM

nem, nec des respondendi locum. itaque maxime res ta-
cite praterierunt, de diuinatione, de fato: quibus de
questionibus tu quidem strictim, nostri autem multa so-
lent dicere: sed ab hac quaestione, quae nunc in mani-
bus est, separantur: quare, si uideretur, noli agere con-
fuse; ut hoc explicemus hac disputatione, quod quæri-
tur. Optime, inquit Cotta. itaque quoniam qua-
tuor in partes totam quaestionem diuisisti, de primaq;
diximus, consideremus secundam. quæ mihi talis uide-
tur fuisse, ut cum ostendere uelles, quales dii essent, os-
tenderes nullos esse: à consuetudine enim oculorū ani-
mum abducere difficillimum dicebas: sed, cum deo ni-
hil præstantius esset, non dubitabas quin mundus esset
deus, quod nihil in rerū natura melius esset, modo pos-
semus eum animantem cogitare, uel potius, ut cætera
oculis, sic animo hoc cernere. sed, cum mundo negas
quidquā esse melius, quid dicis melius? si pulchrius, as-
sentior. si aptius ad utilitates nostras, id quoque assen-
tior. sin autem id dicis, nihil esse mūdo sapientius: nul-
lo modo prorsus assentior: nō quod difficile sit mentem
ab oculis seuocare: sed quo magis seuoco, eo minus id,
quod tu uis, possum mente cōprehendere. nihil est mun-
do melius in rerū natura. ne in terris quidem urbe no-
stra. num igitur iccirco in urbe esse rationem, cogita-
tionem, mentem putas? aut, quoniam non sit, num ic-
circo existimas formicam anteponendam esse huic pul-
cherrimæ urbi, quod in urbe sensus sit nullus, in for-
mica non modo sensus, sed etiam mens, ratio, me-
moriam? uidere oportet. Balbe, quid tibi concedatur,
non te ipsum, quod uelis, sumere. istum enim locum

totum illa uetus Zenonis breuis, et, ut tibi uidebatur, acuta conclusio dilatauit. Zeno enim ita concludit. quod ratione utitur, melius est, quam id, quod ratione non utitur. nihil autem mundo melius: ratione igitur mundus utitur. hoc si placet, iam efficies, ut mundus optime librum legere uideatur. Zenonis enim uestigijs hoc modo rationem poteris cōcludere. quod literatum est, id est melius, quam quod non est literatum. nihil autem mundo melius: literatus igitur est mundus. isto modo etiam disertus, & quidem mathematicus, musicus, omni denique doctrina eruditus, postremo philosophus erit mundus. Sæpe dixi nihil fieri sine deo, nec ullam uim esse naturæ, ut sui dissimilia posset effingere. concedam, non modo animantem, & sapientem esse mundum, sed fidicinem etiam, & tibicinem, quoniam earū quoque artium homines ex eo procreantur. nihil igitur affere pater isie Stoicorum, quare mundum ratione uti putemus, nec cur animantem quidem esse. non est igitur mundus deus: & tamen nihil est eo melius: nihil est enim eo pulchrius, nihil salutarius, nihil ornatius aspectu, moruq; constantius. quod si mundus uniuersus non est deus, ne stellæ quidem, quas tu innumerabiles in deorum numero reponebas. quarum te cursus æquabiles, æterniq; delectabāt: nec mehercule iniuria: sunt enim admirabili, incredibiliq; constantia. sed non omnia Balbe, quæ cursus certos, & cōstantes habent, ea deo potius, quam naturæ tribuenda sunt. quid Chalcidico Euripo in motu identidem reciprocando putas fieri posse constantius? quid freto Siciensi? quid Oceani feruore illis in locis,

DE NATURA DEORVM

» Europam Libyamq; rapax ubi diuidit unda ?
 quid æstus maritimi uel Hispanienses uel Britanici, eo-
 rumq; certis temporibus uel accessus, uel recessus, si-
 ne deo fieri non ne possunt? uide quæso, si omnis mo-
 tus, omniaq;, quæ certis temporibus ordinem suum
 conseruant, diuina dicimus, ne tertianas quidem fe-
 bres, & quartanas diuinas esse dicendum sit, quarum
 reuersione, & motu quid potest esse constantius? sed
 omnium talium rerum ratio reddenda est. quod uos
 cum facere non potestis, tanquam in aram, confugitis
 ad deum. & Chrysippus tibi acute dicere uidebatur,
 homo sine dubio uersutus, & callidus. uersutos eos ap-
 pello, quorum celeriter mens uersatur: callidos au-
 tem, quorum, tanquam manus opere, sic animus
usu concalluit. is igitur, si aliquid est, inquit, quod
 homo efficere non possit; qui id effecit, melior est ho-
 mine. homo autem hæc, quæ in mundo sunt, effi-
 cere non potest: qui potuit igitur, is præstat homini.
 homini autem præstare quis possit, nisi deus? est igi-
 tur deus. hæc omnia in eodem, quo illa Zenonis, er-
 rore uersantur. quid enim sit melius, quid præstabi-
 lius, quid inter naturam, & rationem intersit, non
 distinguitur. idemq;, si dei non sint, negat esse in o-
 mni natura quidquam homine melius: id autem pu-
 tare quenquam hominem, nihil homine esse melius,
 summæ arrogantia censeret esse. sit sane arrogantis, plu-
 ris se putare, quàm mundum. at illud non modo non
 arrogantis, sed potius prudentis, intelligere se habe-
 re sensum, & rationem, & orationem, hæc eadem
 & caniculam non habere. & si domus pulchra sit,

intelligamus eam dominis, inquit, edificatam esse, non muribus. sic igitur mundum deorum domum existimare debemus. ita prorsus existimarem, si illum edificatum, non, quemadmodum docebo, à natura conformatum putarem. At enim quaerit apud Xenophontem Socrates, unde animam arripuerimus, si nulla fuerit in mundo. Et ego quaero, unde orationem, unde numeros, unde cantus. nisi uero loqui solem cum luna putamus, cum propius accesserit; aut ad harmoniam canere mundum, ut Pythagoras existimat. naturae ista sunt Balbe, naturae non artificiose ambulantis, ut ait Zeno; quod quidem quale sit, iam uidebimus; sed omnia cientis, & agitantis motibus, & mutationibus suis. itaque illa mihi placebat oratio de conuenientia, consensuque naturae, quam quasi cognatione continuatam conspirare dicebas. illud non probabam, quod negabas id accidere potuisse, nisi ea uno diuino spiritu contineretur. illa uero coheret, & permanet naturae uiribus, non deorum: estque in ea iste quasi consensus, quam *συμπάθεια* Graeci uocant: sed ea, quo sua sponte maior est, eo minus diuina ratione fieri existimanda est. illa autem, quae Carneades afferebat, quemadmodum dissoluitis? si nullum corpus immortale sit, nullum esse corpus sempiternum: corpus autem immortale nullum esse, ne indiuiduum quidem, nec quod dirimi, distrahique non possit. cumque omne animal patibilem naturam habeat, nullum est eorum, quod effugiat accipiendi aliquid extrinsecus, id est quasi ferendi & patiendi necessitatem. & si omne animal mortale est, nullum est immortale. & si omne animal

DE NATURA DEORVM

secari ac diuidi potest, nullum est eorum indiuiduum,
 nullum eternum. atqui omne animal ad accipiendam
 uim externam & ferendam paratum est: mortale igitur
 omne animal, & dissolubile, & diuiduum sit ne-
 cesse est. ut enim, si omnis cera commutabilis esset, ni-
 hil esset cereum quod commutari non posset: item nihil
 argenteum, nihil aeneum, si commutabilis esset natura
 argenti, & aeris. similiter igitur, si omnia, quae sunt,
 è quibus cuncta constant, mutabilia sunt, nullum cor-
 pus esse potest non mutabile. mutabilia autem sunt il-
 la, ex quibus omnia constant, ut uobis uidetur: omne
 igitur corpus mutabile est. at si esset corpus aliquod im-
 mortale, nõ esset omne mutabile. ita efficitur, ut omne
 corpus mortale sit: etenim omne corpus aut aqua, aut
 aer, aut ignis, aut terra est, aut id, quod est concre-
 tum ex his, aut ex aliqua parte eorum: horum autem
 nihil est, quod non intereat: nam & terrenum omne
 diuiditur; & humor ita mollis est, ut facile compri-
 mi, collidiq; possit: ignis uero, & aer omni impulsu
 facillime pellitur, naturaq; cedens est maxime, & dis-
 sipabilis. praeterea omnia haec tum intereunt, tum in na-
 turam aliam conuertuntur: quod fit, cum terra in
 aquam se uertit, & cum ex aqua oritur aer, & cum
 ex aere aether, cumq; eadem uicissim retro commeant.
 quod si ea intereunt ex quibus constat omne animal:
 nullum est animal sempiternum. & ut haec omittamus, ta-
 men animal nullum inueniri potest, quod neque natum
 unquam sit, & semper sit futurum: omne enim ani-
 mal sensus habet: sentit igitur & callida, et frigida, et
 dulcia, & amara, nec potest ullo sensu incunda accipe-

re, & non accipere contraria. si igitur voluptatis sensum capit, doloris etiam capit: quod autem dolorem accipit, id accipiat etiam interitum necesse est: omne igitur animal confitendum est esse mortale. praeterea, si quid est, quod nec voluptatem sentiat, nec dolorem, id animal esse non potest. sin autem quod animal est, id illa necesse est sentiat: & quod ea sentiat, non potest esse aeternum; & omne animal sentit: nullum igitur animal est aeternum. praeterea nullum potest esse animal, in quo non & appetitio sit, & declinatio naturalis. appetuntur autem quae secundum naturam sunt, declinantur contraria: & omne animal appetit quaedam, & fugit a quibusdam. quod autem refugit, id contra naturam est: & quod est contra naturam, id habet vim interimendi: omne ergo animal intereat necesse est. innumerabilia sunt, ex quibus effici, cogique possit, nihil esse quod sensum habeat, quin id intereat. etenim ea ipsa, quae sentiuntur, ut frigus, ut calor, ut voluptas, ut dolor, ut caetera, cum amplificata sunt, interimunt: nec ullum animal est sine sensu: nullum igitur animal est aeternum. etenim aut simplex est natura animantis, ut vel terrena sit, vel ignota, vel animalis, vel humida; quod quale sit, ne intelligi quidem potest: aut concreta ex pluribus naturis, quarum suum quaque locum habeat, quo naturae vi efferatur, alia infimum, alia summum, alia medium. haec ad quoddam tempus coherere possunt, semper autem nullo modo possunt: necesse est enim suum quaque in locum natura rapiatur. nullum igitur animal est sempiternum. sed omnia uestri Balbe solent ad igneam vim referre, Heraclitum, ut opinor,

DE NATURA DEORVM

sequentes : quem ipsum non omnes interpretantur uno modo. quoniam, quid diceret, intelligi noluit, omit-
tamus. nos autem ita dicitis, omnem uim esse ignem :
itaque & animantes, cum calor defecerit, tū interire;
& in omni natura rerum id uiuere, id uigere, quod
caleat. ego autem non intelligo, quo modo calore extin-
cto corpora intereant, non intereant humore, aut spi-
ritu amisso, praesertim cum intereant etiam nimio calo-
re. quamobrem id quidem commune est de calido: ue-
runtamen uideamus exitū. ita uultis opinor, nihil esse
animal extrinsecus in natura, atque mundo, praeter
ignem: qui magis, quam praeter animam? unde ani-
mātium quoque cōstet animus, ex quo anima dicitur.
quo modo autem, hoc quasi concedatur, sumitis, nihil
esse animū, nisi ignem? probabilius enim uidetur, tale
quiddam esse animum, ut sit ex igne, atque anima tem-
peratū. quod si ignis ex sese ipse animal est, nulla se a-
lia admiscente natura, quoniam is, cum inest in corpo-
ribus nostris, efficit ut sentiamus: non potest ipse esse
sine sensu. rursus eadē dici possunt. quidquid est enim
quod sensum habeat, id necesse est sentiat & uolupta-
tem, & dolorem: ad quem autem dolor ueniat, ad eū-
dem etiam interitū uenire. ita fit, ut ne ignem quidem
efficere possitis aeternum. quid enim? non eisdem uo-
bis placet omnem ignem pastu indigere? nec permane-
re ullo modo posse, nisi alatur? ali autem solem, lunā,
reliqua astris, aquis alia dulcibus, alia marinis? eamq;
causam Cleantes affert, cur se sol referat, nec longius pro-
grediatur solstitiali orbe, itemq; brumali, ne longius di-
scedat a cibo, hoc totū quale sit, mox. nūc autem con-

cludatur, illud, quod interire possit, id æternum non
esse natura: ignem autem interiturū esse, nisi alatur:
non esse igitur natura ignem sempiternum. qualem
autem deum intelligere nos possumus nulla uirtute
præditum? quid enim? prudentiam ne deo tribue-
mus? quæ constat ex scientia rerum bonarum, & ma-
larum, & nec bonarum, nec malarum. cui mali nihil
est, nec esse potest, quid huic opus est delectu bonorum,
& malorū? quid autem ratione? quid intelligentia?
quibus utimur ad eam rem, ut apertis obscura assequa-
mur. at obscurum deo nihil potest esse. nam iustitia,
quæ suum cuique distribuit, quid pertinet ad deos? ho-
minum enim societas & communitas, ut uos dicitis, ius-
titiam procreauit. temperantia autem constat ex præ-
termittendis uoluptatibus corporis: cui si locus in cælo
est, est etiam uoluptatibus. nam fortis deus intelligi quā
potest? in dolore, an in labore, an in periculo? quo-
rum deum nihil attingit. nec ratione igitur utentem,
nec uirtute ulla præditum deum intelligere qui possumus?
nec uero uulgi atque imperitorum inscitiam des-
picere possum, cum ea considero, quæ dicuntur à Stoi-
cis. sunt enim illa imperitorum. pisces Syri ueneran-
tur. omne ferè genus bestiarum Aegyptij consecraue-
runt. iam uero in Græcia multos habent ex hominibus
deos, Alabandum Alabandi, Tenedi Tenem, Leuco-
theam, quæ fuit Ino, & eius Palæmonem filium cun-
cta Græcia, Herculem, Aesculapiū, Tyndaridas: Ro-
mulum nostri, aliosq; complures: quos quasi nouos &
ascriptitios ciues in cælū receptos putāt. hæc igitur in-
docti. qd uos philosophi? qui meliora? omitto illa: sunt

DE NATURA DEORVM

enim præclara . sit sanè deus ipse mundus . hoc credo
illud esse

» =sublime candens, quem inuocant omnes Iouem .

quare igitur plures adiungimus deos? quanta autem est
eorum multitudo? mihi quidem sanè multi uidentur:
singulas enim stellas numeras deos, easq; aut beluarum
nomine appellas, ut capram, ut lupam, ut taurum, ut
leonem; aut rerum inanimatarum, ut argon, ut arā,
ut coronam. sed ut hæc concedantur, reliqua qui tan-
dem non modo concedi, sed omnino intelligi possunt?
cum fruges Cereæ, uinum Liberum dicimus, genere
nos quidem sermonis utimur usitato: sed ecquem tam
amentem esse putas, qui illud, quo uescatur, deum cre-
dat esse? Nam quos ab hominibus peruenisse dicis ad
deos, tu reddes rationem quemadmodum idem fieri po-
tuerit, aut cur fieri desierit, & ego discam libenter.
quo modo nunc quidem est, nō uideo quo pacto ille, cui
in monte Oetæo illatæ lampades fuerūt, ut ait Accius,
in domum æternam patris ex illo ardore peruenierit.
quem tamen Homerus conueniri apud inferos facit ab
Vlyxe, sicut ceteros, qui excefferant uitā. quanquam,
quem potissimum Herculem colamus, scire sanè ue-
lim: plures enim tradunt nobis ij, qui interiores scriu-
rantur & reconditas literas: antiquissimum Ioue na-
tum, sed antiquissimo item Ioue: nā Ioues quoque plu-
res in priscis Græcorum literis inuenimus. ex eo igitur
& Lisyto est is Hercules, quem concertauisse cum Apol-
line de tripode accepimus. alter traditur Nilo natus
Aegyptius: quem aiunt Phrygias literas conscripsisse.
tertius est ex Idæis indigenis: cui inferias afferūt. quare

tus Iouis est, Asterie Latonæ sororis, quem Tyrus maxi-
me colunt, cuius Carthaginem filiam ferunt. quintus
in India, qui Belus dicitur. sextus hic ex Alcumena,
quem Iuppiter genuit, sed tertius Iuppiter: quoniam, ut
iam docebo, plures Ioues etiam accepimus. quando enim
me in hunc locum deduxit oratio, docebo, meliora me
didicisse de colendis diis immortalibus iure pontificio, et
maiorum more capedunculis istis, quas Numa nobis reli-
quit, de quibus in illa aureola oratiuncula dicit Lælius,
quàm rationibus Stoicorum. si enim uos sequar, dic,
quid ei respondeam, qui me sic roget. si dii sunt, sunt
ne etiam Nymphæ deæ? si Nymphæ, Panisci etiam, et
Satyri. hi autem non sunt: ne Nymphæ quidem deæ
igitur. at earum templa sunt publice uota, et dedicata.
quid igitur? ne ceteri quidem ergo dii, quorum tem-
pla sunt dedicata. age porro, Iouem et Neptunum deum
numeras: ergo etiam Orcus frater eorum deus, et
illi, qui fluere apud inferos dicuntur, Acheron, Cocy-
tus, Styx, Phlegeton, tum Charon, tum Cerberus dii
putandi. at id quidem repudiandum: ne Orcus qui-
dem igitur: quid dicitis ergo de fratribus? hæc Carne-
ades agebat, non ut deos tolleret: quid enim philoso-
pho minus conueniens? sed ut Stoicos nihil de diis explicare
conuinceret. itaque insequabatur. quid enim, aiebat, si
ii fratres sunt in numero deorum, num de patre eorum
Saturno negari potest? quem uulgo maxime ad occi-
dentem colunt. qui si est deus, patrem quoque eius Cœ-
lū esse deum confitendum est. quod si ita est, Cœli quoque
parentes dii habendi sunt, Aether, et Dies, eorumque fra-
tres, et sorores: qui à genealogis antiquis sic nominā-

DE NATURA DEORVM

tur; amor, dolus, motus, labor, inuidia, fatum,
senectus, mors, tenebrae, miseria, querela, gratia,
fraus, pertinacia, Parcae, Hesperides, somnia: quos om-
nes Erebo & Nocte natos ferunt. aut igitur haec mo-
stra probanda sunt, aut prima illa tollenda. quid?
Apollinem, Vulcanum, Mercurium, ceteros deos esse
dices, de Hercule, Aesculapio, Libero, Castore, Pollu-
ce dubitabis? at hi quidem coluntur aequae atque illi,
apud quosdam etiam multo magis. ergo hi dii sunt ha-
bendi mortalibus nati matribus. quid Aristaeus, qui oli-
uae dicitur inuentor, Apollinis filius; Theseus, qui Ne-
ptuni; reliqui, quorum patres dii, non erunt in deorum
numero? quid, quorum matres? opinor etiam magis.
ut enim in iure civili, qui est de matre libera, liber est:
item iure naturae, qui de dea matre est, deus sit necesse
est. itaque Achillem Astypalea insula sanctissimum co-
lit. qui si deus est: & Orpheus, & Rhesus dii sunt
matre musa nati. nisi forte maritimae nuptiae terrenis
anteponuntur. si hi dii non sunt, quia nusquam coluntur;
quo modo illi sunt? uide igitur, ne uirtutibus hominum
isti honores habeantur, non immortalitatibus: quod tu
quoque Balbe uisus es dicere. quo modo autem potes, si
Latonae deam putes, Hecatem non putare, quae matre Aste-
ria est sorore Latonae? an haec quoque dea est? uidimus
enim eius aras delubraque in Graecia. sin haec dea est,
cur non Eumenides? quae si deae sunt, quarum et Athenis
sanctum est, et apud nos, ut ego interpretor, lucus Furinae:
Furiae deae sunt, speculatrices, credo, & uindices facino-
rum, & scelerum. quod si tales dii sunt, ut rebus hu-
manis intersint: Natio quoque dea putanda est: cui, cum

fana circumus in agro Ardeati, rem diuinam facere solemus. quæ quia partus matronarum tueatur, à nascantibus Natio nominata est. ea si dea est, dii omnes illi, qui cōmemorabantur à te, honos, fides, mens, concordia, ergo etiam spes, moneta, omniaq; , quæ cogitatione nobismet ipsis possumus fingere. quod si uerisimile non est: ne illud quidem est, hæc unde fluxerunt. quid autem dicis? si dii sunt illi, quos colimus, et accepimus: cur nō eodem in genere Serapim, Isimq; numeremus? quod si facimus, cur barbarorum deos repudiemus? boves igitur, & equos, ibes, accipitres, aspidas, crocodilos, pisces, canes, lupos, feles, multas præterea bestias in deorum numero reponemus. quæ si reijciamus, illa quoque, unde hæc nata sunt, reijciemus. qd deinde? Ino dea dicitur quæ Leucothea à Græcis, à nobis Matuta dicitur, cum sit Cadmi filia: Circe autem, & Pasiphae, è Perseide Oceani filia nata, patre sole, in deorū numero non habebūtur? quanquā Circem quoque coloni nostri Circeienses religiose colunt. ergo hanc deam dicis. quid Medæ respondebis? quæ duobus auis, Sole, & Oceano, Aceta patre, matre Idyia procreata est. quid huius Absyrto fratri, qui est apud Pacuuiū Egialeus? sed illud nomen ueterū literis usitatus. qui si dii nō sunt, uereor quid agat Ino: hæc enim omnia ex eodem fonte fluxerunt. an Amphidraus deus erit, & Trophonius? nostri quidem publicani, cum essent agri in Bœotia deorum immortalium excepti lege censoria, negabant immortales esse ullos, qui aliquando homines fuissent. sed si sunt hi dii; est certe Erichtheus, cuius Athenis & delubrum uidimus, & sacerdotem.

DE NATURA DEORVM

quem si deum facimus, quid aut de Codro dubitare possumus, aut de ceteris, qui pugnantes pro patriæ libertate ceciderunt? quod si probabile non est: ne illa quidem superiora, unde hæc manant, probanda sunt. atque in plerisque ciuitatibus intelligi potest, augendæ uirtutis gratia, quo libetius Reip. causa periculū adiret. optimus quisque, uirorum fortium memoriam honore deorum immortalium consecratā: ob eam enim ipsam causam Erichtheus Athenis, filiæq; eius in numero deorum sunt. itemq; Leonaticum est delubrum Athenis, quod Leocorion nominatur. Alabandenses quidem sanctius Alabandū colūt, à quo est urbs illa cōdita, quā quenquam nobilium deorū: apud quos non inurbane Stratonicus, ut multa, cū quidam ei molestus Alabandum deum esse confirmaret, Herculem negaret, ergo, inquit, mihi Alabandus, tibi Hercules sit iratus. illa autem Balbe, quæ tu à coelo, astrisq; ducebas, quā longe serpant, non uides: solem deum esse, lunamq;: quorum alterum Apollinem Græci, alteram Dianā putant. quod si luna dea est: ergo etiam lucifer, ceteraq; errantes numerum deorum obtinebūt: igitur etiam inerrantes. cur autem arcus species non in deorū numero reponatur? est enim pulcher, & ob eam causam, quia speciem habeat admirabilem, Thaumante dicitur esse nata. cuius si diuina natura est, quid facies nubibus: arcus enim ipse ex nubibus efficitur quodā modo coloratus. quarum una etiam Centauros peperisse dicitur. quod si nubes retuleris in deos, referenda certe erūt tempestates, quæ populi R. ritibus consecratæ sunt. ergo imbres, nimbi, procellæ, turbines sunt dii putan-

di. nostri quidem duces mare ingredientibus immolare
hostiam fluctibus consueverunt. tum si est Ceres à geren-
do, ita enim dicebas: terra ipsa dea est, & ita habe-
tur: quæ est enim alia Tellus? sin terra: mare etiã;
quem Neptunum esse dicebas: ergo & flumina, & fon-
tes. itaque & fontis delubrum Marso ex Corsica dedi-
cavit: & in Augurum precatatione Tiberinum, Spino-
nem, Anemonem, Nodinum, alia propinquorum flu-
minum nomina uidemus. ergo hoc aut in immensum
serpet, aut nihil horum recipiemus, nec illa infinita ra-
tio superstitionis probabitur. nihil ergo horum proban-
dum est. Dicamus igitur Balbe oportet contra illos
etiam, qui hos deos ex hominum genere in cælum trans-
latos non re, sed opinione esse dicunt, quos auguste om-
nes sancteq; ueneramur. Principio Ioues tres nume-
rantur ij, qui theologi nominantur: ex quibus primum
& secundum natos in Arcadia, alterum patre Aethe-
re, ex quo etiam Proserpinam natam ferunt, & Libe-
rum; alterum patre Cælo, qui genuisse Mineruam
dicitur, quam principem & inuentricem belli ferunt:
tertium Crentensem Saturni filium: cuius in illa insula
sepulcrum ostenditur. Διόσκουροι etiam apud Graecos
multis modis nominantur. primi tres, qui appellantur
Anaces, Athenis ex Ioue Rege antiquissimo, & Proser-
pina nati, Tricopatrens, Eubuleus, Dionysius. secundi
Ioue tertio nati ex Leda, Castor & Pollux. tertij di-
cuntur à non nullis Aleo, & Melampus, Emolus, Atrei
filij, qui Pelope natus fuit. iam musæ primæ quatuor,
nata Ioue altero, Thelxiope, Mneme, Aæde, Melete.
secundæ Ioue tertio, & Mnemosine procreatæ nouem.

DE NATURA DEORVM

tertiæ Ioue tertio Pieriæ natæ & Antiopa : quas Pieridas, & Pierias solent poetæ appellare, iisdem nominibus, eodem numero, quo proximæ superiores. cumq; tu Solem, quia solus esset, appellatum esse dicas : Soles ipsi quàm multi à theologis proferuntur ? unus eorū Ioue natus, nepos Aetheris : alter Hiperione : tertius Vulcano, Nili filio : cuius urbem Aegyptij uolunt esse eā, quæ Heliopolis appellatur. quartus is, quem heroicis temporibus Achæto Rhodi peperisse dicitur, auum Iacobi, Camiri, & Lindi. quintus, qui Colchis fertur Aetam & Circem procreauisse. Vulcani item, primus Cælo natus, ex quo Minerva Apollinem eum, cuius in tutela Athenas antiqui historici esse uoluerunt. secundus Nilo natus Opas, ut Aegyptij appellant, quem custodem esse Aegypti uolunt. tertius ex tertio Ioue, & Iunone, qui Lemni fabricæ traditur præfuisse. quartus Menalio natus, qui tenuit insulas propter Siciliam, quæ Vulcaniæ nominabatur. Mercurius unus Cælo patre, Die matre natus : cuius obscœnius excitata natura traditur, quòd aspectu Proserpine commotus sit. alter Valentis & Phoronidis filius, is, qui sub terris habetur : idem Trophonius. tertius Ioue tertio natus & Maia, ex quo & Penelopa Pana natum ferunt. quartus Nilo patre, quem Aegyptij nefas habent nominare. quintus, quem colunt Pheneatæ, qui et Argū dicitur interemisse, ob eamq; causam Aegypto præfuisse, atque Aegyptijs leges & literas tradidisse. hūc Aegyptij Thoyth appellant : eodemq; nomine anni primus mensis apud eos uocatur. Aesculapiorum primus Apollinis, quem Arcades colunt, qui specillum inuenisse,

inuenisse, primusq; uulnus dicitur obligauisse. secundus secundi Mercurij frater. is fulmine percussus, dicitur humatus esse Cynosuris. tertius Arsippi, & Arsinœ: qui primus purgationem alui, dentisq; euulsionem, ut ferunt, inuenit: cuius in Arcadia non longe à Lusio flumine sepulcrum & lucus ostenditur. Apollinum antiquissimus is, quē paulo ante ex Vulcano natum esse dixi, custodem Athenarum. alter Coribantis filius, natus in Creta: cuius de illa insula cum Ioue ipso certamen fuisse traditur. tertius Ioue tertio natus & Latona: quem ex Hyperboreis Delphos ferūt aduenisse. quartus in Arcadia, quem Arcades Nomionē appellant, quod ab eo se leges ferunt accepisse. Diana itē plures: prima Iouis, & Proserpinæ, quæ pinnatū Cupidinem genuisse dicitur. secūda notior: quam Ioue tertio & Latona natam accepimus. tertiā pater Vpis traditur, Glauce mater. eam Græci sæpe Vpim paterno nomine appellant. Dionysios multos habemus: primū ē Ioue, & Proserpina natum: secūdum Nilo, qui Nyssam dicitur interemisse: tertium Caprio patre; eumq; Regem Asiæ præfuisse dicunt; cuius Abazea sunt instituta: quartum Ioue & Luna, cui sacra Orphica putantur confici: quintum Niso natum, & Thione; à quo Trieterides constitutæ putantur. Venus prima Cœlo & Die nata; cuius Elide delubrum uidemus. altera spuma procreata; ex qua & Mercurio Cupidinem secundum natum accepimus. tertia Ioue nata, & Dione; quæ nupsit Vulcano. sed ex ea & Marte natus Anteros dicitur. quarta Syria, Tyroq; concepta: quæ Astarte uocatur: quam Adonidi nupsisse

DE NATURA DEORVM

traditum est. Minerva prima, quam Apollinis matrem supra diximus. secunda orta Nilo, quam Aegyptij Saitæ colunt. tertia illa, quam Ioue generatam supra diximus. quarta Ioue nata & Coriphe Oceani filia: quam Arcades Coriam nominant, & quadrigarum inuentricem ferunt. quinta Pallantis: quæ patre dicitur interemisse, uirginitatem suam uiolare conantem: cui pinnarum talaria affigunt. Cupido primus Mercurio & Diana prima natus dicitur: secundus Mercurio & Venere secunda: tertius quidem est Anteros Marte & Venere tertia. atque hæc quidē, atque eiusmodi ex uetere Græciæ fama collecta sunt. quibus intelligis resistendum esse, ne perturbentur religiones. nostri autem non modo hæc non refellunt, uerum etiam confirmant, interpretando quorsum quidque pertineat. Sed eò iam, unde huc digressi sumus, reuertamur. Num censes igitur subtiliore ratione opus esse ad hæc refellenda? nam mentem, fidem, spem, uirtutem, honorem, uictoriam, salutem, concordiam, ceteraq; eiusmodi rerum uim habere uidemus, non deorum. aut. n. in nobismet insunt ipsis, ut mens, ut fides, ut spes, ut uirtus, ut concordia: aut optanda nobis sunt, ut honos, ut salus, ut uictoria. quarum rerum utilitate uideo etiam consecrata simulacra. quare autē in his uis deorum insit, tum intelligam, cum cognouero. quo in genere uel maxime est fortuna numeranda: quam nemo ab inconstantia & temeritate seiunget: quæ digna certe non sunt deo. Iam uero quid uos illa delectat explicatio fabularum, & enodatio nominum? ex ætū à filio Coelum, uinctum itidem à filio Saturnum. hæc,

Et alia generis eiusdem ita defenditis, ut ij, qui ista finxerunt, non modo non insani, sed etiam fuisse sapientes uideantur. in enodandis autem nominibus, quod miserandum sit, laboratis. Saturnus, quia se saturat annis: Maiors, quia magna uertit: Minerva, quia minuit, aut quia minatur: Venus, quia uenit ad omnia: Ceres à gerendo. quàm periculosa consuetudo? in multis enim nominibus harebitis. quid Veionii facies? quid Vulcano? quanquam, quoniam Neptunum à nâdo appellatum putas, nullum erit nomen, quod non possis una litera explicare unde ductum sit. in quo quidem magis tu mihi natare uisus es, quàm ipse Neptunus. magnam molestiam suscepit, et minime necessariam primus Zeno, post Cleanthes, deinde Chrysippus, commentitiarum fabularum reddere rationem, uocabulorum, cur quique ita appellati sint, causas explicare. quod cū facitis, illud profecto confitemini; longe aliter rem se habere, atque hominum opinio sit: eos enim, qui dū appellantur, rerum naturas esse, non figuras deorum. qui tantus error fuit, ut perniciosius etiam rebus non modo nomen deorum tribueretur, sed etiam sacra constituerentur: Febris enim fanum in Palatio, et ædem Larum, et aram Malæ Fortunæ Esquilij cōsecratam uidemus. omnis igitur talis à philosophia pellatur error, ut, cum de dijs immortalibus disputemus, dicamus digna dijs immortalibus: de quibus habeo ipse quid sentiam, non habeo autem quid tibi assentiār. Neptunum esse dicis animum cum intelligentia per mare pergentem. idem de Cerere. istam autem intelligentiam aut maris, aut terræ non modo comprehendere animo, sed

K ij

DE NATURA DEORVM

ne suspitione quidem possum attingere : itaque aliūde
mihi quærendū est, ut, et esse deos, et quales sint, discere
possim, quā quales tu eos esse uelis. Videamus ea,
quæ sequuntur : primū, deorū ne providentia mundus
regatur : deinde, consulant ne Dī rebus humanis : hæc
enim mihi ex tua partitione restant duo. de quibus, si
uobis uidetur, accuratius differendū puto. Mihi ue
ro, inquit Velleius, ualde uidetur : nā & maiora expe
cto ; et his, quæ dicta sunt, uehemēter assentior. Tū Bal
bus, interpellare te, inquit, Cotta nolo : sed sumemus tē
pus aliud : efficiam profecto ut fateare.

sed.

multa desunt

- » Nequaquam istuc istac ibit : magna inest certatio.
» Nam ut ego illis supplicarem tanta blandiloquentia ?

Niobe parum ne ratiocinari uidetur, & sibi ipsa nefariam pestem machinari? illud uero quàm callida ratione,

- » Qui uult quod uult, ita dat se res ut operam dabit :
qui est uersus omnium seminator malorum :
- » Ille trauersa mente mihi hodie tradidit repagula ,
- » Quibus ego iram omnem recludam , atque illi perniciē dabo ;
- » Mihi mœrores , illi luctum ; exitium illi , exilium mihi .
hanc uidelicet rationē , quam uos diuino beneficio homi-
ni solum tributā dicitis , bestiae non habent . uides ne igitur ,
quanto munere deorum simus affecti ? atq; eadē
Medea patrem , patriamq; fugiens ;
- » Postquam pater appropinquat , iamq; , penē ut comprehendatur , parat ,
- » Puerum interea obruncat , membraq; articulatim diuidit ,
- » Perq; agros passim dispergit corpus : id ea gratia ,
- » Ut , dum nati dissipatos artus captaret parens ,
- » Ipsa interea effugeret ; illum ut mœror tardaret sequi ,
- » Sibi salutem ut familiari pareret paricidio .
huic ut scelus , sic nec ratio quidem defuit . quid ille fustas
epulas fratri comparans , non ne uersat huc et il-
luc cogitatione rationem ?
- » Maior mihi moles , maius miscendum est malum ,
- » Qui illius acerbum cor contundam & comprimam .
nec tamen ille ipse est prætereundus , qui non sat habuit
coniugem illexisse in stuprum : de quo recte & uerissime loquitur Atreus :
- » Quod re in summa summum esse arbitror

DE NATURA DEORVM

- » Periculum, matres coinquinari, regiam
 - » Contaminari stirpem, admisceri genus.
at id ipsum q̄ callide, qui regnum adulterio quæreretur?
 - » Addo (inquit) huc, quodd mihi portento cœlestum pater
 - » Prodigium misit regni stabilimen mei,
 - » Agnum inter pecudes aurea clarum coma
 - » Quondam Thiestem clepere ausum esse è regia:
 - » Qua in re adiutricem coniugem cepit sibi.
- uidetur ne summa improbitate usus non sine summa
esse ratione? nec uero scena solum referta est his sce=
ribus, sed multo uita communis penè maioribus. sentia
domus uniuscuiusque, sentit forum, sentit curia, cam=
pus, socij, prouincia, ut, quēadmodū ratione recte fiat,
sic ratione peccetur. alterum & à paucis, & raro, al=
terum & sæpe, & à pluribus: ut satius fuerit nullam
omnino nobis à dijs immortalibus datā esse rationem,
quā tanta cum perniciē datam. ut uinū agrotis, quia
prodest raro, nocet sæpiissime, melius est non adhibere
omnino, quā spe dubiæ salutis in apertam perniciem
incurrere: sic haud scio, an melius fuerit, humano ge=
neri motū istum celerem cogitationis, acumen, solertiā,
quam rationem uocamus, quoniā pestifera sint multis,
admodum paucis salutaria, non dari omnino, quam tā
munifice & tam large dari. quamobrem si mens uo=
luntasq; diuina iccirco cōsultuit hominibus, quodd ijs lar=
gita est rationem: ijs solis cōsultuit, quos bona ratione
donauit: quos uidemus, si modo ulli sunt, esse paucos.
non placet autem, paucis à dijs immortalibus esse cōsul=
tum: sequitur ergo, ut nemini cōsultum sit. huic loco
sic soletis occurrere, non iccirco non optime nobis à dijs

esse prouisum, quoddam multi eorum beneficio peruerse uterentur : etiam patrimonijs multos male uti, nec ob eam causam eos beneficium à patribus nullum habere. quis istuc negat? aut quæ est in collatione ista similitudo? nec enim Herculi Deianira nocere uoluit, cum ei tunicam sanguine Centauri tinctam dedit; nec prodesse Phæreo Iasoni is, qui gladio uomicam eius aperuit, quam sanare medici non poterant : multi enim, etiam cum obesse uellent, profuerunt, et, cum prodesse, obfuerunt. ita non fit, ex eo, quod datur, ut uoluntas eius, qui dederit, appareat : nec, si is, qui accepit, bene utitur, ideo is, qui dedit, amice dedit. quæ enim libido, quæ auaritia, quod facinus aut suscipitur nisi consilio capto; aut sine animi motu et cogitatione, id est ratione perficitur? nam omnis opinio ratio est, & quidem bona ratio, si uera; mala autem, si falsa est opinio. sed à deo tantum rationem habemus, si modo habemus; bonam autem rationem, aut non bonam, à nobis : non enim, ut patrimonium relinquitur, sic ratio homini est beneficio deorum data. quid enim potius hominibus dedissent, si ijs nocere uoluissent? iniustitiæ autem, intemperatiæ, timiditatis quæ semina essent, si his uitij ratio non subesset? Medea modo et Atreus commemorabatur à nobis, heroica personæ, inita, subducta; ratione, nefaria scelera meditantes. quid leuitates comicæ, parum ne semper in ratione uersantur? parum ne subtiliter disputat ille in Eunuchis?

» =quid igitur faciam?

» Exclusit, reuocat : redeam? non, si me obsecrer. ille uero in Synephebis Academicorum more contra communem opinionem non dubitat pugnare ratione, qui in

K iiij

DE NATURA DEORVM

- amore summo, summaq; inopia suaue esse dicit
- » Parentem habere auarum, illepidum, in liberos
 - » Difficilem, qui te nec amet, nec studeat tui.
atq; huic incredibili sententiæ ratiunculas suggerit:
 - » Aut tu illum fructu fallas: aut per literas
 - » Auertas aliquod nomen: aut per seruolum
 - » Percutias pauidum: postremo, à parco patre
 - » Quod sumas, quanto dissipas libentius?
idemq; facilem & liberalem patrem incommodū esse
amanti filio disputat: quem
 - » Neq; quo pacto fallam, neq; quid inde auferam,
 - » Nec quem dolum ad eum, aut machinam cōmoliar,
 - » Scio quidquam: ita omnes meos dolos, fallacias,
 - » Præstigias præstrinxit commoditas patris.
quid ergo isti doli? quid machinæ? quid fallaciæ, præ-
stigiæq;? num sine ratione esse potuerunt? d præclarū
munus deorum: ut Phormio possit dicere,
 - » Cedò senem: iam instructa mihi sunt in corde cōsilia
omnia.

sed exeamus è theatro: ueniamus in forum: sessum ite
precor: quid ut iudicetur? qui tabularium incēderit.
quod facinus occultius? at se Q. Sossius, splēdidus
eques R. ex agro Piceno, fecisse confessus est. qui trā-
scripserit tabulas publicas. id quoque L. Alenius fecit,
cum chyrographum Sex primorum imitatus est. quid
hoc homine solertius? cognosce alias quæstiones, aurī To-
losani, coniurationis Iugurtinæ. repete superiora Tubu-
li de pecunia capta ob rem iudicandam: posteriora de
incestu rogatione Peducea: tū hæc quotidiana, sicæ, ue-
nena, peculatus, testamentorum etiam lege noua quæ-

stiones . inde illa actio, Ope consilioq; tuo furtum aio
factum esse: inde tot iudicia de fide mala, tutela, man-
dati, pro socio, fiduciæ; reliqua, que ex empto, aut uen-
dito, conducto, aut locato contra fidem fiunt: inde iudi-
ciū publicum rei priuatæ lege Lectoria : inde euerricu-
lum malitiarum omnium, iudiciū de dolo malo : quod
C. Aquilius familiaris noster protulit. quem dolum idē
Aquilius tum teneri putat, cum aliud sit simulatum,
aliud actum . hanc igitur à dijs immortalibus tantam
arbitramur malorum sementem esse factam? si enim
rationem hominibus dij dederunt: & malitiam dede-
runt: est enim malitia, uersuta, et fallax nocēdi ratio.
ijdem autem dij fraudem dederunt, facinus, cæteraq;
quorum nihil nec suscipi sine ratione, nec effici potest .
utinam igitur, ut illa anus optat,

» ne in nemore Pelio securibus

» Cæsa cecidisset abiegna ad terram trabes;

sic istā caliditatem hominibus dij ne dedissent: qua per
pauci bene utuntur: qui tamen ipsi sæpe à male utēti-
bus opprimuntur: innumerabiles autem improbe utun-
tur: ut donum hoc diuinū rationis, et consilij, ad frau-
dem hominibus, non ad bonitatem impertitū esse uidea-
tur. sed urgetis identidem, hominū esse istam culpā, nō
deorū: ut si medicus gravitatē morbi, gubernator uim
tempestatis accuset . et si hi quidē homunculi, sed tamē
ridiculi. quis enim re adhibuisset, dixerit quispiā, si ista
non essent? contra deum licet disputare liberius. in ho-
minum uitijis aīs esse culpam. eā dedisses hominibus ra-
tionem, quæ uitia culpamq; excluderet. ubi igitur locus
fuit errori deorum? nam patrimonia spe bene tradēdi

DE NATURA DEORVM

relinquimus : qua possumus falli, deus falli qui potuit ?
 an ut Sol, in currum cum Phaetontem filium sustulit ?
 aut Neptunus, cum Theseus Hyppolitum perdidit, cum
 rer optandi à Neptuno patre habuisset potestatem ? poe-
 tarum ista sunt: nos autem philosophi esse uolumus, re-
 rum auctores, non fabularum . atque ij tamen ipsi dij
 poetici si scissent perniciofa fore illa filijs , peccasse in be-
 neficio putarentur. & si uerum est quod Aristo Chius
 dicere solebat, nocere audientibus philosophos ijs, qui be-
 ne dicta male interpretarentur : posse enim a fotos ex
 Aristippi, acerbos è Zenonis schola exire: prorsus, si, qui
 audierunt, uiriosi essent discessuri, quod peruerse philoso-
 phorum disputationem interpretarentur ; tacere præsta-
 re philosophis, q̄ ijs, qui se audissent, nocere . sic, si homi-
 nes rationē bono consilio à dijs immortalibus datā, in
 fraudem malitiāq; conuertunt ; non dari illā, quā
 dari humano generi, melius fuit . ut si medicus sciat
 eum ægrotum, qui iussus sit uinum sumere, meracius
 sumpturum, statimq; periturum, magna sit in culpa :
 sic uestra ista providentia reprehendenda, quæ rationē
 dedit ijs, quos scierit ea peruerse, & improbe usuros .
 nisi forte dicitis eam nesciuisse. utinam quidem. sed nō
 audebitis: non enim ignoro, quanti eius nomen putetis.
 sed hic quidem locus concludi iam potest. nam si stulti-
 tia consensus omnium philosophorum maius est malū,
 quā si omnia mala & fortunæ & corporis ex altera
 parte ponantur ; sapientiā autem nemo assequitur: in
 summis malis omnes sumus, quibus uos optime cōsultum
 à dijs immortalibus dicitis. nam ut nihil interest, utrum
 nemo ualeat, an nemo possit ualere: sic nō intelligo, qd

inter sit, utrum nemo sit sapiens, an nemo esse possit. ac nos quidem nimis multa de re apertissima. Telamon autem uno uersu locum totum conficit, utrum dii homines negligant:

- » Nā si curent, bene bonis sit, male malis: quod nūc abest. debebant illi quidem omnes bonos efficere, si quidē hominum generi consulebant. sin id minus, bonis quidē certe consulere debebant. cur igitur duos Scipiones, fortissimos, & optimos uiros, in Hispania Pœnus oppressit? cur Maximus extulit filium cōsularem? cur Marcellum Annibal interemit? cur Paulū Cannæ sustulerunt? cur Pœnorum crudelitati Reguli corpus est præbitum? cur Africanum domestici parietes nō texerūt? sed hæc uetera, & alia permulta. propiora uideamus. cur auunculus meus, uir innocentissimus, idemq; doctissimus, P. Rutilius in exilio est? cur sodalis meus interfectus domi suæ Drusus? cur temperantiæ, prudentiæq; specimen ante simulacrum Vestæ Pōtifex maximus est Q. Scæuola trucidatus? cur etiā ante tot ciuitatis principes à Cinna interēpti? cur omnium perfidiosissimus C. Marius Q. Catulum præstantissima dignitate uirū mori potuit iubere? dies deficiat, si uelim numerare quibus bonis male euenerit; nec minus, si commemorem, quibus improbis optime. cur enim Marius tam feliciter septimum Consul domi suæ senex est mortuus? cur omnium crudelissimus tam diu Cinna regnauit? at dedit pœnas. prohiberi melius fuit, impediūq; ne tot summos uiros interficeret, q̄ ipsum aliquando pœnas dare. summo cruciati, supplicioq; Q. Varius, homo impotissimus, periit: sed, quia Drusum ferro, Metellum

DE NATURA DEORVM

ueneno sustulerat : illos conseruari melius fuit , quàm poenas sceleris Varium pendere. duo de XL Dionysius tyrannus annos fuit opulentissimæ et beatissimæ ciuitatis. quàm multas ante hūc in ipso Græciæ flore Pisistratus, ac Phalaris, ac Apollodorus poenas sustulit , multis quidem ante cruciatis, & necatis . & prædones multi sæpe poenas dant, nec tamen possumus dicere nō plures captiuos acerbe, quàm prædones necatos. Anaxarchum Democritū à Cyprio tyranno excarnificatum accepimus, Zenonem Eleatem in tormentis necatum. quid dicam de Socrate ? cuius morti illacrymari soleo Platonē legens. uides ne igitur, deorum iudicio, si uidēt res humanas, discrimen esse sublatum ? Diogenes quidem Cynicus dicere solebat , Harpalum , qui temporibus illis prædo felix habebatur, contra deos testimonium dicere, quodd in illa fortuna tã diu uiueret. Dionysius , de quo ante dixi, cum fanum Proserpinæ Locris expilauisset , nauigabat Syracusas: isq; cum secundissime cursum teneret, uidetis ne , inquit, amici , quàm bona à dijs immortalibus nauigatio sacrilegis detur? atque homo acutus, cum bene , planeq; percepisset , in eadem sententia perseuerabat . qui, cum ad Peloponnesum classem apulisset, & in fanum uenisset Iouis Olympij, aureum ei detraxit amiculum grandi pondere, quo Iouem ornat ex manubijs Carthaginensium tyrannus Gelo: atque in eo etiam cauillatus est, æstate graue esse aureum amiculum, hieme frigidum: eiq; laneum pallium iniecit , cum id esse aptum ad omne anni tempus diceret . idemq; Aesculapij Epidauri barbã auream demĩ iussit : neque enim conuenire, barbatum esse filium, cum

in omnibus fanis pater imberbis esset . iam mensas ar-
 genteas de omnibus delubris iussit auferri : in quibus
 quod more ueteris Graciæ inscriptum esset bonorū deo-
 rum, uti se eorum bonitate uelle dicebat . idem uictorio-
 las aureas , & pateras, coronasq; , quæ simulacrorum
 porrectis manibus sustinebantur, sine dubitatione tolle-
 bat, eaq; se accipere , non auferre dicebat : esse enim
 stultitiam , à quibus bona precaremur , ab ijs porrigen-
 tibus , & dantibus nolle sumere . eundemq; ferūt hæc,
 quæ dixi, sublata de fanis in forum protulisse , & per
 præconem uendidisse ; exactaq; pecunia , edixisse, ut,
 quod quisque à sacris haberet, id ante diem certā in su-
 um quidq; fanum referret : ita ad impietatem in deos,
 in homines adiunxit iniuriam . hunc igitur nec Olym-
 pius Iupiter fulmine percussit , nec Aesculapius mise-
 ro diuturnoq; morbo intabescens interemit; atque in
 suo lectulo mortuus, in Tympanidis rogi illatus est;
 eamq; potestatem, quā ipse per scelus erat nactus, qua-
 si iustam , & legitimam hereditatis loco filio tradi-
 dit . inuita in hoc loco uersatur oratio : uidetur enim
 auctoritatem asserre peccandi : & recte uideretur ,
 nisi & uirtutis , & uitiorum sine ulla diuina ratio-
 ne graue ipsius conscientiae pondus esset . qua sublata,
 iacent omnia . ut enim nec domus , nec Resp. ratione
 quadam , & disciplina designata uideatur , si in ea
 nec recte factis præmia extent ulla , nec supplicia pec-
 catis : sic mundi diuina in homines moderatio profe-
 cto nulla est , si in ea discrimen nullum est bonorum ,
 & malorum . at enim minora dii negligunt , neque
 agellos singulorum , nec uiticulas persequuntur, nec, si

DE NATURA DEORVM

uredo, aut grando quippiam nocuit, id Ioui animadu-
uertendum fuit. ne in regnis quidem Reges omnia mi-
nima curant. sic enim dicitis, quasi ego paulo ante de-
fundo Formiano P. Rutilij sim questus, non de amissa
salute. atque hoc quidem omnes mortales sic habent, ex-
ternas commoditates, uineta, segetes, oliueta, ubertatem
frugum, & fructuum, omnem denique commodita-
tem, prosperitatemq; uitae a dijs se habere: uirtutem
nemo unquam acceptam deo retulit. nimirum recte:
propter uirtutem enim iure laudamur, & in uirtute
recte gloriamur. quod non contingeret, si id donum
a deo, non a nobis haberemus. at uero aut honoribus
aucti, aut re familiari, aut si aliud quippiam nacli su-
mus fortuiti boni, aut depulimus mali, cum dijs gra-
tias agimus, tum nihil nostrae laudi assumptum arbi-
tramur. num quis, quod bonus uir esset, gratias dijs
egit unquam? at quod diues, quod honoratus, quod in-
columis. Iouemq; optimum maximu ob eas res appel-
lant, non quod nos iustos, temperatos, sapientes efficiat,
sed quod saluos, incolumes, opulentos, copiosos. neque
Herculi quisquam decumam uouit unquam, si sapiens
factus esset. quaquam Pythagoras, cum in geometria
quiddam noui inuenisset, musis bouem immolasse dici-
tur. sed id quidem non credo, quoniam ille ne Apollini
quidem Delio hostiam immolare uoluit, ne ara sangui-
ne aspergeret. ad rem autem ut redeam, iudicium hoc
omnium mortalium est, fortunam a deo petendam, a
se ipso sumendam esse sapientiam. quamuis menti delu-
bra, & uirtuti, & fidei consecremus: tamen haec in no-
bis ipsis sita uidemus: spei, salutis, opis, uictoriae fa-

cultas à dijs expetenda est . improborum igitur prosperitates, secundæq; res redarguunt, ut Diogenes dicebat, uim omnem deorum, ac potestatem. at non nunquam bonos exitus habent boni . eos quidem ascribimus, attribuimusq; sine ulla ratione dijs immortalibus. at Diogoras, cum Samothraciam uenisset, atheos ille qui dicitur, atque ei quidam amicus, tu, qui deos putas humana negligere, non ne animaduertis ex tot tabellis pictis, q̄ multi uotis uim tempestatis effugerint, in portumq; saluū peruenerint? ita fit, inquit: illi enim nusquam picti sunt, qui naufragium fecerunt, in mariq; perierunt. idemq; cum ei nauiganti uectores aduersa tempestate timidi, & perterriti dicerent, non iniuria sibi illud accidere, qui illum in eandem nauem recepissent: ostendit eis in eodem cursu multas alias laborantes, quæsiuitq; num etiam in ijs nauibus Diagoram uehi crederet. sic enim sese res habet, ut ad prosperam, aduersamue fortunam, qualis sis, aut quemadmodum uixeris, nihil intersit. non animaduertunt, inquit, omnia dij: ne Reges quidem. quid est simile? Reges enim si scientes prætermittunt, magna culpa est: at deo ne excusatio quidam est inscientiæ. quem uos præclare defenditis, cum dicitis, eam uim deorum esse, ut, etiam si quis morte poenas sceleris effugerit, expetantur ea poenæ à liberis, à nepotibus, à posteris. ò miram æquitatem deorum. ferret ne ulla ciuitas latorem istiusmodi legis, ut condēnaretur filius, aut nepos, si pater, aut auus deliquisset? quinam Tantalidarum internecioni modus paretur? aut quenam unquam ob mortem Myrtili poenis luendis dabitur satietas supplicij? utrum poetæ Stoicos de-

DE NATURA DEORVM

prauauerint, an Stoici poetis dederint auctoritatem, non facile dixerim: portenta enim et flagitia ab utrisque dicuntur: neque enim, quem Hipponactis iambus laeserat, aut qui erat Archilochi uersu uulneratus, à deo immissum dolorem, non conceptum à se ipso continebat: nec, cum Aegisti libidinem, aut cum Paridis uidemus, à deo causam requirimus, cum culpæ penè uocem audiamus: nec ego multorum ægrorum salutem non ab Hippocrate potius, quàm ab Aesculapio datam iudico: nec Lacedæmoniorum disciplinam dicam unquam ab Apolline potius Sparta, quàm à Lycurgo datam. Crytolaus inquam evertit Corinthum, Carthaginē Asdrubal: hi duos illos oculos ora maritimæ effoderunt, non iratus alicui, quem omnino irasci posse negatis deum. at subuenire certe potuit, & conseruare urbes tantas, atque tales. uos enim ipsi dicere soletis, nihil esse quod deus efficere non possit, & quidem sine labore ullo: ut enim hominū membra nulla contentione, mēte ipsa, ac uolūtate moueantur, sic numine deorum omnia fingi, moueri, mutariq; posse. neque id dicitis superstitiose, atque aniliter, sed physica, constantiq; ratione: materiam enim rerum, ex qua, & in qua omnia sint, totam esse flexibilem, & commutabilem, ut nihil sit, quod non ex ea quamuis subito fingi, conuer-
tiq; possit: eius autem uniuersæ fictricem, & modera-
tricem diuinam esse prouidentiam: hanc igitur, quocū-
que se moueat, efficere posse quidquid uelit. itaque aut nescit, quid possit: aut negligit res humanas: aut, quid sit optimū, nō potest iudicare. non curat singulos homi-
nes, non mirum: ne ciuitates quidem. non has: ne na-
tiones

riones quidē, & gentes . quodd si has etiam contemner,
 quid mirum est, omne ab ea genus humanum esse con=
 temprum ? sed quo modo iſdem dicitis, non omnia deos
 perſequi ; iſdem uultis, à dijs immortalibus homini=
 bus diſpartiri, ac diuidi ſomnia ? iccirco, ſomnia hæc te=
 cum, quia ueſtra eſt de ſomniorum ueritate ſentētia, at
 que iſdem etiam uota ſuſcipi dicitis oportere . nēpe ſin=
 guli uouent . audit igitur mens diuina etiam de ſingu=
 lis . uidetis ergo, eam non eſſe tam occupatam, quā pu=
 tabatis ? fac eſſe diſtentam, cœlum uerſantem, terram
 tuentem, maria moderantem . cur tã multos deos nihil
 agere & ceſſare patitur ? cur nō rebus humanis aliquos
 otioſos deos præſicit ? qui à te Balbe innumerabiles ex=
 plicati ſunt . hæc ferè dicere habui de natura deorum,
 non ut eam tollerē, ſed ut intelligeretis, quā eſſet ob=
 ſcura, & quā difficiles explicatus haberet . Quæ cum
 dixiſſet Cotta, finem fecit . Lucilius autem, Vehemē=
 tius, inquit, tu quidem Cotta inuectus es in eam Stoi=
 corum rationem, quæ de providentia deorum ab illis
 ſanctiſſime & providentiſſime conſtituta eſt . ſed quo=
 niam adueſperaſcit, dabis diem nobis aliquem, ut con=
 tra iſta dicamus . eſt enim mihi tecum pro aris, & fo=
 cis certamen, & pro deorum templis, atque delubris,
 proq; urbis muris, quos uos Pōrifices ſanctos eſſe dicitis,
 diligentiusq; urbem religione, quā iſpis mœnibus cin=
 gitis . quæ deſeri à me, dum quidem ſpirare potero,
 nefas indico . Tum Cotta, Ego uero & opto redargui
 me Balbe : & ea, quæ diſputaui, diſſerere malui, quā
 iudicare : & facile me à te uinci poſſe, certo ſcio .
 Quippe, inquit Velleius, qui etiam ſomnia putet ad

DE NATURA DEORVM.

nos mitti ab Ioue. quæ ipsa tamen tam leuia non sunt,
quàm est Stoicorum de natura deorum oratio. Hæc cū
essent dicta, ita discessimus, ut Velleio Cottæ disputatio
uerior, mihi Balbi ad ueritatis similitudinem uideretur
esse propensior.

M. TVLLII CICERONIS
DE DIVINATIONE
LIBER I.

V

Etus opinio est, iā usque ab heroicis
ducta temporibus, eāq; & populi
R. & omnium gentium firmata
consensu, uersari quandam inter
homines diuinationem, quam Græ
ci μαντικὴν appellant, id est præ
sensionem, & scientiam rerum futurarum. magnifica
quædam res, & salutaris, si modo est ulla, quæq; pro
xima ad deorum uim natura mortali possit accedere.
itaque ut alia nos melius multa, q̄ Græci: sic huic præ
stantissimæ rei nomen nostri à diuis, Græci, ut Plato in
terpretatur, à furore duxerunt. gentem quidem nul
lam uideo neque tam humanā, atque doctā, neque tā
immanem, tamq; barbaram, quæ non significari futu
ra, & à quibusdam intelligi, prædiciq; posse censeat.

Principio Assyrii, ut ab ultimis auctoritatem repe
tam, propter planitiem, magnitudinemq; regionum,
quas incolebant, cum cælum ex omni parte patens, at
que apertum intueretur, traiectiones, motusq; stellarum
observauerunt: quibus notatis, quid cuique significaret
tur, memoriæ prodiderunt. qua in natione Chaldei nō
ex artis, sed ex gentis uocabulo nominati, diuturna
observatione siderum, scientiam putantur effecisse, ut
prædici posset, quid cuique euenturū, et quo quisque fato
natus esset. eādem artem etiam Aegyptii lōginq̄uitate

L ij

DE DIVINATIONE

temporum innumerabilibus penè seculis consecuti putā-
 rur . Cilicum autem, & Pisidarum gens, & his finiti-
 ma Pamphylia, quibus nationibus præsumimus ipsi, uola-
 ribus auium, cantibusq; , certissimis signis declarari res
 futuras putant . quam uero Græcia coloniam misit in
 Aetoliam, Ioniam, Asiam, Siciliam, Italiam sine Py-
 thio, aut Dodonæo, aut Ammonis oraculo? aut quod bel-
 lum susceptum ab ea sine cōsilio deorum est? nec unū
 genus est diuinationis publice, priuatimq; celebratum.
 nam ut omittam cæteros populos, noster quā multa
 genera cōplexus est? Principio huius urbis parens Ro-
 mulus nō solum auspicato urbē condidisse, sed ipse etiā
 optimus augur fuisse traditur . deinde auguribus &
 reliqui reges usi : & exactis regibus nihil publice sine
 auspicijs nec domi, nec militiæ gerebatur . cumq; ma-
 gna uis uideretur esse & in impetrandis, consulendisq;
 rebus, & in monstris interpretandis, ac procurandis
 in aruspicum disciplina : omnem hanc ex Etruria sciē-
 tiam adhibebant, ne genus esset ullum diuinationis,
 quod neglectum ab ijs uideretur . & cum duobus mo-
 dis animi sine ratione, & scientia, motu ipsi suo solu-
 to, & libero incitarentur, uno furente, altero som-
 niantē : furoris diuinationem Sibyllinis maxime uersi-
 bus contineri arbitrati, eorum decem interpretes dele-
 ctos ex ciuitate esse uoluerūt . ex quo genere sæpe ario-
 lorum etiam, & uatum furibundas prædictiones, ut
 Octauiano bello Cornelij Culleoli, audiendas putauē-
 runt . nec uero somnia grauiora, si quæ ad Remp. per-
 tinere uisa sunt, à summo consilio neglecta sunt . quin
 etiam memoria nostra templum Iunonis Sospitæ L. Iu-

lius, qui cum P. Rutilio Consul fuit, de senatus sententia refecit ex Cæciliæ Balearici filia somnio. atque hæc, ut ego arbitror, ueteres rerum magis euentis moniti, quam ratione docti probauerunt. Philosophorum uero exquisita quædam argumenta, cur esset uera diuination, collecta sunt. ex quibus, ut de antiquissimis loquar, Colophonius Xenophanes unus, qui deos esse diceret, diuinationem funditus sustulit. reliqui uero omnes, præter Epicurum balbutientem de natura deorum, diuinationem probauerunt, sed non uno modo. nam cum Socrates, omnesq; Socratici, Zenoq; et ij qui ab eo essent profecti, manerent in antiquorum philosophorum sententia, uetere Academia, & Peripateticis consentientibus; cumq; huic rei magnam auctoritatem Pythagoras iam ante tribuisset, qui etiam ipse augur uellet esse; plurimisq; locis grauis auctor Democritus præfensionem rerum futurarum comprobaret: Dicæarchus Peripateticus cætera diuinationis genera sustulit, somniorum, & furoris reliquit; Cratippusq; familiaris noster, quem ego parem summis Peripateticis iudico, iisdem rebus fidem tribuit, reliqua diuinationis genera reiecit. sed cum Stoici omnia ferè illa defenderent, quod & Zeno in suis commentarijs quasi semina quædam sparsisset, & ea Cleantes paulo uberiora fecisset: accessit acerrimo uir ingenio Chrysippus, qui totam de diuinatione duobus libris explicauit sententiam, uno præterea de oraculis, uno de somnijs. quem subsequens, unum librum Babylo-nius Diogenes edidit eius auditor, duos Antipater, quinque noster Posidonius. sed a Stoicis uel principibus eius

L iij

DE DIVINATIONE

discipline, Posidonij doctor, discipulus Antipatri, de-
generauit Panætius: nec tamen ausus est negare uim
esse diuinandi, sed dubitare se dixit. quod illi in aliqua
re, inuitissimis Stoicis, Stoico facere licuit; id nos ut in
reliquis rebus faciamus, à Stoicis non concedetur? præ-
sertim cū id, de quo Panætio non liquet, reliquit eius-
dem discipline solis uideatur luce clarius. sed hæc qui-
dem laus Academiæ, præstantissimi philosophi iudicio,
et testimonio cōprobata est. etenim nobismet ipsis quæ-
rentibus quid sit de diuinatione iudicādū, quod à Car-
neade multa acute, & copiose cōtra Stoicos disputata
sint, uerentibusq; ne temere uel falsæ rei, uel nō satis co-
gnitæ assentiamur, faciendum uidetur, ut diligenter
etiam atque etiam argumenta cū argumentis compa-
remus, ut fecimus in ijs tribus libris, quos de natura
deorum scripsimus. nam cum omnibus in rebus teme-
ritas in assentiendo, errorq; turpis est, tū in eo loco ma-
xime, in quo iudicādum est quantum auspicijs, rebusq;
diuinis, religioniq; tribuamus: est enim periculum, ne
aut neglectis ijs impia fraude, aut susceptis anili super-
stitione obligemur. quibus de rebus & aliàs sæpe, &
paulo accuratius nuper, cum essem cum Q. fratre,
in Tusculano disputatum est. Nam cum ambu-
landi causa in Lyceum uenissemus, (id enim superiori
gymnasio nomen est) perlegi, inquit ille, tuum paulo
ante tertium de natura deorū: in quo disputatio Cot-
tæ, quanquam labefactauit sententiam meam, nō fun-
ditus tamē sustulit. Optime uero, inquā: etenim
ipse Cotta sic disputat, ut Stoicorum magis argumenta
confutet, quā hominū deleat religionem. Tum

Quintus, dicitur quidem istuc, inquit, à Cotta, & uero sapius, credo ne communi iure migrare uideatur : sed studio contra Stoicos differendi deos mihi uidetur funditus tollere. eius orationi nō sanè desidero quid respondeam : satis enim defensa religio est in secundo libro à Lucilio : cuius disputatio tibi ipsi, ut in extremo tertio scribis, ad ueritatem est uisa propensior. sed, quod prætermisum est in illis libris, credo quia commodius arbitratus es separatim id quæri, deq; eo differi, id est de diuinatione, quæ est earum rerum, quæ fortuitæ putantur, prædictio, atque præsensio, id, si placet, uideamus quam habeat uim, & quale sit. ego enim sic existimo : si sint ea genera diuinandi uera, de quibus accepimus, quæq; colimus, esse deos : uicissimq; , si dii sint, esse qui diuinent.

Arcem tu quidem Stoicorum, inquam, Quinte defendis: siquidem ista sic recipiatur; ut et, si diuinatio sit, dii sint; et, si dii sint, sit diuinationio. quorū neutrum tam facile, quàm tu arbitraris, conceditur. nam & natura significari futura sine deo possunt : et, ut sint dii, potest fieri, ut nulla ab ijs diuinationio generi humano tributa sit. Atq; ille, mihi uero, inquit, satis est argumenti, & esse deos, & cōsulere rebus humanis, quod esse clara & perspicua diuinationis genera iudico. de quibus quid ipse sentiat, si placet, exponā, ita tamē, si uacas animo, neque habes aliquid, quod huic sermoni præuertendū putes.

Ego uero, inquā, philosophiæ Quinte semper uaco : hoc autem tempore, cum sit nihil aliud, quod libenter agere possimus, multo magis aueo audire, de diuinatione quid sentias. Nihil, inquit, equidē noui, nec quod præter ceteros ipse sen-

DE DIVINATIONE

tiam : nam cum antiquissimam sententiam, tum omnium
populorum, et gentium consensu comprobata sequor.
Duo sunt enim diuinandi genera: quorum alterum ar
tis est, alterum naturæ. quæ est autem gens, aut quæ ci
uitas, quæ non aut extis pecudum aut monstra, aut ful
gura interpretatum, aut augurum, aut astrologorum,
aut sortium, (ea enim ferè artis sunt) aut somniorum,
aut uaticinationum (hæc enim duo naturalia putantur)
predictione moueatur? quarum quidem rerum euenta
magis arbitror, quam causas, quæri oportere. est enim
uis, & natura quædam, quæ tum obseruatis longo tem
pore significationibus, tum aliquo instinctu, inflatuq; di
uino futura prænunciat. quare omittat urgere Carne
ades: quod faciebat etiam Panætius, requirens, Iupiter ne
cornicem à laeva, coruum à dextra canere iussisset? ob
seruata sunt hæc tempore immenso, et significatione eue
tus animaduersa, & notata. nihil est autem, quod non
lōginitas temporum, excipiente memoria, prodēdisq;
monumentis, efficere, atque assequi possit. mirari licet,
quæ sint animaduersa à medicis herbarum genera, quæ
radicum ad morsus bestiarum, ad oculorum morbos, ad
uulnera. quorum uim, atque naturam ratio nunquam
explicauit: utilitate & ars est, & inuentor probatus.
age, ea, quæ, quanquam ex alio genere sunt, tamen di
uinationi sunt similia, uideamus.

- » Atque etiam uentos præmonstrat sæpe futuros
- » Inflatum mare, cum subito, penitusq; tumescit,
- » Saxaq; cana, salis niueo spumata liquore,
- » Tristificas certant Neptuno reddere uoces,
- » Aut densus stridor cum celso è uertice montis

- 22 Ortus adaugeſcit ſcopulorum ſæpe repulſu .
 atque his rerum præſenſionibus prognostica tua referta
 ſunt. quis igitur elicere cauſas præſenſionum poteſt? etſi
 uideo Boethum Stoicum eſſe conatū. qui hætenus ali-
 quid egit, ut earum rationem rerum explicaret, quæ in
 mari cœlo'ue fierent . illa uero cur eueniant, quis pro-
 babiliter dixerit ?
- 22 Cana fulix itidem fugiens è gurgite ponti ,
 22 Nunciat horribiles clamans inſtare procellas ,
 22 Haud modicos tremula fundens è gutture cantus .
 22 Sæpe etiam pertriſte canit de pectore carmen ,
 22 Et matutinis Acredula uocibus inſtat ,
 22 Vocibus inſtat, & affiduas iacit ore querelas ,
 22 Cum primum gelidos rores aurora remittit .
 22 Fuſcæq; non nunquam curſans per littora cornix
 22 Demerſit caput, & fluctum ceruice recepit .
 uidemus hæc ſigna nunquam ferè euentientia: nec ta-
 men, cur ita fiat, uidemus . /
- 22 Vos quoque ſigna uidetis aquai dulcis alumna ,
 22 Cum clamore paratis inanes fundere uoces ,
 22 Abſurdoq; ſono fontes, & ſtagna cietis .
 quis eſt, qui ranunculos hoc uidere ſuſpicari poſſit ? ſed
 ineſt mire & ranunculis quædam natura ſignificans
 aliquid, per ſe ipſa ſatis certa, cognitioni autem hominū
 obſcurior .
- 22 Mollipedesq; boues ſpectantes lumina cœli
 22 Naribus humiferum duxere ex aere ſuccum .
 non quero cur, quoniam, quid eueniat, intelligo .
 22 Iam uero ſemper uiridis, ſemperq; grauata
 22 Lentifcus triplici ſolita grandefcere fœtu ,

DE DIVINATIONE

- 22 Ter fruges fundens, tria tempora monstrat arandi.
 ne hoc quidē quero, cur hæc arbor una ter floreat, aut
 cur arandi maturitatem ad signum floris accommodet.
 hoc sum cōtentus, quod etiam si, quo quidque fiat, igno-
 re, quid fiat intelligo. pro omni igitur divinatione idē,
 quod pro omnibus ijs rebus, quas commemoravi, respō-
 debo. quid Scamoneæ radix ad purgandum, quid aristo-
 lochia ad morsus serpentum possit, quæ nomen ex inuē-
 tore repperit, rem ipsam inuētor ex somnio, uideo; quod
 satis est: cur possit, nescio. sic uentorum, & imbrium si-
 gna, quæ dixi, rationem quam habeant, non satis perspi-
 cio: uim & euentum agnosco, scio, approbo. similiter,
 quid fissum in extis, quid fibra ualeat, accipio: quæ cau-
 sa sit, nescio. atq; horū quidē plena uita est: extis enim
 omnes ferē utūtur. quid de fulgurum ui, dubitare num
 possumus? non ne cum multa alia mirabilia, tū illud in-
 primis? cū Summanus in fastigio Iouis optimi maximi,
 qui tū erat fidelis, è cœlo ictus esset, nec usquā eius simu-
 lacri caput inueniretur, aruspices in Tiberim id depul-
 sum esse dixerūt, idq; inuentū est eo loco, qui est ab aru-
 spicibus demonstratus. sed quo potius utar aut auctore,
 aut teste, q̄ te? cuius edidici etiam uersus, et lubenter qui-
 dem, quos in secūdo Cōsularu Vrania musa pronūciat.
 22 Principio ætherio flammatus Iuppiter igni
 22 Vertitur, & totum collustrat lumine mundum,
 22 Menteq; diuina cœlum terrasq; petessit:
 22 Quæ penitus sensus hominum, uitasq; retentat,
 22 Aetheris æterni septa, atq; inclusa cauernis.
 22 Et si stellarum motus cursusq; uagantes
 22 Nosse uelis, quæ sint signorum in sede locatæ,

- » Quæ uerbo, & falsis Graiorum uocibus errant,
» Re uera certo lapsu, spatioq; feruntur :
» Omnia iam cernes diuina mente notata .
» Nam primum aſtrorū uolucres te Cōſule motus ,
» Concurſusq; graues ſtellarum ardore micantes
» Tu quoque, cum tumulos Albano in monte niuales
» Luſtraſti , & lato maſtaſti laſte Latinas ,
» Vidisti , & claro tremulos ardore cometas ,
» Multaq; miſceri nocturna ſtrage putaſti ,
» Quod ferme dirum in tempus cecidere Latinae ,
» Cum claram ſpeciem concreto lumine luna
» Abdidit, & ſubito ſtellanti nocte perempta eſt.
» Quid uero Phœbi fax , triſtis nuncia belli ,
» Quæ magnū ad columnen flāmato ardore uolabat ,
» Præcipientes cœli partes, obituſq; petiſſet ?
» Aut cum terribili percuſus fulmine ciuis ,
» Luce ſerenanti uitalia lumina liquit ?
» Aut cum ſe grauido tremefecit corpore tellus ?
» Iam uero uaria nocturno tempore uifæ
» Terribiles formæ bellum, motuſq; mouebant :
» Multaq; per terras uates oracla furenti
» Pectore fundebant triſtes minitantia caſus .
» Atque ea, quæ lapſu tandem cecidere uetulo,
» Hæc fore , perpetuis ſignis, clariſq; frequentans
» Ipſe deum genitor cœlo, terrisq; canebat.
» Nunc ea, Torquato quæ quondā, et Conſule Cotta
» Lydius ediderat Tyrrhenæ gentis aruſpex ,
» Omnia fixa tuus glomerans determinat annus .
» Nam pater altitonans ſtellanti nixus olympo
» Ipſe ſuos quondam tumulos, ac templa petiuit,

DE DIVINATIONE

- » Et Capitolinis iniecit sedibus ignes .
- » Tum species ex ære uetus, generataq; Natæ
- » Concidit, elapsaq; uetusto numine leges :
- » Et diuum simulacra peremit fulminis ardor .
- » Hic siluestris erat, Romani nominis altrix ,
- » Martia, quæ paruos Mauortis semine natos
- » Vberibus grauidis uitali rore rigabat :
- » Quæ tum cum pueris flammato fulminis ictu
- » Concidit, atq; auulsa pedum uestigia liquit .
- » Tum quis non artis scripta, ac monumenta uoluitans,
- » Voces tristificas chartis promebat Etruscis ?
- » Omnes ciuili generosam stirpe profectam
- » Vitare ingentem cladem, pestemq; monebant :
- » Vel legum exitium constanti uoce ferebant,
- » Tempa deumq; adeo flammis, urbesq; iubebant
- » Eripere, & stragem horribilem, cædemq; uereri:
- » Atque hæc fixa graui fato, ac fundata teneri,
- » Ni post excisum ad columnen formata decore
- » Sancta Iouis species claros spectaret in ortus :
- » Tum fore, ut occultos populus, sanctusq; senatus
- » Cernere conatus posset, si solis ad ortum
- » Conuersa, inde patrum sedes, populiq; uideret .
- » Hæc tardata diu species, multumq; morata,
- » Consule te tandem celsa est in sede locata :
- » Atque una fixi, ac signati temporis hora
- » Iuppiter excelsa clarabat sceptrum columna,
- » Ac clades patriæ flamma, ferroq; parata,
- » Vocibus Allobrogum patribus populoq; patebat .
- » Rite igitur ueteres, quorum monumenta tenetis,
- » Qui populos, urbesq; modo, ac uirtute regebant ;

- » Rite etiam uestri, quorum pietasq; fidesq;
 » Præstitit, & longe uicit sapientia cunctos,
 » Præcipue ingenti coluerunt numine diuos.
 » Hæc adeo penitus cura uidere sagaci
 » Otia qui studijs læti tenuere decoris,
 » Inq; Academia umbrifera; nitidoq; Lyceo
 » Fuderunt claras foecundi pectoris artes.
 » E' quibus ereptum primo iam à flore iuuentæ,
 » Te patria in media uirtutum mole locauit.
 » Tu tamen anxiferas curas requiete relaxas,
 » Quod patriæ uoces studijs, nobisq; sacraſti.

tu igitur animum poteris inducere contra ea, quæ à me
 diſſutatur, de diuinatione dicere, qui et geſſeris ea, quæ
 geſſiſti, et ea, quæ pronunciaui, accuratiſſime ſcripſeris?
 quid quæris Carneades, cur hæc ita fiant, aut qua arte
 perſpici poſſint? neſcire me fateor: euenire autem, te
 ipſum dico uidere. caſu, inquis. ita ne uero? quidq; poteſt
 eſſe caſu factum, quod omnes habet in ſe numeros ueri
 tatis? quatuor tali iacti, caſu uenereum efficiunt. num
 etiam centum uenereos, ſi C C C C talos ieceris, caſu
 futuros putas? aſperſa temere pigmenta in tabula, oris
 lineamenta effingere poſſunt: nū etiam Veneris Gni
 dia, Coaq; pulchritudinem effingi poſſe aſperſione for
 tuita putas? ſus roſtro ſi humi A litera impreſſerit, nū
 propterea ſuſpicari poteris, Andromacham Ennij ab ea
 poſſe deſcribi? fingeſſet Carneades, in Chiorum lapici
 dinis ſaxo diſſiſſo caput extitiſſe Paniſci. credo, ali
 quam non diſſimilem figuram, ſed certe non talem,
 ut eam factam à ſcopa diceret: ſic enim ſe proſecto
 res habet, ut nunquam perfecte ueritatem caſus imi

DE DIVINATIONE

retur . at non nunquam ea, quæ prædicta sunt, minus
eueniunt . quæ tandem id ars nō habet ? earū dico ar
tium, quæ cōiectura continentur, & sunt opinabiles. an
medicina ars non putanda est ? quā tamen multa fal
lunt. quid ? gubernatores non ne fallūtur ? an Achiuo
rum exercitus, & tot nauium rectores non ita profecti
sunt ab illo, ut profectiōne latī piscium lasciuiā intuerē
tur, ut ait Pacuuius, nec tuendi satietas capere posset ?
22 Interea propè iam occidente sole inhorrescit mare,
22 Tenebræ conduplicantur, noctūq; & nimbū occæcat
nigror .

num igitur tot clarissimorū ducum, Regumq; naufrā
giū susulit artem gubernandi ? aut num imperatorū
sciētia nihil est, quia sūmus imperator nuper fugit amīs
so exercitu ? aut num propterea nulla est Reip. gerēde
ratio, atque prudentia, quia multa Cn. Pōpeium, quæ
dam M. Catonem, nō nulla etiam te ipsum fefellerūt ?
similis est aruspicum respōsio, omnisq; opinabilis diuina
tio : coniectura enim nititur ; ultra quam progredi nō
potest . ea fallit fortasse non nūquam, sed tamē ad ue
ritatem sæpissime dirigit : est enim ab omni æternitate
repetita . in qua cū penē innumerabiles res eodē modo
euenirent iisdem signis antegressis, ars est effecta, eadem
sæpe animaduertendo, atque notādo. Auspicia uero ue
stra quā constant ? quæ quidē nunc à Romanis augu
ribus ignorantur ; bona hoc tua uenia dixerim : à Cili
cibus, Pamphylis, Pisidis, Lycijs tenentur. nam quid ego
hospitem nostrum, clarissimum, atque optimum uirum,
Deiotarum Regem cōmemorem ? qui nihil unquam nisi
si auspiciato gerit : qui cum ex itinere quodā proposito,

Et iam cōstituto reuertisset aquilæ admonitus uolatu,
conclauē illud, ubi erat mansurus, si ire perrexisset, pro-
xima nocte corruit. itaque, ut ex ipso audiebā, persape
reuerit ex itinere, cum iam progressus esset multorum
dierum uiam. cuius quidem hoc præclarissimum est,
quod postea quā a Cæsare tetrarchiæ regno, pecu-
niāq; mulctatus est, negat se tamen eorum auspiciorū,
quæ sibi ad Pompeium proficiscenti secūda euenerint,
pœnitere: senatus. n. auctoritatem, & populi R. liber-
tatē, atque imperij dignitatē suis armis esse defensam;
sibiq; eas aues, quibus auctoribus officium, & fidē secu-
tus esset, bene consuluisse: antiquiorem enim sibi fuisse
possessionibus suis gloriā. ille igitur mihi uidetur uere
augurari. nam nostri quidem magistratus auspicijs
utuntur coactis: necesse enim est, offa obiecta cadere fru-
stum ex pulli ore, cum pascitur. quod autem scriptum
habetis, aut tripudium fieri, si ex ea quid in solidū ceci-
derit: hoc quoque, quod dixi coactū, tripudium solisti-
mū dicitis. itaque multa auguria, multa auspicia, quod
Cato ille sapiens queritur, negligētia collegij amissa pla-
nē, & deserta sunt. nihil ferē quondā maioris rei, nisi
auspicato, ne priuatim quidem gerebatur: quod etiam
nunc nuptiarū auspices declarant, qui re omīssa nomē
tantum tenent. nam ut nunc extis, quāquam id ipsum
aliquanto minus, quā olim; sic tūc auibus magnæ res
impertiri solebant. itaque, sinistra dum non exquiri-
mus, in dira, & in uitiosa incurrimus. ut P. Claudius
Appij Cæci filius, eiusq; collega L. Iunius classes maxi-
mas perdiderunt, cū uitio nauigassent. quod eodem mo-
do euenit Agamemnoni. qui, cum Achiui cœpissent

DE DIVINATIONE

- 21 Inter se strepere, aperteq; artem obterere extispicum,
22 Soluere imperat secundo rumore, auersaq; anī.

sed quid uetera? M. Crasso quid acciderit, uidemus, dirarum obnunciatione neglecta. in quo Appius collega tuus, bonus augur, ut ex te audire soleo, nō satis sciēter uirum bonum, & ciuem egregium Censor C. Aetheiū notauit, quodd ementitum auspicia subscripserit. esto: fuerit hoc Censoris, si iudicabat emētum. at illud minime auguris, quodd ascripsit, ob eam causam populū R. calamitatē maximā cepisse. si enim ea causa calamitatis fuit, non in eo est culpa, qui obnūciauit; sed in eo, qui nō paruī: ueram enim fuisse obnunciationem, ut ait idē augur, & Censor, exitus approbavit. quæ si falsa fuissent, nullā afferre potuissent causam calamitatis: etenim diræ, sicut cætera auspicia, ut omina, ut signa, non causas afferunt cur quid eueniat, sed enunciant euentura, nisi prouideris. non igitur obnunciatio Aethei causam finxit calamitatis, sed signo obiecto monuit Crassum, quid euenturum esset, nisi cauisset. ita aut illa obnūciatio nihil ualuit: aut si, ut Appius iudicat, ualuit, id ualuit, ut peccatum hæreat non in eo, qui monuerit, sed in eo, qui non obtemperarit. Quid lituus iste uestier, quod clarissimū est insigne auguratus, unde uobis est traditus? nempe eo Romulus regiones direxit tum, cum urbem condidit. qui quidem Romuli lituus, idest incuruum, & leuiter à summo inflexum bacillum, quod ab eius litui, quo canitur, similitudine nomē inuenit; cū situs esset in curia Saliorum, quæ est in Palatio, eaq; deflagrasset, inuentus est integer. quid multis annis post Romulū, Prisco regnante Tarquinio? quis ueterū scriptorum non loquitur,

quitur, quæ sit ab Attio Nauio per lituum regionū facta descriptio? qui cum propter paupertatem suæ puer pasceret, una ex his amissa, nouisse dicitur, si recuperasset, uiam se deo daturū, quæ maxima esset in uinea. itaque sue inuenta, ad meridiē spectās, in uinea media dicitur consitisse: cumq; in quatuor partes uinea diuisisset, trisq; partes aues abdixissent, quarta parte, quæ erat reliqua, in regione distributa, mirabili magnitudine uisā, ut scriptū uidemus, inuenit. qua re celebrata, cum uicini omnes ad unū de rebus suis referrent, erat in magno nomine, & gloria. ex quo factum est, ut eū ad se Rex Priscus accerseret. cuius cum tentaret scientiam auguratus, dixit ei se cogitare quiddam, id posset ne fieri cōsultuit. ille augurio actio, posse respondit. Tarquinius autem dixit, se cogitasse cotem nouacula posse præcidi: tum Attium iussisse experiri: ita cotem in comitium illatam inspectante & Rege & populo nouacula esse discissam. ex eo euenit, ut & Tarquinius augure Attio Nauio uteretur, et populus de suis rebus ad eū referret. cotem autem illā, & nouaculā defossam in Comitio, supraq; impositū puteal accepimus. negemus omnia, comburamus annales, ficta hæc esse dicamus, quiduis denique potius, q̄ deos res humanas curare, fateamur: quid, quod apud te scriptum est de Ti. Graccho, non ne & augurum, & aruspicum comprobatur disciplinam? qui, cū tabernaculum uirio cepisset imprudens, quoddam inauspicato pomerium transgressus esset; comitia Consulibus rogandis habuit. nota res est, & a te ipso mandata monumentis. sed & ipse augur Ti. Gracchus auspiorum auctoritatem confessione errati

M

DE DIVINATIONE

sui comprobavit, & aruspiciū disciplinæ magna accep-
 sit auctoritas, qui recentibus comitijs in senatū introdu-
 cti, negauerunt iustum comitiorum rogatorem fuisse.
 Iis igitur assentior, qui duo genera diuinationis esse di-
 xerunt: unū, quod particeps esset artis: alterū, quod
 arte careret. est enim ars in ijs, qui nouas res coniectu-
 ra persequuntur, ueteres observatione didicerunt. ca-
 rent autem arte ijs, qui non ratione, aut coniectura ob-
 seruatis, ac notatis signis, sed concitatione quadam ani-
 mi, aut soluto, liberoq; motu futura presentunt. quod
 & somniantibus saepe contingit, & non nūquam uati-
 cinantibus per furorem, ut Bacchis Boeotius, ut Epime-
 nides Cres, ut Sibylla Erythræa. cuius generis oracula
 etiā habenda sunt, nō ea, quæ æquatis fortibus ducun-
 tur; sed illa, quæ instinctu diuino, afflatuq; fundūtur.
 etsi ipsa fors contemnenda non est, si & auctoritatem
 habet uetustatis, ut eæ sunt sortes, quas è terra editas
 accepimus: quæ tamen ductæ, ut in rem apte cadant,
 fieri posse credo diuinitus. quorū omnium interpretes,
 ut grammatici poetarum, proxime ad eorum, quos in-
 terpretamur, diuinationem uidentur accedere. quæ est
 igitur ista calliditas, res uetustate robustas calumniā-
 do uelle peruertere? non reperio causam. latet fortas-
 se obscuritate inuoluta natura. non enim me deus ista
 scire, sed his tantum modo uti uoluit. utar igitur; nec
 abducar, ut rear aut in extis totam Etruriam delirare,
 aut eandem gentem in fulguribus errare, aut fallaciter
 portenta interpretari, cum terræ saepe fremitus, sæpi-
 mugitus, sæpe motus multa nostræ Reip. multa ceteri
 ciuitatibus grauiā & uera prædixerint. quid, qui irri-

detur, partus hic mūla; non ne, quia foetus extitit in
sterilitate naturae; praedictus est ab aruspices incredi-
bilis partus malorum: quid? Ti. Gracchus Publii fi-
lius, qui bis Consul & Censor fuit, idemq; & summus
Augur, & uir sapiens, cuiusq; praestans, non ne, ut C.
Gracchus filius eius scriptum reliquit, duobus anguibus
domi comprehensis aruspices conuocauit: qui cum re-
spondissent, si marem emisisset, uxori breui tempore es-
se moriendū; si feminam, ipsi: aequius esse censuit, se
matrem oppetere mortem, quam P. Africani filiam
adolefcentem. feminam emisit: ipse paucis post diebus
est mortuus. irrideamus aruspices; uanos, futes esse
dicamus; quorumq; disciplinam & sapientissimus uir,
& euentus, ac res comprobauit, contemnamus: con-
temnamus etiam Babylonios, & eos, qui ex Caucaſo
coeli signa seruantes, numeris, & motibus, stellarū cur-
sus persequuntur: condemnemus inquam hos aut stul-
ticiae, aut uanitatis, aut imprudentiae, qui CCCCLXX
millia annorum, ut ipsi dicunt, monumentis compre-
hensa continent; & mentiri iudicemus, nec seculorum
reliquorum iudicium, quod de ipsis futurum sit, per-
ireſcere. age, barbari uani, atque fallaces: num etiam
Graecorum historia mentita est? quae Cræſo Pythius
Apollo, ut de naturali diuinatione dicam, quae Athe-
nienſibus, quae Lacedaemoniis, quae Taygetis, quae Ar-
ginis, quae Corinthiis reſponderit, quis ignorat? colle-
git innumerabilia oracula. Chrysippus, nec ullum sine
locuplete auctore, atque reſte. quae quia nota tibi sunt,
relinquo. defendo unum hoc: nūquam illud oraculum
Delphis tam celebre, & tam clarū fuiſſet, neque tantis

DE DIVINATIONE

donis refertū omnium populorum atque regum, nisi omnis ætas oraculorum illorū ueritatem esset experta. iam diu idem nō facit. ut igitur nūc minore gloria est, quia minus oraculorū ueritas excellit: sic tū, nisi summa ueritate, in tāta gloria nō fuisset. potest autem uis illa terræ, quæ mētem Pythiæ diuino afflatu cōcitabat, euanuisse uetustate, ut quosdā exaruisse amnes, aut in alium cursum contortos, & deflexos uidemus. sed, ut uis, acciderit: magna enim quæstio est: modo maneat id, quod negari nō potest, nisi omnem historiā peruerterimus, multis seclis uerax fuisse id oraculum. Sed omittamus oracula: ueniamus ad somnia. de quibus disputans Chrysippus, multis, & minutis somnijs colligendis facit idem quod Antipater, ea cōquirens, quæ Antiphōtis interpretatione explicata, declarāt illa quidem acumē interpretis, sed exemplis grādiōribus decuit uti. Dionysij mater, eius, qui Syracusiorum tyrānus fuit, ut scriptum apud Philistum est, & doctum hominem, & diligentem, & æqualem temporum illorum, cum prægnaus hūc ipsum Dionysium aluo contineret, somniauit se peperisse satyriscum. huic interpretes portentorum, qui Galleotæ tum in Sicilia nominabantur, responderunt, ut ait Philistus, eum, quem illa peperisset, clarissimum Græciæ diuturna cum fortuna fore. num te ad fabulas reuoco uel nostrorum, uel Græcorum poetarum? narrat enim & apud Ennium Vestalis illa.

Excita cum tremulis anus attulit artubus lumen,
 Talia commemorat lacrymans exterrita somno.
 Euridica prognata, pater quam noster amauit,
 Vires uitæq; corpu' meum nunc deserit omne.

- » Nam me uisus homo pulcher per amoena salicta
 » Et ripas raptare, locosq; nouos. ita sola
 » Post illa germana soror errare uidebar,
 » Tardaq; uestigare, & quærere te, neque posse
 » Corde capeffere. semita nulla pedem stabilibat.
 » Exin compellare pater me uoce uidetur
 » His uerbis, cognata tibi sunt ante gerendæ
 » Erumne: post ex fluuio fortuna resister.
 » Hæc pater effatus, germana, repente recessit,
 » Nec sese dedit in conspectum corde cupirus:
 » Quamquam mulea manus ad cœli carula templa
 » Tendebam lacrymans, & blanda uoce uocabam.
 » Vix ægro tum corde meo me somnu' relinquit.
 hæc, etiam si ficta sunt à poeta, nō absunt tamen à cō-
 suetudine somniorum. sit sanè etiam illud cōmentitiū,
 quo Priamus est conturbatus.
 » Quia mater grauida parere se ardentem facem
 » Visa est in somnis Hecuba: quo facto pater
 » Rex ipse Priamus, somnio mentis metu
 » Percussus, curis sumptis suspirantibus
 » Exsacrificabat hostijs balantibus.
 » Tum coniectorem postulat pacem petens,
 » Vt se edoceret obsecrans Apollinem,
 » Quò sese uertant tantæ sortes somnium.
 » Ibi ex oraculo uoce diuina edidit
 » Apollo, puerum, primus Priamo qui foret
 » Post illa natus tempora, hunc si tolleret,
 » Eum esse exitium Troiæ, pestem Pergamo.
 sint hæc, ut dixi, somnia fabularum: hisq; adiūgatur
 etiam Aeneæ somnium: quod innumerū Fabij Pictoris

DE DIVINATIONE

Græcis annalibus eiusmodi est, ut omnia, quæ ab Aenea gesta sunt, quæq; illi acciderunt, ea fuerint, quæ ei secundum quietem uisa sunt. sed propiora uideamus. cuiusnam modi est Superbi Tarquinij somnium, de quo in Bruto Accij loquitur ipse?

- ” Cum iam quieti corpus nocturno impetu
 - ” Dedit, sopore placans artus languidos,
 - ” Visum est in somnis, pastorem ad me appellere,
 - ” Duos consanguineos arietes inde eligi,
 - ” Pecus lanigerum eximia pulchritudine,
 - ” Præclarioremq; alterum immolare me:
 - ” Deinde eius germanum cornibus connitier
 - ” In me arietare, eoq; iclus me ad casum dari:
 - ” Exin prostratum terra grauius saucium,
 - ” Resupinum, in cælo contueri maximum
 - ” Ac mirificum facinus, dextrorsum orbem flammæum
 - ” Radiatum solis liquier cursu nouo.
- eius igitur somnij quæ sit à coniectoris interpretatio facta, uideamus.
- ” Rex, quæ in uita usurpant homines, cogitant, curant, uident,
 - ” Quæq; agunt uigilantes, agitantq;, ea si cui in somno accidunt,
 - ” Minus mirum est: sed in re tanta haud temere improviso offerunt:
 - ” Proin uide, ne, quem tu esse hebetem deputes æque ac pecus,
 - ” Is sapientia munitum pectus egregium gerat,
 - ” Teq; regno expellat. nam id, quod de sole ostentum est tibi,

- 22 Populo commutationem rerum portendit fore.
 22 Per propinqua hæc bene uerruncant populo. nam quod
 ad dexteram
 22 Coepit cursum ab leua signū præpotens, pulcherrime
 22 Auguratū est, rem Romanā publicam summā fore.
 Age nūc ad externa redeamus. Matrē Phalaridis scri-
 bit Ponticus Heraclides, doctus uir, auditor, & discipu-
 lus Platonis, uisam esse uidere in somnijs simulacra deo-
 rum, quæ ipsa Phalaridis domi consecrauiſſet: ex his
 Mercuriū ē patera, quā dextra manu teneret, sangui-
 nem uisum esse fundere: qui cū terrā attigiſſet, refer-
 ueſcere uideretur sic, ut tota domus sanguine redūda-
 ret. quod matris somniū immanis filij crudelitas cōpro-
 bauit. quid ego, quæ magi Cyro illi principi interpretati
 sunt, ex Dionyij Persicis libris proferam? nā cum dōra-
 mienti ei sol ad pedes uisus eſſet, ter eum ſcribit frustra
 appetuiſſe manibus, cum ſe conuoluens ſol elaberetur,
 & abiret: ei magos dixiſſe, quod genus ſapientum, &
 doctōrum habebatur in Perſis, ex triplici appetitione ſo-
 lis, X X X annos Cyru regnaturū eſſe, portendi. quod
 ita contigit. nam ad ſeptuageſimum peruenit, cū X L
 natus annos regnare coepiſſet. eſt proſecto quiddā etiā
 in barbaris gentibus præſentiens, atque diuinā: ſiquidē
 ad mortem proficiſcens Calanus Indus cum aſcenderet
 in rogam ardentem, d præclarū diſceſſum, inquit, ē ui-
 ta, cū, ut Herculi contigit, mortali corpore cremato in
 lucem animus exceſſerit. cumq; Alexāder eū rogaret,
 ſi quid uellet, ut diccret: optime, inquit: propediem te
 uidebo. quod ita cōrigit: nā Babylone paucis poſt die-
 bus Alexāder eſt mortuus. Diſcedo parūper à ſomnijs:

M iiij

DE DIVINATIONE

ad quæ mox reuertar. Quæ nocte templū Ephesiæ Dianæ deflagrauit, eadem constat ex Olympiade natū esse Alexandrū, atque, ubi lucere cœpisset, clamitasse magos, pestem, ac perniciem Asiæ proxima nocte natam. Hæc de Indiis, & magis, redeamus ad somnia. Annibalem Celius scribit, cum columnam auream, quæ esset in fauono Iunonis Lacinia, auferre uellet, dubitaretq; utrum ea solida esset, an extrinsecus inaurata, perterebrauisset: cumq; solidam inuenisset, statuissetq; tollere, secundum quietem uisam esse ei Iunonē prædicere ne id faceret, minitariq; si id fecisset, se curaturam, ut eum quoque oculum, quo bene uideret, amitteret: idq; ab homine acuto non esse neglectū: itaque ex eo auro, quod exterebratum esset, buculam curasse faciendam, & eā in summa columna collocauisse. hoc idem in Sileni, quem Celius sequitur, Græca historia est. is autem diligentissime res Annibalis persecutus est. Annibalem, cum cepisset Saguntum, uisum esse in somnijs à Ioue in deorū concilium uocari: quod cum uenisset, Iouem imperasse, ut Italiæ bellum inferret, ducemq; ei unum ex concilio datum: quo illum utentem, cum exercitu progredi cœpisse: tum ei ducem illum præcepisse, ne respiceret: illum autem id diutius facere non potuisse, elatumq; cupiditate respexisse: tum uisam beluam uastam, & immanem, circumplicatam serpentibus, quacūque incederet, omnia arbusta, uirgulta, tecta peruertere: & eum admiratū quæsisse de deo, quidnam illud esset tale monstrum, & deum respōdisse, uastitatem esse Italiæ: præcepisseq; ut pergeret protinus; quid retro, atq; à tergo fieret, ne laboraret. Apud Agathoclem scriptū in histo-

ria est, Hamilcarem Carthaginensem, cum oppugnaret Syracusas, uisum esse audire uocē, se postridie cœnaturum Syracusis : cum autem is dies illuxisset, magnam seditionem in castris eius inter Pœnos, & Siculos milites esse factam : quod cum sensissent Syracusani, im-
prouiso eos in castra irrupisse, Hamilcaremq; ab ijs uiuum esse sublatū . ita res somnium cōprobauit . plena exemplorum est historia, tum referta uita cōmunis. At uero P. Decius ille Q. filius, qui primus ē Decijs Consul fuit, cū esset Tribunus mil. M. Valerio, et A. Cornelio Consulibus, à Samnitibusq; premeretur noster exercitus ; cū pericula præliorum iniret audacius, monereturq; , ut cautior esset, dixit, quod extat in annalibus ; sibi in somnijs uisum esse, cū in medijs hostibus uersaretur, occidere cū maxima gloria. & tū quidem incolomis exercitum obsidione liberauit. post triennium autem, cū Cōsul esset, deuouit se, & in aciem Latinorū irrupit armatus. quo eius facto superati sunt, et deleti Latini. cuius mors ita gloriosa fuit, ut eandem concupisceret filius. Sed ueniamus nūc, si placet, ad somnia philosophorum. Est apud Platonem Socrates, cū esset in custodia publica, dicens Critoni suo familiari, sibi post tertium diem esse moriendū: uidisse se in somnijs pulchritudine eximia foeminam, quæ se nomine appellans diceret Hōmericum quendam eiusmodi uersum :

22 Tertia te Phthiæ tempestas leta locabit .

quod ut est dictum, sic scribitur cōtigisse. Xenophō Socraticus, qui uir, & quantus, in ea militia, qua cū Cyro minore perfunctus est, sua scribit somnia. quorū exitus mirabiles extiterunt . mentiri Xenophontem, an

DE DIVINATIONE

delirare dicemus? quid singulari uir ingenio Aristoteles, & penè diuino, ipse ne errat, an alios uult errare, cum scribit Eudemum Cyprium familiarem suum iter in Macedonia facientem Pheras uenisse; quæ erat urbs in Thessalia tum admodum nobilis, ab Alexandro autem tyranno crudeli dominatu premebatur: in eo igitur oppido ita grauiter ægrum Eudemum fuisse, ut omnes medici diffideret: ei uisum esse in quiete egregia facie iuuenem dicere, fore ut breuè conualesceret, paucisq; diebus interiturum Alexandrum tyrannum, ipsum autem Eudemum quinquennio post domum esse rediturum. atque ita quidem prima statim scribit Aristoteles consecuta, & conualuisse Eudemum, & ab uxoris fratribus interfectum tyrannum: quinto autem anno exeunte, cum esset spes ex illo somnio in Cyprium illum ex Sicilia esse rediturum, præliantem eum ad Syracusas occidisse: ex quo ita illud somnium esse interpretatum, ut, cum animus Eudemi ex corpore excesserit, tum domum reuertisse uideatur. Adiungamus philosophis doctissimum hominem, poetam quidem diuinum, Sophoclem: qui, cū ex æde Herculis patera aurea grauis surrepta esset, in somnijs uidit ipsum deum dicentem qui id fecisset. quod semel ille, iterumq; neglexit. ubi idem sapius, ascendit in Ariopagum, detulit rem. Ariopagita cōprehendi iubent eū, qui à Sophocle erat nominatus. is, quæstione adhibita, confessus est, pateramq; retulit. quo facto, fanum illud indicis Herculis nominatū est. Sed quid ego Græcorū? nescio quo modo magis me nostra delectat. omnes hoc historici, Fabij, Gellij, sed proxime Cælius. cū bello Latino ludi notui ma-

xi mi primum fierent, ciuitas ad arma repente est exci-
tata. itaq; ludis intermissis instauratiui cōstituti sunt.
qui antequam fierent, cumq; iam populus consedisset,
seruus per circum, cum uirgis caderetur, furcam ferens
duētus est. exin cuidam rustico Romano dormienti ui-
sus est uenire, qui diceret, præsultorem sibi non placuisse
ludis, idq; ab eodem iussum esse eū senatui nunciare; il-
lum non ausum: iterū esse idem iussum, et monitum,
ne uim suā experiri uellet; ne tū quidem esse ausum;
exin filium eius esse mortuū: eādem in somnijs admo-
nitionem fuisse tertiam; tum illum etiam debilem fa-
ctum, rem ad amicos derulisse, quorum de sententia le-
sticula in curiam esse delatū; cumq; senatui somnium
enarrauisset, pedibus suis saluum reuertisse. itaque som-
nio comprobato à senatu, ludos illos iterum instauratos
memoria proditum est. C. uero Gracchus multis dixit,
ut scriptū apud eūdem Celium est, sibi in somnijs Quæ-
sturam petenti Ti. fratrem uisum esse dicere, quā-
uellet cunctaretur, tamen eodem sibi leto, quo ipse in-
terisset, esse pereundum. hoc, antequam Tribunus pl.
Gracchus factus esset, et se audisse scribit Celius, et di-
xisse multis. quo somnio quid inueniri potest certius?
quid? illa duo somnia, quæ creberrime commemoran-
tur à Stoicis, quis tādē potest cōtemnere? unū de Si-
monide: qui cum ignotū quendam proiectum mortuū
uidisset, eumq; humanisset, habereiq; in animo nauem
consendere, moneri uisus est, ne id faceret, ab eo, quem
sepultura affecerat: si nauigasset, cum naufragio esse
periturum: itaque Simonidem redisse; se esse ceteros,
qui tum nauigassent. alterum ita traditum clarū ad-

DE DIVINATIONE

modum somnium: cum duo quidam Arcades familia-
res iter unā facerent, & Megaram uenissent, alterum
ad cauponem diuertisse, ad hospitem alterū: qui ut coe-
nati quiescerent, cōcubia nocte uisum esse in somnijs ei,
qui erat in hospitio, illum alterum orare ut subueniret,
quodd sibi à caupone interitus pararetur: eū primo per-
territum somnio surrexisse: dein, cū se collegisset, idq;
uisum pro nihilo habendum esse duxisset, recubuisse:
tum ei dormienti eūdem illū uisum esse rogare, ut, quo-
niā sibi uiuo nō subuenisset, mortem suam ne inultam
esse pateretur: se interfectum in plaustrum à caupone
esse coniectū, & supra stercus iniectum: petere, ut ma-
ne ad portā adesset, priusquam plaustrū ex oppido exi-
ret: hoc uero eū somnio comotum mane bubulco prae-
sto ad portā fuisse; quāsisse ex eo, quid esset in plastro:
illum perterritū fugisse, mortuum erutum esse, caupo-
nem re patefacta poenas dedisse. quid hoc somnio dici
diuinius potest? sed quid aut plura, aut uetera quæri-
mus? sæpe tibi meū narraui: sæpe ex te somniū audi-
ui tuū: me, cū Asiae prouinciæ præessem, uidisse in quie-
te, cum tu equo aduectus ad quandam magni fluminis
ripam, prouectus subito, atque delapsus in flumen, nus-
quam apparuisses, me contremuisse timore perterritū:
tum te repente letum extitisse, eodemq; equo aduersam
ascendisse ripam, nosq; inter nos esse complexos. facilis
coniectura huius somni: mihiq; à peritis in Asia præ-
dictū est, fore eos euentus rerum, qui acciderunt. uenio
nunc ad tuum. audiui equidem ex te ipso, sed mihi se-
pius Salustius noster narrauit: cum in illa fuga nobis
gloriosa, patrie calamitosa, in uilla quadam cāpi A ti

natis maneres, magnamq; partem noctis uigilasses, ad
 lucem denique arēte, & grauiter dormire coepisse :
 itaque, quāquā iter instaret, te tamen silentium fieri ius-
 sisse, neque esse passum te excitari : cū autem experre-
 ctus esses hora secūda ferē, te sibi somnium narrauisse :
 uisum tibi esse, cum in locis solis mœstus errares, C. Ma-
 rium cū fascibus laureatis quærere ex te, quid tristis es-
 ses: cumq; tu te tua patria uī pulsum esse dixisses, pre-
 hendisse eum dextram tuam, & bono animo te iussis-
 se esse, licetorīq; proximo tradidisse, ut te in monumentū
 suū deduceret; & dixisse, in eo tibi salutem fore: tū
 & se exclamasse Salustius narrat, reditū tibi celerem
 & gloriosum paratū, & te ipsum uisum somnio dele-
 ctari. nā illud mihi ipsi celeriter nūciatū est: ut audiuis-
 ses in monumento Marij de tuo reditu magnificētissi-
 mum illud S. C. esse factū, referente optimo, & claris-
 simo uiro Cōsule, idq; frequentissimo theatro, incredibi-
 li clamore, & plausu comprobatū; dixisse te, nihil illo
 Atinati somnio fieri posse diuinius. at multa falsa. im-
 mo obscura fortasse nobis. sed sinz falsa quædam: cō-
 tra uera quid dicimus? quæ quidem multo plura eue-
 nirent, si ad quietem integri iremus: nūc onusti cibo,
 & uino, perturbata, & cōfusa cernimus. uide, quid So-
 crates in Platonis Politia loquatur. dicit enim, Cū dor-
 mientibus ea pars animi, quæ mētis et rationis particeps
 sit, sopita langueat; illa autem, in qua feritas quædā
 sit, atque agrestis immanitas, cum sit immoderato ob-
 stupefacta potu, atque pastu, exultare eam in somno,
 immoderateq; iactari. itaq; huic omnia uisa obijciuntur
 à mente, ac ratione uacua: ut aut cum matre corpus

DE DIVINATIONE

22 miscere uideamur, aut cum quouis alio uel homine, uel
 22 deo, sepe belua, atque etiam trucidare aliquem, & im-
 22 pie cruentari, multaq; facere impure, atque tetre, cum
 22 temeritate, atque impudentia. at qui salubri, & mo-
 22 derato cultu, atque uictu quieti se tradiderit, ea parte
 22 animi, quæ mentis & consilij est, agitata, & erecta,
 22 saturataq; bonarum cogitationum epulis, eaq; parte
 22 animi, quæ uoluptate alitur, nec inopia enecta, nec sa-
 22 tietate affluenti, quorū utrūque præstringere aciem mē-
 22 tis solet, siue deest natura quippiam, siue abundat, at-
 22 que effluit; illa etiam tertia parte animi, in qua irarū
 22 existit ardor, sedata, atque restincta: tum eueniet, dua-
 22 bus animi temerarijs partibus compressis, ut illa tertia
 22 pars rationis, & mentis eluceat, & se uegetā ad som-
 22 niandum, acremq; præbeat: tum ei uisa quietis occur-
 22 rent trāquilla atque ueracia. Hæc uerba ipsa Platonis
 expressi. Epicurum igitur audiemus potius? nam Car-
 neades concercationis studio modo ait hoc, modo illud.
 at ille quid sentit? sentit autem nihil unquā elegans, ni-
 hil decorū. hūc ergo antepones Platoni, et Socrati? qui
 ut rationem non redderent, auctoritate tamen hos mi-
 nutos philosophos uincerent: iubet igitur Plato sic ad
 somnū profici, ei corporibus affectis, ut nihil sit, quod er-
 rorē animis, perturbationemq; afferat. ex quo etiā Py-
 thagoricis interdictum putatur, ne faba nescerentur,
 quod habet inflationem magnam is cibus, tranquillitati
 mentis querenti uera contrariam. cū ergo est somno
 seuocatus animus a societate, & cōtagione corporis, tū
 meminit præteritorū, præsentia cernit, futura proui-
 det: iacet enim corpus dormientis, ut mortui; uiget au-

tem, et uiuit animus, quod multo magis faciet post mortem, cum omnino ex corpore excesserit. itaque appropinquantem morte multo est diuinior. nam et id ipsum uident, qui sunt morbo graui et mortifero affecti, instare mortem. itaque his occurrunt plerumque imagines mortuorum: eumque uel maxime laudi student: eosque, qui secus quam decuit uixerunt, peccatorum suorum tum maxime poenitet. diuinare autem morientes etiam illo exemplo confirmat Posidonius, quo affert Rhodium quendam morientem sex aequales nominasse, et dixisse, qui primus eorum, qui secundus, qui deinceps moriturus esset. sed tribus modis cesset deorum impulsu homines somnare: uno, quod provideat animus ipse per sese, quippe qui deorum cognatione teneatur: altero, quod plenus aer sit immortalium animorum, in quibus tanquam insignite notae ueritatis appareat: tertio, quod ipsi dii cum dormientibus colloquantur: idque, ut modo dixi, facilius euenit appropinquantem morte, ut animi futura augurentur. ex quo et illud est Calani, de quo ante dixi, et Homericum Hectoris, qui moriens propinquam Achilli mortem denunciat: neque enim illud uerbum, temere consuetudo approbauisset, si ea res nulla esset omnino.

- 22 Prasagibat animus frustra me ire, cum exirem domo. sagire enim sentire acute est: ex quo sage anus, quia multa scire uoluit, et sagaces dicti canes. is igitur, qui ante sagit, quam oblata res est, dicitur prasagire, id est sentire ante sentire. inest igitur in animis prasagitio ex itinsecus iniecta atque inclusa diuinitus, ea si exarsit acrius, furor appellatur, cum a corpore animus abstractus diuino instinctu concitatur.

DE DIVINATIONE

- » Sed quid oculis rapere uisa est derepente ardentibus ?
ubi illa paulo ante sapiens uirginali modestia ?
- » Mater optuma, tum multo mulier melior ,
- » Missa sum superstitiosis ariolationibus :
- » Neq; me Apollo fatis fandis dementem inuita ciet.
- » Virgines uero æquales, patris mei meū factū pudet
- » Optimi uiri . mea mater tui me miseret, mei piger.
- » Optumam progeniem Priamo repperisti extra me: hoc
doler ,
- » Me obesse, illos prodesse ; me obstare, illos obsequi.
d poema tenerum, & moratū, atque molle . sed hoc mi
nus ad rem. illud, quod uolumus, expressum est, ut uati
cinari furor uera soleat .
- » Adest, adest fax obuoluta sanguine, atque incendio :
- » Multos annos latuit. ciues ferte opem, et restinguite.
deus inclusus corpore humano, iam non Cassandra lo
quitur .
- » Iamq; mari magno classis cita
- » Texitur : exitium examen rapit :
- » Aduenit, & fera ueliuolantibus
- » Nauibu' compleuit manu' littora .
- tragœdias loqui uideor, et fabulas. at ex te ipso nō cō
mentitiā rem, sed factā, eiusdem generis audiui :
C. Coponiū ad te uenisse Dyrrhachio, cum pratorio im
perio classi Rhodiæ præset, cum primis hominem pru
dentem, atque doctū : cumq; dixisset, remigem quendā
ex quinquere mi Rhodiorum uaticinatum, madesactū
iri minus X X X diebus Graciam sanguine ; rapinas
Dyrrhachij, & conscensionem in naues cum fuga, fue
gientibus miserabilem respectū incendiorum fore ; sed
Rhodiorum

Rhodiorum classi propinquum reditum, ac domū itio-
nem dari: tum neque te ipsum non esse cōmotum; Mar-
cumq; Varronem, & M. Catonem, qui tum ibi erāt, do-
ctos homines, uehementer esse perterritos: paucis sanē
post diebus ex Pharsalica fuga uenisse Labienum: qui
cum interitum exercitus nūciauisset, reliqua uaticinatio-
nis breui esse confecta. nam & ex horreis direptum, ef-
fusumq; frumentum uias omnes, angiportusq; cōstrau-
erat: & uos naues subito perterriti metu conscendistis:
& noctu ad oppidum respicientes, flagrātes onerarias,
quas incēderant milites, quia sequi noluerāt, uidebatis:
postremo à Rhodia classe deserti, uerum uatē fuisse sen-
sistis. Exposui quā breuissime potui somnii, & furo-
ris oracula, quæ carere arte dixeram. quorum amborū
generū una ratio est, qua Cratippus noster uti solet, ani-
mos hominum quadā ex parte extrinsecus esse tractos,
& haustos. ex quo intelligitur, esse extra diuinum ani-
mū, humanus unde ducatur: humani autem animi eā
partem, quæ sensum, quæ motum, quæ appetitum habe-
at, non esse ab actione corporis seiugatam: quæ autem
pars animi rationis, atque intelligentiæ sit particeps, eā
tum maxime uigere, cū plurimum absit à corpore. ita-
que ex ipsis exemplis uerarum uaticinationum, & som-
niorum Cratippus solet rationem cōcludere hoc modo.
si sine oculi non potest extare officium, et munus oculo-
rum, possunt autem aliquando oculi non fungi suo mu-
nere: qui uel semel ita est usus oculis, ut uera cerneret,
is habet sensum oculorum uera cernentium. item igi-
tur, si sine diuinatione non potest & officium & mu-
nus diuinationis extare, potest autem quis, cum diuina-

N

DE DIVINATIONE

tionem habeat, errare aliquando, nec uera cernere: satis est ad cōfirmandam diuinationem semel ita esse aliquid diuinatū, ut nihil fortuito cecidisse uideatur. sunt autem eius generis innumerabilia: esse igitur diuinationem confitendū est. Quæ uero aut cōiectura explicantur, aut euentis animaduersa & notata sunt, ea genera diuinandi, ut supra dixi, non naturalia, sed artificiosa dicuntur. in quo aruspices, augures, coniectoresq; numerantur. hæc improbantur à Peripateticis, à Stoicis defenduntur. quorum alia sunt posita in monumentis, & disciplina; quod Etruscorum declarant & aruspicipini, & fulgurales, et rituales libri, nostri etiā augurales: alia autem subito ex tempore coniectura explicantur, ut apud Homerum Chalcas, qui ex passerum numero belli Troiani annos auguratus est: & ut in Sisennæ scriptum historia uidemus, quod te inspectante factum est, ut, cum Sylla in agro Nolano immolaret ante prætorium, ab infima ara subito anguis emergeret. cum quidam C. Postumius aruspex oraret illum, ut in expeditionem exercitum educeret; id cū Sylla fecisset, tum ante oppidum Nola[m] florentissima Samnitum castra cepit. facta coniectura etiā in Dionysio est paulo ante quā regnare cœpit: qui cum per agrum Leontinum iter faciens, equum ipse dimisisset in flumen; summersus equus uoraginibus non extitit: quem cum maxima contentione non potuisset extrahere, discessit, ut ait Philistus, agre ferens. cum autem aliquantulum progressus esset, subito exaudiuit hinnitum, respexitq; & equum alacrem lætus aspexit, cuius in iuba examen apum confederat. quod ostentum habuit

hanc uim, ut Dionysius paucis post diebus regnare coe-
perit. quid? Lacedæmonijs paulo ante Leuētricam ca-
lamitatem quæ significatio facta est, cū in Herculis fa-
no arma sonuerūt, Herculisq; simulacrum multo sudo-
re manauit? at eodem tempore Thebis, ut ait Callisthe-
nes, in templo Herculis ualua clausæ repagulis, subito
se ipsæ aperuerunt, armaq; quæ fixa in parietibus fue-
rant, ea humi sunt inuēta. cumq; eodem tēpore apud
Lebadiā Trophonio res diuina fieret, gallos gallinaceos
in eo loco sic assidue canere coepisse, ut nihil intermitte-
rent: tum augures dixisse Bæotios, Thebanorum esse
uictoriam, propterea quod auis illa uicta silere sole-
ret, canere si uicisset. eademq; tempestate multis signis La-
cedæmonijs Leuētrica pugna calamitas denūciabatur.
nanque et Lysandri, qui Lacedæmoniorum clarissimus
fuerat, statuæ, quæ Delphis stabat, in capite corona
subito extitit ex asperis herbis, & agrestibus: stellæq;
aureæ, quæ Delphis erant à Lacedæmonijs posita post
naualem illam uictoriam Lysandri, qua Athenienses
concederunt, qua in pugna quia Castor et Pollux cum
Lacedæmoniorum classe uisi esse dicebantur, eorum in
signia deorum stellæ aureæ, quas dixi, Delphis posita,
paulo ante Leuētricam pugnam deciderunt, neque re-
pertæ sunt: maximum uero illud portentum ijsdem
Spartiatibus fuit, quod, cum oraculum ab Ioue Dodoneo
petiuissent, de uictoria sciscitantes, legatiq; illud, in
quo inerant sortes, collocauissent, simia, quam Rex
Molossorum in delicijs habebat, & sortes ipsas, & cæ-
tera, quæ erant ad sortem parata, disturbauit, & aliud
aliud dissipauit. tum ea, quæ præposita erat oraculo,

N ij

DE DIVINATIONE

sacerdos dixisse dicitur, de salute Lacedæmonijs esse, nō de uictoria cogitandum . Quid bello Punico secundo ? non ne C. Flaminius Consul iterum, neglexit signa rerum futurarum magna cum clade Reip ? qui exercitu lustrato, cum Aretium uersus castra mouisset, & contra Annibalem legiones duceret, & ipse & equus eius ante signum Iouis Statoris sine causa repente concidit, nec eam rem habuit religioni, obiecto signo, ut peritis uidebatur, ne committeret prælium . idem cum tripudio auspicaretur, pullarius diem prælij committendi differebat . tum Flaminius ex eo quæsiuit, si ne postea quidem pulli pascerentur, quid faciendum censeret . cum ille quiescendum respondisset, Flaminius, præclara uero auspicia, si esurientibus pullis res geri poterit, saturis nihil geretur : itaque signa conuelli, & se sequi iussit . quo tempore, cum signifer primi hastati signum non posset mouere loco, nec quidquam proficeret, plures cum accederent : Flaminius re nūciata suo more neglexit: itaque tribus horis concisus exercitus, atque ipse interfectus est. Magnum illud etiā, quod addidit Celius, eo ipso tempore, cum hoc calamitosum fieret prælium, tantos terræmotus in Liguribus, Gallia, cōpluribusq; insulis, totaq; in Italia factos esse, ut multa oppida corruerint, multis locis labes facta sit, terræq; desederint, fluminaq; in contrarias partes fluxerint, atque in omnes mare influxerit . Fiunt certe diuinationum coniecturæ à peritis . Midæ illi Phrygi, cum puer esset, dormienti formicæ in os tritici grana congesse . ditissimum fore, prædictum est . quod euenit . at Platoni, cum in cunis paruulo dormienti

apes in labellis confedissent, responsum est, singulari illum suauitate orationis fore. ita futura eloquentia promissa in infante est. quid amores, ac deliciae tuae Roscius? num aut ipse, aut pro eo Lanuuium totum mentiebatur? qui cum esset in cunabulis, educareturque in Selonio, qui est campus agri Lanuuii: noctu lumine appposito experrecta nutrix animaduertit puerum dormientem circumplexum serpentis amplexu. quo aspectu exterrita clamorem sustulit. pater autem Roscij ad aruspices retulit. qui responderunt, nihil illo puero clarius, nihil nobilius fore. atque hanc speciem Praxiteles calauit argento, et noster expressit Archias uersibus. quid igitur expectamus? an, dum in foro nobiscum dii immortales, dum in uis uersentur, dum domi? qui quidem ipsi se nobis non offerunt, uim autem suam longe, lateque diffundunt. quam cum terrae cauernis includunt, tum hominum naturis implicant. nam terrae uis Pythiam Delphis incitabat, naturae Sibyllam. quid enim? non uidemus, quam sint uaria terrarum genera? ex quibus et mortifera quaedam pars est, ut & Ampsancti in Hirpinis, & in Asia Plutonia, quae uidemus: & sunt partes agrorum aliae pestilentes, aliae salubres, aliae quae acuta ingenia gignant, aliae quae reuosa. quae omnia sunt & ex coeli uarietate, & ex disparili aspiratione terrarum. fit etiam saepe specie quadam, saepe uocum grauitate, & cantibus, ut pellantur animi uehementius: saepe etiam cura, & timore: qualis est illa,

- » Flexa anima tanquam lymphata, ut Bacchi sacris
 - » Commota, in tumultis Teucrum commemorans suum.
- atque etiam illa concitatio declarat uim in animis esse

DE DIVINATIONE

divinam. negat enim sine furore Democritus quenquā poetā magnū esse posse. quod idem dicit Plato . quem, si placet, appellet furorem, dum modo is furor ita laudetur, ut in Phædro Platonis laudatus est. quid uestra oratio in causis ? quid ipsa actio ? potest esse uehementis, & grauis, & copiosa, nisi est animus ipse commotior ? equidē etiā in te sæpe uidi, et, ut ad leuiora ueniamus, in Aesopo familiari tuo tantū ardorem uultuū, atque motuū, ut eum uis quædam abstraxisse à sensu mentis uideretur . Obijciuntur etiam sæpe formæ, quæ reapse nullæ sunt, speciem autem offerūt. quod contigisse Breno dicitur, eiusq; Gallicis copijs, cū fano Apollinis Delphici nefarium bellum intulisset : tum enim ferunt ex oraculo hæc fatam esse Pythiam,

2) Ego providebo rem istam, & albæ uirgines. ex quo factum, ut & uiderentur uirgines ferre arma contra, & niue Gallorum obrueretur exercitus . Aristoteles quidem eos etiam, qui ualetudinis uitio furerēt, & melancholici dicerentur, censebat habere aliquid in animis præfagiens, atque diuinum . ego autem haud scio, an nec cardiacis hoc tribuendum sit, nec phreneticis : animi enim integri, non uitiosi corporis est diuinitio. quā quidem esse re uera, hac Stoicorum ratione concluditur. si sunt dii, neque ante declarant hominibus quæ futura sunt : aut non diligunt homines : aut, quid euenturum sit, ignorant : aut existimant nihil interesse hominum, scire quid futurum sit : aut non cēsent esse suæ maiestatis præsignificare hominibus quæ sunt futura : aut ea ne ipsi quidem dii significare possunt. at neque nō diligunt nos, sunt enim benefici, ge-

neriq; hominū amici : neque ignorant ea, quæ ab ipsis constituta, et designata sunt: neque nostra nihil inter-
est scire ea, quæ euentura sunt; erimus enim cautiore, si sciemus : neque hoc alienū ducūt maiestate sua; ni-
hil est enim beneficentia præstātius : neque nō possunt futura prænoscere : non igitur sunt dii, nec significant futura . sunt autem dii : significant ergo : & non , si significant, nullas vias dāt nobis ad significationis scien-
tiam ; frustra enim significarent : nec, si dāt vias, nō est diuinitas : est igitur diuinitas, hac ratione et Chry-
sippus, & Diogenes, & Antipater utitur. quid est igitur, cur dubitandū sit, quin sint ea, quæ disputauī, ue-
rissima, si ratio mecū facit, si euenta, si populi, si na-
tiones, si Græci, si barbari, si maiores etiā nostri, si de-
nique hoc semper ita putatū est, si summi philosophi,
si poetæ, si sapiētissimi uiri, qui res publicas cōstituerūt,
qui urbes cōdiderūt ? an, dū bestia loquatur, expecta-
mus, hominū cōsentiente auctoritate cōtenti nō sumus?
nec uero quidquā aliud affertur, cur ea, quæ dico, diui-
nādi genera nulla sint ; nisi quod difficile dictū uide-
tur, quæ cuiusq; diuinationis ratio, quæ causa sit. quid
enim habet aruspex, cur pulmo incisus etiā in bonis ex-
tis dirimat tempus, et proferat diem ? quid Augur, cur
à dextra coruus, à sinistra cornix faciat ratum ? quid
astrologus, cur stella Iouis, aut Veneris coniuncta cum
Luna ad ortus puerorū salutaris sit, Saturni, Martis ue-
contraria ? cur autem deus dormientes nos moneat,
uigilantes negligat ? quid deinde causæ sit, cur Cas-
sandra furens futura prospiciat, Priamus sapiens hoc
idem facere non queat ? cur fiat quidque, quæris ? re-

N iiij

DE DIVINATIONE

Este omnino : sed non nunc id agitur ; fiat, nec ne fiat,
 id quæritur : ut si magnetē lapidem esse dicam, qui fer-
 rum ad se alliciat, & trahat, rationem, cur id fiat, af-
 ferre nequeam, fieri omnino neges. quod idem facis in
 diuinatione. quam & cernimus ipsi, & audiui-
 mus, & legimus, et à patribus accepimus: neque ante philoso-
 phiam patefactam, quæ nuper inuenta est, hæc de re cõ-
 munis uita dubitauit: & postea quàm philosophia pro-
 cessit, nemo aliter philosophus sensit, in quo modo esset
 auctoritas. dixi de Pythagora, de Democrito, de Socra-
 te: excepi de antiquis præter Xenophanem neminē: ad-
 iunxi ueterem Academiam, Peripateticos, Stoicos. unus
 dissentit Epicurus. quid uero hoc turpius, q̃ quodd idem
 nullam censeret gratuitam esse uirtutem? quis autē est,
 quem non moueat clarissimis monumentis testata, cõsi-
 gnataq; antiquitas? Calchantē augurem scribit Home-
 rus longe optimum, eumq; ducem classis fuisse: at illum
 auspiciorum credo scientia, non locorū. Amphilocus, &
 Mopsus Argiuorum Reges fuerunt, sed ijdem augures,
 ijq; urbes in ora maritima Ciliciæ Græcas condiderūt.
 atque etiā ante hos Amphiaræus, & Tiresias nō humi-
 les & obscuri, neque eorū similes, ut apud Ennium est,
 22 Qui sui quæstus causa fictas suscitant sententias;
 sed clari, & præstantes uiri, qui aui-
 bus, & signis admo-
 niti futura dicebant. quorum de altero etiam apud in-
 feros Homerus ait, solum sapere, ceteros umbrarū ua-
 gari modo. Amphiaræum autem sic honorauit fama
 Græciæ, deus ut haberetur, atque ut ab eius solo, in quo
 est humatus, oracula peterentur. quid Asiæ Rex Pri-
 mus, non ne et Helenū filium, & Cassandram filiā di-

uinantes habebat, alterum augurijs, alteram mentis in-
citatione diuina? quo in genere Martios quosdam fra-
tres, nobili loco natos, apud maiores nostros fuisse scri-
ptum uidemus. quid Polybum Corinthium, non ne
Homerus & alijs multa, & filio ad Troiam proficiscē-
ti mortem prædixisse commemorat? omnino apud ue-
teres qui rerum potiebantur, iidem auguria tenebant:
ut enim sapere, sic diuinare regale ducebant, ut testis
est nostra ciuitas, in qua & Reges, augures, & postea
privati eodem sacerdotio præditi Remp. religionum au-
toritate rexerunt. eaq; diuinationum ratio ne in
barbaris quidem gentibus neglecta est: siquidem &
in Gallia Druydes sunt, è quibus ipse Diuitiacum He-
duum hospitem tuum, laudatoremq; cognoui; qui &
naturæ rationem, quam physiologiam Græci appel-
lant, notam esse sibi profitebatur, & partim augurijs,
partim coniectura, quæ essent futura, dicebat: &
in Persis augurantur, & diuinant magi, qui congre-
gantur in fano cōmentandi causa, atque inter se collo-
quendi: quod etiam idem uos quōdam facere Nonis so-
lebatis. nec quisquam Rex Persarum potest esse, qui nō
ante magorum disciplinam, scientiamq; perceperit. li-
cet autem uidere & genera quadam, et nationes huic
scientiæ deditas. Telmessus in Caria est: qua in urbe
excellit aruspicum disciplina. itemq; Elis in Pelopōneso
familias duas certas habet, Iamidarum unam, alteram
Glutidarum, aruspiciæ nobilitate præstātes. in Syria
Chaldei cognitione astrorum, solertiāq; ingeniorū an-
tecellūt. Etruria autē de coelo tacta sciētissime animad-
uertit; eademq; interpretatur, quid quibusq; ostēdatur.

DE DIVINATIONE

monstris, atque portentis. quo circa bene apud maiores
 nostros senatus tum, cum florebat imperium, decreuit,
 ut de principum filiis sex singulis Etruriæ populis in di-
 sciplinam traderentur, ne ars tanta propter tenuitatem
 hominum à religionis auctoritate abduceretur ad mer-
 cedem, atque quæstû. Phryges autem, & Pisidæ, & Ci-
 lices, & Arabû natio avium significationibus plurimû
 obtemperant. quod idem facilitatû in Vmbria accepim-
 us. ac mihi quidem videtur ex locis quoque ipsis, qui
 à quibusque incolebantur, divinationû opportunitates
 esse ductæ. ut enim Aegyptij, ut Babylonij in campo-
 rum patentium æquoribus habitantes, cum ex terra
 nihil emineret, quod contemplationi cœli officere pos-
 set, omnem curam in siderum cognitione posuerunt:
 Etrusci autem, quod religione imbuti studiosius, &
 crebrius hostias immolabant, extorum cognitioni se
 maxime dediderunt; quodq; propter aeris crassitudi-
 nem de cœlo apud eos multa fiebant, & quod ob ean-
 dem causam multa inusitata partim ex cœlo, alia ex
 terra oriebantur, quædam etiam ex hominum, pecu-
 dum'ue conceptu, & satû, ostentorum exercitatissimi
 interpretes extiterunt. quorum quidem vim, ut tu so-
 les dicere, verba ipsa prudenter à maioribus posita de-
 clarant. quia enim ostendunt, portendunt, monstrant,
 prædicunt, ostenta, portenta, monstra, prodigia dicun-
 tur. Arabes autem, & Phryges, & Cilices, quod pa-
 stu pecudum maxime utuntur, campos, & montes hie-
 me, & æstate peragrâtes, propterea facilius catus avium
 & uolatus notaverunt. eademq; & Pisidiæ causa fuit,
 & huic nostræ Vmbriæ. tum Caria tota, præcipueq;

Telmesses, quos ante dixi, quod agros uberrimos maximeque fertiles incolunt, in quibus multa propter fecunditatem fingi, gigni que possunt, in ostentis animaduertendis diligentes fuerunt. quis uero non uidet, in optima quaque Rep. plurimum auspicia et reliqua diuinandi genera ualuisse? quis Rex unquam fuit, quis populus, qui non uteretur predictione diuina? neque solum in pace, sed in bello multo etiam magis, quo maius erat certamen, et discrimen salutis. omitto nostros, qui nihil in bello sine extis agunt, nihil sine auspicijs domi habent. auspicia externa uideamus. nam et Athenienses omnibus semper publicis consilijs diuinos quosdam sacerdotes, quos Mantes uocant, adhibuerunt: et Lacedaemonij Regibus suis augurem assessorē dederunt: itemque Senibus, sic enim consilium publicum appellant, augurē interesse uoluerunt: iidemque de rebus maioribus semper aut Delphis oraculum, aut ab Hammone, aut à Dodona petebant. Lycurgus quidem, qui Lacedaemoniorum Rempublicam temperauit, leges suas auctoritate Apollinis Delphici confirmauit. quas cum uellet Lysander commutare, eadem est prohibitus religione. atque etiam qui praeerant Lacedaemonijs, non contenti uigilantibus curis, in Pasistheae fano, quod est in agro propter urbem, somnianti causa excubabant, quia uera quietis oracula ducebant. Ad nostra iam redeo. quoties senatus Decem uiros ad libros ire iussit? nam et cum duo uisi soles essent, et cum tres lunae, et cum faces, et cum sol nocte uisus esset, et cum ex caelo fremitus auditus, et cum coelum discessisse uisum est, atque in eo animaduersi globi. delata etiam ad senatum labes agri Prineruatis, cum ad in

DE DIVINATIONE

finitam altitudinē terra defedisset, Apuliaq; maximis
 terræmotibus cōquassata esset. quibus portentis magna
 populo R. bella, perniciosaq; seditiones denūciabantur.
 inq; his omnibus responsa aruspicum cum Sibyllæ uersi
 bus congruebant. quid, cum Cumis Apollo sudauit,
 Capuæ Victoria? quid ortus androgyni? non ne fatale
 quoddam monstrum fuit? quid, quod fluius atratus
 sanguine fluxit? quid, cum sæpe lapidum, sanguinis nō
 nunquam, terræ interdum, quondam etiam lactis im-
 ber defluxit? quid, cum in Capitolio ictus centaurus
 ex cælo est? in Auentino portæ, & homines? Tusculi
 ædes Castoris, & Pollucis, Romæq; Pietatis? non ne et
 aruspices ea responderunt, quæ euenerunt: et in Sibyl-
 læ libris eadem repertæ prædictiones sunt? quoties sena-
 tus decemuiros ad libros ire iussit? quantis in rebus,
 quamq; sæpe responsis aruspicum paruit? Cæciliæ Q.
 filia somnio modo, Marsico bello, templum est à senatu
 Iunoni Sospitæ restitutum. quod quidem somnium Si-
 senna cum disputasset mirifice ad uerbum cū re conue-
 nisse, tum insolenter, credo ab Epicuro aliquo inductus,
 disputat somnijs credi non oportere. idem contra osten-
 ta nihil disputat, exponitq; , initio belli Marsici & deo-
 rum simulacra sudauisse, & sanguinem fluxisse, & di-
 scessisse cælum, & ex occulto auditas esse uoces, quæ pe-
 ricula belli nunciarent, & Lanuij clypeos, quod aru-
 spicibus tristissimum uisum esset, à muribus esse dero-
 sos. quid, quod in annalibus habemus, Veienti bello,
 cum lacus Albanus præter modum creuisset, Veientem
 quendā ad nos hominem nobilem profugisse, eumq; di-
 xisse, ex fatiis, quæ Veientes scripta haberent, Veios ca-

pi non posse, dum lacus is redundaret, & si lacus emissus lapsu, & cursu suo ad mare profluxisset, perniciosum populo R. sin autem ita esset eductus, ut ad mare peruenire non posset, tum salutare nostris fore. ex quo illa admirabilis à maioribus Albanae aquae facta de ductio est. cum autem Veientes bello fessi legatos ad senatum misissent, tum ex his quidam dixisse dicitur, nō omnia illum transfugam ausum esse senatui dicere: in iisdem enim fati scriptum Veientes habere, fore ut breui à Gallis Roma caperetur. quod quidem sexennio post Veios captos factum esse uidemus. Sape etiā & in praelijs Fauni auditi, & in rebus turbidis ueridicae uoces ex occulto missae esse dicuntur. cuius generis duo sunt ex multis exempla, sed maxima. nam non multo ante urbem captam exaudita uox est à luco Vestae, qui à Palatii radice in nouam uiam deuenit; ut muri et portae reficerentur; futurum esse, nisi prouisum esset, ut Roma caperetur. quod neglectum cum cauere poterat, post acceptam illam maximam cladem explicatum est: ara enim Aio loquenti, quā septam uidemus, ex aduersus eum locum consecrata est. atque etiam scriptum à multis est, cum terramotus factus esset, ut suae plenae procuratio fieret, uocē ab aede Iunonis ex arce extitisse: quo circa Iunonem illam appellatam Monetā. haec igitur & à dijs significata, & à nostris maioribus iudicata contemnimus? neque solum deorum uoces Pythagorei obseruauerunt, sed etiam hominum: quae uocant omina. quae maiores nostri quia ualere censebant, iccirco omnibus rebus agendis, quod bonum, faustum, felix, fortunatumq; esset, praefabantur: re-

DE DIVINATIONE

busq; diuinis, quæ publice fierent, ut fauerent linguis, imperabatur: inq; feriis imperandis, ut litibus, & iurgis se abstinere. itemq; in lustranda colonia, ab eo, qui eam deduceret, & cum imperator exercitum, Censor populum lustraret, bonis nominibus, qui hostias ducerent, eligebantur. quod idem in delectu Consules obseruant, ut primus miles fiat bono nomine. quæ quidem à te scis & Consule, & imperatore summa religione esse seruata. prærogatiuam etiam maiores omnes iustorum comitorum esse uoluerunt. atque ego exempla omnium nota proferam. L. Paulus Consul iterum, cum ei, bellum ut cum Rege Perse gereret, obrigisset; ut ea ipsa die domum ad uesperum redijt, filiulam suam Tertiam, quæ tum erat admodum parua, osculans animaduertit tristiculam. quid est, inquit, mea Tertia, quid tristis es? mi pater, inquit, Persa perijt. tum ille arctius puellam complexus, accipio omen, inquit, mea filia. erat autem mortua catella eo nomine. L. Flaccum flaminem Marziales ego audiui cum diceret, Cæciliam Metelli, cum uellet sororis suæ filiam in matrimonium collocare, exisse in quoddam sacellum ominis capiendi causa; quod fieri more ueterum solebat: cum uirgo staret, & Cæcilia in sella sederet, neque diu ulla uox extitisset, puellam defatigatam petijisse à matertera, ut sibi concederet paulisper, ut in eius sella requiesceret; illam autem dixisse, Vero mea puella tibi concedo meas sedes. quod omen res consecuta est: ipsa. n. breui mortua est, uirgo autem nupsit cui Cæcilia nupta fuerat. hæc posse contēni, uel etiam rideri, præclare intelligo: sed ipsum est, deos non putare; quæ ab ijs significantur, contemnere. quid de

auguribus loquar? tuæ partes sunt : tuum inquam auspiciorum patrociniū debet esse : tibi P. Claudius augur Consuli nunciauit, addubitato salutis augurio, bellum domesticum triste, ac turbulentū fore : quod paucis post mensibus exortū, paucioribus est à te diebus oppressum. cui quidem auguri uehementer assentior : solus enim multorum annorum memoria non decātiadi augurij, sed diuinandi tenuit disciplinam. quem iridebant collegæ tui, eumq; tum Pisidam, tum Soranū augurem esse dicebant. quibus nulla uidebatur in augurijs, aut auspicijs præsensio, aut sciētia ueritatis futuræ, sapienter aiebant ad opinionem imperitorum esse fictas religiones. quod longe secus est : neque enim in pastoribus illis, quibus Romulus præfuit, nec in ipso Romulo hæc calliditas esse potuit, ut ad errorem multitudinis religionis simulacra fingerent : sed difficultas, laborq; discendi disertam negligentiam reddidit : malunt enim differere, nihil esse in auspicijs, quā, quid sit, ediscere. quid est illo auspicio diuinius, quod apud te in Mario est, ut utar potissimum te auctore ?

- » Hic Iouis aluifoni subito pennata satelles
- » Arboris è trunco serpentis saucia morsu,
- » Subigit ipsa feris transfigens unguibus anguem
- » Semianimum, & uaria grauitèr cervice micantem.
- » Quem se intorquentem lanians, rostroq; cruentans,
- » Iam satiata animos, iam duros ultra dolores,
- » Abijcit efflantem, & laceratum affligit in unda,
- » Seq; obitu à solis nitidos conuertit ad ortus.
- » Hanc ubi præpetibus pennis, lapsuq; uolantem
- » Confexit Marius diuini numinis augur,

DE DIVINATIONE

- » Faustaꝫ signa suæ laudis, reditusꝫ notauit ;
 » Partibus intonuit coeli pater ipse sinistris .
 » Sic aquila clarum firmavit Iuppiter omen .
 atque ille Romuli auguratus , pastoralis, non urbanus
 fuit ; nec fictus ad opiniones imperitorum, sed à certis
 acceptus, & posteris traditus . itaque Romulus augur,
 ut apud Ennium est, cum fratre item augure,
 » Curantes magna cum cura, concupientes
 » Regni, dant operam simul auspicio, augurioꝫ .
 » Hinc Remus auspicio se deuouet, atque secundam
 » Solus auem seruans . at Romulus pulcher in alto
 » Quærit Auentino, seruat genus altiuolantum .
 » Certabant, urbem Romam Remam ne uocarent.
 » Omnis cura uiris, uter esset induperator .
 » Expectant, ueluti, Consul cum mittere signum
 » Vult, omnes auidi spectant ad carceris oras,
 » Quæ mox emittat piæcis ex faucibus currus :
 » Sic expectabat populus, atque ore timebat
 » Rebus, utri magni uictoria sit data regni .
 » Interea sol albus recessit in infera noctis .
 » Exin candida se radijs dedit icta foras lux :
 » Et simul ex alto longe pulcherrima præpes
 » Laeva uolauit auis : simul aureus exoritur sol .
 » Cedunt ter quatuor de cœlo corpora sancta
 » Auium, præpetibus sese pulchrisꝫ locis dant .
 » Conspicit inde sibi data Romulus esse priora,
 » Auspicio regni stabilita scamna solumꝫ .
 sed unde huc digressa est, eodem redeat oratio . si nihil
 queam disputare, quam obrere quidque fiat, et tantum mo-
 do fieri ea, quæ commemorauimus, doceam, parum ne Epicu-

ro, Carneadiue respondeam? quid, si etiam ratio extat
artificiose præsensionis facilis, diuinæ autē paulo obscu-
rior? quæ enim extis, quæ fulguribus, quæ portentis, quæ
astris præsentiuntur, hæc notata sunt obseruatione diu-
turna. affert autem uetustas omnibus in rebus longin-
qua obseruatione incredibilem scientiam: quæ potest esse
etiam sine motu, atq; impulsu deorū, cum, quid ex quo-
que eueniat, & quid quanq; rem significet, crebra ani-
maduersione perspectum est. altera diuination est natu-
ralis, ut ante dixi: quæ physica disputandi subtilitate re-
ferenda est ad naturam deorum: à qua, ut doctissimis,
sapientissimisque placuit, haustos animos, & deliberatos
habemus: cumq; omnia completa sint & referta æter-
no sensu, & mente diuina, necesse est cognatione diui-
norum animorū animos humanos commoueri. sed ui-
gilantes animi uitæ necessitatibus seruiunt, disiunguntq;
se à societate diuina, uinculis corporis impediti. rarum
est quoddam genus eorum, qui se à corpore auocent, &
ad diuinarum rerum cognitiones cura omni, studioq;
rapiantur. horum sunt auguria non diuini impetus, sed
rationis humanæ. nam & natura futura præsentiunt,
ut aquarum fluxiones, ut deflagrationem futuram ali-
quando cœli, atque terrarum: alij autem in Rep. exer-
citati, ut de Atheniensi Solone accepimus, oriētem ty-
rannidem multo ante prospiciunt: quos prudētes pos-
sumus dicere, id est prouidentes, diuinos nullo modo pos-
sumus, non plus, quàm Milesium Thalem, qui, ut ob-
iurgatores suos conuinceret, ostenderetq; etiam philo-
sophum, si ei commodum esset, pecuniam facere pos-
se, omnem oleam, antequam florere cœpisset, in agro

O

DE DIVINATIONE

Milesio coemisse dicitur. animaduverterat fortasse quaedam scientia, olearū ubertatem fore. & quidem idem primus defectionem solis, quæ Astyage regnante facta est, prædixisse fertur. multa medici, multa gubernatores, agricolæ etiam multa præsentunt: sed nullam eorum diuinationem uoco, ne illam quidem, quæ ab Anaximandro physico moniti Lacedæmonij sunt, ut urbē, et recta linquerent, armatiq; in agro excubarēt, quod terræ motus instaret, tum, cum & urbs tota corruit, & ex mōte Taygeto extrema mōtis quasi puppis auulsa est. ne Pherecides quidē ille Pythagoræ magister potius diuinus habeatur, quàm physicus: qui cum uidisset hauriam aquam de iugi puteo, terræ motus dixit instare. nec uero unquam animus hominis naturaliter diuinat, nisi cum ita solutus est, & uacuuus, ut ei planè nihil sit cum corpore. quod aut uatibus contingit, aut dormientibus. itaque ea duo genera à Dicæarcho probantur, et, ut dixi, à Cratippo nostro: si propterea, quod ea profisciscuntur à natura; sint summa sanè, modo ne sola: sint autem nihil esse in obseruatione putant; multa tollunt, quibus uitæ ratio continetur. sed quoniā dant aliquid, idq; non paruum, uaticinationes cum somnijs: nihil est, quod cum his magnopere pugnemus, præsertim cum sint, qui omnino nullam diuinationem probent. ergo & ij, quorum animi spretis corporibus euolant, atque excurrunt foras, ardore aliquo inflammati, atque incitati cernunt illa profecto, quæ uaticinantes prænunciant: multisq; rebus inflammantur tales animi, qui corporibus non inharerent, ut ij, qui sono quodam uocum, & Phrygijs cantibus incitantur: multos

nemora, siluæq; multos amnes, aut maria commouent:
quorum furibunda mens uidet ante multo, quæ futura
sunt. quo de genere illa sunt,

» Eheu uidete : iudicauit iudicium inclytum

» Inter deas tris aliquis : quo iudicio Lacedæmonia

» Mulier furiarum una adueniet .

eodem enim modo multa à uaticinantibus sæpe prædi-
cta sunt; neque solum uerbis, sed etiam

» Versibu^s, quos olim Fauni, uatesq; caneant .

similiter Martius & Publicius uates cecinisse dicuntur .
quo ex genere Apollinis operta prolata sunt. credo etiã
anhelitus quosdam fuisse terrarum, quibus inflata men-
tes oracula funderent . Atque hæc quidẽ uatum ratio
est : nec dissimilis sanè somniorum: nam quæ uigilanti-
bus accidunt uatibus, eadem nobis dormientibus : uiget
enim animus in somnijs; liberq; sensibus ab omni impe-
dione curarum, iacente et mortuo penè corpore, quia
uixit ab omni æternitate, uersatusq; est cū innumerabi-
libus animis, omnia, quæ in natura rerum sunt, uidet, si
modo temperatis escis, modicisq; potationibus ita est affe-
ctus, ut sopito corpore ipse uigilet. hæc somniantis est di-
uinatio. hic magna quadam exoritur, neque ea natura-
lis, sed artificiosa somniorum Antiphontis interpreta-
tio, eodemq; modo & oraculorum, & uaticinatio-
num: sunt enim explanatores, ut grammatici poeta-
rum . nam ut aurum, & argentum, æs, ferrum fru-
stra natura diuina genuisset, nisi eadem docuisset quæ-
admodũ ad eorũ uenas perueniretur; nec fruges ter-
ræ, baccas ue arborũ cum utilitate ulla generi humano
dedisset, nisi earum cultus, & conditiones tradidisset;

Q ij

DE DIVINATIONE

materia deinde quid iuuaret, nisi cōfectionis eius fabricam haberemus? sic cum omni utilitate, quam dii hominibus dederunt, ars aliqua coniuncta est, per quam illa utilitas percipi possit. item igitur somniis, uaticinationibus, oraculis, quod erant multa obscura, multa ambigua, explanationes adhibitæ sunt interpretum. quo modo autem aut uates, aut somniantes ea uideant, quæ nusquam etiam tunc sint, magna quæstio est. sed explorata si sint ea, quæ ante quæri debeant, sint hæc, quæ quærimus, faciliora: continet enim totam hanc quæstionem ea ratio, quæ est de natura deorum, quæ à te secundo libro est explicata dilucide. quæ si obtinemus, stabit illud quidem, quod locum hunc continet, de quo agimus, esse deos, & eorum prouidentia mundum administrari, eosdemq; consulere rebus humanis, nec solum uniuersis, uerum etiam singulis. hæc si tenemus, quæ mihi quidem non uidentur posse conuelli: profecto hominibus à diis futura significari necesse est. sed distinguendum uidetur, quonam modo. non placet Stoicis, singulis iecorum fissis, aut auium cantibus interesse deum; neque enim decorum est, nec diis dignum, nec fieri ullo pacto potest: sed ita à principio inchoatum esse mundum, ut certis rebus certa signa præcurrerent, alia in extis, alia in auibus, alia in fulguribus, alia in ostentis, alia in stellis, alia in somniantium uis, alia in furentium uocibus. ea quibus bene percepta sunt, ij non sepe falluntur. male coniecta, maleq; interpretata, falsa sunt, non rerum uitio, sed interpretum inscitia. hoc autē posito, atque cōcesso, esse quandam uim diuinam hominum uitam continentē: non difficile est,

quæ fieri certe uidemus, ea qua ratione fiât, suspicari .
nam & ad hostiam deligendâ potest dux esse uis quæ=
dam sentiens, quæ est toto confusa mundo: & tum, ip=
sam cum immolare uelis, extorum fieri mutatio potest,
ut aut absit aliquid, aut supersit: paruis enim momen=
tis multa natura aut affingit, aut mutat, aut detra=
hit: quod ne dubitare possimus, maximo est argumen=
to quod paulo ante interitum Cæsaris cõtigit: qui cum
immolaret illo die, quo primum in sella aurea sedit,
& cum purpurea ueste processit, in extis bouis opimi
cor non fuit. num igitur censes ullum animal, quod
sanguinem habeat, sine corde esse posse? qua ille rei no
uitate percussus, cum spurina diceret, timendum es
se, ne & consiliũ, & uita deficeret; earum enim rerũ
utrunque à corde proficisci: postero die caput in iecore
non fuit. quæ quidem illi portendebãtur à dijs immor
talibus, ut uideret interitum, non ut caueret. cum igi=
tur eæ partes in extis non reperiuntur, sine quibus ui=
etima illa uiuere nequisset: intelligendũ est, in ipso im
molationis tempore eas partes, quæ absint, interuisse. ea=
demq; efficit in auibus diuina mens; ut tum huc, tum
illuc uolent alites; tum in hac, tum in illa parte se oc
cultent; tum à dextra, tum à sinistra parte canane
oscines. nam si omne animal, ut uult, ita uititur mo
tu sui corporis, prono, obliquo, supino; membraq; quod
uult, flectit, contorquet, porrigit, contrahit; eaq; ante
efficit penè, quàm cogitat: quanto id deo est facilius,
cuius numini parent omnia? idemq; mittit & signa no
bis eius generis: qualia permulta historia tradidit: qua=
le scriptũ illud uidemus: si luna paulo ante solis ortum

DE DIVINATIONE

defecisset in signo leonis, fore ut armis Darius, & Persæ ab Alexandro, & Macedonibus prælio uinceretur, Dariusq; moreretur: & si puella nata biceps esset, se ditionem in populo fore, corruptelam, & adulterium domi: & si mulier leonem peperisse uisa esset, fore ut ab exteris gentibus uinceretur ea Resp. in qua id contigisset. eiusdem generis etiam illud est, quod scribit Herodotus: Cræsi filium, cum esset infans, locutum: quo ostento regnum patris, & domum funditus concidisse. caput arsisse Ser. Tullio dormienti, quæ historia non prodidit? ut igitur, qui se tradet ita quieti, preparato animo tum bonis cogitationibus, tum rebus ad tranquillitatem accommodatis, certa et uera cernit in somnijs: sic castus animus, purusq; uigilantis, & ad astrorum, & ad auium, reliquorumq; signorum, & ad extorum ueritatem est paratior. hoc nimirum est illud, quod de Socrate accepimus, quodq; ab ipso in libris Socraticorum sæpe dicitur, esse diuinum quiddam, quod Dæmonion appellat, cui semper ipse paruere, nunquam impellenti, sæpe reuocanti. & Socrates quidem, quo quem auctorem meliorem quærimus? Xenophonti consulenti, sequeretur ne Cyrum, postea quàm exposuit quæ sibi uidebantur, & nostrum quidem, inquit, humanum est consilium, sed de rebus & obscuris, & incertis ad Apollinem censeo referendū, ad quem etiam Athenienses publice de maioribus rebus semper retulerunt. scriptum est item, cum Critonis sui familiaris oculum alligatum uidisset, quæsiuisset quid esset: cū autem ille respondisset, in agro ambulanti ramulū adductum, ut remissus esset, in oculum recidisse, tum Socra-

res, non enim paruisti mihi reuocanti, cum uterer, qua
soleo, praesagitione diuina. idem etiam Socrates, cum
apud Delium male pugnatum esset Lachete praetore, fu-
geretq; cum ipso Lachete: ut uentum est in trinium, ea-
dem, quae ceteri, fugere noluit. quibus quærentibus cur
non eadem uia pergeret, deterreri à deo dixit. tum qui-
dem ij, qui alia uia fugerāt, in hostium equitatum inci-
derunt. permulta coniecta sunt ab Antipatro, quæ mi-
rabiliter à Socrate diuinata sunt: quæ prætermittam:
tibi enim nota sunt, mihi ad commemorandum non ne-
cessaria. illud tamen eius philosophi magnificum, ac pe-
nè diuinum, quod cum impijs sententijs damnatus esset,
æquissimo animo se dixit mori: neq; enim domo egre-
diēti, neq; illud suggestum, in quo causam dixerat, ascē-
denti, signum sibi ullum, quod cōsueisset, à deo quasi ma-
li alicuius impendentis datum. equidem sic arbitror, etiā
si multa fallant eos, qui aut arte, aut coniectura diuina
re uideantur, esse tamen diuinationem, homines autem,
ut in cæteris artibus, sic in hac posse falli. potest accide-
re, ut aliquod signum dubie datum, pro certo sit acce-
ptum: potest aliquod latuisse, aut ipsum, aut quod esset
illi contrarium: mihi autem ad hoc, de quo disputo, pro-
bandum satis est, non modo plura, sed pauciora diuine
præsentia, & prædicta reperiri. quin etiam hoc non du-
bitans dixerim: si unum aliquid ita sit prædictum, præ-
sensumq; , ut, cum euenerit, ita cadat ut prædictum sit,
neque in eo quidquam casu, & foruito factum esse
appareat, esse certe diuinationem, idq; esse omnibus
confitendum. quocirca primum mihi uidetur, ut Posi-
donius facit, à deo, de quo satis dictum est, deinde à

DE DIVINATIONE

fato, deinde à natura uis omnis diuinandi, ratioq; repe-
tenda. fieri igitur omnia fato, ratio cogit fateri. fatum
autem id appello, quod Græci εἰρησμένον, id est ordinē,
seriemq; causarū, cum causa cause nexa rem ex se gi-
gnat. ea est ex omni æternitate fluens ueritas sempiter-
na. quod cum ita sit; nihil est factum, quod non futu-
rum fuerit; eodemq; modo nihil est futurum, cuius nō
causas id ipsum efficientes natura contineat. ex quo in-
telligitur, ut fatum sit non id, quod superstitiose, sed id
quod physice dicitur, causa æterna rerū, cur & ea, quæ
præterierunt, facta sint, et, quæ insiant, fiant, & quæ
sequuntur, futura sint. ita fit, ut & obseruatione no-
tari possit, quæ res quanque causam plerunque cōsequa-
tur, etiam si non semper: nam id quidem difficile est
affirmare. easdemq; causas uerisimile est rerum futu-
rarum cerni ab ijs, qui aut per furorē eas, aut in quies-
te uideant. præterea cū fato omnia fiant, id quod alio
loco ostendetur: si quis modo talis possit esse, qui colliga-
tionem causarum omnium perspiciat animo, nihil eum
profeculo fallat: qui enim teneat causas rerum futura-
rum, idem necesse est omnia teneat, quæ futura sint.
quod cum facere nemo nisi deus possit, relinquendum
est homini, ut signis quibusdam consequentia declaran-
tibus futura præsentiat: nō enim illa, quæ futura sunt,
subito existunt; sed est, quasi rudentis explicatio, sic tra-
ductio temporis nihil noui efficientis, et primū quidque
replicantis. quod & ij uident, quibus naturalis diuina-
tio data est; & ij, quibus cursus rerum obseruando no-
tatus est. qui etsi causas ipsas non cernunt, signa tamē
causarum, & notas cernunt: ad quas adhibita memo-

ria, & diligentia, ex monumentis superiorum efficitur
ea diuinitio, quæ artificiosa dicitur, extorum, fulgurū,
ostentorum, signorumq; coelestium. nō est igitur ut mi-
randum sit, ea praesentiri à diuinantibus, quæ nusquam
sint: sunt. n. omnia, sed tēpore absunt. atque ut in se-
minibus uis inest earum rerum, quæ ex ijs progignun-
tur: sic in causis conditæ sunt res futurae, quas esse futu-
ras aut concitata mens, aut soluta somno cernit, aut ra-
tio, aut coniectura praesentit. atq; ut ijs, qui solis, & lu-
nae, reliquorumq; siderum ortus, obitus, motusq; cogno-
runt, quo quidque tempore eorum futurū sit, multo an-
te praedicunt: sic qui cursum rerum, euentorumq; conse-
quentiam diuturnitate pertractata notauerūt, aut sem-
per, aut, si id difficile est, plerunque, quod si ne id quidē
conceditur, non nunquam certe, quid futurū sit, intelli-
gunt. Atque hæc quidē, et quædā huiusmodi argumen-
ta, cur sit diuinitio, ducūtur à fato. A' natura autem
alia quædā ratio est: quæ docet, quāta sit animi uis seū
ita à corporis sensibus: quod maxime cōtingit aut dor-
miētibus, aut mente permotis. ut. n. deorū animi sine
oculis, sine auribus, sine lingua sentiunt inter se, quid
quisque sentiat; ex quo fit, ut homines, etiam cū taciti
optent aliquid, aut uoueāt, haud dubitēt quin dii illud
exaudiant: sic animi hominum, cum aut somno soluti
uacāt corpore, aut mente permoti per se ipsi liberi inci-
tati mouentur, cernūt ea, quæ permisti cū corpore ani-
mi uidere nō possunt. atque hæc quidem rationem na-
turae difficile est fortasse traducere ad id genus diui-
nationis, quod ex arte profectum dicimus: sed tamen
id quoque rimatur quantū potest Posidonius, cum esse

DE DIVINATIONE

censet in natura signa quædam rerum futurarum. ut enim Ceos accepimus ortum caniculæ diligenter quotannis solere seruare, coniecturamq; capere, ut scribit Ponicus Heraclides, salubris ne, an pestilens annus futurus sit: nam si obscurior quasi caliginosa stella extiterit, pingue & cōcretū esse coelū, ut eius aspiratio grauis, et pestilens futura sit: sin illustris, & perlucida stella apparuit, significari coelum esse tenue, purumq; , & propterea salubre. Democritus autem censet sapienter instituisse ueteres, ut hostiarum immolararū inspicerentur exta, quorū ex habitu, atque colore tum salubritatis, tum pestilentie signa percipi, non nunquam etiam quæ sit uel sterilitas agrorum, uel fertilitas futura. quæ si à natura profecta, observatio, atque usus agnouit; multa afferre potuit dies, quæ animaduertendo notarentur: ut ille Pacuuianus, qui in Chryse physicus inducitur, minime naturam rerum cognoscere uideatur.

- » Nam istis, qui linguam auium intelligunt,
 - » Plusq; ex alieno iecore sapiunt quàm ex suo,
 - » Magis audiendum quàm auscultandum censeo.
- cur quæso? cum ipse paucis interpositis uersibus dicas satis luculente:
- » Quidquid est hoc, omnia animat, format, alit, auget, creat,
 - » Sepelit, recipitq; in sese omnia, omniumq; idem est pater,
 - » Indidemq; eadem, quæ oriuntur, de integro, atque eodem occidunt.
- quid est igitur, cur, cum domus sit omnium una, eaq; communis, cumq; animi hominum semper fuerint, fu-

turūq; sint, cur ij, quid ex quoque eueniat, & quid
quaque rem significet, perspicere non possunt?

Hæc habui, inquit, de diuinatione quæ dicerem. nūc
illa testabor, nō me sortilegos, neque eos, qui quasus cau-
sa hariolentur, ne psychomata quidem, quibus Appius
amicus tuus uti solebat, agnoscere. non habeo denique
nauci Marsum Augurem,

- » Non uicanos aruspices, non de circo astrologos,
 - » Non Isiacos coniectores, non interpretes somnium:
 - » Non enim sunt ij aut scientia aut arte diuini,
 - » Sed supersticiosi uates, impudentesq; harioli,
 - » Aut inertes, aut insani, aut quibus egestas imperat:
 - » Qui sibi semitam non sapiunt, alteri monstrant uiam:
 - » Quibus diuitias pollicentur, ab ijs drachmā ipsi petūt:
 - » De his diuitijs sibi deducāt drachmā, reddāt cætera.
- atque hæc quidem Ennius, qui paucis ante uersibus esse
deos censet, sed eos non curare opinatur quid agat hu-
manum genus. ego autem, qui & curare arbitror, &
monere etiā, ac multa prædicere, leuitate, uanitate,
malitia exclusa diuinationem probo. Quæ cū dixis-
set Quintus, Præclare tu quidem, inquam, paratus,

Desunt pauca quedam.

M. TVLLII CICERONIS
DE DIVINATIONE
LIBER II.

Verenti mihi, multumq; & diu cogi-
tanti, quam re possem prodesse quā
plurimis, ne quando intermitterem cō-
sulere Reip. nulla maior occurrebat,
quā si optimarū artium vias trade-
rem meis ciuibus: quod compluribus iam libris me ar-
bitror consecutum. nam & cohortati sumus, ut maxi-
me potuimus, ad philosophiæ studium eo libro, qui est in-
scriptus Hortensius: & quod genus philosophandi mi-
nime arrogans, maximeq; & constans, & elegans ar-
bitraremur, quatuor Academicis libris ostēdimus. cumq;
fundamētum esset philosophiæ positum in finibus bono-
rum, & malorum, perpurgatus est is locus à nobis quin-
que libris, ut, quid à quoque, & quid contra quenque
philosophum diceretur, intelligi posset. totidem subsecu-
ti libri Tusculanarum disputationum, res ad beate ui-
uendum maxime necessarias aperuerūt: primus enim
est de contemnenda morte, secundus de tolerando dolo-
re, de ægritudine lenienda tertius, quartus de reliquis
animi perturbationibus, quintus eum locum complexus
est, qui totam philosophiam maxime illustrat: docet e-
nim, ad beate uiuendum uirtutem se ipsa esse cōtentā.
quibus rebus editis, tres libri perfecti sunt de natura deo-
rum: in quibus omnis eius loci quæstio continetur. quæ
ut plene esset, cumulateq; perfecta, de diuinatione in-

gressi sumus his libris scribere . quibus, ut est in animo,
de fato si adiunxerimus , erit abunde satisfactum toti
huic quaestioni. atque his libris annumerandi sunt sex de
Rep. quos tunc scripsimus, cum gubernacula Reip. tene
bamus: magnus locus , philosophiæq; proprius, à Plato=
ne, Aristotele, Theophrasto, totaq; Peripateticorum fas
milia tractatus uberrime. nam quid ego de Cōsolatione
dicam? quæ mihi quidem ipsi sanè aliquantū medetur:
ceteris item multum profuturam puto . interiectus eti=
am est nuper is, quem ad nostrum Atticum de senectute
misimus. in primisq; quoniam philosophia uir bonus
efficitur, & fortis, Cato noster in horum librorum nu
mero ponendus est. cumq; Aristoteles, itemq; Theopha
stus, excellentes uiri cum subtilitate, tum copia, cum phi
losophia dicendi etiā præcepta cōiunxerint; nostri quo=
que oratorij libri in eundem numerum referendi uiden
tur . ita tres erunt de Oratore, quartus Brutus , quin=
tus Orator. adhuc hæc erant: ad reliqua acriter tendeba
mus animo, sic parati , ut , nisi quæ causa grauior ob=
stitisset , nullum philosophiæ locum esse pateremur, qui
non latinis literis illustratus pateret. quod enim munus
Reip. afferre maius, meliusue possumus, quàm si doce=
mus, atque erudimus iuuentutem? his præsertim mori=
bus , atque temporibus : quibus ita prolapsa est, ut om=
nium opibus refrenanda, atque coercenda sit. nec uero id
effici posse confido, quod ne postulandum quidem est, ut
omnes adolescētes se ad hæc studia cōuertant. pauci uti
nā : quorū tamē in Rep. late patere poterit industria.
equidem etiam ex ijs fructum capio laboris mei, qui iā
ætate prouecti in nostris libris acquiescunt: quorum stu

DE DIVINATIONE

dio legendi meum scribendi studium uehementius in dies
 incitatur: quos quidem plures, quam rebar, esse cogno-
 ui. magnificum illud etiam, Romanisq; hominibus glo-
 riosum, ut græcis de philosophia literis non egeat. quod
 assequar profecto, si instituta perfecero. ac mihi quidē
 explicandæ philosophiæ causam attulit grauis casus ci-
 uitatis, cū in armis ciuilibus nec tueri meo more Remp.
 nec nihil agere poteram, nec, quid potius, quod quidem
 me dignum esset, agerem, reperiēbā. dabunt igitur mihi
 ueniam mei ciues, uel gratiam potius habebunt, quod,
 cū esset in unius potestate Reip. neque ego me abdidi,
 neque deserui, neque afflixi; neque ita gessi, quasi ho-
 mini, aut temporibus iratus; neque ita porro aut adu-
 latus, aut admiratus fortunā sum alterius, ut me meæ
 poeniteret: id enim ipsum à Platone, philosophiaq; didi-
 ceram, naturales esse conuersiones quasdam Rerumpu-
 blicarum, ut eæ tum à principibus tenerentur, tum à
 populis, aliquando à singulis. quod cum accidisset no-
 stræ Reip. tum pristinis orbatū muneribus hæc studia re-
 nouare cœpimus, ut & animus molestius hæc potissimū
 re leuaretur, & prodessemus ciuibus nostris quā re cū-
 que possemus. in libris enim sententiam dicebamus, con-
 cionabamur, philosophiam nobis pro Reip. procuratore
 substitutam putabamus. nunc, quoniam de Rep. cōsuli
 cœpti sumus, tribuenda est opera Reip. uel omnis potius
 in ea cogitatio, & cura ponenda: tantum huic studio
 relinquendum, quantum uacabit à publico officio &
 munere. sed hæc alijs pluribus: nunc ad institutam di-
 sputationem reuertamur. Nam cū de diuinatione Q. y
 frater ea disseruisset, quæ superiore libro scripta sunt,

satisq; ambulatum uideretur, tum in bibliotheca, quæ in Lyceo est, assedimus. atque ego, Accurate tu quidem, inquam, Quinte, & Stoice Stoicorum sententiam defendisti: quodq; me maxime delectat, plurimis nostris exemplis usus es, & ijs quidem claris, & illustribus. dicendum est mihi igitur ad ea, quæ sunt à te dicta; sed ita, nihil ut affirmem, quæram omnia, dubitans plerunque, & mihi ipse diffidens: si enim aliquid certi haberem, quod dicerem; ego ipse diuinarem, qui esse diuinationem nego. Etenim me mouet illud, quod in primis Carneades quærere solebat, quarumnam rerum diuinatio esset, earum ne, quæ sensibus perciperentur? at eas quidem cernimus, audimus, gustamus, olfacimus, tangimus. nunquid ergo in ijs rebus est, quod prouisione, aut permotione mentis magis, quàm natura ipsa sentiamus? aut nescio qui ille diuinus, si oculis captus sit, ut Tiresias fuit, possit, quæ alba sint, quæ nigra, dicere? aut, si surdus sit, uarietates uocū, aut modos noscere? ad nullam igitur earum rerum, quæ sensu accipiuntur, diuinatio adhibetur. Atqui ne in ijs quidem rebus, quæ arte tractantur, diuinatione opus est. etenim ad ægros non uates, aut harios, sed medicos solemus adducere. nec uero, qui tibijs, aut fidibus uti uolunt, ab aruspibus accipiunt earum tractationem, sed à musicis. eadem in literis ratio est, reliquisq; rebus, quarum est disciplina. num censeres eos, qui diuinare dicuntur, posse respondere, sol maior ne, quàm terra sit; an tantus, quātus uideatur? lunaq; suo lumine, an solis utatur? sol, luna quem motum habeant? quem quinque stellæ, quæ errare dicuntur? nec hæc,

DE DIVINATIONE

qui diuini habentur, profitentur se esse dicturos: nec eorum, quæ in geometria describuntur, quæ uera, quæ falsa sint: sunt enim ea mathematicorum, non hariorum. de illis uero rebus, quæ in philosophia uersantur, nunquid est quod quisquam diuinorum aut respondere soleat, aut consuli, quid bonum sit, quid malum, quid neutrum? sunt enim hæc propria philosophorum. quid de officio? num quis aruspice[m] consuluit, quemadmodum sit cum parentibus, cum fratribus, cum amicis uiuendum? quemadmodum utendum pecunia? quemadmodum honore? quemadmodum imperio? ad sapientes hæc, non ad diuinos referri solent. quid, quæ a physicis, aut dialecticis tractantur, num quis eorum diuinare potest, unus ne mundus sit, an plures? quæ sint initia rerum, ex quibus nascuntur omnia? physicorum est ista prudentia. quo modo autem mentientem, quem deus quæuocant, dissoluas? aut quemadmodum Soriti resistas? quem, si necesse sit latino uerbo, liceat acrualem appellare: sed nihil opus est: ut enim ipsa philosophia, & multa uerba Græcorum, sic Sorites satis latino sermone tritus est. ergo hæc quoque dialectici dicent, non diuini. quid? cum quaeritur qui sit optimus Reip. status, quæ leges, qui mores aut utiles, aut inutiles, aruspices ne ex Etruria accersentur, an principes statuent, & delecti uiri, periti rerum ciuiliu[m]? quodd si nec earum rerum, quæ subiectæ sensibus sunt, ulla diuinazio est; nec earum, quæ artibus continentur; nec earum, quæ in philosophia differuntur; nec earum, quæ in Rep. uersantur: quarum rerum sit, nihil prorsus intelligo: nā aut omnium debet esse, aut aliqua ei materia

teria danda est, in qua uersari possit : sed nec omnium diuination est, ut ratio docuit; nec locus, nec materia inuenitur, cui diuinationem præficere possimus. uide igitur, ne nulla sit diuination. est quidē Græcus uulgaris in hanc sententiam uersus.

- 22 Bene qui conijciat, uatem hunc perhibeto optimum. num igitur, aut quæ tempestas impendeat, uates melius conijciat, quàm gubernator; aut morbi naturam acutius, quàm medicus; aut belli administrationem prudētius, quàm imperator, coniectura assequetur? sed animaduerti Quinte, te caute, & ab ijs coniecturis, quæ haberent artem atque prudentiam, & ab ijs rebus, quæ sensibus aut artificijs perciperentur, abducere diuinationem, eamq; ita diffinire, diuinationem esse earum rerum prædictionem, & præensionem, quæ essent fortuitæ. primum eodem reuolueris. nam & medici, & gubernatoris, & imperatoris præensio est rerum fortuitarum. num igitur aut aruspex, aut augur, aut uates quis, aut somnians melius coniecerit, aut ex morbo euasurum ægrotum, aut ex periculo nauem, aut ex insidijs exercitum, quàm medicus, quàm gubernator, quàm imperator? Atqui ne illa quidē diuinantis esse dicebas, uentos, aut imbres impendentes quibusdam præsentire signis. in quo nostra quædā Aratea memoriter à te pronuntiata sunt. etsi hæc ipsa fortuita sunt: plerumque enim, non semper eueniunt. quæ est igitur, aut ubi uersatur fortuitarum rerum præensio? quam diuinationē uocas. quæ. n. præsentiri aut arte, aut ratione, aut usu, aut cōiectura possunt, ea non diuinis tribuendas putas, sed peritis. ita relinquitur, ut ea fortuita diuinari

DE DIVINATIONE

possint, quæ nulla nec arte, nec sapientia provideri possunt: ut si quis M. Marcellum illum, qui ter Cōsul fuit, multis annis ante dixisset naufragio esse periturum, diuinasset profecto: nulla enim arte alia, nec sapientia id scire potuisset. talium ergo rerum, quæ in fortuna posita sunt, præsensio diuinatio est. potest ne igitur earum rerum, quæ nihil habent rationis, quare futura sint, ulla esse præsensio? quid est enim aliud fors, quid fortuna, quid casus, quid euentus, nisi cum sic aliquid ceciderit, sic euenit, ut uel non cadere, atque euenire, uel aliter cadere, atque euenire potuerit? quo modo ergo id, quod temere fit cæco casu, et uolubilitate fortunæ, præsentiri, et prædicti potest? medicus morbum ingrauescentem ratione providet, insidias imperator, tempestates gubernator: tamen hi ipsi sæpe falluntur, qui nihil sine certa ratione opinantur: ut agricola cum florem oleæ uidet, baccam quoque se uisurum putat: non sine ratione ille quidem: sed non nunquam tamen fallitur. quod si falluntur ij, qui nihil sine aliqua probabili coniectura, ac ratione dicunt: quid existimandum est de coniectura eorum, qui extis, aut auibus, aut ostentis, aut oraculis, aut somnijs futura præsentunt? non dum dico, quàm hæc signa nulla sint, fissum iecoris, corui cantus, uolatus aquila, stelle traiectio, uoces furentium, sortes, somnia: de quibus singulis dicam suo loco, nunc de uniuersis. qui potest provideri, quidquam futurum esse, quod neque causam habet ullam, neque notā cur futurum sit? solis defectiones, itemque lunæ prædicuntur in multos annos ab ijs, qui siderum cursus, et motus numeris persequuntur: ea enim prædicunt, quæ

natura necessitas perfectura est. uident ex constantis-
simo motu luna, quando illa è regione solis facta incur-
rit in umbram terre; quæ est meta noctis, ut eam ob-
scurari necesse sit; quandoq; eadem luna subiecta soli,
atque opposita nostris oculis, eius lumē obscurat; quo in
signo quæque errantium stellarum, quoq; tempore futu-
ra sit; qui exortus quoque die signi alicuius, aut qui
occidus futurus sit. hæc qui ante dicunt, quā rationē
sequantur uides: qui thesauri inuenturum, aut herē-
ditatem uenturam dicunt, quid sequuntur? aut in qua
rerum natura inest, id futurum? quod si ea, quæ
sunt eiusdem generis, habent aliquam talem necessita-
tem: quid est tandem, quod casu fieri, aut forte for-
tuna putemus? nihil enim est tam contrarium rationi,
& constantia, quàm fortuna: ut mihi ne in deū qui-
dem cadere uideatur, ut sciat quid casu, & fortuito
futurum sit. si enim scit, certe illud eueniet. sin certe
eueniet, nulla fortuna est. est autem fortuna: rerum
igitur fortuitarum nulla est præsensio. aut si negas es-
se fortunam, & omnia, quæ fiunt, quæq; futura sunt,
ex omni æternitate diffinita dicis esse fataliter: muta
diffinitionem diuinationis, quam dicebas præsensio-
nem esse rerum fortuitarum. si enim nihil fieri potest, nihil
accidere, nihil euenire, nisi quod ab omni æternitate cer-
tum fuerit esse futurum rato tempore: quæ potest esse
fortuna? qua sublata, qui locus est diuinationi? quæ a-
te fortuitarum rerum est dicta præsensio. quanquam
dicebas, omnia, quæ fierent, futura ue essent, fato conti-
neri. anile sanè, & plenum superstitionis fati nomen ip-
sum: sed tamen apud stoicos de isto fato multa dicu-

DE DIVINATIONE

tur . de quo aliàs : nūc quod necesse est . Si omnia fato : quid mihi diuination prodest ? quod enim is , qui diuinat , prædicit , id uero futurum est : ut ne illud quidem sciam quale sit , quodd Deiotarum familiarem nostrum ex itinere aquila reuocauit . qui nisi reuertisset , in eo cō clauī ei cubādum fuisset , quod proxima nocte corruit . ruina igitur oppressus esset . at id neque , si fatū fuerat , effugisset , nec , si non fuerat , in eum casum incidisset . quid ergo adiuvat diuination ? aut quid est , quod me moueant aut sortes , aut exta , aut ulla prædictio ? si enim fatum fuit , classes populi R . bello Punico primo alterā naufragio , alteram à Pœnis depressam interire : etiā si tripudium solistimum pulli fecissent , L . Iunio , & P . Clodio Consulibus classes tamen interissent . sin , cū auspicijs obtemperatum esset , interiturae classes non fuerunt , non interierunt fato . uultis autem omnia fato : nulla igitur est diuination . quodd si fatum fuit , bello Punico secundo exercitum populi R . ad lacum Trasimenū interire : num id mutari potuit , si Flaminius Consul ijs signis , ijsq ; auspicijs , quibus pugnare prohibebatur , paruisset ? certe potuit . aut igitur non fato interijt exercitus ; mutari enim fata non possunt : aut , si fato , quod certe uobis ita dicendū est ; etiam si obtemperasset auspicijs , idem euenturū fuisset . ubi est igitur diuination ista Stoicorum ? quæ , si fato omnia fiunt , nihil nos admonere potest , ut cautiore simus : quoquo enim modo nos gesserimus , fiet tamen illud quod futurū est . sin autem id potest flecti : nullum est fatū , ita ne diuination quidem , quoniam ea rerum futurarū est . nihil autem est pro certo futurum , quod potest aliqua procuratione accidere ne

fiat. Atque ego ne utile quidē arbitror esse nobis futurarum rerum scientiam. quæ. n. uita fuisset Priamo, si ab adolescentia scisset quos euentus senectutis esset habiturus? abeamus à fabulis: propiora uideamus. clarissimorum hominum nostræ ciuitatis grauissimos exitus in Consolatione collegimus. quid igitur? ut omittamus superiores, M. ne Crasso putas utile fuisse, tū, cum maximis opibus, fortunisque florebat, scire, sibi, interfecit Publio filio, exercituq; deleto, trans Euphratem cum ignominia, & dedecore esse pereundum? an Cn. Pompeium censes tribus suis Cōsularibus, tribus triūphis, maximarum rerum gloria, lætaturum fuisse, si sciret se in solitudine Aegyptiorum trucidatū iri amisso exercitu, post mortem uero ea consecutura, quæ sine lacrymis nō possumus dicere? quid uero Cæsarem putamus? si diuinasset, fore ut in eo senatu, quem maiore ex parte ipse cooptasset, in curia Pompeiana, ante ipsius Pompeij simulacrum, tot centurionibus suis inspectantibus, à nobilissimis cliuib; partim etiam à se omnibus rebus ornatis, trucidatus ita iaceret, ut ad eius corpus non modo amicorum, sed ne seruorum quidem quisquam accederet; quo cruciatu animi uitam ætūrum fuisse? certe igitur ignoratio futurorum malorum utilior est, quam scientia. nam illud quidem dici, præsertim à Stoicis, nullo modo potest: non isset ad arma Pompeius: non transisset Crassus Euphratem: non suscepisset bellū civile Cæsar. non igitur fatales exitus habuerunt. multis autem euenire omnia fato: nihil ergo profuisset illis diuinare: atque etiam omnem fructum uitæ superioris perdidissent: quid enim posset ijs esse latum exitus suos

DE DIVINATIONE

cogitantibus? ita, quoquo se uerterint. Stoici, iaceat necesse est omnis eorum solertia. si enim, quod euenturum est, uel hoc uel illo modo potest euenire: fortuna ualet plurimum. quæ autem fortuita sunt, certa esse non possunt. sin autem certū est, quid quaque de re, quoq; tempore futurū sit: quid est, quod me adiuent aruspices, cum res tristissimas portendi dixerint? Addūt ad extremum, omnia leuius casura rebus diuinis procu-
ratis. si enim nihil fit extra fatū, nihil leuari re diuina potest. hoc sentit Homerus, cum querentem Iouem inducit, quod Sarpedonem filium à morte contra fatum eri-
pere non posset. hoc idem significat Græcus ille in eam sententiam uersus:

- » Quod fore paratum est, id summum exuperat Iouem. totum omnino fatum etiam Atellanio uersu iure mihi esse irrisum uidetur. sed in rebus tam seueris non est iocandi locus. concludatur ergo ratio. si enim provideri nihil potest futurum esse eorum, quæ casu fiūt, quia esse certa non possunt: diuination nulla est. sin autem iccirco possunt provideri, quia certa sunt, & fatalia: rursus diuination nulla est: eam enim tu fortuitarum rerum esse dicebas. Sed hæc fuerit nobis tanquam leuis armatura prima orationis excursio: nūc cominus agamus: experiamur itaque, si possumus cornua cōmouere disputa-
tionis tuæ. Duo enim genera diuinādi esse dicebas, unū artificiosum, alterū naturale, artificiosum cōstare par-
tim ex cōiectura, partim ex obseruatione diuturna: na-
turale, quod animus arriperet, aut exciperet extrinsecus ex diuinitate, unde omnes animos haustos, aut acceptos, aut libatos haberemus. artificiose diuinationis illa ferè

genera ponebas, extisq; eorumq; , qui ex fulguribus, ostentisq; prädicerent, tum augurum, eorumq; qui signis, aut ominibus uterentur : omneq; genus coniecturale in hoc ferè genere ponebas . illud autem naturale aut concitatione mentis edi, & quasi fundi uidebatur, aut animo per somnum sensibus & curis uacuo prouideri. duxisti autem diuinationem omnem à tribus rebus, à deo, à fato, à natura . sed tamen cū explicare nihil posses, pugnaſti commentitiorum exemplorum mirifica copia. de quo primo hoc libet dicere. hoc ego philosophi non arbitror, testibus uti : qui aut casu ueri, aut malitia falsi, fictiq; esse possunt. argumentis & rationibus oportet, quare quidque ita sit, docere, nō euentis, ijs præsertim, quibus mihi liceat non credere. ut ordiar ab aruspicina, quam ego Reip. causa, cōmunisq; religionis colendā censeo : sed soli sumus : licet uerū exquirere sine inuidia, mihi præsertim de plerisque dubitanti : inspiciamus, si placet, exta primū. persuaderi igitur cui quam potest, ea, quæ significari dicuntur extis, cognita esse ab aruspicibus obseruatione diurna : ecquā diurna ista fuit : aut quā lōginquo tempore obseruari potuit : aut quo modo est collata inter ipsos, quæ pars inimici, quæ pars familiaris esset, quod fissum periculū, quod commodum aliquod ostenderet : an hæc inter se aruspices Etrusci, Elij, Aegyptij, Pœni conzulerunt : an id, præterquam quod fieri non potuit, ne fingi quidem potest : alios enim alio more uidemus exta interpretari, nec esse unam omnium disciplinam. & certe, si est in extis aliqua uis, quæ declaret futura : necesse est, eam aut cū rerū natura esse coniunctā, aut cons-

DE DIVINATIONE

formari quodā modo numini decorum. atqui diuina cū rerum natura tanta, tamq; praeclara in omnes partes, motusq; diffusa, quid habere potest commune, non dicam gallinaceum fel, (sunt enim, qui uel argutissima haec exta esse dicant) sed tauri opimi iecur, aut cor, aut pulmo quid habet naturale, quod declarare possit quid futurum sit? Democritus tamen non inscite nugatur ut physicus: quo genere nihil arrogantius.

» Quod est ante pedes, nemo spectat: coeli scrutantur plagas.

uerum is tamen habitu extorum, & colore declarari censeret, hoc duntaxat, pabuli genus, & earum rerum, quas terra procreet, uel ubertatem, uel tenuitatem: salubritatem etiam, aut pestilentiam extis significari putat. d. mortalem beatum: cui certo scio ludum nunquā defuisse. hūccine hominem tantis delectatum esse nugis, ut non uideret, tum futurū id uerisimile, si omnium pecudum exta eodem tempore in eundem habitū se, coloremq; cōuerterent? sed si eadem hora aliae pecudis iecur nitidum, atque plenū est, aliae horridum, & exile: quid est, quod declarari possit habitu extorum, & colore? an hoc eiusdem modi est, quale Pherocydeū illud, quod est a te dictum? qui cum aquam uidisset ex puteo haustā, terrae motum dixit futurum. parum, credo, impudenter, quod, cum factus esset motus, dicere audēt quae uis id effecerit: etiam ne, futurum esse, aquae iugis colore praesentiunt? multa istiusmodi dicuntur in scholis: sed credere omnia uide ne non sit necesse. uerum sint sanē ista Democritea uera. quādo ea nos extis exquirimus? aut quādo aliquid eiusmodi ab aruspice in-

speculis extis audiuius? ab aqua, aut ab igni pericula
monent: tum hereditates, tum damna denunciant: fisci
sum familiare, & uitale tractant: caput iecoris ex om
ni parte diligentissime considerant: si uero id non est
inuētum, nihil putant accidere potuisse tristiū. hac ob
seruari certe non potuerūt, ut supra docui. sunt igitur
artis inuenta, non uetustatis; si est ars ulla rerum inco
gnitarum. Cum rerum autem natura quam cognatio
nem habent? quæ ut uno consensu iuncta sit, & con
tinens, quod uideo physicis placuisse, eisq; maxime, qui
omne, quod esset, unum esse dixerunt: quid habere
mundum potest cum thesauri inuentione coniunctū?
si enim extis pecunie mhi amplificatio ostenditur, idq;
fit natura: primum extra sunt coniuncta mundo, de
inde meum lucrum natura rerum continetur. non ne
pudet physicos hæc dicere? ut enim iam sit aliqua in
natura rerum cognatio, quam esse concedo: multa
enim Stoici colligunt: nam & musculorum iecuscula
bruma dicuntur augeri, & puleium aridum flores
cere ipso brumali die, & inflatas rumpi uesiculas,
& semina malorum, quæ in his medijs inclusa sint,
in contrarias partes se uertere: iam nervos in fidi
bus alijs pulsus resonare alios; ostreisq; & conchilijs
omnibus contingere, ut cum luna crescant pariter,
pariterq; decrescant; arboresq; ut hiemali tempore,
cum luna simul senescentes, quia tum exsiccatae sint,
tempestiue cadi putentur. quid de fretis, aut de ma
rinis assibus plura dicam? quorum accessus & reces
sus lunæ motu gubernantur. sexcenta licet eiusmodi
proferri, ut distantium rerum cognatio naturalis appa

DE DIVINATIONE

reat. demus hoc: nihil enim huic disputationi aduer-
satur. nū etiam, si fissum cuiusdammodi fuerit in ieco-
re, lucrum ostenditur? quia ex cognatione natura, &
quasi concentu, atque consensu, quam *συμπάθεια* Græ-
ci appellant, convenire potest aut fissum iecoris cum lu-
cello meo, aut meus quæsticulus cum cælo, terra, re-
rumq; natura? concedam hoc ipsum, si vis: etsi ma-
gnam iacturam causa fecero, si ullam esse convenien-
tiam nature cum extis concessero: sed tamen eo con-
cesso, qui euenit, ut is, qui impertire uelit, convenientem
hostiam rebus suis immolet? hoc erat, quod ego non re-
bar posse dissolui. at quàm festine dissoluitur. pudet
me non tui quidem, cuius etiam memoriam admiror;
sed Chrysippi, Antipatri, Posidonij, qui idem istuc qui-
dem dicunt, quod est dictū a te, ad hostiam deligendam
ducem esse uim quādam sentientem atque diuinā, quæ
toto confusa mūdo sit. illud uero multo etiam melius,
quod & a te usurpatum est, & dicitur ab illis: cum
immolare quispiam uelit, tū fieri extorū mutationem,
ut aut absit aliquid, aut supersit: deorū enim numini
parere omnia. hæc, mihi iam crede, ne aniculæ quidem
existimant. an censes, eundem uitulum si alius delege-
rit, sine capite iecur inuenturum; si alius, cū capite?
hæc decessio capitis, aut accessio subito ne fieri potest, ut
se exta ad immolantis fortunā accommodent? non per-
spicitis aleam quandam inesse hostijs deligendis, præ-
sertim cum res ipsa doceat? cum enim tristissima exta
sine capite fuerunt, quibus nihil uidetur esse diuinus:
proxima hostia litatur sæpe pulcherrime. ubi illæ minæ
superiorū extorum? aut quæ tam subita facta est deo-

rum tanta placatio? sed affers, in tauri optimi extis im-
molante Cesare cor non fuisse: id quia non potuerit
accidere, ut sine corde uictima illa uiueret, iudicandū
esse tū interisse cor cum immolaretur. qui sit, ut alterū
intelligas, sine corde non potuisse bouem uiuere: alterū
non uideas, cor subito non potuisse nescio quod auolare?
ego enim possum uel nescire, quæ uis sit cordis ad ui-
uendū; uel sufficari, contactū aliquo morbo bouis exi-
le, & exiguū, & uictum cor, & dissimile cordis fuisse.
tu uero quid habes, quare putes, si paulo ante cor
fuerit in tauri optimo, subito id in ipsa immolatione in-
terisse? an, quod aspexit uestitu purpureo excordē Cæ-
sarem, ipse corde priuatus est? urbem philosophia, mihi
crede, produis, dum castella defenditis. nam dum aru-
spicinam ueram esse uultis, physiologiam totam per-
uertitis. caput est in iecore, cor in extis: iam abscedet,
simul ac molam, & uinum inasperferis. deus id eripiet,
uis aliqua conficiet, aut exedet. non ergo omnium inte-
ritus atque obitus natura conficiet: & erit aliquid,
quod aut ex nihilo oriatur, aut in nihilum subito occi-
dat. quis hoc physicus dixit unquā? aruspices dicūt.
his igitur, q̄ physicis, potius credendū existimas? quid, cū
pluribus dijs immolatur, quī tandem euenit, ut litetur
alijs, alijs non litetur? quæ autem inconstantia deorū
est, ut primis minentur extis, bene promittant secun-
dis? aut tanta inter eos dissensio, sæpe etiam inter pro-
ximos, ut Apollinis exta bona sint, Dianæ non bona?
quid est tam perspicuum, quam, cum fortuito hostiæ
adducantur, talia cuique exta esse, qualis cuique obtri-
gerit hostia? at enim id ipsum habet aliquid diuini, quæ

DE DIVINATIONE

cuique hostia obtingat, tanquam in sortibus quæ cui ducatur. mox de sortibus. quanquam tu quidem non hostiarum casum confirmas sortium similitudine, sed infirmas sortes collatione hostiarum. an, cum in Aequimelium misimus qui afferat agnū, quem immolemus, is mihi agnus affertur, qui habet extra rebus accommodata, & ad eum agnum non casu, sed duce deo servus deducitur? nam si casum in eo quoque dicis esse, quasi sortem quādam cum deorum voluntate coniunctā: doleo tantam Stoicos nostros Epicureis irridendi sui facilitatem dedisse: non enim ignoras, quā ista derideant. & quidem illi facilius facere possunt: deos enim ipsos iocandi causa induxit Epicurus perlucidos, & perflabiles, & habitantes, tāquam inter duos lucos, sic inter duos mundos propter metum ruinarum: eosque habere putat eadem membra, quæ nos, nec ullum usum habere membrorum. ergo is circuitione quadam deos tollens, recte non dubitat divinationem tollere. sed non, ut hic sibi constet, item Stoici: illius enim deus nihil habens nec sui, nec alieni negotij, non potest hominibus divinationem impertire: uester autem deus potest non impertire, ut nihilo minus mundum regat, & hominibus consulat. cur igitur vos inducitis in eas captiones, quas nunquam explicetis? ita enim, cum magis properant, concludere solent. si dii sunt, est divinatio. sunt autem dii, est ergo divinatio. multo est probabilius: non est autem divinatio, non sunt ergo dii. uide, quā temere committat, ut, si nulla sit divinatio, nulli sint dii: divinatio enim perspicue tollitur; deos esse, retinendum est. atque hac existentiā divinatione sublata, omnis aru-

spicina sublata est. ostenta enim sequuntur, & fulgura. ualet autē in fulguribus obseruatio diuturna: in ostentis ratio, plerunque coniectura adhibetur. quid est igitur, quod obseruatum sit in fulgure? cœlum in XVI partes diuiserunt Etrusci. facile id quidē fuit, quatuor, quas nos habemus, duplicare, post idem iterum facere, ut ex eo dicerent, fulmen qua ex parte uenisset. primū id quid interest? deinde quid significat? non ne perspicuum est, ex prima admiratione hominum, quoddam nitrua, iaculūq; fulminum extimuisent, credidisse ea efficere rerum omnium prepotentem Iouem? itaque in nostris commentarijs scriptum habemus: Ioue tonante, fulgurante, comitia populi habere nefas. hoc fortasse Reip. causa constitutum est: comitiorum enim non habēdorum causas esse uoluerunt: itaque comitiorum solum uitium est fulmen: quod idem omnibus rebus optimum auspicium habemus, si sinistrum fuerit. de auspicijs alio loco: nūc de fulguribus. quid igitur minus à physicis dici debet, quā quidquam certi significari rebus incertis? non enim te puto esse eum, qui Ioui fulmen fabricatos esse Cyclopas in Aetna putes. nam esset mirabile, quo modo Iupiter toties iaceret, cum unum haberet. nec uero fulminibus homines, quid aut faciendum esset, aut cauendum, moneret. placet enim Stoicis, eos anhelitus terræ, qui frigidi sint, cum fluere cœperint, uentos esse: cū autem se in nubem induerint, eiusq; tenuissimam quāque partem cœperint diuidere, atque distrūpere, idq; crebrius facere, & uehementius, tum & fulgura, & tonitrua existere: si autem nubium conflictu ardor expressus se emisserit, id esse fulmen. quod igitur

DE DIVINATIONE

ui naturæ, nulla constantia, nullo rato tempore uide-
mus effici, ex eo significationem rerum cōsequentium
querimus? scilicet, si ista Iupiter significaret, tā mul-
ta frustra fulmina emitteret. quid enim proficit, cum
in medium mare fulmen iecit? quid, cum in altissimos
montes? quod plerunque fit. quid, cum in desertas soli-
tudines? quid, cum in earum gentium oras, in quibus
hæc ne obseruantur quidem? at inuentum est caput in
Tiberi. quasi ego artem aliquam istorum esse negem.
diuinationem nego. coeli enim distributio, quam ante
dixi, & certarum rerum notatio docet unde fulmē ue-
nerit, quod concesserit: quid significet autem, nulla ra-
tio docet. Sed urges me meis uersibus.

- » Nam pater altitonans stellanti nixus olympo,
 - » Ipse suos quondam tumulos, ac templâ petiuit,
 - » Et Capitolinis iniecit sedibus ignes.
- tum statua Nattæ, tū simulacra deorum, Romulusq;
et Remus cū altrice belua ui fulminis icti conciderunt,
deq; his rebus aruspicum extiterūt responsa uerissima.
mirabile autem illud, quod eo ipso tempore, quo fieret
iudicium coniurationis in senatu, signum Iouis biennio
post, quā erat locatum, in Capitolio collocabatur. tu
igitur animum induces (sic enim mecū agebas) causam
istam & contra facta tua, & contra scripta defende-
re? frater es. eo uereor. uerum quid tibi hic tandem
nocet? res ne, que talis est; an ego, qui uerum explica-
ri uolo? itaque nihil contra dico: à te rationem totius
aruspicina peto. sed te mirificam in latebram cōieciisti.
quod. n. intelligeres fore ut premerem te, cū ex te cau-
sam uniuscuiusque diuinationis exquirerem; multa uer-

ba fecisti; te, cū res uideres, rationem causamq; nō quaerere; quid fieret, nō cur fieret, ad rem pertinere: quasi ego aut fieri concederem; aut esset philosophi, causam, cur quidque fieret, nō querere. et eo quidem loco et prognostica nostra pronunciabas, & genera herbarū, Scā moneam, Aristolochiamq; radicem; quarum causam ignorares, uim & effectū uideres. dissimile totum. nam & prognosticorū causas persecuti sunt et Boethus Stoicus, qui est à te nominatus, et noster etiam Posidonius. & si cause non reperiantur istarum rerum, res tamen ipsae obseruari animaduertiq; possunt. Nattæ uero statua, aut ara legum de cœlo tacta quid habent obseruatum, ac uetustum? Pinarij Nattæ nobiles. à nobilitate igitur periculum. hoc tamen callide Iupiter cogitauit. Romulus lactens fulmine ictus. urbi igitur periculum ostenditur, ei, quam ille condidit. quā scite per notas nos certiores facit Iupiter? at eodem tempore signum Iouis collocabatur, quo coniuratio indicabatur. & tu scilicet maioris numine deorū id factum, quā casu arbitrari? & redemptor, qui colūnam illam de Cotta & de Torquato conduxerat faciendam, non inertia, aut inopia tardior fuit, sed à dijs immortalibus ad istā horam reseruatus est? nō equidē planē despero ista esse uera, sed nescio, & discere à te uolo. nam cum mihi quadam casu uiderentur sic euenire, ut prædicta essent à diuinantibus; dixisti multa de casu; ut, uenerium iaci posse casu, quatuor talis iactis; quadringentis, centum uenerios non posse casu consistere. primum nescio, cur non possint: sed non pugno: abundas enim similibus: habes & resperisionem pigmentorum, et ro-

DE DIVINATIONE

strum suis, & alia permulta . idem Carneadem fingere dicis de capite Panisci . quasi non potuerit id euenire casu, & nō in omni marmore necesse sit inesse uel Praxitelia capita . illa enim ipsa efficiuntur detractio: nec quidquam illuc affertur à Praxitele: sed cū multa sunt detracta, & ad lineamenta oris peruentum est, tum intelligas, illud, quod iam expolitum sit, intrus fuisse . potest igitur tale aliquid etiam sua sponse in lapidinis Chiorum extitisse . sed sit hoc fictum . quid ? in nubibus nunquid animaduertisti leonis formam, aut hippocentauri ? potest igitur, quod modo negabas, ueritatem casus imitari . Sed quoniam de extis & fulguribus satis est disputatum, ostenta restant, ut tota aruspicina sit pertractata . Mulae partus prolatus est à te: res mirabilis, propterea quid non saepe fit: sed si fieri non potuisset, facta non esset . atque hoc contra omnia ostenta ualeat, nunquam, quod fieri non potuerit, esse factum; sin potuerit, non esse mirandum: causarum enim ignoratio in re noua mirationem facit: eadem ignoratio si in rebus usitatis est, nō miramur: nam qui mulam peperisse miratur, is, quo modo equa pariat, aut omnino quæ natura partum animantis faciat, ignorat: sed, quod crebro uidet, non miratur, etiam si, cur fiat, nescit: quod autem non uidit, id si euenierit, ostentum esse censeat . utrum igitur, cum concepit mula, an cum peperit, ostentum est ? conceptio contra naturam fortasse, sed partus propè necessarius . Sed quid plura ? ortum uideamus aruspicinæ: sic facillime, quid habeat auctoritatis, iudicabimus . Tages quidam dicitur in agro Tarquinienſi, cum terra araretur, & sulcus

fulcus altius esset impressus, exitisse repente, & eum affatus esse, qui arabat. is autem Tages, ut in libris est Etruscorum, puerili specie dicitur uisus, sed senili fuisse prudentia. eius aspectu cum obstupuisset bubulcus, clamoremq; maiorem cum admiratione edidisset, concursum esse factum, totamq; breui tempore in eum locum Etruriam conuenisse: tū illum plura locutū multis audientibus, qui omnia eius uerba exceperint, literisq; mādauerint: omnem autem orationem fuisse eā, qua aruspiciæ disciplina contineretur: eā postea creuisse rebus nouis cognoscendis, & ad eadem illa principia referendis. hæc accepimus ab ipsis: hæc scripta conseruant: hunc fontem habent disciplina. nū ergo opus est ad hæc referenda Carneade? num Epicuro? est ne quisquam ita desipiens, qui credat exaratū esse, deū dicam, an hominem? si deum, cur se contra naturam in terram abdiderit, ut patefactus aratro lucem aspiceret? quid? idem non ne poterat deus hominibus disciplinam superiore ex loco tradere? si autem homo ille Tages fuit, quonam modo potuit terra oppressus uiuere? unde porro illa potuit, quæ docebat alios, ipse didicisse? sed ego insipientior, quā illi ipsi, qui ista credunt, qui quidem contra eos tam diu dispuent. uetus autem illud Catonis admodū scitum est, qui mirari se aiebat, quod non videret aruspex, aruspice cum uidisset. quota enim quæque res euenit prædicta ab his? aut, si euenit quippiam, quid afferri potest, cur non casu id euenit? Rex Prusias, cum Annibali apud eum exulati pugnare placeret, negabat se audere, quod exalta prohiberent. an tu, inquit, carūcula uitulinæ manūs,

Q

DE DIVINATIONE

quàm imperatori ueteri credere? quid? ipse Cæsar, cū
 à summo aruspice moneretur, ne in Africā ante bru-
 mam transmitteret, nō ne transmisit? quod nī fecisset,
 unū in locum omnes aduersariorū copiae conuenissent.
 quid ego aruspicum responsa cōmemorem, (possum
 equidem innumerabilia) quæ aut nullos habuerūt exi-
 tus, aut contrarios? hoc civili bello dii immortales q̄
 multa luserunt? quæ nobis in Græciam Roma respōsa
 aruspiciū missa sunt? quæ dicta Pompeio? etenim ille
 admodum extis, & ostentis mouebatur. non lubet cō-
 memorare, nec uero necesse est, tibi præsertim, qui in-
 terfuisti: uides tamen omnia ferè cōtra, ac dicta sunt,
 euenisse. Sed hæc hæcenus: nūc ad ostenta ueniamus.
 Multa me Cōsule à me ipso scripta recitasti: multa an-
 te Marficiū bellum à Sisenna collecta attulisti: multa
 ante Lacedæmoniorum malam pugnam in Leuctris à
 Callisthene cōmemorata dixisti. de quibus dicam equi-
 dem singulis, quoad uidebitur: sed dicendum etiam est
 de uniuersis. quæ est enim ista à dijs profecta signifi-
 catio, et quasi denunciatio calamitatum? quid autem
 ea uolunt dii immortales primum significantes, quæ
 sine interpretibus non possumus intelligere; deinde ea,
 quæ cauere nequeamus? at hoc ne homines quidem
 probi faciunt, ut amicis impendentes calamitates præ-
 dicant, quas illi effugere nullo modo possint: ut medi-
 ci, quanquam sæpe intelligunt, tamen nunquam ægris
 dicunt illo morbo eos esse morituros: omnis enim prædi-
 ctio mali tum probatur, cum ad prædictionem cautio
 adiungitur. quid igitur aut ostenta, aut eorum inter-
 pretes uel Lacedæmonios olim, uel nuper nostros adiuue

runt? quæ si signa deorum putanda sunt, cur tam obscura fuerunt? si enim, ut intelligeremus, quid esset euenturum: aperte declarari oportebat, aut ne occulte quidem, si ea sciri nolebant. tam uero coniectura omnis, in qua nititur diuinitas, ingenijs hominũ in multas, ac diuersas, aut etiam contrarias partes sæpe deducitur. ut enim in causis iudicialibus alia est coniectura accusatoris, alia defensoris, & tamen utriusque credibilis: sic in omnibus ijs rebus, quæ coniectura inuestigari solent, anceps reperiatur oratio. quas autem res tum natura, tum casus affert, non nunquam etiam errorem creat similitudo: magna stultitia est, earum rerum deos facere effectores, causas rerum non querere. tu uates Boetius credis Lebadia uidisse ex gallorum gallinaceorum cantu uictoriam esse Thebanorum, quia galli uicti silere solent, canere uictores. hoc igitur per gallinas Iuppiter tantæ ciuitati signum dabat? an illæ aues, nisi cum uicerint, canere non solent? at tũ canebant, nec uicerant. id enim inquires ostentum. magnũ uero: quasi pisces, non galli cecinerint. quod autem est tempus, quo illi nõ canent, uel nocturnum, uel diurnum? quodd si uictores alacritate, & quasi letitia ad canendum excitantur: potuit accidisse alia quoque letitia, qua ad cantum mouerentur. Democritus quidem optimis uerbis causam explicat, cur ante lucẽ galli canant: depulso enim de pectore, & in omne corpus diuiso, & modificato cibo, cætas edere quiete satiatos: qui quidẽ silentio noctis, ut ait Ennius, fauent faucibus rursus: cætu, plausuq; premunt alas. cum igitur hoc animal tam sit canorũ sua spõte, quid in mentem uenit Callistheni

Q ij

DE DIVINATIONE

dicere deos gallis signum dedisse cantandi? cum id uel natura, uel casus efficere potuisset. sanguinem pluuisse se natui nunciatum est, atratum fluuium fluxisse sanguine, deorum sudasse simulacra: num censes his nuncijs Thalem, aut Anaxagoram, aut quenquam physicū crediturum fuisse? nec enim sanguis, nec sudor nisi è corpore est. sed & decoloratio quædam ex aliqua contagione terrena maxime potest sanguinis similis esse; & humor allapsus extrinsecus, ut in tectorijs uidemus austru, sudorem imitari. atque hæc in bello plura, & maiora uidentur timentibus: eadem nō tam animaduertuntur in pace. accedit illud etiam, quod in metu, & periculo cum creduntur facilius, tum finguntur impunius. nos autem ita leues, atque incōsiderati sumus, ut, si mures corroserint aliquid, quorum est opus hoc unū, monstrum putemus. ante uero Marficum bellum, quod clypeos Lanuij, ut à te est dictum, mures rosissent, maximum id portentum aruspices esse dixerunt. quasi uero quidquam intersit, mures, diem & noctem aliquid rodentes, scuta an cribra corroserint. nam si ista sequimur; quod Platonis Politia nuper apud me mures corroserint, de Rep. debui pertimescere; aut, si Epicuri de uoluptate liber corrosus esset, putarem annonam in macello cariorem fore. an uero illa nos terrent, si quando aliqua portentosa aut ex pecude, aut ex homine nata dicuntur? quorū omnium, ne sim longior, una ratio est. quidquid enim oritur, qualecunque est, causam habeat à natura necesse est: ut etiam si præter cōsuetudinem extiterit, præter naturam tamen nō possit existere. causam igitur inuestigato in re noua, atq; admi-

rabili, si poteris: si nullā reperies, illud tamen explora-
tum habeto, nihil fieri potuisse sine causa: eumq; erro-
rem, quem tibi rei nouitas attulerit, naturæ ratione de-
pellito. ita te nec terræ fremitus, nec coeli discessus, nec
lapideus, aut sanguineus imber, nec trāiectio stellæ, nec
faces uise terre bunt. quarū omnium causas si d. Chry-
sippo queram, ipse ille diuinationis auctor nunquam
illa dicet facta fortuito, naturalemq; rationem omniū
reddet: nihil enim fieri sine causa potest: nec quidquā
fit, quod fieri non potest: nec, si id factū est, quod fieri
potuit, portentum debet uideri: nulla igitur portenta
sunt. nam si, quod raro fit, id portentū putandum est,
sapientem esse portentū est: sæpius enim mulam pepe-
risse arbitror, q̄ sapientem fuisse. illa igitur ratio cōclu-
ditur; nec id, quod nō potuerit fieri, factū unquā esse;
nec, quod potuerit, id portentū esse; ita omnino nullum
esse portentum. quod etiam coniector quidam & inter
pres portentorum non inscite dicitur ei respondisse, qui
cū ad eū retulisset quasi ostentū, quod anguis domi ue-
ctem circūuectus fuisset, tū esset, inquit, ostentū, si an-
guem uectis circūplicasset. hoc ille responso satis aperte
declarauit, nihil habendū esse portentū, quod fieri pos-
set. C. Gracchus ad M. Pōponiū scripsit, duobus angui-
bus domi cōprehensis, aruspices à patre conuocatos. qui
magis anguibus, q̄ lacertis, q̄ muribus? quia sunt hæc
quotidiana, angues nō itē. quasi uero referat, quod fie-
ri potest, quā id sæpe fiat. ego tamen miror, si emissio
foeminae anguis mortem afferebat Ti. Graccho, emis-
sio autem maris anguis erat mortifera Corneliae, cur al-
terutram emisit: nihil enim scribit respondisse aru-

Q. iij

DE DIVINATIONE

spices, si neuter anguis emissus esset, quid esset futurū.
at mors insecuta. Gracchū est. causa quidem credo ali-
qua morbi grauioris, non emissionē serpentis: neque
enim tāta est infelicitas aruspiciū, ut ne casū quidē un-
quam fiat, quod futurum illi esse dixerint. nā illud mi-
rarer, si crederem, quodd apud Homerū Calchantem di-
xisti ex passerum numero belli Troiani annos augura-
tum: de cuius coniectura sic apud Homerum, ut nos
otiosi conuertimus, loquitur Agamemnon:

- ” Ferte uiri, & duros animo tolerate labores,
- ” Auguris ut nostri Calchantis fata queamus
- ” Scire ratos ne habeant, an uanos pectoris orsus:
- ” Nanque omnes memori portentū mente retentant,
- ” Qui non funestis liquerunt lumina fati.
- ” Argolicis primum ut uestita est classibus Aulis,
- ” Quae Priamo cladem, & Troiae, pestemq; ferebant;
- ” Nos circum latices gelidos fumantibus aris,
- ” Aurigeris diuum placantes numina tauris,
- ” Sub platano umbrifera, fons unde emanat aquai,
- ” Vidimus immani specie, tortuq; draconem
- ” Terribilem, Iouis ut pulsu penetrabat ab ara:
- ” Qui platani in ramo foliorum tegmine septos
- ” Corripuit pullos: quos cum consumeret octo,
- ” Nona super tremulo genitrix clangore uolabat:
- ” Cui ferus immani laniduit uiscera morsu.
- ” Hunc, ubi tam teneros uolucres, matremq; peremit,
- ” Qui luci ediderat, genitor Saturnius idem
- ” Abdidit, & duro formauit tegmine saxi.
- ” Nos autem timidi stantes mirabile monstrum
- ” Vidimus in medijs diuum uersarier aris.

- 27 Tum Calchas hæc est fidenti uoce locutus :
 27 Quidnam torpentes subito obstupuistis Achinī?
 27 Nobis hæc portenta deum dedit ipse creator,
 27 Tarda & sera nimis, sed fama ac laude perennī.
 27 Nam quot aues tetra mactatas dente uidetis,
 27 Tot nos ad Troiam belli exanclabimus annos :
 27 Quæ decimo cadet, & pœna satiabit Achinos.
 27 Edidit hæc Calchas : quæ iam matura uidetis .

quæ tandem ista auguratio est ex passeribus annorum
 potius, quàm aut mensium, aut dierum? cur autem de
 passerculis coniecturam facit, in quibus nullum erat
 monstrum; de dracone silet, qui, id quod fieri non po-
 tuit, lapideus dicitur factus? postremo quid simile ha-
 bet passer annis? nā de angue illo, qui Syllæ apparuit
 immolanti, utrūque memini, & Syllā, cū in expeditio-
 nem educitur esset, immolauisse, & anguem ab ara
 extitisse, eoq; die rem præclare esse gestam nō aruspici-
 cōsilio, sed imperatoris. atque hæc ostentorū genera mi-
 rabile nihil habent: quæ cū facta sunt, tū ad cōiectu-
 rā aliqua interpretatione reuocantur: ut, illa tritici gra-
 na in os pueri Midæ cōgesta, aut apes quas dixisti in la-
 bris Platonis pueri consedissee, non tam mirabilia sint,
 quàm coniecta belle: quæ tamen uel ipsa falsa esse,
 uel illa, quæ prædicta sunt, foruito accidisse potuerūt.
 de ipso Roscio potest illud quidem esse falsum, ut circū-
 ligatus fuerit angui: sed ut in cunis fuerit anguis, nō
 tā est mirū, in Selonio præsertim, ubi apud focū angues
 nundinari solent. nam quod aruspices responderūt, ni-
 hil illo clarius, nihil nobilius fore: miror deos immorta-
 les hisirioni futuro claritatem ostendisse, nullam ostendisse

Q. iij

DE DIVINATIONE

disse Africano. Atque etiam à te Flaminiana ostenta collecta sunt, quòd ipse, & equus eius repente còciderit: non sanè hoc quidem mirabile: quòd euelli primi hastati signum non potuerit: timide fortasse signifer euellat, quod fidenter infixerat. Nā Dionysij equus quid attulit admirationis, quòd emerfit ex flumine? quodq; habuit apes in iuba? sed quia breui tempore regnare coepit; quod casu acciderat, uim habuit ostenti. At Lacedaemonijs in Herculis fano arma sonuerunt, eiusdemq; dei Thebis ualuæ clausæ subito se aperuerunt: eaq; scuta, quæ fuerat sublime fixa, sunt humi inuenta. horum cum nihil fieri potuerit sine aliquo motu, quid est cur diuinitus ea potius, quàm casu facta esse dicamus? At in Lysandri statuæ capite Delphis extitit corona ex asperis herbis, & quidem subita. ita ne censes? ante coronam extitisse, quàm herbarum conceptum esse semen? herba autem asperam credo auium congestu, nō humano satum. iam quidquid in capite est, id coronæ simile uideri potest. nā quòd eodem tempore stellas aureas Castoris & Pollucis Delphis positas decidisse, neque eas usquam repertas esse dixisti: furum id magis factum, q̃ deorum uidetur. Simiae uero Dodonæ improbitatē historijs Græcis mādātā esse demiror. quid minus mirum, quàm illam monstruosissimam bestiam urnā eueruisse, sortes dissipauisse? & negat historici Lacedaemonijs ullum ostentum hoc tristiùs accidisse. Nā illa prædicta Veientum, si lacus Albanus redundasset, isq; in mare fluxisset, Romam perituram; si repressus esset, Veios; ita aqua Albana deducta ad utilitatem agri suburbani, non ad arcem, urbemq; retinendā. At paulo post audita uox est

monentis, ut prouiderent ne à Gallis Roma caperetur: ex eo Aio loquenti aram in Noua uia cōsecratā. quid ergo? Aius iste loquens, quando eum nemo norat, dicebat, & loquebatur, & ex eo nomen inuenit: posteaquam & sedem, & aram, & nomen inuenit, obmutuit? Quod idem dici de Moneta potest: à qua, præterquā de sue plena, quid unquā moniri sumus? Satis multa de ostentis. Auspicia restant, & sortes, ex quæ ducuntur, non illæ quæ uaticinatione funduntur: quæ oracula uerius dicimus: de quibus tū dicemus, cum ad naturalem diuinationem uenerimus. Restat etiam de Chaldeis. sed primum auspicia uideamus. Difficilis augurū locus ad cōradicendū, Marso fortasse, sed Romano facillimus: non enim sumus ij nos augures, qui auium, reliquorumue signorū observatione futura dicamus: & tamen credo Romulū, qui urbem auspiciato cōdidit, habuisse opinionem, esse in prouidendis rebus augurādi scientiam: errabat enim multis in rebus antiquitas: quā uel usu iam, uel doctrina, uel uetustate immutatam uidemus. retinetur autem & ad opinionem uulgi, & ad magnas utilitates Reip. mos, religio, disciplina, ius augurum, collegij auctoritas: nec uero nō omni supplicio digni P. Claudius, L. Iunius Cōsules, qui contra auspicia nauigarunt: parendum enim fuit religioni, nec patrius mos tam contumaciter repudiandus. iure igitur alter populi iudicio damnatus est, alter mortem sibi ipse consciiuit. Flaminius non paruit auspicijs: itaque perijt cū exercitu. at anno post Paulus paruit: nū minus cecidit in Cānensi pugna cū exercitu? etenim ut sint auspicia, quæ nulla sunt; hæc certe, quibus

DE DIVINATIONE

utimur siue tripudio, siue de coelo, simulacra sunt au-
spiciorum, auspicia nullo modo. Q. Fabi, te uolo mihi in
auspicio esse. uolo, respondet. audiui. Hic apud maio-
res nostros adhibebatur peritus, nunc quilibet. peritum
autem esse necesse est eum, qui, silentium quid sit, intel-
ligat: id enim silentium dicimus in auspicijs, quod o-
mni uitio caret. hoc intelligere, perfecti auguris est. illi
autem, qui in auspiciu adhibetur, cum ita imperauit is,
qui auspicatur, dicito, si silentium esse uidetur, nec su-
spicit, nec circumspectit, statim respondet, silentium esse, ui-
deri. tum ille, dicito si pascuntur aues: pascuntur. quae,
aut ubi? attulit, inquit, in cauea pullos is, qui ex eo ip-
so nominatur pullarius. haec sunt igitur aues internuntiae
Iouis: quae pascantur, nec ne, quid refert? nihil ad au-
spicia: sed quia, cum pascantur, necesse est aliquid ex ore
cadere, & terram pauire, terripauum primo, post terripu-
dium dictum est, hoc quidem iam tripudium dicitur. cum igi-
tur offa iam cecidit ex ore pulli, tum auspicari tripudium
solistimum nunciant. ergo hoc auspiciu diuini quidquam
habere potest, quod tam sit coactum & expressum?
quo antiquissimos augures non esse usos, argumento est,
quod decretum collegij uetus habemus, omnem aue tri-
pudium facere posse. tum igitur esset auspiciu, si mo-
do ei esset liberum se ostendisse: tum auis illa uideri pos-
set interpres, & satelles Iouis. nunc uero inclusa in ca-
uea, & fame eneata, si in offam putris inuadit, & si
aliquid ex ore cecidit, hoc tu auspiciu, aut hoc modo
Romulum auspicari solitum putas? iam uero de coelo
seruare non ipsos censes solitos, qui auspicabantur? nunc
imperant pullario: ille renunciat. fulmen sinistrum

auspiciū optimum habemus ad omnes res, præterquā
ad comitia : quod quidem institutum Reip. causa est,
ut comitorum uel in iudicijs populi, uel in iure legum,
uel in creandis magistratibus principes ciuitatis essent
interpretes . at Ti. Gracchi literis Scipio & Figulus ,
quod augures iudicassent eos uirio creatos esse, magistra-
tu se abdicauerūt. quis negat augurum disciplinā esse?
diuinationem nego. at aruspices diuini : quos cum Ti.
Gracchus propter mortem repentinā eius, qui in præro-
gatiua referenda subito cōcidisset, in senatum introdu-
xisset, non iussum rogatorem comitorum fuisse dixe-
rūt . primū uide, ne in eum dixerint, qui rogator centu-
ria fuisset : is enim erat mortuus. id autem sine diui-
natione, coniectura poterat dicere . deinde fortasse ca-
su : qui nullo modo est ex hoc genere tollendus . quid
enim scire Etrusci aruspices aut de tabernaculo recte
capto, aut de pomerij iure potuerūt? equidem assentior
C. Marcello potius, quā App. Claudio; qui ambo mei
collegæ fuerunt : existimoq; ius augurum, etsi diuina-
tionis opinione principio constitutum sit, tamen postea
Reip. causa conseruatum, ac retentum . sed de hoc lo-
co plura in alijs, nunc hætenus : externa enim augu-
ria, quæ sunt non tam artificiosa, quā supersticiosa,
uideamus . Omnibus ferè auibus utuntur, nos admo-
dum paucis . alia illis sinistra sunt, alia nostris. solebat
ex me Deiotarus percontari nostri augurij disciplinā,
ego ex illo sui . dij immortales, quantum differebat :
ut quædam essent etiam contraria . atque ille ijs sem-
per utebatur : nos, nisi dum à populo auspicia acce-
pta habemus, quā multum ijs utimur? bellicam

DE DIVINATIONE

re administrari maiores nostri nisi auspicio noluerunt: quàm multū anni sunt, cum bella à prætoribus & proconsulibus administrantur? qui auspicia nō habent: itaque nec annes transeunt auspicio, nec tripudio auspicantur. nam ex acuminibus quidem, quod totū auspicium militare est, iam M. Marcellus ille quinquies Consul totū omisit, idem imperator, idem augur optimus. ubi est ergo auium diuinitio? quæ, quoniam ab ijs, qui auspicia nulla habent, bella administrantur, ab urbanis retenta uidetur, à bellicis esse sublata. & quidem ille dicebat; si quādo rem agere uellet, ne impediretur auspicij, lectica operta facere se iter solere. huic simile est, quod nos augures præcipimus, ne iuge auspicium obueniat, ut iumenta iubeant disiungere. quid est aliud nolle moneri à Ioue, nisi efficere, ut aut ne fieri possit auspicium, aut, si fiat, uideri? nam illud admodum ridiculum, quod negas Deiotarum auspiciorum, quæ sibi ad Pompeium proficiscenti facta sunt, poenitere, quod fidem secutus, amicitiamq; populi R. functus sit officio: antiquiorem enim sibi fuisse laudem & gloriam, quàm regnum & possessiones suas. credo id quidem: sed nihil ad auspicia: nec enim ei cornix canere potuit recte eum facere, quod populi R. libertatem defendere pararet. ipse hoc sentiebat, sicuti sensit. aues euentus significant aut aduersos, aut secundos. uirtutis auspicij uideo esse usum Deiotarum: quæ uetat spectare fortunam, dum præstetur fides. aues uero si prosperos euentus ostenderunt, certe fefellerunt. fugit ex prælio cum Pompeio: graue tempus. discessit ab eo: luctuosa res. Casarem eodem tempore

et hostem, et hospitem uidit. quid hoc tristius? is cum ei Troginorum tetrarchiam eripuisset, et asseclae suo Pergameno nescio cui dedisset, eidemque detraxisset Armeniam a senatu datam, cumque ab eo magnificentissimo hospitio acceptus esset, spoliatum reliquit et hospitem, et Regem. sed labor longius: ad propositum reuertar. si euenta quaerimus, quae exquiruntur auibus: nullo modo prospera Deiotaro. sin officia: a uirtute ipsius, non ab auspicijs petita sunt. omite igitur lituum Romuli, quem in maximo incendio negas potuisse comburi: contemne cotem Attij Nauij: nihil debet esse in philosophia commentitijs fabellis loci. illud erat philosophi, totius augurij primum naturam ipsam uidere, deinde inuentionem, deinde constantiam. quae est igitur natura, quae uolucres huc et illuc passim uagantes efficiat, ut significant aliquid, et tum uetent agere, tum iubeant aut cantu, aut uolatu? cur autem alijs a dextra, alijs a laeva datum est auibus, ut ratum auspicium facere possint? quo modo autem haec, aut quando, aut a quibus inuenta dicemus? Etrusci tamen habent exaratū puerum auctorem disciplinae suae: nos quem? Attium ne Nauium? at aliquot annis antiquior Romulus, et Remus, ambo augures, ut accepimus. an Pissidarū, aut Cilicū, aut Phrygum ista inuenta dicemus? placet igitur, humanitatis expertes habere diuinitatis auctores? at omnes Reges, populi, nationes utuntur auspicijs. quasi uero quidquam sit tam ualde, quam nihil sapere, uulgare: aut quasi tibi ipsi in iudicando placeat multitudo. quotus quisque est, qui uoluptatem neget esse bonum? plerique etiam summum bonum dicunt. num

DE DIVINATIONE

igitur eorum frequentia Stoici de sententia deterren-
tur? aut num plerisque in rebus sequitur eorum aucto-
ritatem multitudo? quid mirum igitur, si in omnibus
auspicijs, & omni diuinatione imbecilli animi supersti-
tiosa ista concipiant, uerum difficere non possint? quæ
autem est inter augures conueniens, & coniuncta
constantia? ad nostri augurij consuetudinem dixit
Ennius,

- » Cum tonuit lauum bene tempestate serena.
at Homericus Ajax apud Achille querens de ferocitate
Troianorum, nescio quid hoc modo nunciat:
- » Prospera Iuppiter his dextris fulgoribus edit.
ita nobis sinistra uidentur, Graijs & barbaris dextra
meliora. quanquam haud ignoro, quæ bona sint, sini-
stra nos dicere, etiam si dextra sint. sed certe nostri si-
nistrum nominauerunt, externiq; dextrum, quia ple-
runque melius id uidebatur. hæc quanta dissensio est?
quid, quod alijs aubus utuntur, alijs signis, aliter obser-
uant, aliter respondent? non necesse est fateri, partim
horum errore susceptum esse, partim superstitione mul-
ta fallendo? atque his superstitionibus non dubitasti
etiam omina adiungere. Aemilia Paulo, Persam peris-
se: quod pater omen accepit. Cæcilia sororis filia se-
des suas tradere. iam illa, fauete linguis, & prærogati-
uæ omen comitiorū. hoc est, ipsum esse contra se copio-
sum, & disertum. quādo enim ista obseruans, quieto,
& libero animo esse poteris, ut ad rem gerendam non
superstitionem habeas, sed rationem ducem? ita ne? si
quis aliquid ex sua re, atque ex suo sermone dixerit, et
eius uerbū aliquod apte ceciderit ad id quod ages, aut

cogitabis, ea res tibi aut timorem afferet, aut alacritatem? cum M. Crassus exercitum Brundisij imponeret, quidā in portu caricas Cauno aduectas uendens, Cauneas clamitabat. dicamus, si placet, monitū ab eo Crassum, caueret ne iret, non fuisse periturum si omini paruisset. quæ si suscipiamus, pedis offensio nobis, & abruptio corrigiæ, & sternutamenta erunt obseruanda. Sortes restant, & Chaldæi: ut ad uates, & somnia ueniamus. Dicendū igitur putas de sortibus. quid enim fors est? idem propemodum, quod micare, quod talos iacere, quod tesseras. quibus temeritas, & casus, non ratio, nec consilium ualet. tota res est inuenta fallacijs, aut ad quæstum, aut ad superstitionem, aut ad errorem. atque ut in aruspicina fecimus, sic uideamus clarissimarum sortium quæ tradatur inuentio. Numerium Suffucium Prænestinorū monumenta declarant, honestū hominem, & nobilem, somnijs crebris, ad extremum etiam minacibus, cum inberetur certo in loco silicem cedere, perterritum uisu, irridentibus suis ciuibus, id agere cœpisse: itaque perfractio saxo sortes erupisse, in robore inculptis priscarum literarum notis, is est hodie locus sepius religiose propter Iouis pueri, qui latens cum Iunone in gremio Fortuna sedens māmam appetens castissime colitur à matribus. eodem tempore illo loco, ubi nunc Fortunæ sita ædes est, mel ex olea fluxisse dicunt, aruspicesq; dixisse, summa nobilitate illas sortes futuras, eorumq; iussu ex illa olea arcam esse factam, eaq; conditas sortes, quæ hodie Fortunæ monitu tolluntur. quid igitur in his potest esse certi, quæ Fortunæ monitu pueri manu miscentur, atque ducuntur?

DE DIVINATIONE

quo modo autem istæ posite in illo loco? quis robur illud cecidit, dolauit, inscripsit? nihil est, inquiunt, quod deus efficere non possit. utinam sapientes Stoicos effecisset, ne omnia superstitiosa solitudine & miseria crederent. sed hoc quidem genus diuinationis uita iam communis explosit. fani pulchritudo, & uerustas, Prænestinarum etiam nunc sortium retinet nomen, atque id in uulgus. quis enim magistratus, aut quis uir illustrior utitur sortibus? cæteris uero in locis sortes planè refrixerunt. quod Carneadem Clitomachus scribit dicere solitum, nusquam se fortunatiorem, quàm Præneste uidisse Fortunam. ergo hoc diuinationis genus omittamus. Ad Chaldaeorum mōstra ueniamus: de quibus Eudoxus Platonis auditor, in astrologia iudicio doctissimorum hominū facile princeps, sic opinatur, id quod scriptum reliquit: Chaldaeis in prædictione, & in notatione cuiusque uitæ ex natali die, minime esse credendum. nominat etiam Panatius, qui unus è Stoicis astrologorum prædicta reiecit; Archelaum, & Cassandrum summos astrologos illius ætatis, quæ erat ipse, cū in cæteris astrologiæ partibus excellerent, hoc prædictionis genere non usos. Scylax Halicarnassensis, familiaris Panatii, excelsus in astrologia, idemq; in regenda sua ciuitate princeps, totum hoc Chaldaicum prædicendi genus repudiavit. sed ut ratione utamur omissis testibus, sic isti disputant, qui hæc Chaldaeorum natalitia prædicta defendunt. uim quandam esse aiunt signifero in orbe, qui græce *Κασσιανός* dicitur, talem, ut eius orbis unaquæque pars alia alio modo moueat, immutetq; cælum, perinde ut quæq; stellæ in ijs, finitimisq; partibus sint quoq; tempore;

tempore; eamq; uim uarie moueri ab ijs sideribus, quæ uocantur errantia. cum autem in eam ipsam partem orbis uenerint, in qua sit ortus eius, qui nascitur; aut in eam, quæ coniunctum aliquid habeat, aut consentiens; ea triangula illi, & quadrata nominant. etenim cum tempore anni, tempestatumq; coeli conuersiones, commutationesq; tantæ fiant accessu stellarum, & recessu; cumq; ea uis solis efficiantur, quæ uidemus: non uerisimile solum, sed etiam uerum esse censent, perinde utcunque temperatus sit aer, ita pueros orientes animari, atque formari, ex eoq; ingenia, mores, animum, corpus, actionem uitæ, casus cuiusque, euentusq; fingi. de delirationem incredibilem: non enim omnis error stultitia est dicenda. quibus etiam Diogenes Stoicus concedit aliquid ut prædicere possint, duntaxat quali quisque natura, & ad quam quisque maxime rem aptus futurus sit. cetera, quæ profiteantur, negat ullo modo posse sciri: etenim geminorum formas esse similes, uitam atque fortunam plerunque disparem. Proclus, & Euristhenes, Lacedæmoniorum Reges, gemini fratres fuerunt. at hi nec totidē annos uixerunt: anno enim Procli uita breuior fuit, multumq; is fratri rerum gestarum gloria præstitit. at ego id ipsum, quod uir optimus Diogenes Chaldæis quasi quadam præuaricatione concedit, nego posse intelligi. etenim cum, ut ipsi dicunt, ortus nascetium luna moderetur, eaq; animaduertant, et notent sidera natalitia Chaldæi, quacūque lunæ iuncta uideantur: oculorū fallacissimo sensu iudicant ea, quæ ratione atque animo uidere debebant: docet enim ratio mathematicorum, quā istis notā esse oportebat, quāta humilitate

R

DE DIVINATIONE

luna feratur terram penè contingens, quantum absit à proxima Mercurij stella, multo autem longius à Veneris, deinde alio intervallo distet à sole, cuius lumine colustrari putatur. reliqua uero tria intervalla infinita, & immensa, à sole ad Martis, inde ad Iouis, ab eo ad Saturni stellam, inde ad coelum ipsum, quod extremum atque ultimū mundi est. quæ potest igitur contagio ex infinito penè intervallo pertinere ad lunam, uel potius ad terram? quid? cum dicunt id, quod ijs dicere necesse est, omnes omnium ortus, quicunque gignantur in omni terra, quæ incolatur, eosdem esse, eademq; omnibus, qui eodem statu cœli, & stellarum nati sunt, accedere necesse esse, non ne eiusmodi sunt, ut ne cœli quidem naturam interpretes istos cœli nosse appareat? cū enim illi orbes, qui cœlum quasi medium diuidunt, & aspectum nostrum definiūt, qui à Græcis ὀρίζοντες nominantur, à nobis finientes rectissime nominari possunt, uarietatem maximam habeant, aliq; in alijs locis sint: necesse est, ortus, occasusq; siderum non fieri eodem tempore apud omnes. quod si eorum in cœlum modo hoc, modo illo modo temperatur: qui potest eadem uis esse nascentium, cum cœli tanta sit dissimilitudo? in his locis, quæ nos incolimus, post solstitium canicula exoritur, et quidem aliquot diebus; apud Troglodytas, ut scribitur, ante solstitiū: ut, si iā concedamus aliquid uim cœlestē ad eos, qui in terra gignantur, pertinere, confitendum sit illis, eos, qui nascuntur eodem tempore, posse in dissimiles incidere naturas propter cœli dissimilitudinē. quod minime illis placet: uolunt enim illi, omnes eodem tempore ortos, qui ubique sint nati, eadem cōditione nasci.

sed quæ tanta dementia est, ut in maximis motibus, mutationibusq; cœli nihil intersit qui uetus, qui imber, quæ tempestas ubique sit? quarum rerum in proximis locis tantæ dissimilitudines sæpe sunt, ut alia Tusculi, alia Romæ eueniat sæpe tempestas. quod, qui nauigant, maxime animaduertunt, cum in fleclendis promontorijs uentorum mutationes maximas sæpe sentiant. hac igitur cum sit tum serenitas, tum perturbatio cœli: est ne sanorum hominum, hoc ad nascentium ortus pertinere non dicere? quod non certe pertinet. illud nescio quid tenue, quod sentiri nullo modo, intelligi autem uix potest, quæ à luna cæterisq; sideribus cœli temperatio fiat, dicere ad puerorum ortus pertinere. quid, quod nō intelligunt seminum uim, quæ ad gignendum, procreandumq; plurimum ualeat, funditus tolli, mediocris erroris est? quis enim non uidet & formas, & mores, & plerosque status, ac motus effingere à parentibus liberos? quod non contingeret, si hoc non uis, & natura gignentium efficeret, sed temperatio lunæ, cœliq; moderatio. quid, quod uno eodemq; temporis puncto nati dissimiles & naturas, & uitas, & casus habent, parum ne declarât nihil ad agendam uitam nascendi tempus pertinere? nisi forte putamus neminem eodem tempore ipso & conceptum, & natum, quo Africanū. nunquis igitur talis fuit? quid? illud ne dubium est, quin multi, cum ita nati essent, ut quædam contra naturam deprauata haberent, resituerentur, & corrigerentur ab natura, cū se ipsa reuocasset, aut arte, aut medicina? aut quorū linguæ sic inhaerent, ut loqui nō possent, eæ scalpello resectæ liberarentur? multi etiam

R ij

DE DIVINATIONE

naturæ vitium meditatione, atque exercitatione sustulerunt, ut Demosthenem scribit Phalereus, cum rho dicere nequiret, exercitatione fecisse, ut planissime diceret. quod si hæc astro ingenerata et tradita essent, nulla res ea mutare posset. quid? dissimilitudo locorum non ne dissimiles hominum procreationes habet? quas quidem percurrere oratione facile est: quid inter Indos et Persas, Aethiops & Syros differat corporibus, animis: ut incredibilis uarietas dissimilitudoque sit. ex quo intelligitur, plus terrarum situs, quam lunæ tractus ad nascendum ualere. Nam quod aiunt quadringenta et septuaginta milia annorum in periclitandis, experiundisque pueris, quicumque essent nati, Babylonios posuisse, fallunt. si enim esset factitatum, non esset desitum. neminem autem habemus aut eloquem, qui aut fieri dicat, aut factum sciat. uides ne me non ea dicere, quæ Carneades, sed ea, quæ princeps Stoicorum Panætius dixerit? ego autem etiam hoc requiro, omnes ne, qui Cannensi pugna ceciderunt, uno astro fuerint. exitus quidem omnium unus & idem fuit. quid? qui ingenio atque animo singulares, num astro quoque uno? quod. n. tempus, quo non innumerabiles nascantur? at certe nemo similis Homeri. & si ad rem pertinet, quo modo coelo affecto, compositisque sideribus quodque animal oriatur: ualeat id necesse est etiam in rebus inanimis. quo quid dici potest absurdius? L. quidem Tarrutius Firmanus, familiaris noster, in primis Chaldeis rationibus eruditus, urbis etiam nostræ natalem diem repe-tebat ab ijs Parilibus, quibus eam à Romulo conditam accepimus, Romamque, cum esset in iugo luna, natam esse dicebat, nec eius fata canere dubitabat. o uim maximam

erroris. etiam ne urbis natalis dies ad uim stellarum & luna pertinebat? fac in puero referre, ex qua affectione coeli primum spiritum duxerit: num hoc in latere, aut in cemento, ex quibus urbs effecta est, potuit ualere? sed quid plura? quotidie refelluntur. quàm multa ego Pompeio, quàm multa Crasso, quàm multa huic ipsi Casari à Chaldaeis dicta memini, neminem eorum nisi senectute, nisi domi, nisi cum claritate esse moriturum: ut mihi permirum uideatur, quenquam extare, qui etiam nunc credat ijs, quorum prae dicta quotidie uideat re, & euentis refelli. Restant duo diuinandi genera; quae habere dicimur à natura, non ab arte; uaticinandi, & somniandi. de quibus Quinte inquã, si placet, differamus. Mihi uero, inquit, placet: his. n. quae adhuc disputa sti, prorsus assentior: & uere ut loquar, quanquam tua me oratio confirmauit, tamen etiã mea sponte nimis superstitiosam de diuinatione Stoicorũ sententiam iudicabam: ac me Peripateticorum ratio magis mouebat, & ueteris Dicaarchi, & eius, qui nunc floret, Cratippi: qui censent esse in mentibus hominũ tanquam oraculum aliquod, ex quo futura praesentiant, si aut furore diuino incitatus animus, aut somno relaxatus solute moueatur ac libere. his de generibus quid sentias, & quibus ea rationibus infirmes, audire sanè uelim. Quae cum ille dixisset, tum ego rursus quasi ab alio principio sum exorsus dicere. Non ignoro Quinte, te semper ita sensisse, ut de ceteris diuinandi generibus dubitares, ista duo furoris & somnij, quae à libera mente fluere uiderentur, probares. dicam igitur, de istis ipsis duobus generibus mihi quid uidear

R iiij

DE DIVINATIONE

tur, si prius, Stoicorum rationis conclusio, & Cratippi nostri quid ualeat, uidero. Dixisti & Chrysippum, et Diogenem, & Antipatrum concludere hoc modo. si sunt dii, neque ante declarant hominibus, quæ futura sint: aut non diligunt homines: aut, quid euenturū sit, ignorant: aut existimant nihil interesse hominum scire, quid sit futurum: aut non censent esse suæ maiestatis præsignificare hominibus, quæ sint futura: aut ea ne ipsi quidem dii significare possunt. at neque non diligunt nos; sunt enim benefici, generiq; hominum amici: neque ignorant ea, quæ ab ipsis constituta, & designata sunt: neq; nostra nihil interest scire ea, quæ futura sunt; erimus enim cautiores, si scierimus: neq; hoc alienū ducūt maiestate suā; nihil est enim beneficentia præstātius: neque nō possunt futura prænoscere: nō igitur dii sunt, nec significāt nobis futura: sunt autem dii, significant ergo. & nō, si significāt futura, nullas dāt nobis uias ad significationū scientiā; frustra enim significarent: neque, si dāt uias, nō est diuinitio: est igitur diuinitio. d. acutos homines: q̄ paucis uerbis negotiū cōfēctū putant. ea sumunt ad cōcludendū, quorū ijs nihil conceditur. conclusio autem rationis ea probāda est, in qua ex rebus non dubijs id, quod dubitatur, efficitur. uides ne Epicurum, quem hebetem, & rudem dicere solent Stoici, quemadmodum, quod in natura rerum omne esse dicimus, id infinitū esse cōcluserit? quod finitū est, inquit, habet extremū. quis hoc nō dederit? quod habet extremū, id cernitur ex alio extrinsecus. hoc quoque est concedendum. at quod omne est, id non cernitur ex alio extrinsecus. ne hoc quidem

negari potest. nihil igitur cum habeat extremum, infinitum sit necesse est. uides'ne ut ad rem dubiam concessis rebus peruenerit? hoc uos dialectici non facitis: nec solum ea non sumitis ad concludendum, quæ ab omnibus cōcedantur; sed ea sumitis, quibus concessis, nihilo magis efficiatis quod uelitis. primum enim hoc sumitis. si sunt dii, benefici in homines sunt. quis hoc uobis dabit? Epicurus'ne, qui negat quidquam deos nec alieni curare, nec sui; an noster Ennius, qui magno plausu loquitur, assentiente populo?

- » Ego deū genus esse semper dixi, & dicam cœlitum:
» Sed eos non curare opinor, quid agat humanū genus.
& quidem, cur sic opinetur, rationem subiicit. sed nihil est necesse dicere quæ sequuntur. tantum sat est intelligi, id sumere istos pro certo, quod dubium controuersumq; sit. sequitur porro, nihil deos ignorare, quod omnia sint ab ijs constituta. hic uero quanta pugna est doctissimorum hominum, negantium esse hæc à dijs immortalibus cōstituta? at nostra interest scire quæ euentura sint. magnus Dicaarchi liber est, nescire ea melius esse, quàm scire. * negant enim id esse alienum maiestatis deorum, scilicet causas omnium introrspicere, ut uideant quid cuique conducatur. neque non possunt futura prænoscere. negant posse ij, quibus non placet esse certū, quid futurum sit. uides'ne igitur, quæ dubia sunt, ea sumere ipsos pro certis, atque concessis? deinde contorquent, & ita concludunt. non igitur & sunt dii, nec significant futura: id enim iam perfectum arbitrantur. deinde assumunt: sunt autem dii: quod ipsum non ab omnibus conceditur: significat er=

R iiij

DE DIVINATIONE

go. ne id quidem sequitur : possunt enim non significa-
re, & tamen esse dii, nec, si significant, non dare vias
aliquas ad scientiā significationis. at id quoque potest,
ut non dent homini, sed ipsi habeant. cur enim Tusci
potius, quā Romanis darent? nec, si dant vias, nulla
est diuination. fac dare deos : quod absurdum est: quid
refert, si accipere non possumus? extremum, est igitur
diuination. sit extremum: effectum tamen non est: ex
falsis enim, ut ab ipsis didicimus, uerum effici non po-
test: iacet igitur tota conclusio. Veniamus nunc ad opti-
mum uirum familiarem nostrum Cratippū. Si sine o-
culis, inquit, non potest extare officium et munus oculo-
rum, possunt autem aliquando oculi non fungi suo mu-
nere: qui uel semel ita est usus oculis, ut uera cerneret,
is habet sensum oculorum uera cernentiū. item igitur,
si sine diuinatione non potest officium, et munus diuina-
tionis extare, potest autem, cum quis diuinationem ha-
beat, errare aliquando, nec uera cernere: satis est ad
confirmandā diuinationem, semel aliquid ita esse diui-
natum, nihil ut fortuito cecidisse uideatur. sunt autem
eius generis innumerabilia. esse igitur diuinationem cō-
fitendum est. festiue, & breuiter: sed cum bis sumpsit
quod uoluit, etiam si faciles nos ad cōcedendum habue-
rit, id tamen, quod assumit, concedi nullo modo po-
test. Si, inquit, aliquando oculi peccent, tamen, quia
recte aliquando uiderint, inest in ijs uis uidendi. item,
si qui semel aliquid in diuinatione dixerit, is etiam cū
peccet, tamen existimandus sit habere uim diuinandi.
uide quaeso Cratippe noster, quā sint ista similia: nā
mihi quidem non uidentur: oculi enim uera cernentes,

uruntur natura, atq; sensu; animi si quando uel uati-
 cinando, uel somniando uera uiderunt, uel sunt fortu-
 na, atq; casu. nisi forte cōcessuros tibi existimas eos,
 qui somnia pro somnijs habent, si quando aliquod so-
 mnium uerum euaserit, non id fortuito accidisse. sed
 demus tibi istas duas sumptiones, ea, quæ λήματα appel-
 lant dialectici; sed nos latine loqui malimus: præsump-
 ptio tamen, quam πρόληψις iudem uocant, nō dabitur.
 assumit autem Cratippus hoc modo. sunt autem innu-
 merabiles præsensiones non fortuitæ. at ego dico nul-
 lam. uide, quanta sit controuersia. iam, assumptione
 non concessa, nulla conclusio est. at impudentes sumus,
 qui, quod tam perspicuum sit, non concedamus. quid
 est perspicuū? multa uera inquit euadere. quid, quod
 multo plura falsa? non ne ipsa uarietas, quæ est pro-
 pria fortunæ, fortunam esse causam, non naturam do-
 cet? deinde, si tua ista conclusio Cratippe uera est, (te-
 cum enim mihi res est) non ne intelligis eadem uti posse
 & aruspices, & fulguratores, & interpretes ostento-
 rum, & augures, & sortilegos, & Chaldaeos? quo-
 rum generum nullum est, ex quo non aliquid, sicut præ-
 dictum sit, euaserit. ergo aut ea quoq; genera diuinādi
 sunt, quæ tu rectissime improbas: aut, si ea non sunt,
 non intelligo, cur hæc duo sint, quæ reliquis. qua er-
 go ratione hæc inducis, eadem illa possunt esse, quæ tol-
 lis. Quid uero habet auctoritatis furor iste, quem diui-
 num uocatis, ut, quæ sapiens non uideat, ea uideat in-
 sanus, & is, qui humanos sensus amiserit, diuinos asse-
 cutus sit? Sibyllæ uersus obseruamus, quos illa furens fu-
 disse dicitur. quorum interpretes nuper falsa quadam ho-

DE DIVINATIONE

minum fama dicturus in senatu putabatur, eū, quem
re uera Regem habebamus, appellandū quoque esse Re
gem, si salui esse uellemus. hoc si est in libris, in quem
hominem, & in quod tempus est? callide enim, qui illa
composuit, perfecit, ut, quodcunque accidisset, prædictū
uideretur, hominū & temporum diffinitione sublata.
adhibuit etiā latebrā obscuritatis, ut ipse uersus aliās
in aliam rem posse accommodari uiderentur. nō esse au
tem illud carmen furentis, cum ipsum poema declarat,
(est enim magis artis, & diligentiae, quā incitatio
nis, et motus) tū uero ea, quæ ἀκροσικῶς dicitur, cū dein
ceps ex primis uersus literis aliquid connectitur, ut in
quibusdā Ennianis, quæ Ennius fecit. id certe magis est
attenti animi, q̄ furentis. atque in Sibyllinis ex primo
uersu cuiusque sententiæ primis literis illius sententiæ
carmen omne prætexitur. hoc scriptoris est, nō furētis;
adhibentis diligentia, nō insani. quāobrem Sibyllā qui
dem sepositā, & conditā habeamus, ut, id quod proditū
est a maioribus, iniussu senatus ne legantur quidē libri,
ualeantq; ad deponendas potius, quā ad suscipiendas
religiones: cū antistitibus agamus, ut quiduis potius ex
illis libris, quā Regem proferāt: quem Romæ posthac
nec dii, nec homines esse patientur. at multi sape uera
uaticinati, ut Cassandra:

- » Iamq; mari magno. =
- » eademq; paulo post:
- » Eheu uidete. =

num igitur me cogis etiam fabulis credere? quæ dele
ctationis habeant, quantum uoles; uerbis, sententijs,
numerus, cantibus adiueniuntur: auctoritatem quidem

nullam debemus, nec fidem commentitijs rebus adiungere. Eodemq; modo nec ego Publicio nescio cui, nec Martijs uatibus, nec Apollinis opertis credendum existimo; quorum partim ficta aperte, partim effutita temere, nunquam ne mediocri quidem cuiquam, nō modo prudenti, probata sunt. Quid, inquires, remex ille de classe Coponij, non ne ea prädixit, quæ facta sunt? ille uero & ea quidem, quæ omnes eo tempore, ne acciderent, timebamus: castra enim in Thessalia castris collata audiebamus: uidebaturq; nobis exercitus Cæsaris & audacia plus habere, quippe qui patriæ bellum intulisset; & roboris, propter uetustatem. casum autem praelij, nemo nostrum erat, quin timeret, sed ita, ut constantibus hominibus par erat, non aperte. ille autem Græcus quid mirum si magnitudine timoris, ut plerunque fit, à constantia, atque à mente, atque à se ipse discessit? qua perturbatione animi, quæ, sanus cum esset, timebat ne euenirent, ea demens euentura esse dicebat. utrum tandē per deos atque homines magis uerisimile est, uesanum remigem, an aliquem nostrum, qui ibatū eramus, M. Catonem, Varronem, Coponium ipsū consilia deorum immortalium perficere potuisse? Sed iam ad te uenio

- » O sancte Apollo, qui umbilicum terrarū certū obsides,
» Vnde superstitiosa primum sæua euasit uox fera.
tuis enim oraculis Chrysippus totum uolumen impleuit
partim falsis, ut ego opinor; partim casu ueris, ut fie
in omni oratione sæpissime; partim flexiloquis et obscu
ris, ut interpretes egeat interprete, & sors ipsa referenda
sit ad sortes; partim ambiguīs, & quæ ad dialecticā

DE DIVINATIONE

cum referenda sint. nam cum sors illa edita est opulen-
tissimo regi Asiae,

» Cræsus Halym penetrās magnā peruertet opum uim,
hostium uim sese peruersurū putauit, peruertit autem
suam. utrum igitur eorum accidisset, uerum oraculum
fuisse. cur autem hoc credam unquam editum Cræso?
aut Herodotum cur ueraciorem ducā Ennio? nū mi-
nus ille potuit de Cræso, quā de Pyrrho fingere Enni-
us? quis enim est, qui credat Apollinis ex oraculo Pyr-
rho esse responsum,

» Aio te Aeacida Romanos uincere posse?
primum latine Apollo nunquā locutus est: deinde ista
sors inaudita Græcis est: præterea Pyrrhi temporibus iā
Apollo uersus facere desierat: postremo, quanquā sem-
per fuit, ut apud Ennium est,

» =Stolidum genus Aeacidarum;

» Bellipotentes sunt magi, quā sapientipotentes:
tamen hāc amphibologiam uersus intelligere potuisset,
uincere te Romanos, nihilo magis in se, quā in Roma-
nos ualere. nam illa amphibologia, quæ Cræsum dece-
pit, uel Chrysippū potuisset fallere: hæc uero ne Epicu-
rum quidem. sed, quod caput est, cur isto modo iam
oracula Delphis non eduntur, non modo nostra atate,
sed iandiu, iam ut nihil possit esse contemptius? hoc lo-
co cum urgentur, euanuisse aiunt uetustate uim loci
eius, unde anhelitus ille terræ fieret, quo Pythia mente
incitata oracula ederet. de uino aut salsamento putes
loqui, quæ euanescent uetustate. de ui loci agitur, neque
solum naturali, sed etiam diuina: quæ quo tādē mo-
do euauit? uetustate, inquires. quæ uetustas est, quæ
uim diuinam conficere possit? quid tam diuinū, quā

afflatus ex terra mētem ita mouens, ut eam prouidam rerum futurarum efficiat, ut ea nō modo cernat multo ante, sed etiam numero uersūq; pronunciet? quando autem ista uis euauit? an postquā homines minus creduli esse coeperunt? Demosthenes quidem, qui abhinc annos propē C C C fuit, iam tum φιλιππίδην Pythiam dicebat, id est quasi cum Philippo facere. hoc autem eō spectabat, ut eam à Philippo corruptam diceret. quo licet existimare, in alijs quoq; oraculis Delphicis aliquid non sincerū fuisse. sed nescio quo modo isti philosophi supersticiosi, & penē fanatici quiduis malle uidentur, quā se non ineptos. euauisse mauultis, et extinctum esse id, quod si unquam fuisset, certe aeternū esset, quā ea, quæ non sunt credenda, non credere. Similis est error in somnijs: quorum quidem defensio repetita quā longe est? diuinos animos censent esse nostros, eosq; esse tractos extrinsecus, animorumq; consentientium multitudinem completum esse mūdum: hac igitur mentis et ipsius diuinitate, & coniunctione cum externis mentibus cerni quæ sint futura. contrahi autem animum Zeno, & quasi labi putat, atque concidere, & ipsum esse dormire. iam Pythagoras & Plato, locupletissimi auctores, quo in somnijs certiora uideamus, praparatōs quodam cultu atque uictu proficisci ad dormiendum iubent: faba quidem Pythagorei utique abstinerē: quasi uero eo cibo mens, non uenter infletur. sed nescio quo modo nihil tam absurde dici potest, quod non dicatur ab aliquo philosophorum. utrum igitur censemus dormientium animos per semet ipsos in somnando moueri, an, ut Democritus censet, externa, &

DE DIVINATIONE

aduentitia uisione pulsari? siue enim sic est, siue illo modo, uideri possunt permulta somniantibus falsa pro ueris. nam & nauigantibus moueri uidentur ea, quæ stant, et quodam obtutu oculorum duo pro uno lucernæ lumina. quid dicam, insanis, quid, ebrijs quàm multa falsa uideantur? quòd si eiusmodi uisis credendum non est; cur somnijs credatur, nescio. nam tam licet de his erroribus, si uelis, quàm de somnijs disputare: ut ea, quæ stant, si moueri uideantur, terræ motum significare dicas, aut repentinam aliquam fugam: gemino autem lucernæ lumine declarari dissensionem, ac seditionem moueri. iam ex insanorum aut ebriorum uisis innumera coniectura trahi possunt, quæ futura uideantur. quis est enim, qui totum diem iaculans non aliquando collimet? totas noctes somniamus; neque ulla ferè est, qua non dormiamus: & miramur, aliquando id, quod somniauimus, euadere? quid est tàm incertum, quàm talorum iactus? tamen nemo est, quin sæpe iactans, uenerum aliquando iaciat, non nunquam etiam iterum, ac tertium. num igitur, ut inepti, Veneris id fieri impulsu malumus, quàm casu, dicere? quòd si ceteris temporibus falsis uisis credendum non est: non uideo, quid præcipui somnus habeat, in quo ualeant falsa pro ueris. quòd si ita natura paratum esset, ut ea dormientes agerent, quæ somniarent: alligandi essent omnes, qui cubitum irent: maiores enim, quàm ulli insani, efficerent motus somniantes. quòd si insanorum uisis fides non est habenda, quòd falsa sunt: cur credatur somniantium uisis, quæ multo etiam perturbatiora sunt, non intelligo. an quod insani sua uisa coniectori non narrant, nar-

rant qui somniauerunt? quæro etiam, si uelim scribere quid, aut legere, aut canere uoce, uel fidibus, aut geometricum quiddam, aut physicum, aut dialecticum explicare, somnium ne expectandum sit, an ars adhibenda, sine qua nihil earum rerum nec fieri, nec expediri potest? atqui, ne si nauigare quidem uelim, ita gubernarem ut somniauerim: præsens enim poena sit. quid igitur conuenit ægros à coniectore somniorum potius, quàm à medico petere medicinam? an Aesculapius, an Serapis potest nobis præscribere per somnium curationem ualitudinis, Neptunus gubernantibus non potest? et si sine medico medicinam dabit Minerva, musæ scribendi, legendi, cæterarumque artium scientiam somniantibus non dabunt? et si curatio daretur ualitudinis, hæc quoque, quæ dixi, darentur. quæ quoniam non dantur, medicina non datur. qua sublata, tollitur omnis auctoritas somniorum. sed hæc quoque in promptu: nunc interiora uideamus. aut enim diuina uis quædam cõsulens nobis somniorum significationes facit: aut coniectores ex quâdam conuenientia, et coniunctione naturæ, quam uocant *συμπάθεια*, quid cuique rei conueniat, ex somniis, et quid quanque rem sequatur, intelligunt: aut eorum neutrum est, sed quædam observatio constans, atque diuturna est, cum quid uisum secundum quietem sit, quid euenire, aut quid sequi soleat. primum igitur intelligendum est, nullam uim esse diuinam effectricem somniorum. atque illud quidem perspicuum est, nulla uisa somniorum proficisci à numine deorum. nostra enim causa dii id facerent, ut providere futura possemus. quotus igitur est quisque, qui somniis pareat? qui

DE DIVINATIONE

intelligat? qui meminerit? quàm multi uero, qui con-
 temnant, eamq; superstitionem imbecilli animi, atque
 anilis putent? quid est igitur, cur his hominibus consu-
 lens deus, somnijs moneat eos, qui illa non modo cu-
 ra, sed ne memoria quidem digna ducant? nec enim
 ignorare deus potest, qua mente quisque sit: nec, fru-
 stra, ac sine causa quid facere, dignum deo est: quod
 abhorret etiã ab hominis cōstantia. ita si pleraque som-
 nia aut ignorantur, aut negliguntur: aut nescit hoc de-
 us, aut frustra somniorum significatione utitur. sed ho-
 rum neutrum in deum cadit: nihil igitur à deo somnijs
 significari fatēdum est. illud etiam requiro, cur, si deus
 ista uisa nobis providendi causa dat, nō uigilantibus po-
 tius det, quàm dormientibus. siue enim externus, &
 aduentitius pulsus animos dormientiū commouet, siue
 per se ipsi animi mouentur, siue quæ causa alia est, cur
 secundum quietem aliquid uidere, audire, agere uidea-
 mur: eadem causa uigilantibus esse poterat; idq; si no-
 stra causa secundum quietem dii facerent, uigilantibus
 idem facerent, præsertim cum Chrysippus Academicos
 refellens permulto clariora & certiora esse dicat, quæ
 uigilantibus uideantur, quàm quæ somniantibus. fuit
 igitur diuina beneficentia dignius, cum consuleret no-
 bis, clariora uisa dare uigilantibus, quàm obscuriora
 per somnium. quod quoniam nō fit, somnia diuina pu-
 tanda non sunt. iam uero quid opus est circuitione, &
 anfractu, ut sit utendum interpretibus somniorum po-
 tius, quàm directo deus, si quidem nobis consulebat, hoc
 facito, hoc ne feceris, diceret, idq; uisum uigilanti po-
 tius, quàm dormienti daret? iã uero quis dicere audeat,
 uera

uera omnia esse somnia? aliquot somnia uera, inquit En-
 nius: sed omnia non est necesse. quæ est tandem ista di-
 stinctio? quæ uera, quæ falsa habet? Et si uera à deo
 mittuntur, falsa unde nascuntur? nam si ea quoque di-
 uina, quid inconstantius deo? quid inscitius autem est,
 quam mentes mortalium falsis, et mendacibus uisus con-
 citare? sin uera uisa diuina sunt, falsa autem, et ina-
 nia humana: quæ est ista designandi licetia, ut hoc deus,
 hoc natura fecerit potius, quam aut omnia deus, quod
 negatis, aut omnia natura? quod quoniam illud negatis,
 hoc necessario cõfiteendum est. naturam autem eam di-
 co, qua nunquã animus insisteret agitatione, et motu esse
 uacius potest. is cum læguore corporis nec membris uti,
 nec sensibus potest, incidit in uisa uaria, et incerta ex re-
 liquis, ut ait Aristoteles, inheretibus earum earum, quas
 uigilans gesserit, aut cogitarit. quarum perturbatione
 mirabiles interdum existunt species somniorum. quæ si
 alia uera, alia falsa: qua nota internoscantur, scire sa-
 nè uelim. si nulla est, quid istos interpretes audiamus?
 sin quæpiam est, a uero audire quæ sit. sed hærebunt. ue-
 nit enim iam in contentionem, utrum sit probabilius, de-
 o, ne immortales rerum omnium præstantia excellentes
 concurrere omnium mortalium, qui ubique sunt, non
 modo lectos, uerum etiam grabatos, et cum stertentes
 aliquos uiderint, obicere his uisa quadam tortuosa, et
 obscura, quæ illi exterriti somnio ad coniectorem mane
 deferant; an natura fieri, ut mobiliter animus agitat-
 us, quod uigilans uiderit, dormiens uidere uideatur. utrum
 philosophia dignius, sagarum superstitione ista interpre-
 tari, an explicatione naturæ? ut si iam fieri possit

DE DIVINATIONE

coniectura uera somniorum, tamen isti, qui profitentur, eam facere non possunt: ex leuissimo enim, & indoctissimo genere constant. Stoici autem tui negant quenq̃ nisi sapientem diuinū esse posse. Chrysippus quidem diuinationem diffinit his uerbis, uim cognoscentē, & uidentem, & explicantem signa, quæ à dijs hominibus portendantur: officium autem eius esse, prænoscere, dei erga homines mente qua sint, quidq̃ significant, quemadmodumq̃ ea procurentur, atque expientur. idemq̃ somniorum coniectionem diffinit hoc modo, esse uim cernentem, & explanantem quæ à dijs hominibus significetur in somnijs. quid ergo, ad hæc mediocri opus est prudentia, an & ingenio præstanti, & eruditione perfecta? talem autem cognouimus neminem. uide igitur, ne, etiam si diuinationem tibi esse concessero, quod nunquam faciam; neminem tamen diuinum reperire possimus. qualis autem ista mens est deorū, si neque ea nobis significat in somnijs, quæ ipsi per nos intelligamus; neque ea, quorum interpretes habere possimus? similes enim sunt dii, si ea nobis obijciunt, quorū neque scientiam, neque explanationem habeamus, tanquam si Pœni, aut Hispani in senatu nostro sine interprete loquerentur. iam uero quod pertinent obscuritates, & ænigmata somniorum? intelligi enim à nobis dii uelle debebāt ea, quæ nostra causa nos monebant. quid? poeta nemo, nemo physicus obscurus? ille uero nimis etiam obscurus Euphorion: at non Homerus: uter igitur melior? ualde Heraclitus obscurus, minime Democritus: num igitur conferendi? mea causa me mones, quod non intelligā. quid me igitur mones? ut si quis medicus

agrote imperet, ut sumat

» Terrigenam, herbigrada, domiporta, sanguine cassam,
potius quam hominum more, cocleam, dicere. nam Pa-
cuvianus Amphion;

» Quadrupes tardigrada, agrestis, humilis, aspera,

» Capite breui, ceruice anguina, aspectu truci,

» Eviscerata, inanima cum animali sono,

cum dixisset obscurius, tum Attici respondent: nō intel-
ligimus, nisi aperte dixeris. at ille uno uerbo, testudo. nō
potueras hoc igitur à principio cytharista dicere? defert
ad coniectorem quidam somniasse se, ouum pendere ex
fascia lecti sui cubicularis. est hoc in Chrysippi libro so-
mnium. respondit coniector, thesaurum defossū esse
sub lecto. fodit: inuenit auri aliquantum, idq; circum-
datum argento: misit coniectori quantulum uisum est
de argento. tum ille, nihil ne de uitello? id enim ex ouo
uidebatur aurū declarasse, reliquū argentum. nemo ne
igitur unquam alius ouum somniauit? cur ergo hic ne-
scio quis thesaurum solus inuenit? quā multi inopes,
digni presidio deorum, nullo somnio ad thesaurū repe-
riendum admonentur? quam autem ob causam tā est
obscure admonitus, ut ex ouo nasceretur thesauri simi-
litudo, potius, quā aperte thesaurum querere iubere-
tur, sicut aperte Simonides uetitus est nauigare? ergo
obscura somnia minime cōsentanea sunt maiestati deo-
rū. ad aperta et clara ueniamus, quale est de illo inter-
fecto à caupone Megaris, quale de Simonide, qui ab eo,
quem humauerat, uetitus est nauigare; quale etiam de
Alexandro: quod à te prateritū esse miror: quī, cum
Ptolemæus familiaris eius in prælio telo uenenato ictus

DE DIVINATIONE

esset, eoq; uulnere summo cū dolore moreretur, Alexander assidens somno est consopitus. tum secundum quietem uisus ei dicitur draco is, quem mater Olympias dabat, radiculam ore ferre, et simul dicere quo illa loci nasceretur: (neque is lōge aberat ab eo loco) eius autē esse uim tantam, ut Ptolemæum facile sanaret: cum Alexander experrectus narrasset amicis somnium, emisisse qui illam radiculam quærent. qua inuenta, et Ptolemæus sanatus dicitur, & multi milites, qui erant eodem genere teli uulnerati. multa etiam sunt à te ex historijs prolata somnia, matris Phalaridis, Cyri superioris, matris Dionysij, Pœni Amilcaris, Annibalis, P. Decij, perulgatum iam illud de præfultore, Gracchi etiam, & recens Cæcilie Balearici filie somnium. sed hæc externa, ob eamq; causam ignota nobis sunt: non nulla etiam fleta fortasse: quis enim auctor istorum? de nostris somnijs quid habemus dicere? tu de merso me, & equo ad ripam? ego de Mario cū fascibus laureatis me in suum deduci iubente monumentum? omnium somniorū Quinte una ratio est. quæ, per deos immortales, uideamus ne nostra superstitione, & deprauatione superetur. quem enim tu Marium uisum à me putas? specie credo eius, & imaginem, ut Democrito uidetur, unde profectam imaginem: à corporibus enim solidis, & à certis figuris uult fluere imagines. quod igitur Marij corpus erat, ex eo, inquit, quod fuerat, plena sunt imaginum omnia ista. igitur me imago Marij in campum Atinatem persequabatur: nulla enim species cogitari potest, nisi pulsū imaginum. quid ergo? istæ imagines ita nobis dicto audientes sunt, ut, simul atque uelimus, accurrant? etiā

ne earum rerum, quæ nullæ sunt? quæ est enim forma tam inusitata, tam nulla, quā nō sibi ipse animus possit effingere? ut, quæ nunquam uidimus, ea tamen formata habeamus, oppidorum situs, hominum figuras. num igitur, cum aut muros Babylonis, aut Homeri faciem cogito, imago illorum me aliqua pellit? omnia igitur, quæ uolumus, nota nobis esse possunt: nihil est. n. de quo cogitare nequeamus. nullæ ergo imagines obrepunt in animos dormientiū extrinsecus, nec omnino fluunt illæ: nec cognoui quenquam, qui maiore auctoritate nihil diceret. animorū est ea uis, atque natura, ut uigeant uigilantes, nullo aduentitio pulsu, sed suo motu, incredibili quadam celeritate. hi cum sustinentur membris, & corpore, & sensibus, omnia certiora cernunt, cogitant, sentiunt. cum autem hæc subtrahita sunt, desertusque animus languore corporis, tum agitur ipse per sese: itaque in eo et formæ uersantur, & actiones, & multa audiri, multa dici uidentur. hæc scilicet imbecillo remissoque animo multa omnibus modis cōfusa et uariata uersantur: maximeque reliquæ earum rerum mouentur in animis, et agitantur, de quibus uigilantes aut cogitauimus, aut egimus: ut mihi temporibus illis multum in animo Marius uersabatur recordati, quā ille grauem suum casum magno animo, quā cōstanti tulisset. hanc credo causam de illo somniādi fuisse. tibi autem de me cum sollicitudine cogitanti subito sum uisus, emersus ex flumine: inerant enim in utriusque nostrū animis uigilantium cogitationum uestigia. At quadam adiuncta sunt: ut mihi de monumēto Marij: tibi, quod equus, in quo ego uehebar, mecū unā demersus rursus ap

DE DIVINATIONE

paruit. an tu censes ullam anum tam deliram futurā
fuisse, ut somnijs crederet, nisi ista casu non nunquam,
forte, temere concurrerent? Alexandro loqui draco vi-
sus est. potest omnino hoc esse falsum, potest uerū: sed
uerum sit, non est mirabile: nō enim audiuit ille dra-
conem loquentem, sed est uisus audire: & quidē, quo
maius sit, cum radicem ore teneret, locutus est. sed ni-
hil est magnū somnianti. quæro autem, cur Alexādro
tam illustre somnium, tam certū, nec huic eidem aliā,
nec multa ceteris. mihi quidem, præter hoc Marianū,
nihil sanē, quod meminerim. frustra igitur consumptæ
tot noctes tam longa in ætate. nūc quidem propter in-
termissionem forensis operæ & lucubrationes detraxi,
& meridiationes addidi, quibus uti antea non solebā:
nec tam multū dormiens ullo somnio sum admonitus,
tantis præsertim de rebus: nec mihi magis usquam ui-
deor, quā cum aut in foro magistratus, aut in curia
senatum uideo, somniare. Etenim ex diuisione hoc se-
cūdū est, quæ est cōtinuatio, coniunctioq; natura: quā,
ut dixi, uocant συμπαθειαν eiusmodi, ut thesaurus ex
ouo intelligi debeat. nam medici ex quibusdam rebus
& aduenientes & crescentes morbos intelligunt: non
nullæ etiā ualerudinis significationes, ut hoc ipsum,
pleni, eneclī ue simus, ex quodam genere somniorum
intelligi posse dicuntur. thesaurus uero, & hereditas,
& honos, & uictoria, & multa generis eiusdem qua
cum somnijs naturali cognatione iunguntur? dicitur
quidam, cum in somnijs complexu Venerio iungere-
tur, calculos eiecisse. uideo sympathiā: uisum est enim
tale obiectum dormienti, ut id, quod euenit, naturæ uis,

non opinio erroris effecerit . quæ igitur natura obtulit
illam speciem Simonidi, à qua uetaretur nauigare? aut
quid naturæ copulatum habuit Alcibiadis quod scribi-
tur somnium? qui paulo ante interitum uisus est in
somnia amicæ esse amictus amiculo . is cum esset proie-
ctus inhumatus, ab omnibusq; desertus iaceret; amica
corpus eius texit suo pallio . ergo hoc inerat in rebus fu-
turis, et causas naturales habebat, an, & ut uideretur,
& ut eueniret, casus effecit? quid ipsorum interpretum
coniecturæ; non ne magis ingenia declarant eorum,
quàm uim consensumq; naturæ? cursor ad Olympia
proficisci cogitans, uisus est in somnijs curru quadriga-
rum uehi . mane ad coniectorem . at ille, uinces, inquit:
id enim celeritas significat, & uis equorum . post idem
ad Antiphontem . is autem, uincare, inquit, necesse est .
an non intelligis quatuor ante te cucurrisse? Ecce alius
cursor . atq; horum somniorum, & talium plenus est
Chrysippi liber, plenus Antipatri . sed ad cursorem re-
deo . ad interpretem detulit, aquilam se in somnijs ui-
sum esse factum . at ille, uicisti: ista enim auis uolat
nulla uehementius . huic equidem Antipho, tu uero, in-
quit, te uictum esse non uides? ista enim auis insectans
alias & agitans, semper ipsa postrema est . parere quæ-
dam matrona cupiens, dubitans esset ne prægnans, uisa
est in quiete obsignatam habere naturam: reuoluit . nega-
uit eam, quoniam obsignata fuisset, concipere potuisse .
at alter prægnantem esse dixit: nam inane obsignari ni-
hil solere . quæ ista est ars coniectoris, eludentis ingenio?
an ea, quæ dixi, & innumerabilia, quæ collecta habent
Stoici, quidquam significant, nisi acumen hominum ex

DE DIVINATIONE

similitudine aliqua coniecturam modo huc, modo illuc
ducentium? medici signa quadam habent ex uenis, et
ex spiritu agroti, multisq; ex alijs futura præsentiunt.
gubernatores cū exultantes Loligines uiderint, aut Del
phinos se in portum conijcentes, tempestatem significa
ri putant. hæc ratione explicari, & ad naturā facile
reuocari possunt: ea uero, quæ paulo ante dixi, nullo
modo. At enim obseruatio diuturna (hæc enim pars
una restat) notandis rebus fecit artem. an tandem so
mnia obseruari possunt? quonam modo? sunt enim in
numerabiles uarietates. nihil tam præpostere, tam incō
dite, tam monstruose cogitari potest, quod non possimus
somnia. quo modo igitur hæc infinita, & semper no
ua aut memoria complecti, aut obseruando notare pos
sumus? astrologi motus errantium stellarū notauerūt:
inuentus est enim ordo in ijs stellis, quī non putabatur.
cedo tandem, qui sit ordo, aut quæ concursatio somnio
rum? quo modo autem distinguī possunt uera somnia
à falsis, cū eadem et alijs aliter euadāt, & ijsdem non
semper eodem modo? ut mihi mirū uideatur, cum men
daci homini, ne uerum quidem dicēti credere soleamus,
quo modo isti, si somnium uerum eua sit aliquod, nō ex
multis potius unī fidem derogāt, quā ex uno innume
rabilia cōfirmant. si igitur neque deus est effector som
niorū, neque naturæ societas ulla cū somnijs, neque ob
seruatione inueniri potuit sciētia: effectum est, ut nihil
prorsus somnijs tribuendū sit; præsertim cū illi ipsi, qui
ea uident, nihil diuinent; ij, qui interpretantur, cōiectu
ram adhibeant, nō naturam; casus autem innumera
bilibus penē seculis in omnibus plura mirabilia, quā in

somniorum uisis effecerit; neq; cōiectura, quæ in uarias partes duci possit, non nunquam etiā in contrarias, quidquam sit incertius. explodatur hæc quoq; somniorum diuinitas pariter cum cæteris: nam, ut uere loquamur, superstitio fusa per gentes, oppressit omnium ferè animos, atq; hominū imbecillitatem occupauit. quod & in ijs libris dictum est, qui sunt de natura deorum: & hac disputatione id maxime egimus: multum enim & nobismet ipsis, & nostris profuturi uidebamur, si eam funditus fusiulissimus. nec uero (id enim diligenter intelligi uolo) superstitione tollenda religio tollitur. nam et, maiorum instituta tueri sacris, cerimonijsq; retinendis, sapientis est: et esse præstantem aliquam æternamq; naturam, & eam suspiciendam admirandamq; hominum generi, pulchritudo mundi, ordoq; rerum cœlestium cogit confiteri. quamobrem ut religio propaganda etiam est, quæ est iuncta cum cognitione naturæ: sic superstitionis stirpes omnes eijciendæ sunt: instat enim, & urget, et, quocunque te uerteris, persequitur, siue tu uatem, siue tu omen audieris, siue immolaris, siue auctæ aspexeris, si Chaldeum, si aruspice uideris, si fulserit, si tonuerit, si taëlum aliquid erit de cælo, si ostentati simile natum, factumue quippiam: quorum necesse est plerunque aliquid eueniat: ut nunquam liceat quieta mente consistere. perfugium uidetur omnium laborum & solitudinum esse somnus. at ex eo ipso plurimæ curæ, metusq; nascuntur. qui quidem ipsi per se minus ualerent, & magis contemnerentur, nisi somniorum patrociniū philosophi suscepissent, nec ij quidem contemptissimi, sed in primis acuti, & consequen

DE DIVINATIONE

eia & repugnantia uidentes : qui propè iam absoluti,
 & perfecti putantur. quorum licentiæ nisi Carneades
 restitisset, haud scio an soli iam philosophi iudicarentur.
 cū quibus omnis ferè nobis disceptatio, contentioq; est :
 non quodd eos maxime cōtemnamus : sed quodd uiden-
 tur acutissime sentētiās suas, prudētissimeq; defendere.
 cū autem propriū sit Academiæ, iudicium suū nullum
 interponere ; ea probare, quæ simillima ueri uidean-
 tur ; conferre causas, et, quid in quaque sententiā dici
 possit, expromere ; nulla adhibita sua auctoritate, iudi-
 ciū audientiū relinquere integrū, ac liberū : tenebimus
 hanc cōsuetudinem à Socrate traditam, eaq; inter nos,
 si tibi Quinte frater placebit, quam sapissime utemur.
 Mihi uero, inquit ille, nihil potest esse iucundius. Quæ
 cum essent dicta, surreximus.

M. TULLII CICERONIS

DE FATO LIBER.

Via pertinet ad mores, quos
 non Græci uocant, nos eā partem
 philosophiæ de moribus appella-
 re solemus. sed decet augentem
 linguā latinā nominare mo-
 ralem. explicandāq; uis est, ra-
 tioq; enūciationū : quæ Græci
 ἐξωμάρτα uocant : quæ de re futura cum aliquid dicunt,
 deq; eo, quod possit fieri, aut non possit, quā uim habe-
 ant, obscura quæstio est: quam περὶ δαωμάτων appellat :
 totaq; est logicæ : quā rationem differendi uoco. quod
 autem in alijs libris feci, qui sunt de natura deorum,
 itemq; in ijs, quos de diuinatione edidi, ut in utranque
 partem perpetua explicaretur oratio, quo facilius id &
 quoque probaretur, quod cuique maxime probabile ui-
 deretur, in hac disputatione de fato casus quidā, ne fa-
 cerem, impediuit. nā cū essem in Puteolano, Hirciusq;
 noster Cōsul designatus ijsdem in locis, uir nobis amicis-
 simus, et ijs studijs, in quibus nos a pueritia uiximus, de-
 ditus; multū unā eramus, maxime nos quidem exquā-
 rentes ea cōsilia, quæ ad pacem, & ad concordia ciniū
 pertinerent. cū enim omnes post interitum Caesaris no-
 narū perturbationū causæ quærī uiderentur, hisq; esse
 occurrendū putaremus: omnis ferè nosira in his deli-
 berationibus cōsumebatur oratio: idq; et sæpe aliās, &
 quodā liberiore, quā solebat, & magis uacuo ab in-

DE FATO

reruentoribus die, cū ille ad me uenisset, primo illa, quæ
erant quotidiana, & quasi legitima nobis, de pace, &
de otio dicta sunt. quibus acceptis, quid ergo, inquit il-
le, quoniam oratorias exercitationes nō tu quidē, ut spe-
ro, reliquisti, sed certe philosophiā illis anteposuisti, pos-
sum ne aliquid audire? Tu uero, inquā, uel audire,
uel dicere: nec enim, quod recte existimas, oratoria il-
la studia deserui; quibus etiam te incendi, quāquam fla-
grantissimum acceperam: nec ea, quæ nunc tracto, mi-
nuūt, sed augent potius illā facultatem: nam cum hoc
genere philosophiæ, quod nos sequimur, magnam habet
orator societatem: subtilitatem enim ab Academia mu-
tuatur, & ei uicissim reddit ubertatem orationis, & or-
namenta dicendi. quamobrem, inquam, quoniam u-
triusque studij nostra possessio est, hodie utro frui malis,
optio sit tua. Tum Hircius, gratissimum, inquit, et
uorum omnium simile: nihil enim unquam abnuūt uo-
luntas tua meo studio. sed quoniam mihi rhetorica ue-
stra sat nota, teq; in his & audiuius sæpe, & audie-
mus, atque hanc Academicorum contra propositum di-
sputandi cōsuetudinem indicāt te suscepisse Tusculanæ
disputationes: ponere aliquid, ad quod audiam, si ti-
bi non est molestum, uolo. An mihi, inquam, potest
quidquam esse molestum, quod tibi gratū futurum sit?
sed ita audies, ut Romanum hominem, ut timide ingre-
dientē ad hoc genus disputandi, ut longo interuallo hæc
studia repetentē. Ita, inquit, audiam te disputantē,
ut ea lego, quæ scripsisti. proinde ordire.

Multa defunt.

Consideramus hic, quorum in alijs, ut in Antipatro poeta, ut in brumali die natis, ut in simul egrotantibus fratribus, ut in urina, ut in unguibus, ut in reliquis eius modi naturæ contagio ualeret: quam ego non tollo: uis est nulla fatalis. in alijs autem fortuita quædā esse possunt, ut in illo naufrago, ut in Icadio, ut in Daphita. quædam etiam Posidonius, pace magistri dixerim, comminisci uidetur. sunt inquam quidem absurda. quid enim? si Daphita fatum fuit de equo cadere, atque ita perire; ex hoc ne equo, qui cum equus non esset, nomen habebat alienū? aut Philippus hasce in capulo quadrigulas uitare monebatur? quasi uero capulo sit occisus. quid autem magnum, & naufragum illum sine nomine in riuo esse lapsum? quāquam huic quidem hic scribit prædictū, in aqua esse pereundum. ne Hercule Icadij quidem prædonis uideo fatū ullum: nihil enim scribit ei prædictum. quid mirum igitur, ex spelunca saxum in crura eius incidisse? puto enim, etiam si Icadius tum in spelūca non fuisset, saxum tamen illud casurum fuisse. nam aut nihil est omnino fortuitum, aut hoc ipsum potuit euenire fortuna. quero igitur, atque hoc late patebit, si fati omnino nullum nomen, nulla natura, nulla uis esset, & forte, temere, casu aut pleraque fierent, aut omnia: num aliter, ac nunc eueniunt, euenirent? quid ergo attinet inculcare fatum, cum sine fato ratio omnium rerum ad naturam, fortuna

DE FATO

namue referatur? sed Posidonium, sicut equum est, cum bona gratia dimittamus: ad Chrysippi laqueos reuertamur. cui primum quidem de ipsa rerum contagione respondeamus: reliqua postea persequemur. inter locorum naturas quantum intersit, uideamus: alios esse salubres, alios pestilentes, in alijs esse pituitosos, & quasi redundantes, in alijs exsiccatos, atque aridos: multaque sunt alia, quae inter locum & locum plurimum differunt. Athenis tenue coelum, ex quo acutiores etiam putantur Attici: crassum Thebis, itaque pingues Thebani, & ualentes. tamen neque illud tenue coelum efficiet, ut aut Zenonem quis, aut Arcefilam, aut Theophrastum audiat: neque crassum, ut Nemea potius, quam Isthmo uictoriam petat. disiunge longius. quid enim loci natura asferre potest, ut in porticu Pompeij potius, quam in campo ambulemus? tecum, quam cum alio? Idibus potius, quam Calendis? ut igitur ad quasdam res natura loci pertinet, & operatur aliquid, ad quasdam autem nihil: sic affectio astrorum ualeat, si uis, ad quasdam res, ad omnes certe non ualebit. at. n. quoniam in naturis hominum dissimilitudines sunt, ut alios dulcia, alios sub amara delectet, alij libidinosi, alij iracundi, aut crudeles, aut superbi sint, alij talibus uitij abhorreant: quoniam igitur, inquit, tantum natura à natura distat; quid mirum est, has dissimilitudines ex differentibus causis esse factas? haec differens, qua de re agatur, et in quo causa consistat, non uidet. non. n. si alij ad alia propensiores sint propter causas naturales; & antecedentes, iccirco etiam nostrarum uoluntatum, atque appetitionum sunt causae naturales, & antecedentes: nam nihil esset in nostra

potestate, si res ita se haberet: nunc uero fatemur, acuti, hebetes ne, ualentes, imbecilli ne simus, non esse id in nobis. qui autem ex eo cogi putat, ne ut sedeamus quidem, aut ambulemus uoluntatis esse, is non uidet quæ quæque res consequatur. ut enim et ingeniosi, & tardi ita nascantur antecedentibus causis, itemq; ualentes, & imbecilli: non sequitur tamen, ut etiam sedere, & ambulare, & rem agere aliquam, principalibus causis definitum, & constitutum sit. Stylphonem Megaricum philosophum, acutum sanè hominem, & probatū temporibus illis accepimus. hunc scribunt ipsius familiares & ebriosum, & mulierosum fuisse: neque hoc scribunt uituperantes, sed potius ad laudem: uitiosam enim naturam ab eo sic edomitam, & cōpressam esse doctrina, ut nemo unquam uinolentū illum, nemo in eo libidinis uestigium uiderit. quid? Socratem non ne legimus quædammodum notari? Zopirus physiognomon, qui se profitebatur hominum mores naturasq; ex corpore, oculis, uultu, fronte pernoscere? stupidum esse Socratem dixit, & bardum, quod ingula concaua non haberet: obstruitas eas partes, et obturatas esse dicebat: addidit etiam, mulierosum: in quo Alcibiades cachinnū dicitur susulisse. sed hæc ex naturalibus causis uitia nasci possunt: extirpari autem, & funditus tolli, ut is ipse, qui ad ea propensus fuerit, à tantis uitijs auocetur, non est id positum in naturalibus causis, sed in uoluntate, studio, disciplina. quæ tolluntur omnia, si uis et natura fati ex diuinationis ratione firmabitur. etenim si est diuinationis, qualibet natura à præceptis artis proficitur: præcepta appello, quæ dicuntur græce δεικνύμενα. non enim

DE FATO

credo nullo praecepto aut ceteros artifices uersari in suo munere, aut eos, qui diuinatione utantur, futura praedicere. sunt igitur astrologorum praecepta huiusmodi. si quis, uerbi causa, oriente canicula natus est, is in mari non morietur. uigila Chrysippe, ne tuam causam, in qua tibi cum Diodoro ualere dialectico magna luctatio est, deferas. si enim uerum est, quod ita connectitur; si quis oriente canicula natus est, in mari non morietur: illud quoque uerum est; si Fabius oriente canicula natus est, Fabius in mari non morietur. pugnant ergo haec inter se, oriente canicula natum esse, & in mari Fabium moriturum: & quoniam certum in Fabio ponitur, ortum esse eum canicula oriente, haec quoque pugnant, et esse Fabium, & in mari moriturum. ergo haec quoque coniunctio est ex repugnantibus, & est Fabius, & in mari Fabius morietur. quod ut propositum est, ne fieri quidem potest. ergo illud, morietur in mari Fabius, ex eo genere est, quod fieri non potest. omne igitur, quod falsum dicitur in futuro, id fieri non potest. at hoc Chrysippe minime uis: maximeque tibi de hoc ipso cum Diodoro certamen est: ille enim id solum fieri posse dicit, quod aut sit uerum, aut futurum sit uerum: & quicquid futurum sit, id dicit fieri necesse esse; & quicquid non sit futurum, id negat fieri posse. tu, & quae non sint futura, posse fieri dicis; ut frangi hanc gemmam, etiam si id nunquam futurum sit: neque necesse fuisse Cypselum regnare Corinthi, quanquam id millesimo ante anno Apollinis oraculo editum esset. at si ista comprobabis diuina praedicta: & quae falsa in futuris dicuntur, in his habemus, ut ea fieri non possint: ut si dicatur Africanum

canum Carthagine potiturum, et si uere dicatur de futuro, idq; ita futurum sit, dicas esse necessarium. quæ est tota Diodori uobis inimica sententia, etenim si illud uere connectitur; si oriente canicula natus es, in mari non morieris; primumq; , quod in connexo, natus es oriente canicula, necessarium est; omnia enim uera in præteritis necessaria sunt, ut Chrysippo placet dissentienti à magistro Cleanthe, quia sunt immutabilia, nec in falsum è uero præterita possunt cõuerti: si igitur quod primum in connexo est, necessarium est, fit etiam quod consequitur necessarium. quanquam hoc Chrysippo nõ uidetur ualere in omnibus. sed tamen, si naturalis est causa cur in mari Fabius nõ moriatur, in mari Fabius mori non potest. hoc loco Chrysippus æstuans falli sperat Chaldaeos, ceterosq; diuinos, neque eos usuros esse cõiunctionibus, ut ita sua præcepta pronuncient, si quis natus est oriente canicula, is in mari non morietur, sed potius ita dicant, nõ & natus est quis oriente canicula, & is in mari morietur. ò licentiã iocularem: ne ipse incidat in Diodorũ, docet Chaldaeos, quo pacto eos exponere præcepta oporteat. quæro enim, si Chaldaei ita loquantur, ut negationes infinitarũ coniunctionũ potius, q̃ infinita cõnexa ponat: cur idẽ medici, cur geometræ, cur reliqui facere nõ possint? medicus in primis, quod erit ei perfectũ in arte, nõ ita proponet; si cui uenæ sic moventur, is habet febrẽ: sed potius illo modo; nõ & huic uenæ sic moventur, et febrẽ is nõ habet. itemq; geometres nõ ita dicet; si in sphaera maximi orbes sunt, medij inter se diuiduntur: sed potius illo modo; nõ et sunt in sphaera maximi orbes, et hi nõ medij inter se diuiduntur.

T

DE FATO

quid est, quod non possit isto modo ex cōnexo trāsferri ad coniunctionū negationē? & quidē alijs modis eadē res efferre possumus. modo dixi, si in sphaera maximi orbes sunt, medijs inter se diuidūtur: possum dicere, si in sphaera maximi orbes erūt: possum dicere, quia in sphaera maximi orbes erunt. multa genera sunt enunciandi, nec ullum distortius, quā hoc, quo Chrysippus sperat Chaldaeos contentos Stoicorum causa fore. illorū tamen nemo ita loquitur: maius est enim has contortiones orationis, quā signorū ortus obitusq; perdiscere. sed ad illam Diodori contentionem, quam περὶ δωατῶν appellant, reuertamur. in qua quid ualeat id, quod fieri possit, inquirat. placet igitur Diodoro id solum fieri posse, quod aut uerum sit, aut uerū futurum sit. quī locus attingit hāc quāstionem; nihil fieri, quod nō necesse fuerit; & quidquid fieri possit, id aut esse iam, aut futurū esse; nec magis cōmutari ex ueris in falsa ea posse, quā futura sunt, quā ea, quā facta sunt; sed in factis immutabilitatē apparere; in futuris quibusdam quia nō apparent, ne necesse quidem uideri: ut in eo, qui mortifero morbo urgeatur, uerū sit, hic morietur hoc morbo: at hoc idē si uere dicatur in eo, in quo uis morbi tanta non appareat, nihilo minus futurum sit. ita fit, ut commutatio ex uero in falsum ne in futuro quidem ulla fieri possit. nam, morietur Scipio, talem uim habet, ut, quanquā de futuro dicatur, tamen id non possit cōueri in falsum: de homine enim dicitur, cui necesse est mori. sic si diceretur, morietur noctu in cubiculo suo Scipio uī oppressus, uere diceretur: id. n. fore diceretur, quod esset futurū: futurū

autem fuisse, ex eo, quia factum est, intelligi debet: nec magis erat uerum, morietur Scipio, quam, morietur illo modo: nec minus necesse est mori Scipioni, quam illo modo mori: nec magis immutabile ex uero in falsum, necatus est Scipio, quam, necabitur Scipio: nec, cum hac ita sint, est causa, cur Epicurus fatum extimescat, et ab atomis petat praesidium, easque de uia deducat, et uno tempore suscipiat res duas inenodabiles; unam, ut sine causa fiat aliquid, ex quo existet, ut de nihilo quippiam fiat, quod nec ipsi, nec cuiquam physico placet; alteram, ut, cum duo individua per inanitatem ferantur, alterum è regione moueatur, alterum declinet: licet enim Epicuro, concedenti omne enunciatum aut uerum, aut falsum esse, non uereri, ne omnia fato fieri sit necesse: non enim æternis causis naturæ necessitate manantibus uerum est id, quod ita enunciat: descendit in Academiam Carneades: nec tamen sine causis: sed interest inter causas fortuito antegressas, et inter causas cohibentes in se efficientiā naturalem. ita et semper uerum fuit, morietur Epicurus, cum duo et septuaginta annos uixerit, Archonte Pitarato: neque tamen erant causæ fatales, cur ita accideret: sed quod ita cecidisset, certe casurum, sicut cecidit, fuit. nec ij, qui dicunt immutabilia esse, quæ futura sint, nec posse uerum futurum conuerſum in falsum, fati necessitatē cōfirmāt, sed uerborum uim interpretantur. at qui introducunt causarum seriem sempiternā, ij mentem hominis uolūtate libera spoliātā, necessitate fati deuinciunt. sed hæc hæctenus. alia uideamus. cōcludit enim Chrysippus hoc modo: si est motus sine causa, non omnis enunciatio, quod ἀγίαμα dialectici appellant, aut

T ij

DE FATO

uera, aut falsa erit : causas enim efficientes quod non
 habebit, id nec uerū, nec falsum erit : omnis autē enū-
 ciatio aut uera, aut falsa est : motus ergo sine causa
 nullus est. quod si ita est, omnia, quæ fiunt, causis fiunt
 antegressis : id si ita est, omnia fato fiūt : efficiūt igitur
 fato fieri quacūque fiat. hic primū si mihi libeat assen-
 tiri Epicuro, & negare omnem enūciationem aut uerā
 esse, aut falsam, eam plagam potius accipiam, quā fa-
 to omnia fieri cōprobem : illa enim sententia aliquid
 habet disputationis, hæc uero non est tolerabilis : itaq;
 cōtendit omnes neruos Chrysippus, ut persuadeat omne
 ætalon aut uerū esse, aut falsum. ut enim Epicurus ue-
 retur, ne, si hoc cōcesserit, cōcedendū sit, fato fieri quæ-
 cunque fiant ; si enim alterutrū ex æternitate uerum
 sit, esse id etiam certū ; & si certū, etiam necessarium ;
 ita & necessitatē, & fatū cōfirmari putat : sic Chry-
 sippus metuit, ne, si nō obtinuerit, omne, quod enūcie-
 tur, aut uerū esse, aut falsum, omnia fato fieri possint,
 & ex causis æternis rerum futurarū. sed Epicurus de-
 clinatione atomi uitari fati necessitatē putat. itaq; ter-
 tius quidam motus oritur extra pondus, & plagā, cū
 declinat atomus intervallo minimo. id appellat ἐλάχι-
 σον. quam declinationem sine causa fieri, si minus uer-
 bis, re cogitur confiteri : nō enim atomus ab atomo pul-
 sa declinat : nā qui potest pelli alia ab alia, si gravita-
 te ferūtur ad perpendiculū corpora indiuidua, rectis li-
 neis, ut Epicuro placet ? sequitur enim, ut, si alia ab alia
 nūquā depellatur, ne cōtingat quidem alia aliā. ex
 quo efficitur, ut iā si sit atomus, eaq; declinet, declinare
 sine causa. hāc rationem Epicurus induxit ob eā rem,

quoddam ueritus est, ne, si semper atomus grauitate ferretur naturali, ac necessaria, nihil liberum nobis esset; cum ita moueretur animus, ut atomorum motu cogeretur. id Democritus auctor atomorum accipere maluit, necessitate omnia fieri, quod a corporibus indiuiduis naturales motus auellere. acutius Carneades, qui docebat Epicureos suam causam sine hac commentitia declinatione defendere. nam cum doceret esse posse quendam animi motum uoluntarium, id fuit defendi melius, quam introducere declinationem, cuius praesertim causam reperire non possunt. quo defenso, facile Chrysippo possent resistere. cum enim concessissent motum nullum esse sine causa, non concederent, omnia, quae fierent, fieri causis antecedentibus: uoluntatis enim nostrae non esse causas externas, & antecedentes. communi igitur consuetudine sermonis abutimur, cum ita dicimus, uelle aliquid quempiam, aut nolle sine causa. ita enim dicimus sine causa, ut dicamus sine externa & antecedente causa, non sine aliqua. ut cum uas inane dicimus, non ita loquimur ut physici, quibus inane esse nihil placet; sed ita, ut, uerbi causa, sine aqua, sine uino, sine oleo uas esse dicamus: sic, cum sine causa animum moueri dicimus, sine antecedente & externa causa moueri, non omnino sine causa, dicimus. de ipsa atomo dici potest, cum per inane moueatur grauitate, et potere, sine causa moueri, quia nulla causa accedat extrinsecus. rursus autem, ne omnes a physici irrideamur, si dicamus quidquam fieri sine causa, distinguendum est, & ita dicendum, ipsius indiuidui hanc esse naturam, ut potere et grauitate moueatur, eamque ipsam esse causam cur ita feratur. similiter ad animorum

T iij

DE FATO

motus uoluntarios, nō est requirenda externa causa. motus enim uoluntarius eā naturam in se ipso cōtinet, ut sit in nostra potestate, nobisq; pareat: nec id sine causa: eius enim rei causa, ipsa natura est. quod cū ita sit, quid est, cur nō omnis pronūciatio aut uera, aut falsa sit? nisi cōcesserimus fato fieri quacūque fiat. quid futura, inquit, uera nō possunt esse ea, quæ causas, cur futura sint, non habet. habeāt igitur causas necesse est, ut ea, quæ uera sunt, ita cū euenerint, fato euenerint. cōfectum negotium, si quidem tibi concedendum est, aut fato omnia fieri, aut quidquā posse fieri sine causa. an aliter hæc enūciatio uera esse nō potest, capiet Numātiā Scipio, nisi ex æternitate causa causam serens hoc erit effectura? an hoc falsum potuisset esse, si esset sexcentis seculis ante dictū? et si tū nō esset uera hæc enūciatio, capiet Numātiā Scipio; ne illa quidem uera est hæc enūciatio, capiet Numātiā Scipio. potest igitur quidquam factum esse, quod non uerum fuerit futurū esse. nam ut præterita ea uera dicimus, quorū superioris tempore uera fuerint instantia: sic futura, quorum consequenti tempore uera erunt instantia, ea uera dicimus. nec si omne enūciatū aut uerum aut falsum est, sequitur ilico esse causas immutabiles, easq; æternas, quæ prohibeant quidquā secus cadere, atque casurū sit. fortuitæ sunt causæ, quæ efficiant, ut uere dicātur, quæ ita dicentur, ueniet Cato in senatū; non inclusæ in rerum natura, atque mūdo. Et tamen tā est immutabile uenturum, cū est uerum; quā uenisse; nec ob eam causam fatū, aut necessitas extimescenda est. etenim erit confiteri necesse, si hæc enūciatio, ueniet in Tusculanū

Hortensius, uerū non est : sequitur, ut falsum sit. quorum isti neutrum uolūt : quod fieri non potest. nec nos impedit illa ignaua ratio, quæ dicitur: appellatur enim quidā à philosophis ἀγὼς λόγος : cui si pareamus, nihil est omnino, quod agamus in uita. sic enim interrogāt: si fatum tibi est ex hoc morbo cōualescere; siue medicū adhibueris, siue non, conualesces. item, si fatum tibi est ex hoc morbo non conualescere; siue tu medicum adhibueris, siue non, non conualesces. et alterutrū fatū est: medicū ergo adhibere nihil attinet. recte genus hoc interrogationis ignauū, atque iners nominatum est, quod eadem ratione omnis ē uita tolletur actio. licet etiā imutare, ut fati nomen ne adiungas, & eandem tamē teneas sententiā, hoc modo. si ex aternitate uerum hoc fuit, ex isto morbo conualesces; siue adhibueris medicū, siue nō, cōualesces. itemq; , si ex aternitate hoc falsum fuit, ex isto morbo nō cōualesces; siue adhibueris medicū, siue nō adhibueris, nō conualesces : deinde cætera. hæc ratio à Chrysippo reprehēditur. quādā enim sunt, inquit, in rebus simplicia, quādā copulata. simplex est, morietur eo die Socrates. huic, siue quid fecerit, siue nō fecerit, finitus est moriendi dies. at si ita fatū sit, nascetur Oedipus Laio, nō poterit dici, siue fuerit Laus cum muliere, siue nō fuerit: copulata enim res est, & cōfatalis : sic enim appellat: quia ita fatū sit, & cōcubitarum cū uxore Laium, & ex ea Oedipum procreaturum. ut si esset dictū, luētabitur Olympijs Milo; et referret aliquis, ergo, siue habuerit aduersarium, siue nō habuerit, luētabitur : erraret : est enim copulātū, luētabitur, quia siue aduersario nulla luētatio est. omnes

D E F A T O

igitur istius generis captiones eodem modo refelluntur. siue tu adhibueris medicum, siue non adhibueris, conualesces: capriosum: tam enim est fatale medicum adhibere, quam conalescere. hac, ut dixi, confatalia ille appellat. Carneades hoc totum genus non probabat, et nimis inconsiderate concludi hanc rationem putabat: itaque premebat alio modo, nec ullam adhibebat caluniam: cuius erat hac conclusio. si omnia antecedentibus causis fiunt, omnia naturali colligatione conserte, contexteq; fiunt. quod si ita est, omnia necessitas efficit. id si uerum est, nihil est in nostra potestate. est autem aliquid in nostra potestate. ac si omnia fato fiunt, omnia causis antecedentibus fiunt. non igitur fato fiunt, quaecumque fiunt. hac arctius astringi ratio non potest. nam si quis uelit idem referre, atque ita dicere; si omne futurum ex aeternitate uerum est, ut ita certe eueniat, quemadmodum sit futurum, omnia necesse est colligatione naturali conserte, contexteq; fieri: nihil dicat: multum enim differt, utrum causa naturalis ex aeternitate futura uera efficiat, an etiam sine aeternitate naturali, futura quae sint, ea uera esse possint intelligi. itaq; dicebat Carneades, ne Apollinem quidem futura posse dicere, nisi ea, quorum causas natura ita contineret, ut ea fieri necesse esset. quid enim spectas deus ipse diceret, Marcellum eum, qui ter Consul fuit, in mari esse periturum? erat quidem hoc uerum ex aeternitate, sed causas id efficientes non habebat. ita ne praeterita quidem ea, quorum nulla signa tanquam uestigia extarent, Apollini nota esse censebat: quo minus futura: causis enim efficientibus quaque rem cognitis, posse denique sciri quid futurum esset: ergo nec de Oedipo potuisse Apolli-

sem pr
con ab
confma
ciferat
uicinas
futura
dicenda
scicere
fobus
re nisi
no ex
que id
morit
ut qu
effici
id fuit
inueni
Typo
etim
fuit
lud
» Vir
» Cas
licu
sa
mi
» Ne
» Ca
»

nem prædicere, nullis in rerū natura causis propositis, cur ab eo patrem interfici necesse esset: nec quidquam eiusmodi. quo circa si Stoicis, qui omnia fato fieri dicūt, cōsentaneū est huiusmodi oracula, ceteraq; , quæ ad diuinationem pertinent, cōprobare; ijs autem, qui, quæ futura sunt, ea uera esse ex æternitate dicūt, non idem dicendum est: uide, ne non eadem sit illorū causa, & Stoicorum: hi enim urgentur angustius, illorum ratio soluta, ac libera est. quodd si cōcedatur nihil posse euenire nisi causa antecedente: quid proficiatur, si ea causa nō ex æternis causis apta ducatur? causa autē ea est, quæ id efficit, cuius est causa, ut uulnus mortis, cruditas morbi, ignis ardoris. itaque nō sic causa intelligi debet, ut, quod cuiq; antecedit, id ei causa sit, sed quod cuiq; efficienter antecedit: nec, quodd in capū descenderim, id fuisse causæ, cur pila luderem: nec Hecubā causam interitus fuisse Troianis, quodd Alexandrū genuerit: nec Tyndareum Agamemnoni, quodd Clytemnestram: hoc enim modo uiator quoq; bene uestitus causa crassatori fuisse diceretur, cur ab eo spoliaretur. ex hoc genere illud est Ennii,

- » Utinam ne in nemore Pelio securibus
- » Cæsa cecidisset abiegnā ad terram trabes.
- licuit uel altius, utinā ne in Pelio nata ulla unquā esset arbor: etiā supra, utinā ne esset mōs ullus Pelius: siā militēq; superiora repetentem regredi infinite licet.
- » Ne ue inde nauis inchoandæ exordium
- » Cepisset.
- quorsum hæc præterita? quia sequitur illud,
- » Nam nunquā hera errans mea, domo efferret pedē

D E F A T O

Medea animo agro, amore sæuo saucia,
non ut ea res causam afferrent amoris. interesse autē
aiunt, utrum eiusmodi quid sit, sine quo aliquid effici
nō possit; aut eiusmodi, cum quo aliquid effici necesse
sit. nulla igitur earum causa est, quoniā nullā rem sua
ui efficit, cuius dicitur causa: nec id, sine quo quippiā
nō fit, causa est; sed id, quod cum accessit, id, cuius cau-
sa est, efficit necessario: nō dum enim ulcerato serpētis
morsu Philocteta, quæ causa in rerum natura cōtineba-
tur, fore, ut is in insula Lēno linqueretur? post autem
causa fuit propior, & cum exitu iunctior. ratio igitur
euentus aperit causam: sed ex æternitate uera fuit hæc
enunciatio, relinquetur in insula Lemno Philoctetes:
nec hoc ex uero in falsum poterat cōverti: necesse est
enim in rebus cōtrarijs duabus (cōtraria autem hoc lo-
co ea dico, quorū alterū ait quid, alterum negat) ex his
igitur necesse est inuito Epicuro alterum uerū esse, alte-
rum falsum: ut, sauciabitur Philoctetes, omnibus ante
seculis uerum fuit; nō sauciabitur, falsum. nisi forte
uolumus Epicureorū opinionem sequi, qui tales enūcia-
tiones nec ueras, nec falsas esse dicunt: aut, cū id pudet,
illud tamen dicunt, quod est impudentius, ueras esse ex
cōtrarijs disiunctiones; sed quæ in his enunciata essent,
eorum neutrum esse uerum. d. admirabilem licentiam,
& miserabilem inscitiam differendi. si enim aliquid in
eloquendo nec uerum, nec falsum est, certe id uerum
non est. quod autem uerū non est, qui potest non fal-
sum esse? aut quod falsum non est, qui potest non ue-
rū esse? tenebitur id, quod à Chrysippo defenditur. om-
nem enūciationē aut uerā, aut falsam esse, ratio ipsa

coget, & ex aeternitate quædam uera esse, et ea nō esse nexa causis æternis, & à fati necessitate esse libera. ac mihi quidem uidetur, cū duæ sententiæ fuissent ueterū philosophorum, una eorū, qui censerent omnia ita fato fieri, ut id fatū uim necessitatis afferret, in qua sententia Democritus, Heraclitus, Empedocles, Aristoteles fuit; altera eorū, quibus uideretur sine ullo fato esse animorū motus uoluntarij; Chrysippus tanq̃ arbiter honorarius mediū se ferre uoluisse; sed applicat se ad eos potius, qui necessitate motus animos liberatos uolūt. dū autē uerbis utitur suis, delabitur in eas difficultates, ut necessitatem fati confirmet inuitus. atque hoc, si placet, quale sit uideamus, in assensionibus, quas prima oratione tractauī: eas enim ueteres illi, quibus omnia fato fieri uidebantur, uī effici & necessitate dicebant: qui autē ab his dissentiebāt, fato assensiones liberabāt, negabantq̃; , fato assensionibus adhibito, necessitatē ab his posse remoueri, uīq̃ ita differebāt. si omnia fato fiūt, omnia fiūt antecedēte causa: & si appetitus, illa etiā quæ appetitū sequuntur, ergo etiā assensiones. at si causa appetitus nō est sita in nobis, ne ipse quidē appetitus est in nostra potestate. quod si ita est, ne illa quidē, quæ appetitū efficiūtur, sita in nobis sunt: nō sunt igitur neque assensiones, neq̃ actiones in nostra potestate: ex quo efficitur, ut neque laudationes iustæ sint, nec uituperationes; nec honores, nec supplicia. quod cū uitiosum sit, probabiliter cōcludi putat, nō omnia fato fieri, quacūq̃ fiat. Chrysippus autē cū et necessitatē improbare, et nihil uellet sine prapositionis causis euenire, causarū genera distinguit, ut & necessitatē effugiat, & retineat

D E F A T O

fatū. causarū enim, inquit, aliæ sunt perfectæ, & principales, aliæ adiuuantes, & proximæ. quamobrem cū dicimus omnia fato fieri causis antecedentibus, nō hoc intelligi uolumus, causis perfectis & principalibus, sed causis antecedētibz adiuuātibz, & proximis: itaque illi rationi, quā paulo ante cōclusi, sic occurrit; si omnia fato fiāt, sequi illud quidē, ut omnia causis fiāt antepositis, uerū nō principalibus causis, & perfectis, sed adiuuātibz, et proximis. quæ si ipsæ non sint in nostra potestate, nō sequitur, ut ne appetitus quidē sit in nostra potestate: at hoc sequeretur, si omnia perfectis et principalibus causis fieri diceremus, ut cū hæ causæ nō essent in nostra potestate, ne ille quidem esset in nostra potestate. quāobrem qui ita fatū introducūt, ut necessitatē adiungāt, in eos ualebit illa cōclusio: qui autē causas antecedētes nō dicēt perfectas, neque principales, in eos nihil ualebit: quod enim dicatur assensiones fieri causis antepositis, id quale sit, facile à se explicari putāt. nā quanq̃ assensio nō possit fieri nisi cōmota uiso: tamē cū id uisum proximā causam habeat, nō principalem, hāc habet rationē, ut Chrysippus uult, quā dudū diximus, nō ut illa quidem fieri possit nulla uī extrinsecus excitata, (neesse est enim assensionē uiso cōmoueri) sed reueritur ad Cylindrū, & turbinem suū, quæ moueri incipere, nisi pulsa, nō possunt: id autē cū accidit, suapte natura, quod superest, & Cylindrū uolui, & uersari turbinē putat. ut igitur, inquit, qui protrusit Cylindrū, dedit ei principiū motionis, uolubilitatē autē nō dedit: sic uisum obiectū imprimet illud quidē, & quasi signabit in animo suā speciem, sed assensio nostra erit in

potestate, eaq; , quæadmodum in Cylyndro dictum est, ex
trinsecus pulsa, quod reliquum est, suapte uis, & natura
mouebitur. quod si aliqua res efficeretur sine causa an
tecedente, falsum esset omnia fato fieri. sin omnibus,
quæcunque fiunt, uerisimile est causam antecedere: quid
afferri poterit, cur non omnia fato fieri fatendum sit? modo
intelligatur quæ sit causarum distinctio, ac dissimilitudo.
hæc cum ita sint à Chrysippo explicata; si illi, qui negant
assensiones fato fieri, fateantur tamen eas non sine uiso
antecedente fieri, alia ratio est: sed si concedunt anteire
uisa, nec tamen fato fieri assensiones, quod proxima illa,
& continens causa non moueat assensionem; uide, ne idem
dicant: neque enim Chrysippus concedens assensionis pro
ximam & continentem causam esse in uiso positam, neque
eam causam ad assentiendum necessariam esse, concedet, ut, si
omnia fato fiunt, omnia fiat causis antecedentibus, et ne
cessariis: itemque illi, qui ab hoc dissentiunt, contentes non
fieri assensiones sine præcursione uisorum, dicunt, si omnia
fato fierent eiusmodi, ut nihil fieret nisi progressionem cau
sæ, contentum esse fato fieri omnia. ex quo facile intellex
tu est, cum utriusque patefacta, atque explicata sententia sua,
ad eundem exitum ueniant, uerbis eos, non re dissidere. omni
umque cum hæc sit distinctio, ut quibusdam in rebus uere dici
possit, cum hæc causæ antegressæ sint, non esse in nostra po
testate, quin illa eueniant, quorum causæ fuerint; quibusdam
autem in rebus, causis antegressis, in nostra tamen esse po
testate, ut illud aliter eueniat: hæc distinctionem utriusque ap
probant: sed alteri censeant, quibus in rebus cum causæ ante
cesserint ita, ut non sit in nostra potestate, ut aliter illa
eueniant, illas fato fieri; quæ autem in nostra potestate

DE FATO

sint, ab his fatū abesse. hoc modo hāc causam discepta-
ri oportet, nō ab atomis errātibus, et de uia declinatibus
præsidiū petere. declinat, inquit, atomus. primū cur?
aliā enim quādā uim motus habebūt à Democrito im-
pulsionis, quā plagā ille appellat; à te Epicure grauita-
tis et pōderis. quæ ergo noua causa in natura est, quæ
declinet atomū? aut nūc sortiūtur inter se, quæ declinet,
quæ nō? aut cur minimo declinet intervallo, maiore
nō? aut cur declinet uno minimo, nō declinet duobus,
aut tribus? optare hoc quidē est, nō disputare. nā neq;
extrinsecus impulsam atomū loco moueri, & declinare
dici: neque in illo inani, per quod feratur atomus,
quidquā fuisse causæ, cur ea nō è regione ferretur: nec
in ipsa atomo mutationis aliquid factū est, quāobrem na-
turalē suū pōderis motū nō teneret. ita cū attulisset nul-
lā causam, quæ istā declinationem efficeret; tamē ali-
quid sibi dicere uidetur; cū id dicat, quod omnium men-
tes aspernentur, ac respuant. nec uero quisquā magis
confirmare mihi uidetur non modo fatū, uerum etiam
necessitatem, & uim omnium rerū, sustulisseq; motus
animi uolūtarios, q̄ hic, qui aliter obsistere fato fatetur
se nō potuisse, nisi ad has cōmentitias declinationes cō-
fugisset. nā, ut essent atomi, quas quidē esse mihi proba-
ri nullo modo potest: tamē declinationes istæ nunq̄ ex-
plicarētur. nā si atomis, ut grauitate ferantur, tributū
est necessitate natura, quod omne pōdus nullā re impe-
diente moueatur & feratur necesse est: illud quoque
necesse est, declinare quibusdam atomis, uel, si uolūt, o-
mnibus naturaliter.

Multa defunt.

M. T. CICERONIS DE LEGIBVS
LIBER PRIMVS.

A T T I C V S.

Vcus quidem ille, & hæc Arpi
natū quercus agnoscitur, sæpe
à me lectus in Mario. si manet
illa quercus, hæc est profecto:
etenim est sanè uetus. QVIN
T V S. Manet uero Attice no
ster, & semper manebit: sata

est. n. ingenio: nullius autem agricolæ cultu stirps tam
diuturna, quàm poetæ uersu seminari potest. Att. Quo
tandem modo Quinte? aut quale est istuc, quod poetæ
serūt? mihi enim uideris fratrem laudādo suffragari
tibi. Q. Sit ita sanè. uerūtamen, dū latina loquentur
literæ, quercus huic loco non deerit, quæ Mariana dica
tur, eaq; ut ait Scauola, de fratris mei Mario Cane
scet seclis innumerabilibus. nisi forte Athenæ tuæ semp
ternā in arce oleā tenere potuerūt: aut, quod Homeri
cus Vlyxes Deli se procerā & teneram palmā uidisse
dixit, hodie monstrat eādem: multaq; alia multis locis
diutius cōmemoratione manent, quàm natura stare po
tuerunt. quare glandifera illa quercus, ex qua olim
euolauit

» Nuncia fulua Iouis, miranda uisa figura,
nunc sit hæc: sed cum eā tempestas uetustas'ue cōsum
pserit, tamen erit his in locis, quam Marianā quercum
uocent. Att. Nō dubito id quidem: sed hoc iam nō ex

DE LEGIBVS

te Quinte quero, uerū ex ipso poeta, tui ne uersus hāc quercū seuerint, an ita factum de Mario, ut scribis, acceperit. M A R C V S. Respondebo tibi equidē, sed nō ante, quā tu ipse mihi responderis Attice, certe nō longe à tuis adibus inambulans post excessum suū Romulus Proculo Iulio dixerit, se deū esse, & Quirinum uocari, templumq; sibi dedicari in eo loco iusserit; & Athenis nō longe item à tua illa antiqua domo Orythiā Aquilo sustulerit: sic enim est traditū. Att. Quorsum tādē, aut cur ista quæris? M. Nihil sanē, nisi ne nimis diligenter inquiras in ea, quæ isto modo memoriae sint prodita. Att. Atquī multa quæritur in Mario facta ne, an uera sint, & à nō nullis, quidd & in recenti memoria, & in Arpinati homine: sed ueritas à te postulatur. M. Et mehercule ego me cupio nō mendacem putari: sed tamen isti Tite faciunt imperite, qui in isto opusculo nō ut à poeta, sed ut à teste ueritatē exigāt: nec dubito, quin iidem, & cum Egeria collocutum Numam, & ab aquila Tarquinio apicem impositum putent. Q. Intelligo te frater alias in historia leges obseruandas putare, alias in poemate. M. Quippe cum in illa ad ueritatem Quinte referantur, in hac ad delectationem pleraque. quanquam & apud Herodotū patrem historiae, & apud Theopompum sunt innumerabiles fabulæ. Att. Teneo quam optabam occasionem, neque omittam. M. Quam tandem Tite? Att. Postulatur à te iandiu, uel flagitatur potius historia. sic enim putant, te illā tractante effici posse, ut in hoc etiam genere Græciæ nihil cedamus. atq; ut audias quid ego ipse sentiam, nō solū mihi uideris eorum studiis, qui tuis li-

eris

teris delectantur, sed etiam patriæ debere hoc munus, ut ea, quæ salua per te est, per te eundem sit ornata: abest enim historia literis nostris, ut & ipse intelligo, & ex te persæpe audio: potes autem tu profecto satisfacere in ea, quippe cum sit opus, ut tibi quidem uideri solet, unum hoc oratorium maxime. quamobrem aggredere quæsumus, & sume ad hanc rem tempus, quæ est à nostris hominibus adhuc aut ignorata, aut relictæ. nam post annales Põtificum maximorum, quibus nihil potest esse incundius; si aut ad Fabium, aut ad eum, qui tibi semper in ore est, Catonem, aut ad Pisonem, aut ad Fannium, aut ad Vennonium uenias; quanquã ex his alius alio plus habet uirium, tamen quid tam exile, quàm isti omnes? Fannij autem ætate cõiunctus Antipater paulo inflauit uehementius, habuitq; uires agrestes ille quidam, atque horridas, sine nitore, ac palæstra, sed tamen admonere reliquos potuit, ut accuratius scriberent. ecce autem succedere huic bello Clodius, Asilo, nihil ad Celium, sed potius ad antiquorum languorem, atque inscitiam. nam quid Accium memorem? cuius loquacitas habet aliquid argutarum, nec id tamẽ ex illa erudita Græcorum copia, sed ex librariolis latinis: in orationibus autem multus & ineptus, ad summam impudentiam. Sisenna eius amicus omnes adhuc nostros scriptores, nisi qui forte non dum ediderunt, de quibus existimare non possumus, facile superauit. is tamen neque orator in numero uestro unquã est habitus, & in historia puerile quiddam consecratur: ut unum Clitarchum, neque præterea quenquam, de Græcis legisse uideatur, eum tamẽ uelle duntaxat imitari: quem si

D E L E G I B V S

assequi posset, aliquantū ab optimo tamen abesset. qua
re tuū est munus : hoc à te expectatur : nisi quid Quin
to uideretur secus. Q. Mihi uero nihil : & saepe de isto
collocuti sumus : sed est quædam inter nos parua dissen
sio. Att. Quæ tandem ? Q. A' quibus temporibus scri
bendi capiat exordium : ego enim ab ultimis censeo,
quoniā illa sic scripta sunt, ut ne legantur quidem : ipse
autem æqualem ætatis suæ memoriā deponit, ut ea cō
plectatur, quibus ipse interfuit. Att. Ego uero huic po
tius assentior : sunt enim maximæ res in hac memoria,
atque ætate nostra : tum autē hominis amicissimi Cn.
Pompeij laudes illustrabit : incurret etiam in illum me
morabilem annū suum : quem ab isto malo prædicari,
quā, ut aiunt, de Remo, & Romulo. M. Intelligo
equidem à me istum laborem iandiu postulari Attice :
quem non recusarem, si mihi ullum tribueretur uacūū
tempus & liberū : neque enim occupata opera, neque
impedito animo, res tanta suscipi potest : utrūque opus
est, & cura uacare, & negotio. Att. Quid ? ad cæ
tera, quæ scripsisti plura, quā quisquam è nostris,
quod tibi tandem tempus uacuum fuit concessum ?
M. Subsiciua quædam tempora incurrunt : quæ ego
perire non patior : ut si quī dies ad rusticandum dati
sint, ad eorum numerum accommodentur, quæ scri
bimus. historia uero nec institui potest, nisi præpara
to otio ; nec exiguo tempore absolui : & ego animi
pendere soleo, cum semel quid orsus traducor aliud :
neque tam facile interrupta contexo, quā absoluo in
stituta. Att. Legationem aliquam nimirum oratio ista
postulat, aut eiusmodi quāpiam cessationem liberam,

atque otiosam. M. Ego uero ætatis potius uacatio-
ni confidebam, cum præsertim non recusarem, quo mi-
nus more patrio sedens in solio consulentibus responde-
rem, senectutisq; nõ inertis grato atque honesto funge-
rer munere: sic enim mihi liceret & isti rei, quam desi-
deras, et multis uberioribus atq; maioribus operæ, quã-
tum uellem, dare. Att. Atqui uereor, ne istam causam
nemo noscat: tibiq; semper dicendum sit, & eo magis,
quod te ipse mutasti, & aliud dicendi genus instituis-
ti: ut quemadmodum Roscius familiaris tuus in senectute
numeros in cantu ceciderat, ipsasq; tardiores fecerat
tibias, sic tu à contentionibus, quibus summis uti sole-
bas, quotidie relaxes aliquid, ut iam oratio tua non
multum à philosophorum lenitate absit. quod sustine-
re cum uel summa senectus posse uideatur, nullam ti-
bi à causis uacationem uideo dari. Q. At mehercule
ego arbitrabar posse id populo nostro probari, si te ad
ius respondendum dedisses. quamobrem, cum placebit,
tibi experiendum censeo. M. Id, si quidem Quinte
nullum esset in experiendo periculum: sed uereor, ne,
dum minuere uelim laborem, augeam, atque ad illam
causarum operam, ad quam ego nunquam nisi pa-
ratus, & meditatus accedo, adiungatur hæc iuris in-
terpretatio, quæ non tam mihi molesta sit propter la-
borem, quàm quoddam dicendi cogitationem auferat, si-
ne qua ad nullã maiorem unquam causam sum ausus
accedere. Att. Quin igitur ista ipsa explicas nobis his
subsiciuis, ut ais, temporibus, & conscribis de iure ciui-
li subtilius, quàm ceteri. nam à primo tempore ætatis
iuri studere te memini, cum ipse etiam ad Scauolam

DE LEGIBVS

uentitarem: neque unquā mihi uisus es ita te ad dicen-
dum dedisse, ut ius ciuile contemneres. M. In longum
sermonem me uocas Attice: quem tamen, nisi Quin-
tus aliud quid nos agere mauult, suscipiam: et, quoniā
uacui sumus, dicam. Q. Ego uero libenter audierim:
quid enim agam potius? aut in quo melius hunc cōsu-
mam diem? M. Quin igitur ad illa spatia nostra, se-
desq; pergimus? ubi, cum satis erit deambulatum, re-
quiescemus: nec profecto nobis delectatio deerit, aliud
ex alio quærentibus. Att. Nos uero, & hac quidē, adi-
re si placet per ripam et umbram. sed iam ordire expli-
care quæso, de iure ciuili quid sentias. M. Ego memini
summos fuisse in ciuitate nostra uiros, qui id interpreta-
ri populo, & respositare soliti sint; sed eos magna pro-
fessos, in paruis esse uersatos. quid enim est tātum, quan-
tum ius ciuitatis? quid autem tam exiguum, quā est
munus hoc eorum, qui consuluntur? quā est popu-
lo necessarium? nec uero eos, qui ei muneri præfue-
runt, uniuersi iuris expertes fuisse existimo, sed hoc, ci-
uile quod uocant, eatenus exercuerunt, quoad populo
prestare uoluerunt. id autem incognitum est, minusq;
in usu necessariū. quāobrem quid me uocas? aut quid
hortaris, ut libellos conficiam de stillicidiorum, ac de pa-
rietum iure? aut ut stipulationum, & iudiciorū for-
mulas componam? quæ & conscripta sunt à multis di-
ligenter, & sunt humiliora, quā illa, quæ à uobis
expectari puto. Att. Atqui, si quæres ego quid expe-
ctem; quoniam scriptum est à te de optimo Reip. sta-
tu, consequens esse uidetur, ut scribas tu idem de le-
gibus: sic enim fecisse uideo Platonem illum tuū, quem

tu admiraris, quem omnibus anteponis, quem maxime diligis. M. Vis ne igitur, ut ille Crete cum Clinia, & cum Lacedæmonio Megillo, æstiuo, quemadmodum describit, die, in cupressetis Gnosiorum, & spatijs siluestribus, crebro insistens, interdum acquiescens, de iustis rerum publicarum, ac de optimis legibus disputat; sic nos inter has procerissimas populos, in uiridi opacâq; ripa inambulantes, tum autem residentes, queramus iisdem de rebus aliquid uberius, quàm forensis usus desiderat? Att. Ego uero ista audire cupio. M. Quid ait Quintus? Q. Nulla de re magis. M. Et recte quidem: nam sic habetote, nullo in genere disputandi magis honesta patefieri, quid sit homini natura tributum, quantam uim rerum optimarum mens humana contineat, cuius muneris colendi, efficiendiq; causa nati, & in lucem editi sumus, quæ sit coniunctio hominum, quæ naturalis societas inter ipsos: his enim explicatis, fons legum, & iuris inueniri potest. Att. Non ergo à prætoris edicto, ut plerique nunc, neque à XII tabulis, ut superiores, sed penitus ex intima philosophia hauriendam iuris disciplinam putas. M. Non enim id querimus hoc sermone Pomponi, quæadmodum caueamus in iure, aut quid de quaque cõsultatione respondæmus. sit ista res magna, sicut est: quæ quondã à multis claris uiris, nunc ab uno summa auctoritate, & scientia sustinetur. sed noris ista. complectenda in hac disputatione tota causa uniuersi iuris est, ac legum, ut hoc, ciuile quod dicimus, in paruum quendam, et angustum locum concludatur naturæ: natura enim iuris nobis explicanda est, eaq; ab hominis repetenda natura:

DE LEGIBVS

considerande leges, quibus ciuitates regi debeant: tum
hac tractanda, quæ composita sunt, & descripta, ius=
ra, & iussa populorum, in quibus ne nostri quidem po=
puli latebunt, quæ uocantur iura ciuilia. Q. Alie ue=
ro, & ut oportet, à capite frater repetis quod quari=
mus: & qui aliter ius ciuile tradunt, non tam iustitiæ,
quàm litigandi tradunt uias. M. Non est ita Quinte:
ac potius ignoratio iuris litigiosa est, quàm scientia. sed
hac posterius. nunc iuris principia uideamus. Igitur do=
ctissimis uiris proficisci placuit à lege: haud scio an re=
cte, si modo, ut idem definiūt, lex est ratio summa in si=
ta in natura, quæ iubet ea, quæ facienda sunt, probi=
betq; contraria. eadem ratio cum est in hominis mente
cōfirmata, & confecta, lex est. itaque arbitrantur pru=
dentiam esse legem, cuius ea uis sit, ut recte facere iu=
beat, uetet delinquere: eamq; rem illi græco putant no=
mine à suum cuique tribuendo appellatam, ego nostro à
legendo: nam ut illi æquitatis, sic nos delectus uim in
lege ponimus; & proprium tamen utrunque legis est.
quod si ita recte dicitur, ut mihi quidem plerunque ui=
deri solet: à lege ducendum est iuris exordium: ea est
enim naturæ uis, ea mēs ratioq; prudētis, ea iuris atque
iniuriæ regula. sed quoniam in populari ratione omnis
nostra uersatur oratio, populariter interdum loqui ne=
cesse erit, & appellare eam legem, quæ scripto sancit
quod uult, aut iubendo, aut uetando, ut uulgus ap=
pellat. constituendi uero iuris ab illa summa lege capia=
mus exordium, quæ seculis cōpluribus ante nata est,
quàm scripta lex ulla, aut quàm omnino ciuitas consti=
tuta. Q. Commodius uero, & ad rationem instituti

sermonis sapientius. M. Vis ne ergo, ipsius iuris ortum à fonte repetamus? quo inuento, non erit dubiū, quod sint hæc referenda, quæ quærimus. Q. Ego uero ita faciendum esse censeo. Att. Me quoque adscribito fratris sententiæ. M. Quoniam igitur eius Reip. quam optimam esse docuit in illis sex libris Scipio, tenendus est nobis, & seruandus status, omnesq; leges accommo-
dandæ ad illud ciuitatis genus, ferendi etiam mores, nec scriptis omnia sancienda: repetam stirpem iuris à natura; qua duce est nobis omnis disputatio explicanda. Att. Rectissime: & quidem ista duce errari nullo pacto potest. M. Das ne igitur hoc nobis Pomponi, (nā Quinti noui sententiam) deorum immortalium natura, ratione, potestate, mente, numine, siue quod est aliud uerbū, quo planius significem quod uolo, naturā omnē regi? nam si hoc non probas, à deo nobis causa ordien-
da est potissimum. Att. Do sanè, si postulas: etenim propter hunc concentum auium, strepitumq; fluminum, non uereor, condiscipulorum ne quis exaudiat. M. Atqui cauendum est: solent enim, id quod uirorum bonorum est, admodum irasci: nec uero ferent, si audierint te primum caput libri optimi prodidisse: in quo scripsit nihil curare deū nec sui, nec alieni. Att. Perge quæso: nā id, quod tibi concessi, quorsum pertineat expecto. M. Non faciam longius: huc enim pertinet: Animal hoc prouidum, sagax, multiplex, acutū, memor, plenū rationis, & consilij, quem uocamus hominem, præclara quadā conditione generatū esse à supremo deo: solum est enim ex tot animantium generibus, atque naturis particeps rationis et cogitationis.

DE LEGIBVS

nis, cum cætera sint omnia expertia. quid est autem nō dicam in homine, sed in omni cœlo, atque terra, ratione diuinius? quæ cum adoleuit, atque perfecta est, nominatur rite sapientia. est igitur, quoniam nihil est ratione melius, eaq; & in homine & in deo, prima homini cum deo rationis societas. inter quos autem ratio, inter eosdem etiam recta ratio cōmunis est. quæ cum sit lex, lege quoque consociati homines cū dijs putandi sumus. inter quos porro est communio legis, inter eos communio iuris est. quibus autem hæc sunt inter eos communia, & ciuitatis eiusdem habendi sunt. si uero iisdē imperijs & potestatibus parent, multo etiam magis parent huic cœlesti descriptioni, menti q; diuinæ, & præpotenti deo: unde etiam uniuersus hic mundus una ciuitas cōmunis deorum atque hominū existimanda: et quod in ciuitatibus ratione quadam, de qua dicetur idoneo loco, agnationibus familiarum distinguuntur status, id in rerum natura tanto est magnificentius, tantoq; præclarius, ut homines deorum agnatione & gente teneantur. nam cum de natura omni quæritur, disputari solēt nimirum ista; perpetuis cursibus, conuersionibus cœlestibus extitisse quandam materiam ferendi generis humani, quod sparsum in terras, atque satum, diuino auctū sit animorum munere. nam quod aliquibus coherent homines, è mortali genere sumpserunt quæ fragilia essent & caduca: animū esse ingeneratū à deo; ex quo uere uel agnatio nobis cum cœlestibus, uel genus, uel stirps appellari potest: itaque ex tot generibus nullū est animal præter hominē, quod habeat notitiā aliquā dei: de ipsis quidem hominibus nulla gens est neque tam

immanis uera, neque tam fera, quæ non, etiam si ignores
qualem habere deum deceat, tamen habendum sciat. ex
quo efficitur illud, ut is agnoscat deum, qui, unde ortus
sit, quasi recorderetur ac noscat. iam uero uirtus eadem
in homine ac deo est, neque ullo alio ingenio præterea.
est autem uirtus nihil aliud, quam in se perfecta, & ad
summum perducta natura. est igitur homini cum deo
similitudo. quod cum ita sit, quæ tandem potest esse
propior certior uel cognatio? itaque ad hominum como-
ditates, & usus tantam rerum ueritatem natura largi-
ta est, ut ea, quæ gignuntur, donata consulo nobis, non
fortuito nata uideantur; nec solum ea, quæ frugibus
atque bacis terræ fœtu profunduntur; sed etiam pecu-
des, quod perspicuum sit, partim esse ad usum homi-
num, partim ad fructum, partim ad uescendum pro-
creatas. artes uero innumerabiles repertæ sunt docente
natura. quam imitata ratio, res ad uitam necessarias so-
lenter consecuta est. ipsum autem hominem eadem na-
tura non solum celeritate mentis ornavit, sed etiam sen-
sus tanquam satellites attribuit ac nuncios; & rerum
plurimarum obscuras & necessarias intelligentias enu-
dauit, quasi fundamenta quædam scientiæ; figuramquæ
corporis habilem, et aptam ingenio humano dedit: nam
cum ceteras animantes abiecisset ad pastum, solum ho-
minem erexit, ad cæliquæ quasi cognationis domiciliuquæ
prislini conspectum excitauit: tum speciem ita forma-
uit oris, ut in ea penitus reconditos mores effingeret. nam
et oculi nimis arguti, quemadmodum animo affecti si-
mus, loquuntur: & is, qui appellatur uultus, qui nullo
in animæ esse præter hominem potest, indicat mores:

DE LEGIBVS

cuius uim Græci norunt, nomen omnino nō habent. o-
mitto opportunitates, habilitatesq; reliqui corporis, mo-
derationem uocis, orationis uim, quæ conciliatrix est hu-
manæ maxime societatis. neque enim omnia sunt huius
disputationis, ac temporis: & hūc locū satis, ut mihi ui-
detur, in ijs libris, quos legistis, expressit Scipio. nūc, quo-
nam hominem, quod principium reliquarum rerū esse
uoluit, generauit & ornauit deus, perficiū sit illud,
ne omnia differantur, ipsam per se naturā longius pro-
gredi; quæ etiam nullo docente profecta ab ijs, quorū
ex prima & inchoata intelligentia genera cognouit, cō-
firmat ipsa per se rationem & perficit. Atr. Dij im-
mortales, q̄ tu longe iuris principia repetis, atque ita,
ut ego non modo ad illa nō properem, quæ expectabā
à te de iure civili, sed facile patiar te hūc diem uel to-
tum in isto sermone cōsumere: sunt enim hæc maiora,
quæ aliorum causa fortasse complecteris, quàm ipsa il-
la, quorum hæc causa preparantur. M. Sunt hæc quis-
dem magna, quæ nūc breuiter attingūtur: sed omnīū,
quæ in hominum doctorū disputatione uersantur, ni-
hil est profecto præstabilius, quàm planè intelligi nos
ad iustitiā esse natos, neque opinione, sed natura cōsti-
tutum esse ius. id iam patebit, si hominū inter ipsos
societatem, coniunctionemq; perspexeris. nihil est enim
unum uni tam simile, tam par, quàm omnes inter nos
met ipsos sumus. quod si deprauatio consuetudinum, si
opinionum uanitas nō imbecillitatem animorū torque-
ret, & flecteret quocūque cœpisset: sui nemo ipse tā si-
milis esset, q̄ omnes sunt omnīū. itaq; quæcūq; est homi-
nis diffinitio, una in omnes ualet. quod argumētū satis

est, nullam dissimilitudinem esse in genere. quæ si esset, non una omnes diffinitio contineret. etenim ratio, quæ una præstamus beluis, per quam coniectura ualemus, argumētamur, refellimus, differimus, cōficimus aliquid, concludimus, certe est communis, doctrina differens, discendi quidem facultate par. nam & sensibus eadē omnia comprehenduntur: & ea, quæ mouent sensus, itēdem mouent omnium: quæq; in animis imprimuntur, de quibus ante dixi, inchoata intelligentiæ, similiter in omnibus imprimuntur: interpretq; est mentis oratio, uerbis discrepans, sententijs congruens. nec est quisquam gentis ullius, qui ducem naturam nactus ad uirtutem peruenire non possit. nec solum in reclijs, sed etiam in prauis aclijs insignis est humani generis similitudo. nā & uoluptate capiuntur omnes: quæ etsi est illecebra turpitudinis, tamen habet quiddā naturalis boni: lenitatis est enim, & suauitatis: id enim, ut suauitate delectans, sic ab errore mentis tanquam salutare aliquid asciscitur. similiq; inscitia mors fugitur, quasi dissolutio naturæ: uita expetitur, quia nos in quo nati sumus continet: dolor in maximis malis ducitur, cū sua asperitate, tū quoddā naturæ interitus uidetur sequi. propter quam honestatis, & gloriæ similitudinem beati, qui honorati sunt, uidentur; miseri autem, qui inglorij. molestiæ, lætitiæ, cupiditates, timores similiter omnium mentes peruagantur: nec, si opiniones aliæ sunt apud alios, iccirco, qui canem & felem ut deos colunt, non eadem superstitione, quæ ceteræ gentes, consiliantur. quæ autem natio non comitatem, non benignitatē, non gratum animum, & beneficij memorem diligit? quæ

DE LEGIBVS

superbos, quæ maleficos, quæ crudeles, quæ ingratos non
aspernatur, non odit? quibus ex rebus cū omne genus
hominum sociatum inter se esse intelligatur, illud extre-
mum est, quodd recte uiuendi ratio meliores efficit. quæ
si approbatis, pergam ad reliqua: sin quid requiritis, id
explicemus prius. Att. Nos uero nihil; ut pro utroque
respondeam. M. Sequitur igitur, ad participandum
alium alio, cōmunicandumq; inter omnes, iustos natura
esse factos: (atque hoc in omni disputatione sic intelligi
uolo, quod dicam naturam esse) tantam autem esse cor-
ruptelam malæ consuetudinis, ut ab ea tanquā igniculi
extinguantur à natura dati, exorianturq; et confirmē-
tur uitia contraria. quodd si, quo modo est natura, sic
iudicio homines humani, ut ait poeta, nihil à se alienū
putarent, coleretur ius æque ab omnibus: quibus enim
ratio natura data est, iisdem etiā recta ratio data est:
ergo & lex, quæ est recta ratio in iubendo, & uetan-
do: si lex, ius quoque, at omnibus ratio: ius igitur da-
tum est omnibus: recteq; Socrates execrari eū solebat,
qui primus utilitatē à natura seiunxisset: id enim que-
rebatur caput esse exitiorum omnium: unde enim illa
Pythagorea uox, τὰ τῶν φίλων κοινὰ, καὶ φίλων ἰσότη-
τα. ex quo perspicitur, cum hanc beneuolentiam tam
late longeq; diffusam uir sapiens in aliquem pari uirtu-
te præditum contulerit, tum illud effici, quod quibusdā
incredibile uideatur, sit autem necessarium, ut nihilo
se se plus, quā alterum diligat. quid enim est, quod
afferat, cum sint cuncta paria? quodd si interesse quip-
piam tantulum modo potuerit, iam amicitiae nomen oc-
ciderit: cuius est ea uis, ut, simul atque sibi aliquid, q̄

alteri maluerit, nulla sit. quæ præmuniuntur omnia reliquo sermoni, disputationiq; nostræ, quo facilius, ius in natura esse positum, intelligi possit. de quo cum per pauca dixerō, tum ad ius civile ueniam, ex quo hæc omnis nata est oratio. Q. Tu uero iā per pauca scilicet: ex ijs enim, quæ dixisti, Attice * uidetur, mihi quidem certe, ex natura ortū esse ius. Att. An mihi aliter uideri possit, cum hæc iam perfecta sint? primum quasi munerebus deorum nos esse instructos, & ornatos: secundo autem loco, unam esse hominum inter ipsos uiuendi parem, communemq; rationem: deinde omnes inter se naturali quadam indulgentia, & beneuolentia, tum etiam societate iuris contineri. quæ cum uera esse recte, ut arbitror, concesserimus, qui iam licet nobis à natura leges & iura seiungere? M. Recte dicis: et res sic se habet. uerum philosophorum more, non ueterum quidem illorum, sed eorum, qui quasi officinas instruxerunt sapientiæ, quæ fuscæ olim disputabantur, ac libere, ea nunc articulatim distincteq; dicuntur: nec enim satis fieri censent huic loco, qui nunc est in manibus, nisi separatim hoc ipsum, naturæ esse ius, disputarint. Att. Et scilicet tua libertas differendi amissa est; aut tu is es, qui in disputando non tuum iudicium sequare, sed auctoritari aliorum pareas. M. Non semper Tite: sed, iter huius sermonis quod sit, uides: ad Reip. firmandas, & stabiliendas uires, sanandos populos omnis nostra pergit oratio. quocirca uereor committere, ut non bene prouisa, & diligenter explorata principia ponantur, nec tamen ut omnibus probentur, (nā id fieri non potest) sed ut ijs, qui omnia recta, atque ho-

DE LEGIBVS

nesta per se expetenda duxerunt, & aut nihil omnino in bonis numerandum, nisi quod per se ipsum laudabile esset, aut certe nullum habendum magnum bonum, nisi quod uere laudari sua sponte posset. his omnibus, siue in Academia uetere cum Speusippo, Xenocrate, Polemone manserunt, siue Aristotelem, & Theophrastum, cum illis re congruentes, genere docendi paulum differentes, secuti sunt, siue, ut Zenoni uisum est, rebus non commutatis immutauerunt uocabula, siue etiam Aristonis difficilem, atque arduam, sed iam tamen fractam, & conuictam sectam secuti sunt, ut uirtutibus exceptis, atque uitijs, cetera in summa aequalitate ponerent, his omnibus haec, quae dixi, probantur. sibi autem indulgentes, & corpori deseruientes, atque omnia, quae sequantur in uita, quaeque fugiant, uoluptatibus, & doloribus ponderantes, etiam si uera dicunt, nihil. n. opus est hoc loco litibus, in hortulis suis iubeamus dicere, atque etiam ab omni societate Reip. cuius partem nec norunt ullam, nec unquam nosse uoluerunt, paulisper faceessant rogemus. perturbatricem autem harum omnium rerum Academiam hanc ab Arcesila, et Carneade recentem exoremus, ut sileat. nam si inuasit in hac, quae satis scite nobis instructa & composita uidetur, nimias edet ruinas. quam quidem ego placare cupio, submouere non audeo. * nam & in ijs sine illius suffimentis expiati sumus. at uero scelerum in homines, atque impietatum nulla expiatio est. itaque poenas luunt non tam iudicijs, quae quondam nusquam erant, hodie multifariam nulla sunt, ut sint tamen, persaepe falsa sunt; ut eos agitent, inseculenturque furiae, non ar-

dentibus tadis, sicut in fabulis, sed angore conscientiae, fraudisq; cruciatu. quod si homines ab iniuria poena, non natura arcere deberet, quanam sollicitudo uexaret impios, sublato suppliciorum metu? quorum tamen nemo tam audax unquam fuit, quin aut abnuerit a se commissum esse facinus, aut iusti sui doloris causam aliquam fingeret, defensionemq; facinoris a natura iure aliquo quaereret. quae si appellare audent impii, quo tandem studio colentur a bonis? quod si poena, si metus supplicij, non ipsa turpitudine, deterret ab iniuriosa, facinorosaq; uita: nemo est iniustus, at incauti potius habendi sunt improbi. tum autem qui non ipso honesto mouemur, ut boni uiri simus, sed utilitate aliqua atque fructu, callidi sumus, non boni. nam quid faciet is homo in tenebris, qui nihil timet nisi testem, uel iudicem? quid in deserto loco, naetus quem multo auro sfoliare possit imbecillum, atque solum? noster quidem hic natura iustus uir ac bonus etiam colloquetur, iuuabit, in uiam deducet. is uero, qui nihil alterius causa facit, et metitur suis comodis omnia, uidetis credo quid sit aeternus. quod si negabit se illi uitam erepturum, et aurum ablaturum, nunquam ob eam causam negabit, quod id natura turpe iudicet, sed quod metuatur ne emanet, id est ne malum habeat. o rem dignam, in qua non modo docti, uerum etiam agrestes erubescant. iam uero stultissimum illud, existimare omnia iusta esse, quae scita sint in populorum institutis, aut legibus. etiam ne, si quae sint tyrannorum leges si triginta illi Athenis leges imponere uoluissent, aut si omnes Athenienses deleterentur tyrannicis legibus, numcirco haec leges iustae haberentur? nihilo credo magis illa,

DE LEGIBVS

quam interrex noster tulit, ut Dictator, quem uellet ciuium, indicta causa impune posset occidere: est enim unum ius, quo deuincta est hominum societas, et quod lex constituit una. quæ lex est recta ratio imperandi, atque prohibendi: quæ qui ignorat, is est iniustus, siue est illa scripta uspiam, siue nusquam. quodd si iustitia est obtemperatio scriptis legibus, institutisq; populorum; & si, ut iidem dicunt, utilitate omnia metienda sunt; negliget leges, easq; perrumpet, si poterit, is, qui sibi eam rem fructuosam putabit fore. ita fit, ut nulla sit omnino iustitia, si neque natura est, & ea, quæ propter utilitatem constituitur, utilitate illa conuellitur. atqui si natura confirmatū ius non erit, uirtutes omnes tollantur. ubi enim liberalitas, ubi patriæ charitas, ubi pietas, ubi aut bene merendi de altero, aut referendæ gratiæ uoluntas poterit existere? nam hæc nascuntur ex eo, quodd natura propensi sumus ad diligēdos homines, quod fundamentum iuris est: neque solum in homines obsequia, sed etiam in deos cærimonia, religionesq; tolluntur: quas non metu, sed ea coniunctione, quæ est homini cū deo, conseruandas puto. quodd si populorum iussis, si principum decretis, si sententijs iudicum, iura constituerentur; ius esset latrocinari, ius adulterare, ius testamenta falsa supponere, si hæc suffragijs, aut scitis multitudinis probarentur. quæ si tanta potentia est stultorum sententijs, atque iussis, ut eorum suffragijs rerum natura uertatur: cur non sanciant, ut, quæ mala, perniciosaq; sunt, habeantur pro bonis, ac salutaribus? aut cur, cum ius ex iniuria lex facere possit, bonum eadem facere nō possit ex malo? atqui nos legem bonam à mala nulla

la nulla alia nisi naturali norma diuidere possumus .
nec solum ius à natura dijudicatur, sed omnino omnia
honestà ac turpia . nam & cōmunis intelligentia nobis
notas res efficit, easq; in animis nostris inchoauit, ut ho-
nesta in uirtute ponantur, in uitijs turpia . hæc autem
in opinione existimare, non in natura ponere, dementis
est . nam nec arboris, nec equi uirtus quæ dicitur, in quo
abutimur nomine, in opinione sita est, sed in natura .
quod si ita est, honesta quoque et turpia natura dijudi-
canda sunt . nam si opinione uniuersa uirtus, eadem
eius etiam partes probarentur, quis igitur prudentem,
&, ut ita dicam, catum non ex ipsius habitu, sed ex
aliqua re externa iudicet? est enim uirtus perfecta ra-
tio . quod certe in natura est . igitur omnis honestas eo-
dem modo . nam ut uera, & falsa, ut consequentia, et
contraria, sua sponte, non aliena iudicantur : sic con-
stans, & perpetua ratio uita, quæ est uirtus, itemq; in-
constantia, quod est uitium, sua natura probatur . nos
ingenia iuuenum nō ratione ab ingenita naturæ uirtu-
te, sed uitia, quæ existunt ab ingenijs, iudicamus . an
ea non aliter, quàm honesta & turpia, non ad naturā
referri necesse erit? quod laudabile bonum est, in se ha-
beat quod laudetur necesse est : ipsum enim bonum non
est in opinionibus, sed in natura : nam ni ita esset, bea-
ti quoque opinione essent : quo quid dici potest stultius?
quare cum & bonum & malum natura iudicetur, &
ea sint principia naturæ : certe honesta quoque et tur-
pia simili ratione dijudicanda, & ad naturam refe-
renda sunt . Sed perturbat nos opinionum uarietas,
hominumq; dissensio : & quid non idem contingit in

DE LEGIBVS

sensibus, hos natura certos putamus, illa, quæ alijs sic, alijs secus, nec ijsdem semper uno modo uidentur, ficta esse dicimus. quod est longe aliter. nam sensus nostros non parens, non nutrix, non magister, non poeta, non scena deprauata, non multitudinis consensus abducit à uero. animis omnes tenduntur insidiæ, uel ab ijs, quos modo enumeravi, qui teneros, & rudes cum acceperunt, inficiunt, & flectunt, ut uolunt; uel ab ea, quæ penitus in omni sensu implicata insidet imitatrix boni uoluptas, malorum autem mater omnium; cuius blanditijs corrupti, quæ natura bona sunt, quia dulcedine hac ex scabie carent, non cernimus satis. Sequitur, ut cōclusa mihi iam hæc sit omnis ratio, id quod ante oculos ex ijs est, quæ dicta sunt, & ius, & omne honestum sua sponte esse expetendum. etenim omnes uiri boni ipsam æquitatem & ius ipsum amant: nec est uiri boni errare, & diligere, quod per se non sit diligendum. per se igitur ius est expetendum & colendum. quod si ius: etiā iustitia: sic reliquæ quoque uirtutes per se colendæ sunt. quid liberalitas? gratuita ne est, an mercenaria? si siue ne præmio benigna est, gratuita: si cum mercede, cōducta: nec est dubium, quin is, qui liberalis, benignus ue dicitur, officium, non fructum sequatur. ergo item iustitia nihil expetit præmij, nihil pretij: per se igitur expetitur. eademq; omniū uirtutum causa, atque sententia est. atque etiam si emolumentis, non suapte natura uirtus expetitur, una erit uirtus, quæ malitia relictissime dicetur. ut enim quisque maxime ad suum commodum refert quæcunque agit, ita minime est uir bonus, ut, qui uirtutem præmio tiuntur, nullam

uirtutem nisi malitiā putent. ubi enim beneficus, si ne-
mo alterius causa benigne facit? ubi gratus, si nō eum
ipsum, cui referunt gratiam, ipsi cernunt grati? ubi illa
sancta amicitia, si non ipse amicus per se amatur toto
pectore, ut dicitur? qui etiam deferendus & abijciendus
est, desperatis emolumentis, et fructibus. quo quid potest
dici immanius? quod si amicitia per se colenda est, so-
cietas quoque hominū, & æqualitas, & iustitia per se
expetenda. quod nī ita est, omnino iustitia nulla est:
id enim iniustissimum ipsum est, iustitiæ mercedem quæ
rere. quid uero de modestia, quid de temperantia, quid
de continentia, quid de uerecundia, pudore, pudici-
tiāq; dicemus? infamiæ ne metu nō esse petulantes, an
legum, & iudiciorum? innocentes ergo & uerecundi
sunt, ut bene audiant; & ut rumorem bonum colligant,
erubescunt, & pudet impudica loqui. ac me ni-
mirum istorum philosophorum pudet, qui nullum uir-
tutum uitare, nisi iudicio ipso multatum, putant. quid
enim? possumus eos, qui stupro arcetur infamiæ metu,
pudicos dicere, cum ipsa infamia propter rei turpitudi-
nem consequatur? nam quid aut laudari rite, aut uiru-
perari potest, si ab eius natura recesseris, quod aut lau-
dandum, aut uituperandum putes? an corporis prauita-
tes, si erunt perinsignes, habebūt aliquid offensionis, ani-
mi deformitas non habebit? cuius turpitudine ex ipsis uir-
tutibus facillime perspicitur. quid enim foedius auaritia,
quid immanius libidine, quid contemptius timiditate,
quid abiectius tarditate & stultitia dici potest? quid er-
go? eos, qui singulis uirtutibus excellunt, aut etiam pluribus,
propter damna, aut detrimenta, aut cruciatus aliquos

DE LEGIBVS

miseros dicimus, an propter uim turpitudinemq; uitio-
 rum? quod item ad contrariā laudem in uirtute dici
 potest. nam si propter alias res uirtus expetitur, melius
 esse aliquid, quā uirtutem, necesse est. pecuniam ne
 igitur? an honores? an formam? an ualitudinem?
 quæ & cum adsunt, perparua sunt; & quā diu af-
 futura sint, certum sciri nullo modo potest. an, id quod
 turpissimum dictu est, uoluptatem? at in ea quidem
 spernenda et repudianda uirtus uel maxime cernitur.
 Videtis ne, quanta series rerum, sententiarumq; sit?
 atque ut ex alio alia neētatur? quin labebar lōgius, nisi
 me retinuissē. Q. Quid tādē? libenter enim fra-
 ter cum ista oratione tecum prolaberer. M. Ad finem
 bonorum, quō referuntur, & cuius causa sunt facien-
 da omnia: controuersam rem, & plenam dissensionis
inter doctissimos, sed aliquādo tamē iudicandam. A.
 Qui istuc fieri potest L. Gellio mortuo? M. Quid
 tandem id ad rem? Att. Quia me Athenis audire ex
 Phædro meo memini, Gellium, familiarem tuum, cum
 Proconsul ex Prætura in Graciā uenisset, Athenis phi-
 losophos, qui tum erant, in locum unum conuocasse,
 ipsiq; magnopere auctorem fuisse, ut aliquando con-
trouersiarum aliquem facerent modum: quodd si essent
 eo animo, ut nollent atatem in litibus conterere, posse
 rem conuenire; & simul operam suam illis esse polli-
 citum, si posset inter eos aliquid conuenire. M. Iocu-
 lare istud quidem Pomponi, & à multis saepe derisum:
 sed ego planē uellem me arbitrum inter antiquā Aca-
 demiam & Zenonem datum. Att. Quo tandem istuc
 modo? M. Quia de re una solum dissident, de cate-

ris mirifice congruunt. Att. Ain tandem, una de re est solum dissensio? M. Quæ quidem ad rem pertineat, una: quippe cum antiqui omnes, quod secundum naturam esset, quo iuuaremur in uita, bonum esse decreuerint, hic, nisi quod honestum esset, putauerit bonum.

Att. Perparuam uero controuersiam dicis, ac non eam, quæ dirimat omnia. M. Probe quidem sentis, si re, ac non uerbis dissiderent. Att. Ergo assentiris Antiocho familiari meo, magistro enim non audeo dicere; quocum uixi, & qui me ex nostris penè cōuellit hortulis, deduxitq; in Academiā perpauculis passibus. M. Vir iste fuit ille quidem prudens, & acutus, & in suo genere perfectus, mihiq; ut scis, familiaris: cui tamen ego assentiar in omnibus, nec ne, mox uidero: hoc dico, controuersiam totam istam posse sedari. Att.

Qui istuc tandem uides? M. Quia, si, ut Chius Aristoteli dixit, solum bonum esse diceret, quod honestum esset; malumq; quod turpe; cæteras res omnes planè pares, ac ne minimum quidem, utrum adessent, an abessent, interesse: ualde à Xenocrate, & Aristotele, & ab illa Platonis familia discreparet, essetq; inter eos de re maxima, & de omni uiuendi ratione dissensio. nūc uero cum decus, quod antiqui summum bonum esse dixerunt, hic solum bonum dicat; item dedecus, quod illi summum malum, hic solum; diuitias, ualitudinem, pulchritudinem, commodas res appellet, non bonas; paupertatem, debilitatem, dolorem, incommodas, non malas: sentit idem, quod Xenocrates, quod Aristoteles; loquitur alio modo. ex hac autem non rerum, sed uerborum discordia controuersia nata est de finibus: in

DE LEGIBVS

qua quoniam usucapionem XII tabulæ inter quinque pedes esse uoluerunt, depasci ueterem possessionem Academicæ ab hoc acuto homine non sinemus : nec Manilia lege singuli, sed ex his tres arbitri fines regemus.

Q. Quamnam igitur sententiam dicimus? M. Requiri placere terminos, quos Socrates pepigerit; ipsi; parere. Q. Præclare frater iam nunc à te uerba usurpantur civilis iuris & legum : quo de genere expecto disputationem tuam : nā ista quidem magna diiudicatio est, ut ex te ipso sæpe cognoui. M. Sed certe res ita se habent, ut ex natura uiuere summū bonum sit, id est uita modica, & apta uirtute perfrui, aut naturā sequi, & eius quasi lege uiuere, id est nihil, quantum in ipso sit, prætermittere, quo minus ea, quæ natura postulet, consequatur, quod inter hæc uelit uirtute tanquam lege uiuere. quapropter hoc diiudicari, nescio an unquam, sed hoc sermone certe non potest, si quidem id, quod suscepimus, perfecturi simus. Att. At ego huc declinabā non inuitus. Q. Licebit aliās : nunc id agamus, quod cœpimus, cū præsertim ad id nihil pertineat hæc de summo malo, bonoq; dissensio. M. Prudentissimè Quinte dicis : nā quæ à me adhuc dicta sunt, *

Q. nec Licurgi leges, nec Solonis, neque Charodæ, neque Zaleuci, nec nostras XII tabulas, nec plebiscita desidero : sed te existimo cum populis, tum etiam singulis hodierno sermone legem uiuendi, & disciplinam daturū. M. Est huius uere disputationis Quinte proprium id, quod expectas : atque utinam esset etiam facultatis meæ. sed profecto ita se res habet, ut, quoniam uitiorum emendatricem legem esse oportet, commendatris

cemq; uirtutum, ab ea uiuendi doctrina ducatur. ita
fit, ut mater omnium bonarum artium sapientia sit: à
cuius amore græco uerbo philosophia nomen inuenit:
qua nihil à dijs immortalibus uberius, nihil florentius,
nihil præstabilius hominum uitæ datum est. hæc enim
una nos cum ceteras res omnes, tum, quod est difficilli-
mum, docuit, ut nosmet ipsos nosceremus: cuius præce-
pti tanta uis, tanta sententia est, ut ea non hominì cui-
piam, sed Delphico deo tribueretur. nam qui se ipse no-
rit, primum aliquid sentiet se habere diuinum, inge-
niumq; in se suum, sicut simulacrum aliquod, dedica-
tum putabit; tantoq; munere deorum semper dignum
aliquid & faciet, & sentiet; & cum se ipse perspexe-
rit, totumq; tentarit, intelliget quemadmodum à natu-
ra subornatus in uitam uenerit, quantaq; instrumen-
ta habeat ad obtinendam, adipiscendamq; sapientiam,
quoniam principio rerum omnium quasi adumbratas
intelligentias animo ac mente conceperit, quibus il-
lustratus sapientia duce bonum uirum, & ob eam
ipsam causam cernat se beatum fore. nam cum ani-
mus, cognitis perceptisq; uirtutibus, à corporis obsequio,
indulgentiaq; discesserit; uoluptatemq; sicut labem ali-
quã dedecoris oppresserit; omnemq; mortis dolorisq; ti-
morem effugerit; societatemq; carnis eiecerit; tum suis,
omnibusq; natura cōiunctos, suos duxerit; cultumq; deo-
rum, & puram religionem suscepit; & exacuerit il-
lam, ut oculorum, sic ingenij aciem ad bona diligenda,
& reiicienda cōtraria, quæ uirtus ex providendo est ap-
pellata prudentia: quid eo dici, aut excogitari poterit
beatius? idemq; cum coelum, terras maria omniumq;

DE LEGIBVS

rerum naturam perspexerit, eaq; unde generata, quod
 recurrant, quando, quo modo obitura, quid in ijs mor-
 tale, & caducum, quid diuinum, aeternumq; sit, uide-
 rit, ipsumq; ea moderantem & regentem penè prehen-
 derit, seseq; non unis circumdatum moenibus popularem
 alicuius loci, sed ciuem totius mundi, quasi unius urbis,
 agnouerit: in hac ille magnificetia rerum, atque in hoc
 conspectu & cognitione naturæ, dij immortales, quàm
 ipse se noscet, quod Apollo præcepit Pythius; quàm con-
 temnet, quàm despiciet, quàm pro nihilo putabit ea, quæ
 uulgo ducuntur amplissima. atque hæc omnia, quasi sepi-
 mento aliquo, uallabit differendi ratione, uerè, & falsi, in-
 dicio, scientia, & arte quadam intelligendi quid quæque
 rem sequatur, & quid sit cuique contrarium. cumq; se
 ad civilem societatem natum senserit, non solum illa
 subtili disputatione sibi utendum putabit, sed etiam fu-
 sa latius perpetua oratione, qua regat populos, qua stabi-
 liat leges, qua castiget improbos, qua tueatur bonos, qua
 laudet claros uiros, qua præcepta salutis, & laudis apte
 ad persuadendum edat suis ciuibus, qua hortari ad de-
 cus, reuocare à flagitio, consolari possit afflictos, fa-
 ctaq; & consulta fortium et sapientum cum improbo-
 rum ignominia sempiternis monumentis prodere. quæ
 cum tot restantq; sint, quæ inesse in homine perspicia-
 tur ab ijs, qui se ipsi uelint noscere; earum parens est
 educatrixq; sapientia. Att. Laudata quidem à te gra-
 uiter, & uere: sed quorsus hæc pertinent? M. Primum
 ad ea Pomponi, de quibus acturi iam sumus: quæ tãta
 esse uolumus: non enim erunt, nisi ea fuerint, unde illa
 manant, amplissima. deinde facio & libenter, & ut

spero, recte, quod eam, cuius studio teneor, quæq; me, quicumque sum, effecit, non possum silentio præterire. Att. Re uera facis & merito, & ipse: fuitq; id, ut dicis, in hoc sermone faciendum.

M. T. CICERONIS DE LEGIBVS

LIBER SECVNVS.

ATTICVS.

S Ed uis ne, quoniã & satis iam de am-
bulatum est, & tibi aliud dicendi in-
itium sumendum est, locum mutemus,
et in insula, quæ est in Fibreno, (nam
opinor illi alteri flumini nomen esse)

sermoni reliquo demus operã sedêtes? M. Sanè quidem:
nam illo loco libentissime soleo uti, siue quid mecũ ipse
cogito, siue aliquid scribo, aut lego. Att. Equidem, qui
nunc primum huc uenerim, satiari non queo, magnifi-
casq; uillas, et pauimenta marmorea, et laqueata tecla
contemno. ductus uero aquarum, quos isti tubos et euri
pos uocant, quis nõ, cum hæc uideat, irriserit? itaque, ut
tu paulo ante de lege & iure differens ad naturã refe-
rebas omnia, sic in his ipsis rebus, quæ ad quietẽ animi,
delectationemq; quærentur, natura dominatur. quare
antea mirabar (nihil enim his in locis nisi saxa, et mon-
tes cogitabam: idq; ut facerem, & orationibus induce-
bar tuis, & uersibus) sed mirabar, ut dixi, te tam ualde
hoc loco delectari: nunc cõtra miror, te, cum Roma ab-
sis, usquã potius esse. M. Ego uero, cum licet plures dies

D E L E G I B V S

abesse, praesertim hoc tempore anni, & amoenitate, & salubritatem hanc sequor. raro autem licet. sed nimirum me alia quoque causa delectat, quae te non attingit ita. Att. Quae tandem ista causa est? M. Quid, si uerum dicimus, haec est mea, & huius fratris mei germana patria: hic enim orti stirpe antiquissima sumus: hic sacra, hic genus, hic maiorum multa uestigia. quid plura? hanc uides uillam, ut nunc quidem est, lautius aedificatam patris nostri studio: qui cum esset infirma uale tudine, hic fere aetatem egit in literis. sed hoc ipso in loco cum auus uiueret, & antiquo more parua esset uilla, ut illa Curiana in Sabinis, me scito esse natum. quare id est nescio quid, & latet in animo ac sensu meo, quo me plus hic locus fortasse delectet: siquidem etiam ille sapientissimus uir, Itachae ut uideret, immortalitate scribitur repudiasse. Att. Ego uero tibi istam iustam causam puto, cur huc libentius uenias, atque hunc locum diligas. quin ipse, uere dicam, sum ipsi uillae amicus factus, atque huic omni solo, in quo tu ortus, & procreatus es: mouemur enim nescio quo pacto locis ipsis, in quibus eorum, quos diligimus, aut admiramur, adsunt uestigia. me quidem ipsa illa nostrae Athenae non tam operibus magnificis, exquisitis antiquorum artibus delectant, quam recordatione summorum uirorum, ubi quisque habitare, ubi sedere, ubi disputare sit solitus; studiosaeque eorum etiam sepulcra contemplan. quare istum, ubi tu es natus, plus amabo posthac locum. M. Gaudeo igitur me incunabula penae meae tibi ostendisse. Att. Et quidem me cognosse admodum gaudeo. sed illud tamen quale est, quod paulo ante dixisti? hunc locum, idem ego te ac-

cipio dicere Arpinum, germanam patriam esse uestrā. nūquid uos duas habetis patrias, an est illa una patria cōmunis? nisi forte sapienti illi Catoni fuit patria non Roma, sed Tusculum. M. Ego mehercule & illi, & omnibus municipibus duas esse censeo patrias, unā naturæ, alteram ciuitatis: ut ille Cato, cum esset Tusculā natus, in populi R. ciuitatem susceptus est: itaque, cum ortu Tusculanus esset, ciuitate Romanus, habuit alteram loci patriam, alteram iuris: ut uestri Attici, priusquam Theseus eos demigrare ex agris, & in astu, quod appellatur, omnes se conferre iussit, & symphradas ex Atticis: sic nos & eam patriam dicimus, ubi nati, & illam, qua excepti sumus: sed necesse est charitate eā præstare, qua Reip. nomen uniuersæ ciuitatis est: pro qua mori, & cui nos totos dedere, & in qua nostra omnia ponere, & quasi cōsecrare debemus. dulcis autem nō multo secus est ea, quæ genuit, q̄ illa, quæ excepit: itaque ego esse hāc meā patriam prorsus nūquam negabo, dum illa sit maior, & hac in ea contineatur. Att. Recte igitur Magnus ille noster me audiente posuit in iudicio, cum pro Ambio tecum simul diceret, Remp. nostram iustissimas huic municipio gratias agere posse, quod ex eo duo sui cōseruatores exiissent: ut iam uidear adduci, hanc quoque, quæ te procreauit, esse patriam tuam. Sed uentum in insulam est. hac uero nihil est amœnius. ut enim hoc quasi rostro finditur Fibrenus, & diuisus æqualiter in duas partes latera hæc alluit, rapideq; dilapsus cito in unum confluit, & tantum complectitur quod satis sit modicæ palæstræ loci. quo effecto, tanquam id habuerit ope-

DE LEGIBVS

ris, ac muneris, ut hanc nobis efficeret sedem ad disputandum, statim precipitat in Lirem, & quasi in familiam patriā uenerit, amittit nomen obscurius, Liremque multo gelidiorem facit: nec enim ullum hoc frigidius flumen attingi, cum ad multa accesserim, ut uix pede retare id possim: quod in Phædro Platonis facit Socrates. M. Est uero ita: sed tamen huic amoenitati, quam ex Quinto sepe audio, Thebanus Epirotes tuus ille nihil opinor concesserit. Q. Est ita, ut dicis: caue enim putes Attici nostri Emathio, platanisque illis quidquid esse praeclarius. sed, si uidetur, considamus hic in umbra, atque ad eam partem sermonis, ex qua egressi sumus, reuertamur. M. Praclare exigis Quinte. at ego effugisse arbitrabar: & tibi nihil horum deberi potest. Q. Ordire igitur: nam hunc tibi totum dicamus diem, maiore musarum primordio, sicut in Arati carmine orsi sumus. M. Quorsum istuc? Q. Quia nunc itidem ab eodem, & ceteris dijs immortalibus sunt nobis agendi capienda primordia. M. Optime uero frater: & fieri sic decet. Videamus igitur rursus, priusquam aggrediamur ad leges singulas, uim naturamque legis, ne, cum referenda sint ad eam nobis omnia, labamur interdum errore sermonis, ignoremusque uim sermonis eius, quo iura nobis diffinienda sint. Q. Sanè quidem Hercule: & est ista recta docendi uia. M. Hanc igitur uideo sapientissimorum fuisse sententiam, legem neque hominum ingenijs excogitatam, neque scitum aliquod esse populorum, sed æternum quiddam, quod uniuersum mundum regeret imperandi, prohibendique sapientia. ita principem legem illam, & ultimam, mentem esse

dicebāt omnia ratione aut cogentis, aut uetātis dei : ex qua illa lex , quam dii humano generi dederunt, recte est laudata : est enim ratio, mensq; sapientis ad iubendum, & ad deterrendum idonea . Q. Aliquoties iam iste locus à te tactus est: sed antequam ad populares leges uenias, uim istius cœlestis legis explana, si placet; ne æstus nos consuetudinis absorbeat, & ad sermonis more usitati trahat. M. A' paruis enim Quinte didicimus, si in ius uocat, atque eat, eiusmodi leges alias nominare . sed uero intelligi sic oportet, & hæc, & alia iussa, ac uetita populorum uim habere ad recte facta uocandi, & à peccatis auocandi : quæ uis non modo senior est, quàm ætas populorum, & ciuitatum, sed æqualis illius cœlum atque terras tuentis & regentis dei : neque enim esse mens diuina sine ratione potest, nec ratio diuina non hæc uim in rectis prauisq; sancientis habere : nec, quia nusquam erat scriptum, ut contra omnes hostium copias in ponte unus assisteret, à tergoq; pontē interfcindi iuberet, iccirco minus Coclitem illum rem gessisse tantam fortitudinis lege, atque imperio putabimus : nec, si regnante Tarquinio nulla erat Romæ scripta lex de stupris, iccirco non contra illam legem sempiternam Sex . Tarquinius uim Lucretiæ Tricipitini filiæ attulit : erat enim ratio profecta à rerum natura, & ad recte faciendum impellens, & à delicto auocans : quæ non tum denique incipit lex esse, cum scripta est, sed tum, cum orta est : orta autem simul est cum mente diuina: quamobrem lex uera, atque princeps, apta ad iubendum, & ad uerendum, ratio est recta summi Iouis . Q. Assentior

DE LEGIBVS

frater, ut, quod est rectum, uerum quoque sit, neque cum literis, quibus scita scribuntur, aut oriatur, aut occidat. M. Ergo ut illa diuina mēs summa lex est, item, cum in homine est perfecta, est in mente sapientis. quæ sunt autem uariæ, & ad tempus scriptæ, populi fauore magis, quàm re, legum nomen tenent: omnem enim legem, quæ quidem recte lex appellari possit, esse laudabilem quibusdam talibus argumentis docent. constat profecto, ad salutem ciuium, ciuitatumq; incolumitatem, uitamq; omnium quietam, & beatam conditas esse leges; eosq;, qui primū eiusmodi scita sanxerunt, populis ostendisse, ea se scripturos, atque laturos, quibus illi ascriptis, susceptisq; honeste beateq; uiuerent: quæq; ita composita, sanctaq; essent, eas leges uidelicet nominarunt. ex quo intelligi par est, eos, qui perniciofa, & iniusta populis iussa descripserint, cum contra fecerint, quàm polliciti, professiq; sint, quiduis potius tulisse, quàm leges: ut perspicuum esse possit, in ipso nomine legis interpretando inesse uim, & sententiā iusti, & iuris colendi. quæro igitur à te Quinte, sicut illi solent: quo si ciuitas careat, ob eam ipsam causam, quòd eo careat, pro nihilo habenda sit, id est ne numeradum in bonis? Q. Ac maximis quidem. M. Lege autem carens ciuitas an ne ob ipsam habenda nullo loco? Q. Dici aliter non potest. M. Necesse est igitur legem haberi in rebus optimis. Q. Prorsus assentior. M. Quid, quòd multa perniciofa, multa pestifera sciscuntur in populis? quæ non magis legis nomen attingunt, quàm si latores aliquas concessu suo sanxerint. nam neque medicorum præcepta dici uere possent, si quæ insciji imperitiq; pro

salutaribus mortifera conscripserint : neque in populo
lex, cuiusmodi fuerit, illa, etiam si perniciosum aliquid
populus acceperit . ergo est lex iustorum, iniustorumq;
distinctio, ad illam antiquissimam, & rerum omnium
principem expressa naturam, ad quam leges hominum
diriguntur, quæ supplicio improbos afficiunt, & defen-
dunt, & tuentur bonos. Q. Præclare intelligo: nec ue-
ro iam aliam esse ullam legem puto non modo habendam,
sed ne appellandam quidem. M. Igitur tu Seias et Apu-
leias leges nullas putas? Q. Ego uero ne Liviæ quidē.
M. Et recte, quæ præsertim uno uersiculo senatus pun-
cto temporis sublata sint. lex autem illa, cuius uim ex-
plicavi, neque tolli, neque abrogari potest. Q. Eas tu igitur
leges rogabis uidelicet, quæ nunquam abrogentur.
M. Certe, si modo acceptæ à uobis duobus erunt. sed,
ut uir doctissimus fecit Plato, atque idem grauissi-
mus, omniumq; princeps, de Rep. cum scripsit, idemq;
separatim de legibus eius, id mihi credo esse faciendum,
ut, priusquam ipsam legem recitem, de eius legis laude
dicam. quod idem & Zaleucum, & Charondam fecis-
se uideo, cum quidem illi non studij, & delectationis,
sed Reip. causa leges ciuitatibus suis scripserunt: quos imi-
tatus Plato, uidelicet hoc quoque legis putauit esse, per-
suadere aliquid, nō omnia uī ac minis cogere. Q. Quid,
quodd Zaleucum istum negat ullū fuisse Timæus? M.
At Theophrastus auctor, haud deterior mea quidē sen-
tentia, meliorem multi nominant: commemorant uero
ipsius ciues, nostri clientes, Locri. sed siue fuit, siue non
fuit, nihil ad rem. loquimur, quod traditum est. sit igitur
hoc iam à principio persuasum ciuibz, dominos esse

DE LEGIBVS

omnium rerum, ac moderatores deos, eaq; quæ gerantur, eorum geri iudicio, ac numine, eosdemq; optime de genere hominū mereri, et, qualis quisque sit, quid agat, quid in se admittat, qua mente, qua pietate religiones colat, intueri, piorumq; & impiorum habere rationem: his enim rebus imbutæ mentes, haud sanè abhorrebūt ab utili, & à uera sententia: quid est enim uerius, quàm neminem esse oportere tā stulte arrogantem, ut in se mentem et rationem putet inesse, in cœlo mundoq; non putet? aut ea, quæ uix summa ingenij ratione cōprehendat, nulla ratione moueri putet? quem uero astrorum ordines, quem dierum, noctiumq; uicissitudines, quem mensium temperatio, quemq; ea, quæ gignuntur nobis ad fruendum, non gratum esse cogant, hunc hominē omnino numerare qui decet? cumq; omnia, quæ ratio nem habent, præstent ijs, quæ sint rationis expertia, nefasq; sit dicere ullam rem præstare naturæ omnium rerum: rationem inesse in ea confitendum est. utiles esse autem opiniones has quis neget, cum intelligat, quàm multa firmentur iureiurando, quantæ salutis sint fœdera religionis, quàm multos diuini supplicij metus à scelere reuocarit, quàmq; sancta sit societas ciuium, inter ipsos dijs immortalibus interpositis tum iudicibus, tum testibus? Habes legis procœmiū: sic enim hoc appellat Plato. Q. Habeo uero frater: et in hoc admodum delector, quodd in alijs rebus, alijsq; sententijs uersaris, atque ille: nihil enim tam dissimile est, quàm uel ea, quæ ante dixisti, uel hoc ipsum legis exordium. unum illud mihi uideris imitari orationis genus. M. Vellem fortasse: quis enim id potest, aut unquam poterit imitari? nā sententias

sententias interpretari perfacile est . quod quidem ego facerem, nisi planè esse uellem meus : quid enim negotij est, eadem propè uerbis iisdem conuersa dicere ? Q. Prorsus assentior . uerum, ut modo tute dixisti, te esse malo tuum . sed iam exprome, si placet, istas leges de religione . M. expromam equidem, ut potero : & quoniam & locus, & sermo familiaris est, legum uocem proponam . Q. Quidnam id est ? M. Sunt certa legum uerba Quinte, neque ita prisca, ut in ueteribus his, sacratisq; legibus, & tamè, quo plus auctoritatis habent, paulo antiquiora, quàm hic sermo est. eum morem igitur cum breuitate, si potero, consequar. leges autem à me edentur non perfectæ, nam esset infinitum, sed ipsæ summæ rerum, ac sententiæ . Q. Ita uero necesse est :

- » quare audiamus uerba legis . M. Ad diuos adeunto ca-
- » ste : pietatem adhibento : opes amouento : qui secus fa-
- » xit, deus ipse uindex erit . Separatim nemo habessit
- » deos, ne ue novos : sed ne aduenas, nisi publice adscitos,
- » priuatim coluto . cōstrueta à patribus delubra habento :
- » lucos in agris habento, & larum sedes : ritus familiæ,
- » patrumq; seruantto . diuos, & eos, qui coelestes semper
- » habiti, colunto, & ollos, quos in cœlum merita uoca-
- » uerint, Herculem, Liberum, Aesculapium, Castorem,
- » Pollucem, Quirinum . ast olla, propter quæ datur ho-
- » mini ascensus in cœlum, Mentem, Virtutem, Pietatem,
- » Fidem, earumq; laudum delubra suntto . nec ulla uitio-
- » rum sacra solertia obeunto . feriis iurgia amouento,
- » easq; in famulis operibus patratīs habento . itaque, ut
- » ita cadat in annuis anfractibus, descriptum est : cer-
- » tasq; fruges, certasq; bacas sacerdotes publice libanto :

DE LEGIBVS

11 hoc certis sacrificijs ac diebus. itemq; alios addes. uber=
 12 tatem laetis, foeturæq; seruant. idq; ne committi pos=
 13 sit, ad eā rem, & rationem cursus annuos sacerdotes fi=
 14 niunt. quæq; cuique diuo decoræ gratæq; sint hostiæ,
 15 prouident: diuisq; alijs alij sacerdotes, omnibus pōtifi=
 16 ces, singulis flamines sunt. uirgines Vestales in urbe
 17 custodiant ignem foci publici sempiternū: quōq; &
 18 priuatim, & publice modo, rituq; fiat, discuto ignari a
 19 publicis sacerdotibus. eorū autē duo genera sunt, unū
 20 quod præsēt ceremonijs, & sacris, alterū quod interpre=
 21 tetur fatidicorum & uatum effata incognita, cū sena=
 22 tus populusq; asciuerit. interpretes autem Iouis optimi
 23 maximi publici augures signis, & auspicijs postea uidē
 24 to, disciplinam tenēt. sacerdotes uineta, uirgetaq; , &
 25 salutem populi augurāto: quiq; agent rem duelli, quiq;
 26 populare auspicium præmonent: olliq; obtemperāto,
 27 diuorumq; iras prouident, ijsq; parent, cœliq; fulgura
 28 regionibus ratis temperāto, urbemq; , & agros, & tē=
 29 pla liberata, & effata habent: quæq; auguriniusta,
 30 nefasta, uitiosa, dira defixerit, irrita, infectaq; sunt:
 31 quiq; non paruerit, capitale esto. fœderum, pacis, belli,
 32 induciarū oratores, feciales, indices sunt: bella, disce=
 33 pratio, prodigia, portenta ad Etruscos & arustices, si se
 34 natus iusserit, deferunt: Etruriaq; principes disciplinā
 35 docent: quibus diuis creuerint, procurant: idemq;
 36 fulgura atque obstita pianto. nocturna mulierū sacri=
 37 ficia ne sunt, præter olla, quæ pro populo ritæ fiet. ne
 38 ue iniciano, nisi ut assolet Cerei i Græco sacro. sacrum
 39 cōmissum, quod neque expiari poterit, impie cōmissum
 40 est: quod expiari poterit, publici sacerdotes expiant.

22 Ludis publicis, quod sine curriculo & sine certatione
 22 corporum fiat, popularem letitiam in cantu, & fidi=
 22 bus, & tibijs moderantur, eamq; cū diuum honore iun=
 22 gunt. Ex patrijs ritibus optima colunt. præter Ideæ
 22 matris famulos, eosq; iustis diebus, ne quis stipē cogito.
 22 Sacrum sacro ue cōmendatū qui clepserit, rapseritq;
 22 parricida esto. Periurij pœna diuina, exitium; huma=
 22 na, dedecus. Incestum pontifices supremo supplicio san=
 22 ciunt. Impius ne audeto placare donis iram deo=
 22 rum. sancte uota reddunt. Pœna uiolati iuris esto.
 22 ne quis agrum consecrato: auri, argenti, eboris sacran=
 22 di modus esto. sacra priuata perpetua manent. Deo=
 22 rū maniū iura sancta sunt. Hos leto dato diuos habē=
 22 to. sumptū in ollos luctumq; minuūt. Att. Cōclusa
 est quidem apte tam magna lex, sanequam breuis: et,
 ut mihi quidem uidetur, non multum discrepat ista cō=
 stitutio religionū à legibus Numæ, nostrisq; moribus.

M. An censes, cum in illis de Rep. libris persuadere ui=
 deatur Africanus omnium rerūpublicarum nostram
 ueterem illam fuisse optimam, non necesse esse optimæ
 Reip. leges dare consentaneas? Att. Immo prorsus ita
 censeo. M. Ergo adeo expectate leges, quæ genus illud
 optimū Reip. contineant: et si quæ forte à me hodie ro=
 gabūtur, quæ non sint in nostra Rep. nec fuerint, ta=
 men erant ferè in more maiorum, qui tum ut lex ua=
 lebat. Att. Suade igitur, si placet, istam ipsam legem,
 ut ego, ut & tu rogas, possim edicere. M. Ain tandē
 Attice, non es edicturus aliter? Att. Proxus maiorem
 quidem rem nullam sciscam aliter: in minoribus, si uo=
 les, remittā hoc tibi. M. Atque mea quidē sentētia est.

D E L E G I B V S

at ne longum fiat, uidete. Att. Vtinam quidem : quid enim agere malumus ? M. Caste iubet lex adire ad deos, animo uidelicet, in quo sunt omnia : nec tollit castimoniam corporis : sed hoc oportet intelligi, cum multum animus corpori praestet, obserueturque ut casto corpore adeatur, multo esse in animis id seruandum magis : nam illud uel aspersione aquae, uel dierum numero tollitur; animi labes nec diuturnitate uanescere, nec manibus ullis elui potest. Quod autem pietatem adhiberi, opes amoueri iubet, significat probitatem gratam esse deo, sumptum esse remouendum : quid est enim, cum paupertatem diuitijs etiam inter homines esse aequale uelimus, cur eam sumptu ad sacra adhibito deorum aditu arcedamus ? praesertim cum ipsi deo nihil minus gratum futurum sit, quam non omnibus patere ad se placandum, et colendum uiam. Quod autem non iudex, sed deus ipse iudex constituitur, praesentis poenae metu religio confirmari uidetur. Suosque deos, aut nouos, aut alienigenas coli, confusionem habet religionum, et ignotas ceremonias etiam sacerdotibus. nam a patribus acceptos deos ita placet coli, si huic legi paruerunt ipsi. Patrum delubra esse in urbibus censeo : nec sequor magos Persarum : quibus auctoribus Xerxes inflamasse templa Graeciae dicitur, quod parietibus includerent deos, quibus omnia deberent esse patentia, ac libera, quorumque hic mundus omnis templum esset, et domus. melius Graeci, atque nostri : qui, ut augerent pietatem in deos, easdem illos, quas nos, urbes incolere uoluerunt : affert enim haec opinio religionem utilem ciuitatibus : siquidem et illud bene dictum est a Pythagora doctissimo uiro, tum maxime et pietatem

Et religionem uersari in animis, cum rebus diuinis ope-
 ram daremus: Et quod Tales, qui sapientissimus inter
 septē fuit, homines existimare oportere deos omnia cer-
 nere, deorū omnia esse plena: fore enim omnes castio-
 * res, ueluti quo infans esset maxime religiosus: est enim
 quadam opinione species deorum in oculis, non solum
 in mētibus. Eādemq; rationem luci habent in agris.
 neque ea, quæ a maioribus prodita est cum dominis, tū
 famulis, posita in fundi, uillæq; conspectu religio patrū
 repudianda est. Iam ritus familiæ patrumq; serua-
 ri, id est, quoniā antiquitas proxime accedit ad deos, ad
 dijs quasi tradita religionem tueri. Quod autem ex
 hominum genere consecratos, sicut Herculem, Et cæ-
 teros, coli lex iubet, indicat omnium quidē animos im-
 mortales esse, sed fortium, bonorumq; diuinos. Be-
 ne uero, quod Mens, Pietas, Virtus, Fides consecratur
 manu: quarum omnium Romæ dedicata publice tem-
 pla sunt, ut illa qui habeant, (habent autem omnes
 boni) deos ipsos in animis suis collocatos putent. nam
 illud uitiosum Athenis, quod, Cylonio scelere expiato,
 Epimenide Crete suadente fecerunt Contumelia fanū,
 Et Impudentia: uirtutes enim, non uitia consecrare de-
 cet. araq; uetus stat in Palatio Febris, Et altera Exqui-
 lijs malæ Fortunæ, detestataq;. quæ omnia eiusmodi re-
 pudianda sunt. quod si fingenda nomina uice poetæ,
 * Et potius uincendi, atque potiundi, stata ssandiq; cogno-
 mina, statoris, Et inuicti Iouis, rerumq; expetendarū
 nomina, salutis, honoris, opīs, uictoriæ, quoniam qui-
 dem expectatione rerum bonarū erigitur animus. Re-
 cte etiam à Colatino spes consecrata est: fortunaq; sit

DE LEGIBVS

- * uel huius diei. nā ualet in omnes dies uel reficiens ad opem ferendam, uel forum, in quo incerti casus significatur magis, uel primigeniam à gignendo : cum est
- * feriarum festorumq; dierum ratio in liberis requietem habet litium, & iurgiorum, in seruis operum, & laborum : quas compositio anni conferre debet & perfectionem operum rusticorum. quod tempus, ut sacrificiorum libamenta seruentur, foetusq; pecorū, quæ dicta in lege sunt, diligenter habenda ratio intercalandi est. quod institutum perire à Numa, posteriorū Pontificū negligentia dissolutū est. Iam illud ex institutis Pontificum & aruspiciū non mutandum est, quibus hostijs immolandū cuique deo, cui maioribus, cui lactentibus, cui maribus, cui foeminis. Plures autem deorum omnium, singuli singulorum sacerdotes, & respondendi iuris, & confitendarum religionum facultatem afferunt. cumq; Vesta quasi focus urbis, ut græco nomine est appellata, quod nos propè idem græcū interpretatum nomen tenemus, conspecta sit, ei colendæ uirgines præsent, ut aduigiletur facilius ad custodiā ignis, & sentiant mulieres in natura foeminarum omnem castitatem pati. Quod sequitur uero, non solum ad religionem pertinet, sed etiam ad ciuitatis statum, ut sine ijs, qui sacris publice præsent, religioni priuata satisfacere non possint : continet enim Reip. consilio & auctoritate optimatū semper populum indigere : descriptioq; sacerdotum nullum iustæ religionis genus prætermittit. nā sunt ad placandos deos alij constituti, qui sacris præsent solennibus; ad interpretanda alij prædicta uatū, neque multorū, ne esset infinitū, neque ut ea

ipsa, quæ suscepta publice essent, quisquam extra collegium nosset. Maximum autem, & præstantissimū in Rep. ius est augurū, cum est auctoritati coniunctū. neq; uero hoc, quia sum ipse augur, ita sentio, sed quia sic existimare nos est necesse. quid enim maius est, si de iure querimus, quā posse à summis imperijs, & summis potestatibus comitia tollere? concilia uel instituta dimittere, uel habita rescindere? quid grauius, q̄ rem susceptā dirimi, si unus augur aliter dixerit? quid magnificentius, quā posse decernere, ut magistratu se abdicent consules? quid religiosius, quā cum populo, cum plebe agendi ius aut dare, aut non dare? quid, legem, si non iure rogata est, tollere? ut etiam decreto collegij, ut Linius consilio Philippi, consules, & augures. nihil domi, nihil foris per magistratus gestum, sine eorum auctoritate posse cuiquam probari? Att. Age iam ista uideo, fateorq; esse magna: sed est in collegio uestro inter Marcellum, & Appium optimos augures magna dissensio: nam eorū ego in libros incidi: cum alteri placeat auspicia ista ad utilitatem esse Reip. composita, alteri disciplina uestra quasi diuinari uideatur prorsus posse. hac tu de re quero quid sentias. M. Ego ne? diuinationem, quam Græci μαυτικὴν appellant, esse censeo, & huius hāc ipsam partem, quæ est in auibus ceterisq; signis disciplinæ nostræ, quod, cum summos deos esse concedamus, eorumq; mente mūdum regi, & eorundem benignitatem hominū consulere generi, & posse nobis signa rerum futurarum ostendere, non uideo cur diuinationem esse negem. sunt autē ea, quæ posui, ex quibus id, quod uolumus, efficitur, & co-

DE LEGIBVS

gitur . iam uero permultorum exemplorum & nostra
plena est Resp. & omnia regna, omnesq; populi, cun-
ctaq; gentes, augurum praeclis multa incredibiliter
uera cecidisse: neque enim Poletis, neque Melampodis,
neque Mopsi, neque Amphiarai, neque Calchantis,
neque Heleni tantum nomen fuisset, neque tot nationes
id ad hoc tempus retinuissent, Arabum, Phrygum, Lycaonum,
Cilicium, maximeq; Pisidarum, nisi uetustas ea certa esse do-
cuisset: nec uero Romulus noster auspicato urbem condidisset, neq; Attii Nauis nomen memoria floureret tam diu,
nisi hi omnes multa ad ueritatem admirabilia dixissent.
sed dubium non est, quin haec disciplina & ars augurum
euenerit iam & uetustate, & negligentia. itaque neq;
illi assentior, qui hanc scientiam negat unquam in no-
stro collegio fuisse: neque illi, qui esse etiam nunc putat.
qua mihi uidetur apud maiores fuisse dupliciter, ut ad
Reip. tempus non nunquam, ad agendi consilium sa-
pissime pertineret. Att. Credo Hercle ita esse, istiq;
rationi potissimum assentior. sed redde caetera. M.
Reddam uero, et, si potero, breui. Sequitur enim de
iure belli: in quo & suscipiendo, & gerendo, & des-
ponendo ius ut plurimum ualet, & fides: horumq; ut
publici interpretes essent, lege sancimus. Iam de
aruspicum religione, de expiationibus, & procuratio-
nibus satis superq; in ipsa lege dictum puto. Att.
Assentior, quoniam omnis haec in religione uersatur ora-
tio. M. At uero, quod sequitur, quo modo aut tu as-
sentire, aut ego reprehendam, sane quero Tite. Att.
Quid tandem id est? M. De nocturnis sacrificijs mu-
lierum. Att. Ego uero assentior, excepto praesertim in

ipsa lege solenni sacrificio ac publico. M. Quid ergo aget Iacchus, Eumolpidaeq; nostri, & augusta illa mysteria, si quidem sacra nocturna tollimus? nō enim populo R. sed omnibus bonis firmisq; populis leges damus.

Att. Excipis credo illa, quibus ipsi initiati sumus. M. Ego uero excipiam. nam mihi cum multa eximia diuināq; uidetur Athenae tuae peperisse, atque in uita hominum attulisse, tum nihil melius illis mysterijs, quibus ex agresti immaniq; uita exculti ad humanitatē, & mitigati sumus: initiaq; ut appellantur, ita re uera principia uitae cognouimus: neque solū cū laetitia uiuendi rationē accepimus, sed etiam cum spe meliore moriendi. quid autem mihi displiceat, innocentes poetae indicāt comici. qua licentia Romae data, quidnam egisset ille, quī in sacrificium cogitatam libidinem intulit, quod ne imprudentiam quidem oculorum adijci fas fuit? Att. Tu uero istam Romae legem rogato, nobis nostras ne ademeris. M. Ad nostra igitur reuertor: quibus profecto diligentissime sancendum est, ut mulierum famam multorum oculis lux clara custodiat, initienturq; eo ritu Cereri, quo Romae initiantur. quo in genere se ueritatem maiorum senatus uetus auctoritas de Bacchanalibus, & Cōsulū, exercitu adhibito, quaestio, animaduersioq; declarat. atque omnia nocturna, ne nos duriores forte uideamur, in media Graecia Diagondas Thebanus lege perpetua sustulit. nouos uero deos, et in his colendis nocturnas peruigilationes sic Aristophanes facetissimus poeta ueteris comediae uexat, ut apud eū Sabazius, et quidā alij dii, peregrini indicati, ē ciuitate eijciantur. Publicus autē sacerdos imprudentiā cōsilio

DE LEGIBVS

expiat. a metu liberet, audaciam in admittendis religionibus fœdis dānet, atque inopiam iudicet. Iam ludi publici, cum sint cauea, circoq; diuisi, sint corporū certationes, cursu, & pugillatione, luctatione, curriculisq; equorum usque ad certam uictoriam circo constitutis; cauea, cantu, uoce, ac fidibus, & tibij; dum modo ea moderata sint, ut lege præscribitur: assentior enim Platoni, nihil tā facile in animos teneros, atque molles influere, q̄ uarios canendi sonos. quorum dici uix potest quāta sit uis in utrāque partem. nāque & incitat languentes, & lāguefacit excitatos, & tum remittit animos, tum contrahit: ciuitatumq; hoc multarū in Græcia interfuit, antiquum uocum seruare modū: quarū mores lapsi ad molliem, pariter sunt immutati cum cantibus, aut hac dulcedine corruptelaq; deprauati, ut quidam putāt; aut, cum seueritas eorum ob alia uitia cecidisset, tū fuit in auribus animisq; mutatis etiā huic mutationi locus. quāobrem ille quidem sapientissimus Græciæ uir, longeq; doctissimus, ualde hanc labem uertur: negat enim mutari posse musicas leges sine mutatione legum publicarum. ego nec tam ualde id timendum, nec planè contemnendū puto. illa quidem, quæ solebant quondam complecti seueritate incūda Liuianis, & Næuianis modis, nūc ut eadē exultent, ceruices ocu-
losq; pariter cum modorū flexionibus torqueant. gra-
uiter olim ista uindicabat uetus illa Græcia, lōge prou-
dens, quā sensim perniciēs illapsa ciuiū animos ma-
lis studijs, malisq; doctrinis repente totas ciuitates euer-
teret: siquidē illa seuera Lacedæmō neruos iussit, quod
* plures quā septem haberet, in Timothei fidibus inde

demī. Deinceps in lege est, ut de ritibus patrū con-
lantur optimi: de quo cum consulerent Athenienses
Apollinem Pythiū, quas potissimū religiones tenerent;
oraculum editum est, eas, quæ essent in more maiōrū.
quō cum iterū uenissent, maiōrumq; morem dixissent
sæpe esse mutatum, quasiuissentq; quem morem poris-
simū sequerentur ē uarijs, respondit, optimum. & pro-
fecto ita est, ut id habendum sit antiquissimum, & deo
proximum, quod sit optimum. Stipem sustulimus,
nisi eam, quam ad paucos dies propriam Idææ matris
excepimus: implet enim superstitione animos, & ex-
haurit domos. Sacrilego pœna est, neque ei soli, qui
sacrum abstulerit; sed etiam ei, qui sacro cōmendatū.
quod & nūc multis fit in fanis. Alexander in Cilicia
deposuisse apud Solem in delubro pecuniam dicitur, et
Atheniensis Clisthenes Iunoni Samiæ ciuis egregius, cū
rebus timeret suis, filiarū dotes credidit. Sed iam de
periuris: de incestis nihil sanè hoc quidem loco disputā-
dum est. Donis impij ne placare audeant deos, Plato-
nem audiant, qui uerat dubitare quā sit mēte futurus
deus, cum uir nemo bonus ab improbo se donari uelit.

Diligentia uotorū satis in lege dicta est, ac uoti spō-
sio, qua obligamur deo. Pœna uero uiolata religio-
nis iustam recusationem nō habet. quid ego hic scelera-
torum utar exemplis? quorum plena tragœdiæ. quæ
ante oculos sunt, ea potius attingantur. etsi hæc com-
memoratio uereor ne supra hominis fortunam esse ui-
deatur: tamen, quoniam mihi sermo est apud deos, ni-
hil reticebo: uelimq; hoc, quod loquār, dijs immortalis-
bus gratū potius uideri, quā graue. omnia autem iū

DE LEGIBVS

perditorum ciuium scelere discessu meo religionū iura
polluta sunt : uexati nostri lares familiares : in eorū se
dibus exadificatū templum Licentiæ : pulsus à delubris
is, qui illa seruauit. circūspicit hæc celeriter animus (ni-
hil enim attinet quenquā nominari) qui sint rerū exi-
tus consecuti . nos, qui illam custodem urbis, omnibus
ereptis nostris rebus, ac perditis, uiolari ab impijs passi
nō sumus, eamq; ex nostra domo in ipsius patris domū
detulimus, iudicia senatus, Italiæ, gentium denique o-
mnium, conseruata patriæ consecuti sumus . quo quid
* accidere potuit homini præclarius ? quo scelere religio-
nes prostratæ, afflictaq; sunt : partim ex illis distractæ
ac dissipatæ iacent. quī uero ex his et omnium scelerū
principes fuerunt, & præter ceteros in omni religione
impij, non solum uita cruciati, atque dedecore, uerum
etiam sepultura, ac iustis exequijs caruerūt. Q. Equi-
dem ista agnosco frater, & meritas dīs gratias ago :
sed nimis sæpe secus aliquanto uidemus euadere. M. Nō
enim Quinte recte existimamus, quæ poena diuina sit :
& opinionibus uulgi rapimur in errorem, nec uera cer-
nimus : morte, aut dolore corporis, aut luctu animi,
aut offensione iudicij, hominum miseras ponderamus :
quæ fateor humana esse, et multis bonis uiris accidisse :
sceleris autem poena tristis, & præter eos euentus, qui
sequuntur, per se ipsa maxima est. uidimus eos, qui ni-
si odissent patriam, nunquam inimici nobis fuissent, ar-
dentes tum cupiditate, tum metu, tum cōscientia, quid
agerent modo timentes, uicissim continentes religiones,
iudicia perrupta, ab iisdem corrupta hominum, nō deo-
rum. reprimam iam, & non insequar longius, eoq; mi-

nus, quo plus poenarum habui, quàm petiui: tantū pœ-
 nam merui, duplicem poenam esse diuinam, quòd con-
 * staret & ex uexandis uiuorum animis, & ea fama
 mortuorū, ut eorū exitium & iudicio uiuorū, & gau-
 dio comprobetur. Agri autem ne cōsecrentur, Pla-
 toni prorsus assentior: qui, si modo interpretari potue-
 ro, his ferè uerbis utitur. Terra igitur, ut focus, domi-
 ciliū sacrum omnium deorū est. quocirca ne quis ite-
 rum idem consecrato. aurum autem, & argentum in
 urbibus & priuatim, & in fanis inuidiosa res est. tum
 ebur ex inani corpore extractum, haud satis castum do-
 num deo. iam æs, atque ferrum duelli instrumenta, nō
 fanī. lignēū autem, quodq; uoluerit uno è ligno, dedi-
 cato, itemq; lapideum. in delubris communibus textile:
 nec operosius, quàm mulieris opus menstruum. color
 autem albus præcipue decorus deo est tum in ceteris, tū
 maxime in textili. tinēta uero absint, nisi à bellicis in-
 signibus. dignissima autem dona aues, & formæ ab
 uno pictore uno absolutæ die. itemq; cætera huius exē-
 pli dona sunt. Hæc illi placent. sed ego cætera nō tā
 restricte præfinio, uel hominum uitij, uel subsidijs tem-
 porum uictus. terræ cultum segniorem suspicor fore,
 si ad eam tuendam, ferroq; subiiciendam superstitio-
 nis aliquid accesserit. Att. Habeo ista. nunc de sacris
 perpetuis, & de manium iure restat. M. O' miram
 memoriam Pomponi tuam. at mihi ista exciderant.
 Att. Ita credo: sed tamen hoc magis eas res & memi-
 ni, & expecto, quòd & ad pontificium ius, & ad ci-
 uile pertinent. M. Vera, & aperitissima sunt istis
 de rebus & responsa, & scripta multa: & ego in

DE LEGIBVS

hoc omni sermone nostro, quod ad cunque legis genus me disputatio nostra deduxerit, tractabo, quoad poterō, eius ipsius generis ius civile nostrum, sed ita, locus ipse ut notus sit, ex quo ducatur quaque res, & ars iuris, ut non difficile sit, quaecunque noua causa consultatio ue acciderit, eius tenere ius, cum scias à quo sit capite repetendum. Sed inreconsulti sine erroris obijciendi causa, quo plura & difficiliora scire uideantur; siue, quod similis uerū est, ignoratione docendi; (nā non solum scire aliquid, artis est, sed quādā ars etiam docendi) sepe, quod positum est in una cognitione, id in infinita dissipantur: uelut in hoc ipso genere, quā magnum illud Scæuolæ faciunt, Pōtiffices ambo, & idem iuris peritissimi? at, inquit Publij filius, ex patre audiui, Pōtifficem neminem bonum esse, nisi qui ius civile cognosset. totumne? quid ita? quid enim ad Pōtifficē de iure parietum, aut aquarū, aut ullo omnino? si ergo quod cū religione coniunctum est: (id autem quātulum est? de sacris credo, de uotis, de feriis, de sepulcris, & si quid eiusmodi est) cur igitur hæc tanta facimus, cum cetera perparua sint? de sacris autem, qui locus patet latius, hæc sit una sententia, ut cōseruentur semper, & deinceps familiis prodantur, et, ut in lege posui, perpetua sint. sacra hic posita. hæc iura Pontificū auctoritatem consecuta sunt, ut ne morte patris familias sacrorū memoria occideret, et ijs esset ea adiuncta, ad quos eiusdem morte pecunia uenerit. hoc uno posito, quod est ad cognitionem disciplina satis, innumerabilia nascuntur, quibus implentur iuriconsultorum libri. quærentur enim, qui astringantur sacris.

heredum causa iustissima est : nulla est enim persona, quæ ad uicem eius, qui è uita emigrauerit, propius accedat . deinde qui morte, testamento uel eius tantundem capiat, quantum omnes heredes: id quoque ordine: est enim ad id, quod propositum est, accommodatum . Tertio loco, si nemo sit hæres, is, qui de bonis, quæ eius fuerint, cum moriturus, acceperit plurimum possidendo . Quarto, si nemo sit, qui ullam rem ceperit, de creditibus eius qui plurimum seruet . extrema illa persona est, ut is, qui mortuus sit, pecuniam debuerit, neminiq; eam soluerit, perinde habeatur, quasi eam pecuniam ceperit . Hæc nos à Scauola didicimus, non ita descripta ab antiquis . nam illi quidem his uerbis docebant, tribus modis sacris astringi hereditatem, aut si maiorem partem pecunie capiat, aut si maior pars pecunie legata est, aut si inde quippiam ceperit . sed Pontificem sequamur . uidetis igitur omnia pendere ex uno illo, quod Pontificum pecuniam sacro coniungi uolunt . iisdemq; ferias & ceremonias ascribendas putant . atque etiam dant hoc Scauolæ, quod est partitio ; ut, si in testamento deducta, scripta non sint, ipsiq; minus ceperint, quam omnibus heredibus relinquatur, sacris ne alligentur . in donatione hoc idem secus interpretantur : & quod paterfamilias in eius donatione, qui in ipsius potestate esset, approbavit, ratum est : quod eo inscio factum est, si id is non approbat, ratum non est . his propositis, quæstiunculae multæ nascuntur : quas qui intelligat, non, si ad caput referat, per se ipse facile perspiciat : ueluti, si minus quis cepisset, ne sacris alligaretur, post de eius heredibus aliquis exegisset

DE LEGIBVS

pro sua parte id, quod ab eo, cuius ipse hæres esset, præ-
 termissum fuisset: eaq; pecunia non minor esset facta
 cū superiore exactione, quàm hæredibus omnibus esset
 relicta: qui eam pecuniam exegisset, solum, nisi cohæ-
 redibus, sacris alligari. quin etiam cauent, ut cui plus
 legatum sit, quàm sine religione capere liceat, is per æs,
 & libram hæredem testamenti soluat; propterea quod
 eo loco res est ita soluta hæreditate, quasi ea pecunia
 legata non esset. hoc ego loco, multisq; alijs quero à vo-
 bis Scæuolæ Pontifices maximi, & homines meo quidē
 iudicio acutissimi, quid sit, quod ad ius pontificium ci-
 uile appetatis? civilis enim iuris scientia pōtificiū quo-
 dam modo tollitis: nam sacra cum pecunia, Pontificū
 auctoritate nulla lege coniuncta sunt: itaque si uos
 tantum modo Pōtīfices essetis, pontificalis maneret au-
 thoritas. sed quod idē iuris civilis est is, peritissimis, hac
 scientia illa eluditis. placuit P. Scæuolæ, & Coruncan-
 no Pontificibus maximis, idemq; ceteris, qui tantūdem
 caperet, quantum omnes hæredes, sacris alligari. ha-
 beo ius pontificiū. quid huc accessit ex iure civili? par-
 titiois caput, scriptum caute, ut centum nūmi dedu-
 cerentur. inuenta est ratio, cur pecunia sacrorum mo-
 lestia liberaretur. quid si hoc, qui testamentum facie-
 bat, cauere uoluisset? admonet iurisconsultus hic qui
 dem ipse Mutius, Pontifex idem, ut minus capiat, quàm
 omnibus hæredibus relinquatur. super dicebant, quid
 quid cepisset, astringi. rursus sacris liberantur. hoc ue-
 ro nihil ad pontificium ius, & è medio est iure civili,
 ut per æs, & libram hæredem testamenti soluat, & eo-
 dem loco res sit, quasi ea pecunia legata nō esset, si is,
 cui

cui legatum est, stipulatus est id ipsum, quod legatum est, ut ea pecunia ex stipulatione debeat, sitq; ea
* non doctum hominem sanè: cuius fuit Accius per familiaris: sed mensem credo extremum anni, ut veteres februario, sic hic decembrem sequebatur. Hostia autem maxima parentare, pietatis esse adiunctum putabat. Iam tanta religio est sepulcrorum, ut extra sacra, & gentem inferri fas negent esse: idq; apud maiores nostros Torquatus in gente Popilia iudicavit. nec vero tam denicales, quæ à nece appellatæ sunt, quia residunt mortui, quam cæterorum coelestium quieti dies feriæ nominarentur, nisi maiores eos, qui ex hac vita migrassent, in deorum numero esse voluissent: eas in eos dies cõferre ius, ut neque ipsius, neque publicæ feriæ sint. totaque huius iuris compositio pontificalis magnam religionē ceremoniamq; declarat. neque necesse est edisseri à nobis, quæ finis funestæ familie, quod genus sacrificij lare ueruecibus fiat, quemadmodum os reiectum terræ obtegatur, quæq; in porca confracta iura sint, quo tempore incipiat sepulcrum esse, & religione teneatur. mihi quidē antiquissimum sepulturae genus illud fuisse videtur, quo apud Xenophontē Cyrus utitur: redditur enim terræ corpus, et ita locatum, ac situm, quasi operimento matris obducitur. eodēq; ritu in eo sepulcro, quod procul ad fontis aras, Regem nostrum Numam conditum accepimus: gentemq; Corneliam usque ad memoriam nostram hac sepultura scimus esse humatā. C. Marij sitas reliquias apud Anienē dissipari iussit Sylla uictor, acerbiorē odio incitatus, quàm si tam sapiens fuisset, quàm fuit uehemens. quod haud scio an timens suo

Z

DE LEGIBVS

corpore posse accidere, primus è patritijs Cornelijs igni
uoluit cremari: declarat enim Ennius de Africano,
27 Hic est ille situs. *et in uisum nobis ma illud*
uere: nam siti dicuntur ij, qui conditi sunt: nec tamē
eorum ante sepulcrum est, quā iusta facta, & corpus
incensum est. & quod nunc cōmuniter in omnibus se=
pultis penitus, humati dicantur; id erat proprium tum
in ijs, quos humus iniecta cōtegeret: eumq; morem ius
Pontificale confirmat. nam priusquā in os iniecta gle=
ba est, locus ille, ubi crematū est corpus, nihil habet reli=
gionis. iniecta gleba tumulis, & humatus est, & gleba
uocatur: ac tum denique multa religiosa iura cōplecti
tur. itaque in eo, qui in navi necatus, deinde in mare
proiectus esset, decreuit P. Mutius familiā purā quot os
* supra terram nō extare, porcam heredi esset. C. Cotta
censet habēdas triduum ferias, et porco fœmina piacū=
lum dare: si in mari mortuus esset, eadem præter piacu=
lum & ferias. Att. Video, quæ sint in Pontificio iure.
sed quero, quidnā sit in legibus. M. Pauca sanē Tite,
et, uti arbitror, non ignota uobis. sed ea non tam ad re=
ligionem spectant, quā ad ius sepulcrorum. homi=
nem mortuum, inquit lex in duodecim, in urbe ne
sepelito, ne ue writo. credo, uel propter ignis periculū.
quod autē addit, ne ue writo, indicat, non qui uratur se=
peliri, sed qui humetur. Att. Quid, qui post duodecim
in urbe sepulti sunt? M. Claros uiros credo Tite fuisse,
aut eos, quibus hoc ante hanc legem uirtutis causa tri=
butum est, ut Publicolæ, ut Tuberto, quod eorū posteri
iure tenuerunt, aut eos, si qui hoc, ut C. Fabricius, uir=
tutis causa soluti legibus cōsecuti sunt. sed in urbe sepe

liri lex uetat. sic decretum à Pontificum collegio, non esse ius in loco publico fieri sepulcrum. nostis extra portam Collinam ædem Honoris: & aram in eo loco fuisse, memoriæ proditum est. ad eam cū lamina esset inuenta, et in ea scriptum, domina honoris: ea causa fuit ædis huius dedicandæ. sed cū multa in eo loco sepulcra fuissent, exarata sunt: statuit enim collegium, locū publicum non potuisse priuata religione obligari. iam cætera in duodecim, minuendi sunt sumptus, lamentationesq; funeris, translata de Solonis ferè legibus: hoc plus, inquit, ne facito. rogam ascia ne polito. nostis quæ sequuntur: discebamus enim pueri duodecim ut carmen necessariū: quas iam nemo discit. extenuato igitur sumptu tribus ricinijs, & uinculis purpuræ, & decem tibicinibus, tollit etiam lamentationem. mulier genas ne carpito, ne ue lessum funeris ergò habeto. hoc ueteres interpretes, Sex. Aelius, L. Acilius nō satis se intelligere dixerunt, sed suspicari uestimenti aliquod genus funebris: Lælius lessum quasi lugubrem eiulatio nem, ut uox ipsa significat. quod eo magis iudico uerum esse, quia lex Solonis id ipsum uetat. hæc laudabilia, & locupletibus ferè cum plebe communia. quod quidem maxime è natura est, tolli fortunæ discrimen morte. cætera item funebria, quibus luctus augeatur, duodecim sustulerunt. homini, inquit, mortuo ne ossa legito, quo post funus faciat. excipit bellicam peregrinamq; mortem. hæc præterea sunt in legibus de unctura: quæ seruilis unctura tollitur, omnisq; circūpositio. quæ & recte tolluntur, neq; tollerentur, nisi fuissent, ne sumptuosa aspersio, ne lōge coronæ, nec acerræ

DE LEGIBVS

prætereantur. illa iam significatio est, laudis ornamenta ad mortuos pertinere, quod coronam uirtute paratam, & ei, qui peperisse, & eius parenti sine fraude esse lex impositam iubet; credoq; quod erat facilitatum, ut uni plura fierent, lectiq; plures sterneretur, id quoque ne fieret, lege sancitum est. qua in lege cum esset, ne ue aurum addito, quam humane excipiat. Altera lex præcipit, altera lex uetat, ut cui auro dentes iuncti essent, astim cum illo sepeliretur: & ne se fraudi esto: & simul illud uidetote, aliud habitum esse sepeliretur ære. Duæ sunt præterea leges de sepulcris. quarum altera priuatorum ædificijs, altera ipsis sepulcris cauet. nam quod rogi bustum ne nouum uetat propius sexaginta pedes adijci ades alienas inuito domino, incendiū uereretur acerbum. Quod autem forum, id est uestibulum sepulcri bustum, ne usucapi uetat, tuetur ius sepulcrorum. hæc habemus in duodecim sanè secundum naturam: quæ norma legis est. reliqua sunt in more: funus ut indicatur, si quid ludorum, domusq; funeris utatur accenso, atque liætoribus: honoratorum uirorum laudes in concione memorantur, easq; etiam ad cætus ad tibicinem prosequuntur: cui nomen Næniæ: quo uocabulo etiā Græci cantus lugubres nominant. Q. Gaudeo nostra iura ad naturam accommodari: maiorumq; sapientia admodum delector. M. Sed credo Quinte, ut cæteros sumptus, sic etiam sepulcrorum modum recte requiri: quos enim ad sumptus progressa iam ista res sit, in C. Figuli sepulcro uides. sed credo minimam olim istius rei fuisse cupiditatem. alioquin multa extaret exempla maiorum. nostræ quidem legis interpretes, quo capite iubentur sumptus, et lucrum

remouere à deorum manium iure, hoc intelligunt, in pri-
 mis sepulcrorum magnificentiam esse minuendam. nec
 hæc à sapientissimis legum scriptoribus neglecta sunt.
 nam et Athenis iam ille mos à Cecrope, ut aiunt, permã
 sit, corpus terra humani: quam cū proximi fecerant,
 obductaq; terra erat, frugibus obserebatur, ut sinus &
 gremiū quasi matris mortuo tribueretur, solum autem
 frugibus expiatum ut uiuis redderetur. sequebatur epu-
 læ, quas inibat parentes coronati: apud quas de mortui
 laude, cum nī quid ueri erat prædicatum: nam mentiri
 nefas habebatur: ad iusta coniecta erant. posteaquam,
 ut scribit Phalereus, sumptuosa fieri funera, et lamenta
 bilia coepissent, Solonis lege sublata sunt. quā legem eis
 dem propè uerbis nostri uiri in decimam tabulam conie-
 cerunt. nam de tribus ricinijs, & pleraq; illa Solonis
 sunt. de lamentis uero expressa uerbis sunt. mulier ge-
 nas ne carpito, ne'ue lessum funeris ergò habeto. de se-
 pulcris autem nihil est apud Solonē amplius, quàm ne
 quis ea deleat, ne'ue alienum inferat: pœnãq; est, si quis
 bustum (nam id puto appellari tymbon) aut monu-
 mentum, inquit, aut columnam uiolarit, deiecerit, frege-
 rit, sed post aliquanto propter has amplitudines sepul-
 crorum, quas in Ceramico uidemus, lege sanctum est, ne
 quis sepulcrum faceret operosius, quàm quod decem ho-
 mines effecerint triduo. neque id opere tectorio exorna-
 ri, nec Hermas quos uocāt licebat imponi, nec de mortui
 laude nisi in publicis sepulchris, nec ab alio, nisi qui pu-
 blice ad eam rem constitutus esset, dici licebat. sublata
 etiam erat celebritas uirorum & mulierum, quo lamen-
 tatio minueretur: habet enim luctum concursus homi-

num. quocirca Pittacus omnino accedere quenquā ue-
 rat in funus aliorum. sed ait rursus idem Demetrius in-
 crebuisse eam funerum, sepulcrorumq; magnificentia,
 quæ nunc ferè Romæ est. quam consuetudinem lege mi-
 nuit ipse: fuit enim hic uir, ut scitis, non solum erudi-
 tissimus, sed etiam ciuis Reip. maxime tuæq; ciuitatis
 peritissimus. iste igitur sumptus minuit non solum pœ-
 na, sed etiam tempore: ante lucem enim iussit efferri.
 sepulcris autem nouis finiuit modum: nam super ter-
 ræ tumulum noluit quid statui, nisi columellam tribus
 cubitis non altiore, aut mensam, aut labellum: &
 huic procurationi certum magistratum præfecerat.
 Hæc igitur Athenienses tui. sed uideamus Platonem, qui
 iusta funerum reijcit ad interpretes religionum. quem
 nos morem tenemus. de sepulcris autem dicit hæc. Ve-
 rat ex agro culto, eo'ue, qui coli possit, ullam partem su-
 mi sepulcro; sed quæ natura agri tantummodo efficere
 possit, ut mortuorum corpora sine detrimento uiuorum
 recipiat, ea potissimum ut compleatur; quæ autem ter-
 ra fruges ferre, & ut mater cibos suppeditare possit,
 eā ne quis nobis minuat ne'ue uiuus, ne'ue mortuus. ex-
 trui autem uetat sepulcrum altius, quàm quod quinque
 diebus absoluerint, nec è lapide extari plus, nec imponi,
 quàm quod capiat laudem mortui incisam quatuor he-
 roicis uersibus: quos longos appellat Ennius. Habemus
 igitur huius quoque auctoritatem summi uiri de sepul-
 cris: à quo iterum funerum sumptus præfinitur ex cē-
 sibus à minis quinque usque ad minā. deinceps dicit ea-
 dem illa de immortalitate animorum, & reliqua post
 mortem tranquillitate bonorum, pœnis impiorum. Hæc

betis igitur explicatum omnem, ut arbitror, religionis locum. Q. Nos uero frater, & copiose quidem: sed perge ad cetera. M. Pergam equidem: et, quoniam libitum est uobis me ad hæc impellere, hodierno sermone conficiam spero, hoc præsertim die: uideo enim Platonem idē fecisse, omnemq; orationē eius de legibus perorata esse uno æstiuo die. sic igitur faciā, & dicam de magistratibus: id est enim profecto, quod constituta religione Rēp. cōtineat maxime. Att. Tu uero dic, & istam rationem, quam cœpisti, tene.

M. T. CICERONIS DE LEGIBVS

LIBER TERTIVS.

MARCVS.

Equar igitur, ut institui, diuinū illum uirū: quem quadam admiratione cōmotus sapius fortasse laudo, q̄ necesse est. Att. Platonē uidelicet dicis. M. Istum ipsum Attice. Att. Tu uero eū nec nimis ualde unquā, nec nimis sæpe laudaueris: nā hoc mihi etiam nostri illi, qui neminem nisi suū laudari uolūt, cōcedunt, ut eum arbitratu meo diligam. M. Bene Hercle faciūt: quid enim est elegātia tua dignius? cuius & uita & oratio cōsecuta mihi uidetur difficillimā illā societatem grauitatis cū humanitate. Att. Sanē gaudeo quod te interpellauī, quando quidem tam præclarum mihi dedisti iudiciij tui testimoniū. sed perge, ut coeperas. M. Laudemus igitur prius legem ipsam.

DE LEGIBVS

ueris, & proprijs generis sui laudibus. Att. Sanè quĩdem, sicut de religionum lege fecisti. M. Videtis igitur, magistratus hanc esse uim, ut præsit, præscribatq; recta, & utilia, & cõiuncta cum legibus. ut enim magistratibus leges, ita populo præsent magistratus: uerèq; dici potest magistratum legem esse loquentem, legem autem mutũ magistratum. nihil porrò tam aptũ est ad ius, conditionemq; naturæ: quod cum dico legẽ, à me dici nihil aliud intelligi uolo, quàm imperiũ, sine quo nec domus ulla, nec ciuitas, nec gens, nec hominum uniuersum genus stare, nec rerum natura omnis, nec ipse mundus potest: nam et hic deo paret, et huic obediunt maria, terraq; , et hominũ uita iussis suprema legis obtemperat. atque ut ad ceteriora ueniam & notiora nobis: omnes antiquæ gentes Regibus quondã paruerũt. quod genus imperij primũ ad homines iustissimos, & sapientissimos deferebatur: idq; in Rep. nostra maxime ualuit, quoad ei regalis potestas præfuit. deinde etiã deinceps posteris prodebat: quod & in his etiam, qui nunc regnant, manet. quibus autẽ regia potestas non placuit, non ij nemini, sed non semper uni parere uoluerũt. nos autem, quoniam leges damus liberis populis; quæq; de optima Rep. sentiremus, in sex libris ante diximus; accommodabimus hoc tempore leges ad illũ, quẽ probamus, ciuitatis statum. magistratibus igitur opus est: sine quorum prudentia ac diligentia esse ciuitas non potest: quorum descriptione omnis Reip. moderatio continetur. neque solũ ijs præscribendus est imperandi, sed etiã ciuibz obtemperandi modus. nam & qui bene imperat, paruerit aliquando necesse est: et qui modeste paret, uidetur,

qui aliquādo imperet, dignus esse. itaque oportet et eū,
 qui paret, sperare se aliquo tempore imperaturum; &
 illum, qui imperat, cogitare breui tempore sibi esse parē-
 dum. nec uero solum ut obtemperent, obediāq; ma-
 gistratibus, sed etiam ut eos colant, diligantq; praescri-
 bimus, ut Charondas in suis facit legibus. noster uero
 Plato Titānum ē genere statuit eos, qui, ut illi coelesti-
 bus, sic hi aduersentur magistratibus. quā cum ita
 sint, ad ipsas iam leges ueniamus, si placet. Att. Mihi
 » uero & istud, & ordo iste rerum placet. M. Iusta
 » imperia sunt, ipq; ciues modeste, ac sine recusatione
 » parento. magistratus nec obediētem, & noxium ci-
 » uem multa, uinculis, uerberib; coercent, ni par,
 » maior ue potestas, populusq; prohibessit, ad quos prouo-
 » catio esto. cum magistratus iudicassit, interrogassit ue,
 » per populum multa poenae certatio esto. militia ab eo,
 » qui imperabit, prouocatio ne esto. quodq; is, qui bel-
 » lum gerat, imperassit, ius ratumq; esto. minores ma-
 » gistratus periti iuris plures in praelia sunt. militia *
 » quibus iussi erunt imperant. eorum qui Tribuni sun-
 » to, domi pecuniam publicam custodiunt: uincula
 » fontium seruant: capitalia uindicant: as, argen-
 » tum, aurum ue publice signant: lites contractas iu-
 » dicant: quodcūque senatus creuerit, agunt. suntq;
 » Aediles curatores urbis, annonae, ludorumq; solēnium:
 » collisq; ad honoriū amplioris gradum is primus ascensus
 » esto. Censores, populi ciuitates, soboles, familias, pecu-
 » niasq; censent: urbis templa, uias, aquas, ararium, ue-
 » eligalia rēnt: populiq; partes in tribus describunt:
 » exin pecunias, ciuitates, ordines partiūto: equitum, pedi-

DE LEGIBVS

22 tūmq; prolem describunto: cœlibes esse prohibento: mo
 22 res populi regunto: probrum in senatu ne relinquũto:
 22 bini sunt: magistratum quinquẽnium habento: reli
 22 qui magistratus annui sunt: eaq; potestas semper esto.
 22 iuris disceptator, qui priuata iudicet, iudicari ne iubeat,
 22 prator esto: is iuris ciuilis custos esto: huic potestati pa
 22 rento. quocũque senatus creuerit, populus ne iusserit,
 22 tot sunt. regio imperio duo sunt: isq; praeundo, iudi
 22 cando, consulendo, praetores, iudices, cõsules appellantur:
 22 militiæ summum ius habento: nemini parento: salus
 * populi suprema lex esto. eundem magistratũ, ni inter
 22 fuerint X anni, ne quis capito. auitatẽ annali lege ser
 22 uatõ. ast quãdo duellum grauius, discordiã ciuiũ, estun
 22 to ne amplius sex menses, si senatus creuerit: idẽ iuris,
 22 quod duo Cõsules, tenũto: isq; aue sinistra dictus, po
 * puli magister esto. æquitatem quicunque regat habeto
 22 pari iure cum eo, quicunque erit iuris disceptator. ast
 22 quãdo Consulis est, magister ue populi, reliqui magi
 22 stratus ne sunt. auspicia patrum sunt: olliq; ex se
 22 prodũto, qui comitijs creare Cõsules rite possint. impe
 22 ria, potestates, legationes, cum senatus creuerit, populus
 22 ne iusserit, ex urbe exeunto: duella iusta iuste gerũto:
 22 socijs parcunto: se, & seruos continent, populi sui glo
 22 riam augento: domum cum laude redeunto: rei suæ
 22 ergò ne quis legatus esto. Plebes quos pro se contra uim
 22 auxilij ergò decem creassit, Tribuni eius sunt: quodq;
 22 ij prohibeßint, quodq; plebem rogassint, ratũ esto: san
 22 ctiq; sunt: ne ue plebem orbam Tribunis relinquũto.
 22 omnes magistratus auspiciũ, iudiciũq; habẽto: è quois
 22 senatus esto: eius decreta rata sunt. ast ni potestas par,

„ maior ue prohibessit, S. C. perscripta seruant. is ordo
 „ uitio uacato: ceteris specimē esto. creatio magistratū,
 „ iudicia populi, iussa, uetita, cum sciscuntur, suffra-
 „ gia optimatibus nota, plebi libera sunt. at si quid
 „ erit, quod extra magistratus coarario asussit, qui coar-
 „ ret, populus creato, eiq; ius coarandi dato. cum popu-
 „ lo, patribusq; agendi ius esto consuli, pratori, magistro
 „ populi, equitumq; eiq; quem produnt patres consu-
 „ lum rogandorum ergo: Tribunisq; quos sibi plebes ro-
 „ gassit, ius esto cū patribus agendi: itē ad plebem, quod
 „ census erit, ferunto. quæ cum populo, quæ cum patri-
 „ bus agentur, modica sunt. senatori, qui nec aderit, aut
 „ causa, aut culpa esto. loco et modo orato. causas populi
 „ teneto. uis in populo abesto. par, maior ue potestas plus
 „ ualeto. ast quid turbassit in agēdo, fraus actoris esto.
 „ intercessor rei malæ salutaris ciuis esto. qui agēt, auspia
 „ cia seruato: auguri publico parento: promulgata, propo-
 „ sita in arario, cognita agūto: nec plus q̄ de singulis re-
 „ bus cōsulunto: rē populū docēto: doceri a magistra-
 „ tibus priuatiq; patiuntor. priuilegia ne irrogato: de capi-
 „ te ciuis, nisi per maximū comitiatū, ollosq; quos cēsores
 „ in partibus populi locassint, ne ferūto: uim ne facito: do-
 „ nū ne capiunto, ne ue danto, ne ue petenda, ne ue gerē-
 „ da, ne ue gesta potestate. quod quis earū rerū migras-
 „ sit, noxiæ pœna par esto. Censores fide legem custodiu-
 „ to. priuati ad eos acta referūto: nec eo magis lege li-
 „ beri sunt. Lex recitata est. disce rē, & tabellam in-
 „ bebo dari. Q. Quam breui frater in conspectu posita
 „ est a te omnium magistratuum descriptio, sed ea penē
 „ nostræ ciuitatis: etsi a te paululum allatum est noui.

DE LEGIBVS

M. Rectissime Quinte animaduertis : hæc est. n. quam Scipio laudat in libris, & quam maxime probat reparationem Reip. quæ effici non potuisset, nisi tali descriptione magistratuum. nam sic habetote, magistratibus, ijsq; qui præsunt, contineri Remp. & ex eorum cõpositione, quod cuiusque in Rep. genus sit, intelligi. quæ res cum sapientissime, moderatissimeq; constituta esset à maioribus nostris, nihil habui sanè, non modo multum, quod putarem nouadum in legibus. Att. Reddes igitur nobis, ut in religionis lege fecisti admonitu, & rogatu meo, sic de magistratibus, ut disputes, quibus de causis maxime placeat ista descriptio. M. Faciam Attice, ut uis; & locum istum totum, ut à doctissimis Græciæ quæsitum, & disputatum est, explicabo; & ut institui, nostra iura attingam. Att. Istud maxime expecto disseredi genus. M. Atqui pleraque sunt dicta in illis libris: quod faciendum fuit, cum de optima Rep. quaereretur. sed huius loci de magistratibus sunt propria quedam, à Theophrasto primū, deinde à Dione Stoico quæsitā subtilius. Att. Ain tandem, etiam à Stoicis ista tractata sunt? M. Non sanè, nisi ab eo, quem modo nominauī, & postea à magno homine, & in primis erudito, Panætio. nam ueteres uerbo tenus, acute illi quidem, sed non ad hunc usum popularem, atque civilem, de Rep. differebant. ab hac familia magis ista manarunt Platone principe: post Aristoteles illustrauit omnem hunc civilem in disputando locum, Heraclidesq; Põticus profectus ab eodē Platone. Theophrastus uero institutus ab Aristotele habitauit, ut scitis, in eo genere rerum: ab eodemq; Aristotele doctus Dicaarchus huic rationi stu-

dioq; non defuit. post à Theophrasto Phalereus ille De
 metrius, de quo feci supra mentionē, mirabiliter doctri-
 nam ex umbraculis eruditorum, otioq; non modo in so-
 lem, atque puluerem, sed in ipsum discrimē, aciemq; per-
 duxit. nā et mediocriter doctos magnos in Rep. uiros,
 & doctissimos homines nō nimis in Rep. uersatos mul-
 tos cōmemorare possumus. qui uero utraque re excel-
 leret, ut & doctrinæ studijs, et regēda ciuitate princeps
 esset, quis facile præter hunc inueniri potest? Att. Puto
 posse, & quidem aliquem de tribus nobis. sed perge, ut
 cœperas. M. Quæsitum igitur ab illis est, placeret ne
 unū in ciuitate esse magistratum, cui reliqui parerent:
 quod exactis Regibus intelligo placuisse nostris maioribus.
 sed quoniam regale ciuitatis genus probatū quon-
 dam, postea non tam regni, quā Regis uitij repudia-
 tum est, nomen tantum uidebitur Regis repudiatū, res
 manebit, si unus omnibus reliquis magistratibus impera-
 bit. quare nec Ephori Lacedæmone sine causa à Theo-
 pōpo oppositi Regibus, nec apud nos Cōsulibus Tribunī.
 nam illud quidem ipsum, quod in iure positū est, habet
 Consul, ut ei reliqui magistratus omnes pareāt, excepto
 Tribuno, qui post extitit, ne id, quod fuerat, esset: hoc e-
 nim primum minuit consulare ius, quod extitit ipse, qui
 eo non teneretur; deinde quod attulit auxilium reli-
 quis non modo magistratibus, sed etiam priuatis, Con-
 suli non parentibus. Q. Magnum dicis malum: nam,
 ista potestate nata, grauitas optimatum cecidit, conua-
 luitq; ius multitudinis. M. Non est ita Quinte: non
 enim ius illud solum superbius populo, sed uolentius
 uideri necesse erat: quō posteaquā modica & sapiens

temperatio accessit, conuersa lex in omnes est.

Multa desunt.

» domum cum laude redeunto. nihil enim præter laudē bonis, atque innocentibus, neque ex hostibus, neque à socijs reportandū. iam illud apertū profecto est, nihil esse turpius, quàm quenquā legari nisi Reip. causa. omitto, quemadmodū isti se gerant, atque gesserint, qui legatione hereditates, aut syngraphas suas persequuntur. in hominibus est hoc fortasse uitium. sed quæro, quid reapse sit turpius, quàm sine procuratore senator, legatus sine mandatis, sine ullo Reip. munere? quod quidem genus legationis ego Consul, quanquam ad cōmodum senatus pertinere uideatur, tamen approbante senatu frequētissimo, nisi mihi leuissimus Tribunus pl. intercessisset, sustulissēm: tamē minui tempus, et, quod erat infinitū, annuum feci. ita turpitudine manet, diuturnitate sublata. sed iam, si placet, de prouincijs decedatur, in urbemq; redeatur. A. Nobis uero placet: sed ijs, qui in prouincijs sunt, minime placet. M. At uero Tite, si pareant his legibus, nihil his urbe, nihil domo sua dulcius, nec laboriosius, molestiusq; prouincia. Sed sequitur lex, quæ sancit eam Tribunorum pl. potestatem, quæ in Rep. nō

stra : de qua differi nihil necesse est. Q. At mehercule
 ego frater quæro, de ista potestate quid sentias: nam mi
 hi quidem pestifera uidetur, quippe quæ in seditione, et
 ad seditionem nata sit: cuius primum ortum, si recorda
 ri uolumus, inter arma ciuium & occupatis, et obsessis
 * urbis locis procreatum uidemus. deinde cum esset cito le
 gatus tanquam ex XII tabulis, insignis ad deformita
 tem puer breui tēpore nescio quo pacto creatus, multoq;
 tetrior, & fœdior natus est. quem enim ille non edidit,
 qui primum, ut impio dignum fuit, patribus omnem
 honorem eripuit, omnia infima summis paria fecit, tura
 bavit, miscuit; cum afflixisset principum grauitatem,
 nunquam tamen cōquieuit: atque ut Cn. Flaminium,
 atque ea, quæ prisca sunt, relinquam: quid iuris bonis
 uiris T. Gracchi Tribunatus reliquit? etsi quinquēnio
 ante D. Brutum, & P. Scipionem Consules, quos, &
 quantos uiros; homo omnium infimus, & sordidissi
 mus Tribunus pl. C. Curatius in uincula cōiecit: quod
 ante factum non erat. C. uero Gracchus ruinis, &
 * emissicijs, quas ipse se proiecisse in forum dixit, quibus
 digladiarentur inter se ciues, non ne omnem Reip. sta
 tum permutauit? quid iam de Saturnini supplicio, re
 liquisq; dicam? quos ne depellere quidem à se sine ferro
 potuit Resp. cur autem aut uetera, aut aliena profera
 mus potius, quàm & nostra, & recentia? quis un
 quam tam audax, tam inimicus nobis fuisse, ut cogi
 taret unquam de statu nostro labefaciēdo, nisi mucro
 nem aliquem tribunitium exacuisset in nos? quem cum
 homines scelerati, ac perdiri non modo ulla in domo,
 sed nulla in gente reperirēt, gētes sibi in tenebris Reip.

D E L E G I B V S

* perturbandas putauerunt. quod nobis quidem egregiū,
 & ad immortalitatem memoriæ gloriosum, neminē in
 nos mercede ulla Tribunū potuisse reperiri, nisi cui nec
 esse quidē licuisset Tribuno. sed ille quas strages edidit?
 eas uidelicet, quas sine ratione, ac sine ulla spe bona fu-
 ror edere potuit impurae beluae multorū inflāmatuſ fu-
 roribus. quamobrem in ista quidem re uehemēter syl-
 lam probo, qui Tribunis pl. sua lege iniuriæ faciendæ
 potestatem ademerit, auxilium ferendi reliquerit: Pom-
 peiumq; nostrum cæteris rebus omnibus semper amplif-
 simis summisq; effero laudibus: de tribunitia potestate
 taceo: nec. n. reprehendere libet, nec laudare possum.
 M. Vitia quidē Tribunatus præclare Quinte perspicis.
 sed est iniqua in omni re accusanda prætermisſis bonis
 malorum enumeratio, uitiorumq; selectio. nam isto qui-
 dem modo uel Consularis uituperabilis est, si Consulū,
 quos enumerare nolo, peccata collegeris. ego. n. fateor
 in ipsa ista potestate inesse quiddā mali. sed bonū, quod
 est quæsitū in ea, sine isto malo non haberemus. nimia
 potestas est Tribunorum pl. quis negat? sed uis populi
 multo sæuior, multoq; uehementior: quæ ducem quodd
 habet, interdum lenior est, quā si nullum haberet:
 dux enim suo periculo progredi cogitat, populi impe-
 tus periculi rationem sui non habet. at aliquando in-
 cenditur. & quidem sæpe sedatur: quod enim est tam
 desperatum collegium, in quo nemo ē decem sana men-
 te sit? quin per ipsum Ti. Gracchū non solum uetitus,
 sed etiam sublatuſ intercessor fuerat. quid enim illum
 aliud perculit, nisi quodd potestatem intercedendi colle-
 gæ abrogauit? sed tu sapientia maiore nihilo uide con-
 cessa

cessa plebi à patribus ista potestate arma ceciderunt :
relinctæ seditio est : inuentum est temperamentum, quo
renuiores cum principibus æuari se putarint : in quo
uno fuit ciuitatis salus . at duo Gracchi fuerunt . &
præter eos quamuis enumeres multos licet , cum deni
crearentur : nullos in omni memoria reperies perniti-
ciosos Tribunos , leues , & non bonos fortasse plures .
inuidia quidem summus ordo caret : plebs de suo iu-
re periculosas contentiones nullas facit . quamobrem
aut exigendi Reges non fuerunt , aut plebi re , non
uerbo danda libertas : quæ tamen sic data est , ut mul-
tis præclarissimis addiceretur , ut auctoritati princi-
pum cederet . Nostra autem causa , quæ optime & dul-
cissime frater incidit in tribunitiam potestatem , nihil
habuit contentionis cum Tribunatu . non enim plebs
incitata nostris rebus inuidit : sed uincula soluta
sunt , & seruitia incitata , adiuncto terrore etiam
militari . neque nobis cum illa tum peste certamen
fuit , sed cum grauissimo Reip . tempore : cui si non
cessissem , non diuturnum beneficij mei patria fructum
tulisset . atque hoc rei exitus indicauit . quis enim non
modo liber , sed etiam seruus libertate dignus fuit ,
cui nostra salus chara non esset ? quodd si is casus fuisset
rerum , quas pro salute Reip . gessimus , ut non om-
nibus gratus esset ; & si nos multitudinis uis fu-
rentis inflammata inuidia pepulisset tribunitia , quæ sic
in me populū , sicut Gracchus in Lenatem , Saturninus
in Metellum , incitasset : ferremus ò Quinte frater :
consolarenturq ; nos non tam philosophi , qui Athe-
nis fuerunt , qui hoc facere debent , quam clarissimā

A A

DE LEGIBVS

uirī, qui illa urbe pulsi carere ingrata ciuitate, quā
manere in improba maluerunt. Pompeium uero quod
una ista in re non ita ualde probas, uix satis mihi illud
uideris attendere, non solum ei, quid esset optimum, ui-
dendum fuisse, sed etiam quid necessariū: sensit enim
deberi non posse huic ciuitati illam potestatem: quippe
quam tātopere populus noster ignotam experisset, qui
posset carere cognita? sapientis autem ciuis fuit, cau-
sam nec perniciosam, & ita popularem, ut non posset
obstare, perniciose populari ciui non relinquere. Scis so-
lere frater in huiusmodi sermone, ut trāsiri aliud possit,
admodum dici. Att. Prorsus ita est. Q. haud equidem
assentior: tu tamen ad reliqua pergas uelim. M. Perse-
ueras tu quidem, & in tua uetere sententia permanes.
Q. Non mehercule. Att. Ego sanē à Quinto nostro
dissentio. sed ea, quæ restant, audiamus. M. Deinceps
igitur omnibus magistratibus auspiciā, & iudicia dan-
tur: iudicia, ut esset populi potestas, ad quam prouo-
caretur: auspiciā, ut multos inutiles comitiatus proba-
biles impedirent moræ: sæpe enim populi impetum iniu-
stum, auspicijs dī immortales reprefferunt: ex ijs au-
tem, qui magistratum ceperunt, quod senatus consul-
to efficitur, popularem sanē neminem in summum lo-
cum nisi per populum uenire sublata cooptatione cēso-
ria. sed præsto est huius uitij temperatio, quod senatus
lege nostra confirmatur auctoritas. sequitur enim, eius
decreta rata sunt. nam ita se res habet, ut, si senatus
dominus sit publici consilij, quodq; is creuerit, defendat
omnes, et si ordines reliqui principis ordinis cōsilio Rēp.
gubernari uelint, possit ex temperatione iuris, cum po-

- testas in populo, auctoritas in senatu sit, teneri ille mode-
 ratus, & cōcors ciuitatis status, praesertim si proxima le-
 » gi parebitur. nā proximū est. is ordo uitio careto, cæ-
 » teris specimen esto. Q. Præclara uero frater ista lex :
 sed & altera, ut & uitio careat ordo, & ut Censorem
 quærat interpretem. Att. Ille uero, etsi tuus totus est or-
 do, gratissimamq; memoriam retinet Consulatus tui ;
 pace tua dixerim, non modo Cēsores, sed etiam iudices
 omnes potest defatigare. M. Omitte ista Attice : non
 enim de hoc senatu, nec his de hominibus, qui nūc sunt,
 sed de futuris, si qui forte his legibus parere uoluerint,
 hæc habetur oratio. nam cum omni uitio carere lex iu-
 beat, ne ueniet quidem in eum ordinem quisquam uitij
 particeps. id autem difficile factū est, nisi educatione
 quadam, et disciplina : de qua dicemus aliquid fortas-
 se, si quid fuerit loci, aut temporis. Att. Locus certe non
 deerit, quoniam tenes ordinem legum : tempus uero lar-
 gitur longitudo diei. ego autem, etiam si præterieris, re-
 petam à te istum de educatione, & de disciplina locū.
 » M. Tu uero & istum Attice, & si quē alium. Cæteris
 * specimen esto: quod sic tenemus omnia. ut enim cupidi-
 tatibus principum, & uitij infici solet tota ciuitas : sic
 emendari & corrigi continentia. uir magnus, & nobis
 omnibus amicus, L. Lucullus ferebatur quamcōmodis-
 sime respondisse, cum esset obiecta magnificentia uillæ
 Tusculanæ, duos se habere uicinos, superiorem equitem
 R. inferiorem libertinum : quorum cum essent magnifi-
 cæ uillæ, concedi sibi oportere, quod ijs, qui tenuioris
 ordinis essent, liceret. nō ne uides Luculle à te id ipsū
 natum, ut illi cuperent ? quibus id, si tu nō faceres, nō

DE LEGIBVS

liceret. quis enim ferret istos, cum uideret eorum uillas
signis, & tabulis refertas partim publicis, partim etiam
sacris, et religiosis? quis non frangeret eorum libidines,
nisi illi ipsi, qui eas frangere deberent, cupiditatis eius-
dem teneretur? nec enim tantum mali est peccare prin-
cipes, (quanquā est hoc magnum per se ipsum malum)
quantum illud, quod permulti imitatores principū exi-
stunt. nam licet uidere, si uelis replicare memoriam tem-
porum, qualescūque summi ciuitatis uiri fuerunt, ta-
lem ciuitatem fuisse: quæcūq; mutatio morum in prin-
cipibus extiterit, eandem in populo secutam. idq;
haud paulo est uerius, quā quod Platonī nostro pla-
cet, qui musicorum cātibus ait mutatis, mutari ciuita-
tum status. ego autem, nobilium uita, uictūq; mutato,
mores mutari ciuitatū puto. quo perniciosius de Rep.
merentur uitiosi principes, quod non solum uitia concip-
piunt ipsi, sed ea infundunt in ciuitatem; neque solū ob
sunt, quod ipsi corrumpuntur, sed etiam quod corrup-
pūt, plusq; exemplo, quā peccato nocēt. atque hæc lex
dilatata in ordinem cunctum coāgustari etiam potest:
pauci enim, atque admodū pauci, honore et gloria am-
plificati, uel corrumpere mores ciuitatis, uel corrigere
possunt. sed hæc & nunc satis, & in illis libris tracta-
ta sunt diligentius. quare ad reliqua ueniamus. Proxi-
mus autem est de suffragiis: quæ iubeo nota esse opti-
matibus, populo libera. Att. Ita mehercule attendi, nec
satis intellexi, quid sibi lex, aut quid uerba ista uellent.
M. Dicam Attice, et uersabor in re difficili, ac multum
et sepe quæsitā; suffragia in magistratu mādando, aut
reo iudicando, aut lege, aut rogatione clam, an pa-

lam ferre, melius esset. Q. An etiam id dubium est? uereor, ne à te rursus dissentiam. M. Non facies Quinte: nam ego in ista sum sententia, qua te fuisse semper scio, nihil ut fuerit in suffragijs uoce melius: sed, obtineri an possit, uidendum est. Q. Bona tua uenia dixerim, ista sententia maxime & fallit imperitos, & obest sapissime Reip. cum aliquid uerum, & rectum esse dicitur, sed obtineri, id est obsisti posse populo, negatur. primum enim obsistitur, cum agitur seuerè: deinde uì opprimi in bona causa, est melius, quàm male cedere. qui autem non sentit auctoritatem omnem optimatum tabellariam legem abstulisse? quam populus liber nunquam desiderauit, idem oppressus dominatu, ac potentia principum flagitauit. itaque grauiora iudicia de potentissimis hominibus extant uocis, quàm tabellæ. quamobrem suffragandi nimia libido in non bonis causis eripienda fuit potentibus, non latebra dàda populo, in qua, bonis ignoratibus quid quisque sentiret, tabella uitiosum occultaret suffragium. itaq; isti rationi neque lator quisquā est inuentus, neque auctor unquā bonus. sunt enim quatuor leges tabellariæ: quarum prima de magistratibus mandandis: ea est Gabinia, lata ab homine ignoto, & sordido. secuta biennio post Cassia est de populi iudicio: ea à nobili homine lata est L. Cassio, sed, pace familiæ dixerim, dissidente à bonis, atque omnes rumusculos populari ratione aucupante. Carbonis est tertia de iubendis legibus, ac uetandis, seditiosi atque improbi ciuis: cui ne reditus quidem ad bonos salutem à bonis potuit auferre. uno in genere relinqui uidebatur uocis suffragiū, quod ipse Cassius exceperat, perduellio-

DE LEGIBVS

nis . dedit huic quoque iudicio Celiu tabellam, doluitq;
quoad uixit. sed ut opprimeret Celiu populu, nocuit
et Reip. et auus quidem noster singulari uirtute in hoc
municipio, quoad uixit, resitit M. Gratidio, cuius in ma-
trimonio forci em auiam nostrā habebat, ferenti legem
tabellariā: excitabat enim fluctus in simpulo, ut dicitur,
Gratidius, quos post filius eius in Aegæo excitauit mari.
* ac nostro quidē, qui cum res esset ad se delata, Scaurus
Consul, utinam, inquit, M. Cicero isto animo, atque uir-
tute in summa Rep. nobiscum uersari, quā in muni-
cipali maluisses . Quamobrem, quoniam non recogno-
scimus nunc leges populi R. sed aut repetimus ereptas,
aut nouas scribimus, non quid ab hoc populo obtineri
possit, sed quid optimum sit, tibi dicendum puto . nam
Cassie legis culpam Scipio tuus sustinet, quo auctore
lata esse dicitur. tu, si tabellariam tuleris, ipse præsta-
bis: nec enim mihi placet, nec Attico nostro, quantum
ē uultu eius intelligo. Att. Mihi uero nihil unquam po-
pulare placuit: eamq; optimam Remp. esse duco, quam
hic Consul cōstituerat, quæ sit in potestate optimorum .
M. Vos demum, ut uideo, legem antiquastis sine ta-
bella . sed ego, etsi satis dixit pro se in illis libris Sci-
pio, tamen libertatem istam largior populo, ut & au-
toritate ualeant, & utantur bonis . sic enim à me lex
» est recitata de suffragiis . optimatibus nota, plebi libe-
» ra sunt . quæ lex hanc sententiam continet, ut omnes
leges tollat, quæ postea latae sunt, quæ tegunt omni ra-
tione suffragium, ne quis inficiat tabellam, ne roget,
ne appellet. potes etiam lex Martia fecit angustos. quæ
si opposita sunt ambiciosi, ut sunt ferè, non repre-

hendo. sin ualuerint tamen leges, ut ne sint ambitus :
 habeat sanè populus tabellā, quasi uindicem libertatis,
 dūmodo hæc optimo cuique, & grauissimo ciui osten=
 datur, ulroq; offeratur, uti sit ipsa libertas, in qua po=
 pulo potestas honeste bonis gratificandi datur. eoq; nūc
 fit illud, quod à te modo Quinte dictum est, ut minus
 multos tabella cōdemnet, quā solebat uox, quia popu=
 lo licere satis est. hoc retento, reliqua uoluntas auctori=
 tati, aut gratiæ traditur. itaque, ut omittam largitione
 corrupta suffragia : non uides, si quando ambitus si=
 leat, quæri in suffragijs, quid optimi uiri sentiant ?
 quamobrem lege nostra libertatis species datur, bono=
 rum auctoritas retinetur, contentionis causa tollitur.

- » Deinde sequitur, quibus ius sit cum populo agendi, aut
 » cum senatu. grauis, et ut arbitror, præclara lex. quæ
 » cum patribus agentur, modica sunt : id est modesta,
 atque sedata: auctor enim moderatus effingit non mo=
 do mentem, ac uoluntates, sed penè uultus eorū, apud
 quos agit. quod in senatu non difficile est: est enim ip=
 se senator is, cuius non ad auctorem referatur animus,
 sed qui per se ipse spectari uelit. huic iussa tria sunt :
 ut adsit ; nam grauitatem res habet, cū frequens ordo
 est: ut loco dicat, id est rogatus: ut modo; ne sit infin=
 itus : nam breuitas non modo senatoris, sed etiam ora=
 toris magna laus est in sententia. nec est unquam longa
 oratione utendū, nisi aut spectante senatu, quod fit am=
 bitione sæpiissime, cū, nullo magistratu adiuuante, tolli
 diem utile est ; aut cū tanta causa est, ut opus sit orato=
 ris copia uel ad hortandū, uel ad docendū. quorum gene=
 rū in utroque magnus noster Cato est. Quodq; addit,

A A iij

DE LEGIBVS

- » causas populi teneto, est senatori necessariū nosse Rēp. idq; late patet, quid habeat militū, quid valeat ærario, quos socios Resp. habeat, quos amicos, quos stipendiarios, qua quisque sit lege, conditione, fœdere: tenere consuetudinem decernendi, nosse exempla maiorum. uidetis iā, genus hoc omne scientiæ diligentia memoriam esse, sine quo paratus esse senator nullo pacto potest. Deinceps sunt cum populo actiones: in quibus primum & maximum, uis abesto. nihil est enim exitiosius ciuitatibus, nihil tam contrarium iuri, & legibus, nihil minus ciuile, & humanum, quā, composita, & constituta Rep. quidquam agi per uim. parere iubet intercessori: quo nihil prestantius: impediri enim bonā rem melius, quā concedi malā. Quod uero actoris iubeo abesse fraudē, id totum dixi ex Crassi sapientissimi hominis sententia: quā senatus est secutus, cum decreuisset, C. Claudio Consule de C. Carbonis seditione referente, eo inuito, qui cum populo ageret, seditionem non posse fieri, quippe cui liceat consiliū, simul atque intercessum, turbariq; coeptum sit, dimittere. quod qui permouet cum agi nihil potest, uim quærit. cuius impunitatem amittit hac lege.
- » sequitur illud. intercessor rei malæ salutaris ciuis esto. quis non studiose Reip. subuenerit, hac tam præclara legis uoce laudatus? Sunt deinde posita deinceps, quæ habemus etiam in publicis institutis, ac legibus: auspicia
- » seruant: auguri parento. est autem boni auguris meminisse, maximis Reip. temporibus præsto esse debere, Io uiq; optimo maximo se consiliarium, atque administrū datū, ut sibi eos, quos in auspicio esse iusserit, cœliq; partes sibi definitas esse traditas, è quibus sæpe opē referre

possit. deinde de promulgatione, de singulis rebus agendis, de priuatis, magistratibusue audiendis. tum leges præclarissimæ de XII. tabulis translatae duæ: quarum altera priuilegia tollit, altera de capite ciuis rogari, nisi maximo comitiatu, uetat, nõ dũ initis seditiosis Tribunis
 * plebis negotia is quidem admirandũ tantũ maiores in posterum prouidisse: in priuatos homines leges ferri noluerunt: id est enim priuilegium: quo quid est iniustius? cum legis hæc uis sit, scitũ est iussum in omnes, ferri de
 * singulis nisi centuriatis comitijs uoluerunt: descriptus enim populus census, ordinibus, ætatibus, plus adhibet ad suffragiũ auxiliũ, q̃ fusa in tribus cõuocatus. quo uerius in nostra causa uir magni ingenij, summaq; prudentiæ L. Cotta dicebat, nihil omnino actum esse de nobis: præter enim q̃ quod comitia illa essent armis gesta seruilibus, præterea neque tributa capitis comitia rata esse possent, neq; ulla priuilegiũ: quo circa nihil nobis opus esse lege, de quibus nihil omnino actũ esset legibus: sed uisum est & nobis, et clarissimis uiris melius, de quo serui, et latrones sciuisse se aliquid dicerent, de hoc eodẽ cunctã Italiam, quid sentiret, ostẽdere. Sequuntur de captis pecunijs, de ambitu leges. quæ cũ magis iudicijs, q̃ uerbis sancienda sint: adiungitur, noxiæ pœna par esto, ut in suo uitio quisque plectatur, uis capite, auaritia multa, honoris cupiditas ignominia sanciat. Extremæ leges sunt nobis nõ usitatæ, Reip. necessariae. legũ custodiã nullã habemus: itaque hæ leges sunt, quas apparitores nostri uolunt: à librarijs petimus: publicis literis cõsignatã memoriã publicam nullam habemus. Græci hoc diligentius, apud quos νομοφύλακες creantur: nec hi solum literas (nam id

D E L E G I B V S .

quidem etiam apud maiores nostros erat) sed etiam facta hominum observabant, ad legesq; revocabant. Hæc detur cura Censoribus: quandoquidem eos in Rep. semper volumus esse: apud eosdem, qui magistratu abierint, edant, & exponant quid in magistratu gesserint: deq; ijs Censores præiudicet. hoc in Græcia fit, publice constitutis accusatoribus. qui quidē graves esse non possunt, nisi sint voluntarij. quocirca melius est ratione referri, causamq; exponi Censoribus, integram tamen legem accusatori, iudicioq; servari. Sed satis iam disputatum de magistratibus; nisi forte quid desideratis. Att. Quid? si nos tacemus, locus tamen ipse nō admonet, quid tibi sit dein de dicendum? M. Mihi ne? de iudicijs arbitror Pomponi: id est enim iunctum magistratibus. Att. Quid? de iure populi R. quemadmodum instituisi, dicendū nihil putas? M. Quid tandem hoc loco est, quod requiras? Att. Ego ne? quod ignorari ab ijs, qui in Rep. versantur, turpissimum puto. nam, ut modo à te dictum est, leges à librarijs lego. sic animaduerto, quosque in magistratibus ignoratione iuris sui tantum sapere, quantum apparitores uelint. quamobrem, si de sacrorum alienatione dicendum putasti, cū de religione leges proposueras; faciendū tibi est, ut, magistratibus lege constitutis, de potestate, tum de iure disputes. M. Faciam breuiter, si consequi potuero: nā pluribus uerbis scripsit ad patrem suum. M. Iunius sodalis, perite meo quidem iudicio, & diligenter, at de iure naturæ cogitari per nos, et quæ dicere debemus de iure populi R. quæ relicta sunt, & tradita. Att. Sic profecto cēseo: et id ipsum, quod dicis, expecto. Multa desunt.

M. TVLLII CICERONIS
EX TIMAEO PLATONIS
DE VNIVERSITATE
LIBER.

M Vltia sunt à nobis & in Academicis
conscripta contra physicos; et saepe cū
P. Nigidio, Carneado more & modo
disputata: fuit enim uir ille cū catea
ris artibus, quæ quidem dignæ libero
essent, ornatus omnibus, tum acer inuestigator & dili-
gens earum rerum, quæ à natura inuolutæ uidentur. de
nique sic iudico, post illos nobiles Pythagoreos, quorū dā
sciplina extineta est quodam modo, cum aliquot secula
in Italia, Siciliaq; uiguisset, hunc extitisse, qui illa reno-
uaret. qui cum me in Ciliciā proficiscentem Ephesi ex-
pectauisset, Romā ex legatione ipse decedens; uenissetq;
eodem Mytilenis mei salutandi, et uisendi causa Cratip-
pus Peripateticorum omnium, quos quidem ego audire
rim, meo iudicio facile princeps: perlibenter & Nigidium
uidi, et Cratippu cognoui. ac primum quidem tempus
salutationibus, reliquum percunctatione cōsumpsimus.

Desunt multa.

DE VNIVERSITATE

quid est, quod semper sit, neque ullum habet ortum, & quod gignatur, nec unquam sit. quorum alterum intelligentia, & ratione comprehenditur, quod unum semper, atque idem est: alterum, quod affert opinionem per sensus, rationis expers, quod totum opinabile est, id gignitur, & interit, nec unquam esse uere potest. omne autem, quod gignitur, ex aliqua causa gigni necesse est: nullius enim rei causa remota, reperiri origo potest. quo circa si is, qui aliquod munus efficere molitur, eam speciem, quæ semper est eadem, intuebitur, atque eam sibi proponet exemplar, præclarum opus efficiat necesse est. sin autem illam, quæ gignitur: nunquam illam, quam expetet, pulchritudinem consequetur. omne igitur cælum, siue mundus, siue quo alio uocabulo gaudet, hoc à nobis nuncupatus sit. de quo id primum cōsideremus, quod principio est in omni quæstione cōsiderandum, semper ne fuerit nullo generatus ortu, an ortus sit, an ab aliquo temporis principatu ortus est, quādoquidem cernitur, & tangitur, & est undique corporatus. omnia autem talia sensum mouet: sensusq; mouētia quæ sunt, eadem in opinatione confidunt: quæ ortum habere, gigni; diximus, nihil autem gigni posse sine causis. atque illum quidem quasi parentē huius uniuersitatis inuenire difficile: & cum iam inueneris, indicare in uulgus nefas. rursus igitur uidendum, ille fabricator tantī operis utrum sit imitatus exemplar, id ne quod semper unū et idem, & sui simile, an id quod generatū ortumq; dicimus. Atqui si pulcher est hic mundus, si probus eius artifex: profecto speciem æternitatis imitari maluit. sin secus, quod ne dictū quidem fas est: generatum exem-

plum est pro æterno securus. non igitur dubium, quin æternitatem maluerit exequi, quandoquidē neque mundo quidquā pulchrius, neque eius ædificatore præstantius. si ergo generatus, ad id effectus, quod ratione sapientiaq; comprehenditur, atque immutabili æternitate continetur. ex quo efficitur, ut sit necesse hunc, quē cerimus, mūdum, simulacrum æternum esse alicuius æterni. difficillimū autem est in omni conquisitione rationis exordium. de ijs igitur, quæ diximus, hæc sit prima distinctio. in omni oratione cum ijs rebus, de quibus explicādum uidetur, esse cognitio. itaque cum de re stabili et immutabili disputatur, oratio talis sit, qualis sit illa, quæ neque redargui, neque conuinci potest. cum autem ingressa est imitata, et effecta simulacra, bene agi putat, si similitudinem ueri consequatur. quantū enim ad id, quod ortum est, æternitas ualet: tantum ad fidem ueritas. quocirca si forte de deorum natura, ortuq; mundi differentes, minus id, quod habemus animo, cōsequimur, ut tota dilucide, et planē exornata oratio sibi constet, et ex omni parte secum ipsa consentiat: haud sanē erit mirum: contentiq; esse debebitis si probabilia dicentur: æquum est enim meminisse, et me, qui differam, hominem esse, et uos, qui iudicatis: ut, si probabilia dicentur, nil ultra requiratis. Quæramus igitur causam, quæ eū impulerit, qui hæc machinatus sit, ut originem rerum, et molitionem nouam quæreret. probitate uidelicet præstabat: probus autem inuidet nemini: itaque omnia sui similia generauit. hæc nimirum gignendi mundi causa iustissima. nam cum constituisset deus bonis omnibus explere mundum, mali nihil admiscere, quoad natura patere=

DE VNIVERSITATE

tur : quidquid erat quod in cernendi sensum caderet, id sibi assumpsit, non tranquillum, & quietum, sed immoderate agitatū, & fluctuās : idq; ex inordinato in ordinem adduxit : hoc enim iudicabat esse præstātius. fas autem nec est, nec unquā fuit, quidquā nisi pulcherrimum facere eum, qui esset optimus. cum rationem igitur habuisset, reperiēbat nihil esse eorum, quæ natura cernerentur, nō intelligens intelligente in toto genere præstātius. quocirca intelligentiam in animo, animū conclusit in corpore. sic ratus est opus illud effectū esse pulcherrimum. quam ob causam non est cunctandum profiteri, si modo inuestigari aliquid coniectura potest, hunc mundum animal esse, idq; intelligens, & diuina providentia constitutū. hoc posito, quod sequitur uidendum est, cuiusnam animantium deus in fingendo mundo similitudinem secutus sit. nullius profecto, eorū quidem, quæ sunt nobis nota animātia : sunt enim omnia in quædam genera partita, aut inchoata, nulla ex parte perfectā : imperfecto autem nec absoluto simile, pulchrum esse nihil potest. cuius ergo omne animal quasi particula quædā est, siue in singulis, siue in diuerso genere cernatur, eius simile mūdū esse dicamus. omnes igitur, qui animo cernuntur, & ratione intelliguntur animātes, cōplexu rationis & intelligentiæ, sicut homines, hoc mūdo, & pecudes, & omnia quæ sub aspectum cadūt, comprehenduntur : quod enim pulcherrimum in rerū natura intelligi potest, & quod ex omni parte absolutissimū est; cum deus similem mūdū efficere uellet, animal unū, aspectabile, in quo omnia animalia contineantur, effecit. recte ne igitur unum mundum dixeris

mus, an sint plures, an innumerabiles, dictu uerius & melius. unus profecto, si quidem factus est ad exemplū. quod enim omnes animantes eos, qui ratione intelliguntur, complectitur, id non potest esse cum altero. rursus enim alius animans, qui eū contineat, sit necesse est, cuius partes sint animantes superiores, cœlumq; hoc simul lacrum illius ultimi sit, non proximi. quorum ne quid accideret, atque ut hic mundus esset animanti absoluto simillimus, hoc ipso, quod solus atque unus esset, ideo singularem deus hūc mūdū, atque unigenam procreauit. Corporeum autem & affectabile, itemq; tractabile omne necesse est esse, quod natū est. nihil porro igni uacuum uideri potest: nec uero tāgi, quod careat solido: solidum autem nihil, quod terræ sit expers. quam obrem mundum efficere moliens deus, terrā primum, ignemq; iungebat. omnia autem duo ad coherendum tertium aliquid anquirunt, et quasi nodū, uinculumq; desiderant. sed uinculorū id est aptissimum atque pulcherrimum, quod ex se, atque de his, quæ astringit, quæ maxime unum efficit. id optime assequitur quæ græce ἀναλογία, latine (audendum est enim, quoniam hæc primum à nobis nouatur) cōparatio, proportio uel dici potest. quādo enim trium uel numerorum, uel figurarū, uel quorumcunque generum cōtingit, ut quod medium sit, uti primū proportionē, ita id postremo cōparetur, uicissimq; ut extremum cum medio, sic medium cum primo cōferatur: id, quod medium est, tum primum fit, tum postremum; postrema uero & prima media fiūt. ita necessitas cogit, ut eadē sint ea, quæ deiuncta fuerūt. eadem autē cū facta sint, efficitur, ut omnia sint unū.

DE VNIVERSITATE

quodd si uniuersitatis corpus planū & aquabile explicaretur, neque in eo quidquam esset requisitum: unum interiectum medium & se ipsum, et ea, quibus esset interpositum, colligaret. sed cum soliditas mundo quaereretur, solida autem omnia uno medio nunquam, duobus semper copulentur, ita contigit ut inter ignem, & terram aquam deus, animamq; poneret, eaq; inter se compararet, & proportionem coniungeret, ut, quemadmodum ignis animæ, sic anima aquæ, quodq; anima aquæ, id aqua terræ proportionem redderet. qua ex coniunctione cælum ita aptum est, ut sub aspectum, & tactum cadat. itaque & ob eam causam, et ab ijs rebus numero quatuor mundi est corpus effectum, ea constructum proportionem, qua dixi: ex quo ipse se concordiam quadam amicitia, & charitate complectitur; atque ita apte coheret, ut dissolui nullo modo queat, nisi ab eodē, à quo est colligatus. earum autem quatuor rerum, quas supra dixi, sic in omni mundo omnes partes collocatæ sunt, ut nulla pars huiusce generis excederet extra, atque in hoc uniuerso inessent genera illa uniuersa. id ob eas causas, primum ut mundus animas possit ex perfectis partibus esse perfectus, deinde ut unus esset, nulla parte, unde alter gigneretur, relicta, postremo ne quis morbus eum possit, aut senectus affligere: omnis enim coagmentatio corporis uel calore, uel frigore, uel aliqua impulsione uehementi labefactatur, & fragitur, & ad morbos senectutemq; compellitur. hanc igitur habuit rationem effector mundi, molitorq; deus, ut unum opus totum, atque perfectum ex omnibus totis, atque perfectis absolueretur, quod omni morbo senio'ue careret. foramam

nam autem & maxime sibi cognatam, & decoram
dedit. à quo enim animæ omnes reliquos contineri uel-
let animantes, hūc ea forma figurauit, qua una omnes
reliquæ formæ concluduntur: & globosus est fabrica-
tus: quod σφαῖρος ὁ δὲ Græci uocant: cuius omnis ex-
tremitas paribus à medio radijs attingitur: idq; ita tor-
nauit, ut nihil effici possit rotundius, nihil ut asperius
haberet, nihil offensionis, nihil inclusum angulis, nihil
anfractibus, nihil eminens, nihil lacunosum, omnesq;
partes simillimæ omnium, quoad eius præstabat iudicio dis-
similitudini similitudo. Omni autem totā figurā mūdi
leuitate circundedit: nec enim oculis egebat, quia nihil
extra, quod cerni posset, relictū erat; nec auribus, quia
ne quod audiretur quidem: neque erant anima circū-
fusa extrema mundi, ut respirationem requireret: nec
uero desiderabat aut alimēta corporis, aut detractionē
confecti, & consumpti cibi: neque enim ulla decessio
fieri poterat, neque accessio. neque uero erat unde: ita
se ipse cōsumptione & senio alebat sui, cū ipse per se, et
à se & pateretur, & faceret omnia. sic enim ratus est
ille, qui ista iunxit, & condidit, ipsum se contentum
esse mundum, neque egere altero. itaque nec ei manus
affixit, quia nec capiendum quidquam erat, nec repel-
lendū; nec pedes, nec alia mēbra, quibus ingressus cor-
pore sustineret: motū enim dedit cœlo eū, qui figuræ
eius sit aptissimus, quī unus ex septem motibus mentem
atque intelligentiam cohiberet maxime. itaque una cō-
uersione, atque eadem ipse circum se torquetur, & uer-
tetur. sex autē reliquos motus ab eo separauit: itaque
eū ab omni erratione liberauit. ad hāc igitur cōuersio-

DE VNIVERSITATE

nem, quæ pedibus & gradu nō egeret, ingrediendi mēbra nō dedit. hæc deus is, qui erat, de aliquando deo futuro cogitans, leuem eum effecit, & undique æquabilem, & à medio ad summum parem, & perfectū, atque absolutum ex absolutis, atque perfectis. animum autem ut in eius medio collocavit, ita per totum tetendit: deinde cū circumdedit corpore, & uestiuit extrinsecus: cœloq; soliuago, & uolubili, & in orbē incitato complexus est, quod secum ipsum propter uirtutem facile esse posset, nec desideraret alterū, satis sibi ipse notus, & familiaris. sic deus ille æternus hunc perfecte beatum deum procreauit. sed animum haud ita, ut modo locuti sumus, tum denique cū corpus ei effecisset, inchoauit: neque enim esset rectū minori parere maiorem. sed nos multa inconsiderate ac temere dicimus. deus autem & ortu, & uirtute antiquiorē genuit animum, eumq; ut dominū atque imperatorem obedienti præfecit corpori: idq; molitus tali quodā est modo. ex materia, quæ indiuidua est, et quæ semper uniusmodi, suiq; similis, et ex ea, quæ corporibus diuidua gignitur, tertium materiæ genus ex duobus in medium admiscuit, quod esset eiusdem naturæ, & quod alterius: idq; interiecit inter indiuiduū, atque id, quod diuiduū esset in corpore. ea cū tria sumpsisset, unā in speciem temperauit: naturamq; illā, quam alterius diximus, uel cum eadem coniunxit fugientem, & eius copulationis alienā permiscens cum materia, cum ex tribus effecisset unum, id ipsum in ea quæ decuit membra partitus est. iam partes singulas ex eodē, & ex altero, & ex materia tēperauit. fuit autem talis illa partitio. unā principio partē detraxit

ex toto : secundam autem primæ partis duplā: deinde
 terriam, quæ esset secundæ sesquialtera, primæ tripla :
 deinde quartam, quæ secundæ dupla esset : quintā in=
 de, quæ tertiæ tripla : tum sextam octuplam primæ :
 postremo septimam, quæ septem, & uiginti partibus an=
 tecederet primæ. deinde instituit dupla & tripla inter=
 ualla explere, partes rursus ex toto defecans . quas in=
 ternallis ita locabat, ut in singulis essent bina media :
 uix enim audeo dicere medietates, quas Græci μεσότη=
 τας appellāt : sed quasi ita dixerim, intelligatur : erit
 enim planius. earū alterā, eadem parte præstātē ex=
 tremis, eademq; superatā, alterā pari numero præstātē
 extremis, pariq; numero superatā. sesquialteris autem
 interuallis, & sesquiterijs, & sesquioctauis sumptis ex
 his colligationibus in primis interuallis, sesquioctauo in=
 teruallo, sesquiteria omnia explebat, cum particulam
 singulorum relinqueret. eius autem particulæ interual=
 lo relicto, habebat numerus ad numerum eandem pro=
 portionem, comparationemq; in extremis, quam habent
 CCLVI cū CCXLIII. atque ita permistū illud,
 ex quo hæc secuit, iam omne consumpserat . hanc igitur
 omnem coniunctionem, duplicem in longitudinem
 diffidit: mediæq; accommodans mediam, quasi decus=
 sauit : deinde in orbem torfit, ut & ipsæ secum, & in=
 ter se, ex commissura, quæ è regione esset, iungerentur :
 eoq; motu, cuius orbis semper in eodem erat, eodemq;
 modo ciebatur, undique est eas circumplexus. atque ita
 cum alterum esset exteriorem amplexus orbem, illum
 eiusdem naturæ, hūc alterius nominauit : eamq; , quæ
 erat eiusdem, detorsit à latere in dextram partem: hæc

DE VNIVERSITATE

autem citimā à media linea direxit ad læuā: sed principatum dedit superiori, quam solam indiuiduam reliquit. interiore autem cum in sex partes diuississet, septem orbes dispares duplo, & triplo interuallo moueri iussit, contrarijs inter se cursibus. eorū autem trium fecit pares celeritates, sed quatuor & inter se dispares, et dissimiles trium reliquorū. animū igitur cum ille procreator mūdi deus ex sua mente & diuinitate genuisset, tū denique omne, quod erat concretū, atque corporeū, substernebat animo, interiusq; faciebat: atque ita medio mediū accōmodans copulabat. sic animus à medio profectus, extremitatē cœli à suprema regione rotundo ambitu circūiecit, seseq; ipse uersans, diuinæ, sempiternæ, sapientisq; uitæ induxit exordium. & corpus quidem cœli spectabile effectum est. animus autem oculorum effugit obtutum. est autem unus ex omnibus, rationis, contentionisq; (& ἁμὸν in græce) sempiternarum rerum & sub intelligentiam cadentium compos & particeps: quo nihil ab optimo & præstātissimo genitore melius procreatū: quippe qui ex eadem uinctus, alteraq; natura, adiuncta materia temperatione triū partium proportionē cōpacta, se ipse cōuersans, cū materiā mutabilem arripuisset, & cū rursus indiuiduā, atque simplicem, per quā omnis mouetur, discernitq; quid sit eiusdem generis, & quid alterius: & cætera diiudicat, quid cuique rei sit maxime aptū, quid quoque loco, aut modo, aut tempore cōtingat: quæq; distinctio sit inter ea, quæ gignantur, & ea quæ sint semper eadē. ratio autē utraque, quæ uersatur in ijs, quæ sunt semper eadē, & in ijs, quæ mutantur, cū in eodem, & in altero moue

zur ipsa per sese sine uoce, et sine ullo sono, cū eandem partem attingit, qua sensus cieri potest: orbis illius generis alterius immutatus & rectus omnia animo mētīq; denunciāt: tū opiniones, ad sensionesq; firmæ ueræq; gignuntur. cū autem in illis rebus uertitur, quæ manentes semper eadem, non sensu, sed intelligentia cōtinentur,

Defunt multa.

ita uim suam natura cōuertit, ut terram Lunæ cursus proxime ambiret, eiq; supra terrā proxima Solis circūuectio esset. Lucifer deinde & sancta Mercurij stella cursum habent Solis celeritati parē. sed uim quādā cōtrariam: eaq; cōuersione, quā inter se habent Lucifer, Mercurius, Sol, alij alios uincūt, uicissimq; uincuntur. Reliquorū siderū quæ causa collocādi fuerit, quæq; eorum sit collocatio, in sermonem alium differendū est, ne in eo, quod attingendū fuit, q̄ in eo, cuius causa id attingimus, lōgior ponatur oratio. quādo igitur unūquodque eorum siderum cursum decorum est adeptum, è quibus erat motus temporis cōsignādus; colligatisq; corporibus uinculis animalibus, tū animātia orta sunt, eaq; imperio

B B iij

DE VNIVERSITATE

parere didicerūt, tūc ex alterius naturæ motione trās-
uerſa, in eiſdem naturæ motum incurrentia, in eoq;
hærentia, atque impedita, cum alia maiorem luſtrarēt
orbem; alia minorem, tardiusq; maiorem, celeriusq;
minorem, motu uero unius eiſdemq; naturæ, quæ ue-
lociſſime mouebantur, ea celeritate uinci à tardioribus,
et, cum ſuperabant, ſuperari uidebantur: omnis enim
orbis eorū quaſi facilitatis inflexione uertebatur: qua
bifariam cōtrarie ſimul procedentia efficiebāt, ut, quod
eſſet tardiſſimum, id proximum fieret celerrimo. atque
ut eſſet meſſura quædā euident, quæ in iſtis octo curſi-
bus celeritates, tarditatesq; declararet; deus ipſe ſolem,
quaſi lumen, accendit ad ſecundum ſupra terram am-
bitum, ut quammaxime cælum omnibus colluceret, an-
tantesq; , quibus ius eſſet doceri, ab eiſdem motu, &
ab eo, quod ſimile eſſet, numerorum naturam, uimq;
cognoſcerent. nox igitur & dies ad hunc modū, & ob
hās generata cauſas, unū circuitū orbis efficiē ſapientiſ-
ſimum, atque optimū: meſis autem, quando Luna lu-
ſtrato ſuo curſu ſolem cōſecuta eſt: annus, ubi ſol ſuū
totū confecit, & peragrauit orbem. cæterorum autem
ſiderum ambitus ignorantes homines, præter admodū
paucos, neque nomen appellāt, neque inter ſe numero
cōmetiuntur: itaque neſciunt hos ſiderū errores id ip-
ſum eſſe, quod rite dicitur tēpus, multitudine infinita,
uarietate admirabili præditos. attamen illud perſfici,
& intelligi poteſt, abſoluto, perfectioq; numero tēporis,
abſolutum, perfectumq; annū, tunc compleri denique,
cū ſe octo ambitus confectis ſuis curſibus ad idem ca-
put retulerunt, cumq; eos permensus eſt idem, & ſema-

per sui similis orbis. has igitur ob causas nata astra
sunt, quæ per cælum penetrantia solstitiali se & bru-
mali reuocatione conuerterent, ut hoc omne animal,
quod uidemus, esset illi animali, quod sentimus, ad æter-
nitatis imitationem simillimum. & cætera quidem us-
que ad temporis ortū impressa ab illis, quæ imitabatur,
effinxerat. sed quia non dū omne animal in mundo
intus incluserat, ex ea parte deficiebat ad propositū exē-
plar imaginis similitudo. quot igitur, & quales ani-
malium formas mens, in speciem rerum intuens, pote-
rat cernere, totidem, & tales in hoc mundo secum co-
gitauit effingere. erant autem animantium genera
quatuor, quorū unum diuinum, atque cœleste, alterum
pennigerum & aerium, tertium * terrestre quar-
tum. diuinæ animationis maxime speciem faciebat ex-
igne, ita ut splendidissimus esset, & aspectu pulcherri-
mus. cumq; similem uniuersitatis naturæ efficere uel-
let, ad uolubilitatem rotundauit, comitēq; eū sapientia
quamoptimæ mentis effecit, circumq; cælum æqualiter
distribuit, ut hunc uarietate distinctū bene Græci νόσ-
τος, nos lucentem mūdum nominaremus. dedit autem
diuinis duo genera motus: unū, quod semper esset in
eodem æque, & idem in omnibus, atque uno modo ce-
leraret: alterū, quod in anticā partem à conuersione
eiusdem, & similis, pelleretur. quinque autem reliquis
motibus orbem eum esse uoluit expertem, immobilem, æ-
stantem. ex quo genere ea sunt sidera, quæ infixæ cœlo
nō mouentur loco: quæ sunt animantia, eaq; diuina, ob
eamq; causam suis sedibus inhaerent, & perpetuo ma-
nent. quæ autem uaga & mutabili ratione labuntur,

DE VNIVERSITATE

ita generata sunt, ut supra diximus. iam uero terram
altricem nostram, quæ traiecto axe susinetur, diei no-
ctisq; effectricem, eandemq; custodem, antiquissimā deo-
rum uoluit esse eorum, qui intra cœlum gigneretur, fle-
xiones autem deorum, et inter ipsos deos concursiones,
quæq; in orbibus eorum cōuersiones, antecessionesq; eue-
niant, cumq; inter se penè contingant, eos, qui propè co-
pulentur contraria regione, & ponè quos, aut ante la-
buntur, quibusq; temporibus à nostro aspectu oblitescant,
rursusq; emergsi errorem incutiant rationis expertibus, si
uerbis explicare conemur, nullo posito sub oculis simula-
cro, earum rerū frustra suscipiatur labor. Sed hæc sa-
tis sunt dicta nobis. quæ de deorum, qui cernuntur, quiq;
orti sunt, natura præfati sumus, habeant hunc terminū.
reliquorum autem, quos Græci δαίμονας appellāt, nostri
opinor lares, si modo hoc recte cōuersum uideri potest,
& nosse, & nunciare ortū eorum maius est, quàm ut
profiteri scribere nos audeamus. credendum nimirum
est ueteribus & priscis, ut aiunt, uiris, qui se progeniem
deorum esse dicebāt. itaque eorum uocabula nobis pro-
diderunt. nosse autem generatores suos optime pote-
rant: ac difficile factū est, à dijs ortis fidem non ha-
bere: quanquam nec argumentis, nec rationibus certis
eorum oratio confirmatur: sed quia de suis rebus notis
uidentur loqui, ueteri legi, moriq; parendum est. sic igi-
tur, ut ab his est traditum, horum deorum ortus habea-
tur, atque dicatur, ut Oceanū salaciamq; cœli satū
terraq; cōceptu generatos, editosq; memoremus: ex his
Phorcyn, Saturnū, & Opem: deinceps Iouem, atque
Iunonem, reliquos, quos fratres inter se, agnatosq; usura-

pare, atque appellare uidemus, & eorū, ut utamur ueteri uerbo, profapiam. quando igitur omnes, & qui mouentur palamq; ostenduntur, & qui eatenus nobis declarantur, quo ipsi uolunt, creati sunt: tum ad eos is deus, qui omnia genuit, fatur. Hæc uos, qui deorum sator orti estis, attendite: quorum operum ego parens effectorq; sum, quæ per me facta, nō sunt dissoluta me inuito: quanquam omne colligatum solui potest: sed haudquaquam boni est, ratione uinctum uelle dissolvere. sed quoniam orti estis, immortales uos quidem esse, & indissolubiles nō potestis: nequiquam tamen dissoluemini, nec uos ulla mortis fata perimēt, nec fraus ualentior, q̄ consilium meū: quod maius est uinculum ad perpetuitatem uestram, q̄ illa, quibus estis tum, cum gignebamini, colligati. quid sentiā igitur, cognoscite. tria nobis genera reliqua sunt, eaq; mortalia: quibus prætermiſsis, cœli absolutio perfecta non erit: omnia enim genera animalium cōplexu non tenebit: teneat autem oportebit, ut ex eodem ne quid absit, quæ à me ipso effecta sint, quod deorum uitā possit adæquare. ut igitur mortali generetur cōditione, uos suscipite, ut illa gignatis, imitminiq; uim meā, qua in uestro ortu me usum esse meministi: in quibus qui tales creantur, ut deorum immortalium quasi gentiles esse debeant, diuini generis appellentur, teneantq; omnium animantium principatū, uobisq; iure & lege uolentes pareant: quorum uobis initium, statusq; traditur à me: uos autem ad id, quod erit immortale, partem attexitote mortalem. ita orientur animantes, quos & uiuos alatis, & cōsumptos sinu recipiatis. Hæc ille dixit, deinde ad temperationem superiorē

DE VNIVERSITATE

reuertit : in qua omnem animū uniuersæ naturæ tem-
perās permiscebat , superisq; permixtionis reliquias fun-
dens æquabat, eodem modo ferme, nisi quod non ita in-
corrupta, ut ea quæ semper idem, sed à dijs secundum
sumebat, atque tertium. toto igitur omnino constituto,
sideribus parem numerum distribuit animorū, & sin-
gulos adiunxit ad singula, atque ita quasi in currū uni-
uersitatis imposuit, cōmōstrauitq; leges fatales, ac neces-
sarias, & ostendit primum ortum unum fore omni-
bus, eumq; moderatum, atque constantem, nec ab ullo
imminutum : satis autem, & quasi sparsis animis, fo-
re uti certis temporū intervallis oriretur animal, quod
esset ad cultum deorum aptissimum. sed cum duplex
esset natura generis humani, sic se res habebāt, ut præ-
stantius genus esset eorum, qui essent futuri uiri. cum
autem animis corpora cū necessitate inseuisset, cumq;
ad corpora necessitate tū accessio fieret, tū abcessio, ne-
cesse erat sensum existere unum, cōmunemq; omnium
uehementiore motu excitato, coniunctioq; naturæ, de-
inde uoluptate & molestia mixtum amorem, post irā
& metum, & reliquos motus animi, comites superio-
rum, & his etiam contrarios dissidentes : quos qui ra-
tione rexerit, iuste uixerit : qui autem his se dederit,
iniuste. atque ille, qui recte & honeste curriculum ui-
uendi à natura datum confecerit, ad illud astrū, quo
cum aptus fuerit, reuertetur : qui autem immodera-
te & intemperate uixerit, eum secundus ortus in figu-
ram muliebrem transferet ; & si ne tū quidem finem
uitiorum faciet, grauius etiam iactabitur, & in suis
moribus simillimas figuras pecudum, & ferarum

transferetur, neque malorum terminum prius afficiet,
quàm illam sequi cœperit conuersionem, quam habeat
in se ipse eiusdē, & unius simul innatā et insitam: quod
tum eueniet, cum illa, quæ ex igne, ære, aqua, atque
terra turbulenta, & rationis expertia insederint, deni-
que ratione depulerit, & ad primam atque optimā af-
fectionem animi peruenerint. Quæ cum ita designasset,
seſeq; si quid postea fraudis, aut uitij euenisset, extra o-
mnem culpam, causamq; posuisset, alios in terra, alios
in luna, alios in reliquis mundi partes, quæ sunt ad spa-
tiorum temporis significationem notæ constitutæ, spar-
gens quasi serebat. post autem sationem eam dīs, ut ita
dicam, iunioribus permisit, ut corpora mortalia effin-
gerent, quantumq; esset reliquum ex humano animo,
quod deberet accedere, id omne, et quæ cōsequentia ef-
sent, perpolirent, & absoluerent: deinde ut huic ani-
mantī principem se ducemq; præberet, uitamq; eius pul-
cherrime regeret, & gubernaret, nisi quatenus ipse be-
nificijs sua culpa sibi aliquid miseriæ quæreretur. atque is
quidem, qui cuncta composuit, constanter in suo mane-
bat statu. qui autem erant ab eo creati, cum parentis
ordinem cognouissent, hunc sequebātur, itaque cum
accepiſſent immortale principium mortalis animantis,
imitantes genitorem & effectorem sui, particulas ignis,
& terræ, & aquæ, & aeris à mundo, quas rursus red-
derent, mutuabantur, easq; inter se copulabant, haud
iisdem uinculis, quibus ipsi erant colligati, sed talibus,
quæ cerni non possent propter paruitatem: crebris qua-
si cuneolis iniectis unum efficiebant ex omnibus corpus:
itemq; in eo influente atque effluente animo diuino am-

DE VNIVERSITATE


bitus illigabant. itaque illi in flumen immersi neque tenebant, neque tenebantur, sed ut magna tum ferebāt, tū ferebantur. ita totū animal mouebatur illud quidē, sed immoderate & fortuitu, ut sex motibus ueheretur: nam & ante, & pone, ad laeuam, & ad dextram, & sursum, & deorsum, modo huc, modo illuc.

Defunt non nulla.

sed si in splendore confedit, tū uel eadem species, uel interdum immutata redditur, cum ignis oculorum cū eo igne, qui est ob os offusus, se confudit, & contulit. dextra autem uidentur, quae laeuas sunt; quia contrarijs partibus oculorum, contrarias partes attingunt. respondent autem dextra dextris, laeuas laeuis conuersione luminum, cum ea inter se non cohærescunt. id fit, cū speculorū leuitas hinc, illincq; altitudinem assumpsit, & ita dextra detrusit in laeuam partem oculorū, laeuasq; in dextram. supina etiam ora cernuntur depulsione luminū: quae conuertens inferiora reddit quae sunt superiora: atque hanc omnia ex eo genere sunt, quae rerum adiuuant causas. quibus utitur ministerijs deus, cum optimi speciem, quoad fieri potest, efficit. sed aestimant plerique non hanc adiuuantia causarū, sed has ipsas esse omnium causas, quae uim habeant refrigerandi, calfaciendi, con-
crescendi, liquēdi: careāt autē omni intelligētia, atque

ratione, quæ, nisi in animo, nulla alia in natura reperitur. animus autem sensum omnem effugit oculorū. at ignis, & aqua, & terra, & aer corpora sunt, eaq; cernuntur. illum autem, qui intelligentiæ sapientiæq; se amatorem profitetur, necesse est intelligentis sapientisq; naturæ primas causas conquirere, deinde secundas causas rerum earum, quæ necessario mouent alias, cū ipse ab alijs mouentur. quocirca nobis sic cerno esse faciendū, ut de utroque nos quidem dicamus genere causarū, separatim autem de ijs, quæ cū intelligentia sunt efficientes pulcherrimarum rerum, atque optimarum, de ijs, quæ uacantes prudentia, inconstantia, perturbataq; efficiunt. Ac de oculorū quidem causis, ut haberent eam uim, quam nunc habent, satis fermè esse dictum puto. maxima autem eorū utilitas donata humano generi deorum munere deinceps explicetur. rerū enim optimarū cognitiones nobis oculi attulerūt. nam hæc, quæ est habita de uniuersitate, oratio à nobis haud unquam esset inuenta, si neque sidera, neque Sol, neque cælum sub oculorum aspectum cadere potuissent. nunc uero dies noctesq; oculis cognitæ, tum mensium, annorumq; conuersiones ad numerū machinatæ sunt, & spatium temporis dimensæ, et ad quæstionem totius naturæ impulerunt. quibus ex rebus philosophiam adepti sumus: quo bono nullum optabilius, nullū præstantius neque datū est mortalium generi deorum cōcessu, atque munere, neque dabitur.

Multa desiderantur.



205

Q. CICERO DE PETITIONE CON
SVLATVS AD M. TVLLIVM
FRATREM LIBER.

E T si tibi omnia suppetūt, quæ cōsequi ingenio, aut usu homines, aut diligentia possunt: tamen amore nostro nō sum arbitratus alienū, ad te perscribere ea, quæ mihi ueniebāt in mētē, dies ac noctes de petitione tua cogitanti: nō ut aliquid ex ijs noui adijcerem; sed ut ea, quæ in re dispersa, atque infinita uiderentur esse, ratione, & distributione sub uno aspectu ponerentur. Quāquā plurimū natura ualeret, tamen uidetur in paucorū mensurā negotio posse simulatio naturā uincere. ciuitas quæ sit, cogita, quid petas, qui sis. propē quotidie ad forū tibi descendenti meditantū hoc sit, nouus sum, Consulatum peto, Roma est. nominis nouitatē dicendi gloria maxime subleuabis. semper ea res plurimum dignitatis habuit. non potest, quid dignus habetur patronus cōsularium, indignus Cōsulatu putari. quāobrem, quoniam ab hac laude proficisceris, et, quidquid es, ex hoc es: ita paratus ad dicendū uenito, quasi in singulis causis iudiciū de omni ingenio futurū sit. eius facultatis adiumenta, quæ tibi scio esse seposita, ut parata ac prōpta sint, cura; & sæpe, quæ de Demosthenis studio & exercitatione scripsit Demetrius, recordare. deinde & amicorū multitudo, et genera appareāt: habes enim ea, quæ noui habuerūt, omnes publicanos, totū ferē equestre ordinē, multa præterea

DE PETITIONE CONSVLATVS
municipia, multos abs te defensos cuiusque ordinis, ali-
quot collegia, præterea studio dicendi conciliatos pluri-
mos adoleſcentulos, quotidianam amicorum aſſiduita-
tem & frequentiam. hac cura & ut teneas cōmen-
dando, & rogando, & omni ratione efficiendo, ut in-
telligant qui debent tua cauſa, referenda gratiæ, &
qui uolunt, obligandi tui tempus ſibi aliud nullū fore.
etiā hoc multum uidetur adiuuare poſſe nouum ho-
minem, hominum nobilium uoluntas, & maxime con-
ſularium. prodeſt, quorum in locum ac numerum per-
uenire uelis, ab his ipſis illo loco, ac numero dignum pu-
tari. hi rogandi omnes ſunt diligenter, & ad eos allegā-
dum: perſuadendumq; eſt ijs, nos ſemper cū optimati-
bus de Rep. ſenſiſſe, minime populares fuiſſe; ſi quid
locuti populariter, id nos eo cōſilio feciſſe, ut nobis Cn.
Pompeium adiungeremus, ut eum, qui plurimum poſ-
ſet, aut amicum in noſtra petitione haberemus, aut cer-
te non aduerſarium. præterea adoleſcentes nobiles ela-
bora ut habeas, uel ut teneas ſtudioſos quos habes. mul-
tum dignitatis afferent. plurimos habes: perſice ut
ſciant, quantum in ijs putes eſſe. ſi adduxeris, ut ij, qui
nolunt, cupiant, plurimum quidem proderunt. ac mul-
tum etiā nouitatem tuā adiuuat, quod eiſmodi no-
biles tecum petunt, ut nemo ſit qui audeat dicere, plus
illis nobilitatem, quā tibi uirtutem prodeſſe oportere.
iam P. Galbam, & L. Caſſiū ſummo loco natos, quis
eſt, qui petere Cōſulatum putet? uides igitur ampliſſi-
mis ex familijs homines, qui ſine neruis ſint, tibi pares
eſſe nō poſſe. at Antonius & Catilina moleſti ſunt. im-
mo hominē nouo, induſtriō, innocenti, diſerto, gratioſo
apud

apud eos, qui res iudicant, optandi competitores, ambo
sicarij, ambo libidinosi, ambo egentes. eorum alterius bo-
na proscripta uidimus, uocem denique audiuius iurā-
tis se Romæ iudicio æquo cū homine Græco certare nō
posse: & ex senatu eiectum scimus. optima uero Cen-
sorum existimatione in Prætura competitorem habui-
mus, amico Sabidio, & Panthera, quodd, ad tabulam
quos poneret, non habebat. quo tamen in magistratu
amicam, quam palam domi haberet, de machinis emit.
In petitione autem Consularis caupones omnes hic cō-
pilare per turpissimam legationem maluit, quā a des-
se, & populo R. supplicare. Alter uero, dū boni, quo
splendore est? primum nobilitate eadem, qua Catili-
na. num maiore? non, sed uirtute. quamobrem qui
inanius umbram suam metuit, hunc negliges quidem,
natum in patris egestate, educatum in sororis stupris,
corroboratum in cæde ciuium, cuius primus ad Remp.
aditus in equitibus R. occidendis fuit. nam illis, quos
meminimus, Gallis, qui tū Titiniorum, ac Vāniorum,
ac Tanusiorum capita demebant, Sylla unum Catili-
nam præfecerat; in quibus ille hominem optimum
Q. Cæcilium sororis suæ uirum, equitem R. nulla-
rum partium, cum semper natura, tum etiam ætate
iam quietum, suis manibus occidit. quid ego nunc di-
cam petere eum tecum Consulatū, qui hominem cha-
rissimum populo R. M. Mariū inspectate populo R.
uirgis per totam urbem ceciderit, ad bustum egerit,
ibi omni cruciatu lacerarit, uiuo stanti collum gladio
sua dextera secuerit, cum sinistra capillum eius à uer-
tice teneret, caput sua manu tulerit, cum inter di-

CC

DE PETITIONE CONSVLATVS

gitos eius riuus sanguinis fluere? qui postea cum histri-
nibus, & cum gladiatoribus ita nixit, ut alteros libi-
dinis, alteros facinoris adiutores haberet: qui nullum
in locum tam sanctum et tam religiosum accessit, in quo
non, etsi in alijs culpa non esset, tamen ex sua nequi-
tia dedecoris suspicionem relinqueret: qui ex curia Cu-
rios, & Annios, ab atrijs Sapalas, & Caruilios, ex
equestri ordine Pompilios, & Cneios sibi amicissimos co-
paravit: qui tantum habet audaciae, tantum nequitiae,
tantum denique in libidine artis, & efficacitatis, ut pa-
rentum prope in gremijs pretextatos liberos consupra-
rit. Quid ego nunc tibi de Africa, quid de testium di-
ctis scribam? nota sunt: & ea tu saepius legito. sed ta-
men hoc mihi non praetermittendum uidetur, quod pri-
mum tam egens ex eo iudicio discessit, quam quidam iu-
dices eius ante illud iudicium fuerunt: deinde tam inui-
diosus, ut aliud in eum iudicium quotidie flagiteetur. hic
se sic habet, ut magis timeat, etiam si quieuerit; quam
ut contemnat, si quid commouerit. Quanto melior ti-
bi fortuna petitionis data est, quam nuper homini no-
uo C. Celio? ille cum duobus hominibus ita nobilissimis
petebat, ut tamen in ijs omnia pluris essent, quam ipsa
nobilitas: summa ingenia, summus pudor, plurima be-
neficia, summa ratio, ac diligentia petendi. tamen
eorum alterum, cum deesset alter, Celijs, etiam cum
multo esset inferior genere, superior nulla re penè, su-
perauit. quare si facies ea, quae tibi natura, & stu-
dia, quibus usus es semper, largiuntur, quae tempo-
ris tui ratio desiderat, quae potes, quae debes: non erit
difficile certamen cum ijs competitoribus, qui nequa-

quam sunt tam genere insignes, quam uitijs nobiles. quis enim reperiri tam improbus ciuis potest, qui uelit uno suffragio duas in remp. sicas distringere? Quoniam igitur, quæ subsidia nouitatis haberes, & habere posses, exposui: nunc de magnitudine petitionis dicendum uidetur. Consulatum petis. quo honore, nemo est, qui te non dignum arbitretur: sed multi, qui inuideant. petis enim homo ex equestri loco summum locum ciuitatis, atque ita summum, ut forti homini, diserto, innocenti multo ille idem honos plus amplitudinis, quam cæteris afferat. noli putare eos, qui sunt eo honore usi, non uidere, tu cum idem sis adeptus, quid dignitatis habiturus sis. eos uero, qui consularibus familijs nati locum maiorum consecuti non sunt, suspicor tibi, nisi qui admodum te amant, inuidere. etiam nouos homines prætorios existimo, nisi qui tuo beneficio iuncti sunt, nolle abs te se honore superari. iam in populo quam multi inuidi sunt, quam multi consuetudine horum annorum ab honoribus nouis alienati, uenire tibi in mentem certo scio: esse etiam non nullos tibi iratos ex ijs causis, quas egisti, necesse est. iam illud tute circumspecto, quodd ad Cn. Pompeij gloriam augendam tanto studio te dedisti, num quos tibi putes ob eam causam esse amicos? quamobrem cum & summum locum ciuitatis petas; & uideas esse studia, quæ tibi aduersentur: adhibeas necesse est omnem rationem, & curam, & laborem, & diligentiam. Et petitio magistratuum diuisa est in duarum rationum diligentiam: quarum altera in amicorum studijs, altera in populari uoluntate ponenda est. Amicorum studia beneficijs, &

DE PETITIONE CONSVLATVS

officijs, & uetustate, facilitate, ac iucunditate naturæ
 parta esse oportet. sed hoc nomen amicorum in peti-
 tione latius patet, quàm in cætera uita. quisquis est. n.
 qui ostendat aliquid in te uoluntatis, qui colat, qui do-
 mum uentitet, is in amicorum numero est habendus.
 sed tamen, qui sunt amici ex causa honestiore, cognati-
 onis, aut affinitatis, aut sodalitatis, aut alicuius neces-
 situdinis, his charum & iucundū esse maxime prodest.
 deinde ut quisque optimus, ac maxime domesticus, ut
 is amet, quisque fidelissimum esse te cupiat, ualde ela-
 borandum puto: tum ut tribules, ut uicini, ut clientes,
 ut denique liberti, postremo etiam seruitus: nam ferè
 omnis sermo ad forensem famam à domesticis emanat
 auctoribus. deinde instituendi sunt cuiuscūque generis
 amici ad speciē hominis illustris honore ac nomine: qui
 etiam si suffragandi studia non nauant, tamē afferunt
 petitori aliquid dignitatis ad iustitiam obtinendam. Ma-
 gistratus, ex quibus maxime Consules, deinde Tribunos
 pl. ad conficiendum cēturias homines excellenti gratia,
 qui tribuent centuriam, ut aliquod ex te beneficiū aut
 habeant, aut ut habeāt sperent, eos prorsus magnopere
 compara, & cōfirma. nam per hos annos homines am-
 bitiosi uehementer omni studio, atque opere laborarūt,
 ut possent à tribulibus suis ea, quæ peterent, impetrare.
 hos tu homines, quibuscunque rationibus poteris, ut ex
 animo, atque ut ex illa summa uoluntate tui studio-
 si sint, laborato. quod si satis grati homines essent, hæc
 omnia parata esse debebant, sicut parata esse concer-
 no: nam hoc biennio quatuor sodalitates ciuium ad am-
 bitionem gratiosissimorum tibi obligasti, M. Fundanij,

Q. Gallij, Cn. Cornelij, L. Coruini: & horum in cau-
sis ad te deferendis quidnam eorū sodales receperint &
confirmarint, scio: nam interfui. quare hoc tibi faci-
endum est, ut idem ab ijs, quod debent, exigas, sæpe
commonendo, rogando, confirmando, curando ut in-
telligant nullum tempus aliud se unquam habituros re-
ferendæ gratiæ. profecto homines & spe reliquorum
tuorum officiorum, etiam recentibus beneficijs ad studi-
um seruandum excitabuntur. & omnino quoniam eo
genere amicitiarū petitio tua maxime initiata est, quod
causarum defensionibus adeptus es: fac ut planè ijs ho-
minibus, quos deuinctos tenes, descriptum, ac disposi-
tum suum cuique munus sit. & quemadmodum me-
mini, quòd nulla in re illis unquam molestus fuisti,
sic cura ut intelligant omnia te, quæ ab illis tibi deberi
putaris, ad hoc tempus reseruasse. Sed quoniam tribus
rebus homines maxime ad beneuolentiā, atque hæc suf-
fragandi studia ducuntur, beneficio, spe, adiunctione a-
nimi, uel uoluntate: animaduertendum est, quemadmo-
dum cuique horū generi sit inseruiendum. Minimis be-
nificijs homines adducuntur, ut satis causæ putent se ad
studium suffragationis dedisse, ne dum ijs, quibus salu-
ti fuisti, quos tu habes plurimos. & intelligant, si hoc
tuo tempore non satisfecerint, se probatos nemini un-
quam fore. quod cum ita sit, tamen rogandi sunt, at-
que etiam in hanc opinionem adducendi, ut, qui nobis
adhuc obligati fuerint, ijs uicissim nos obligari adhuc
posse uideamur. qui autem spe tenentur, quod genus ho-
minū multo est diligētius, atq; officiosius; ijs fac ut propo-
sitū, ac paratū auxiliū tuū esse uideatur; deniq; ut spe-

DE PETITIONE CONSVLATVS

Elatorem te suorum officiorum esse intelligant diligenter; ut videre te plane, atque animaduvertere, quantum ab unoquoque proficiatur, appareat. Tertium illud genus est studiorum voluntarium: quod agendis gratijs, accommodandis sermonibus ad eas rationes, propter quas quisque studiosus tui esse uidebitur, significanda erga illos pari uoluntate, adducenda amicitia in spem familiaritatis, & consuetudinis confirmari oportebit. atque in ijs omnibus generibus iudicato & perpendito quantum quisque possit, ut scias & quemadmodum cuique inseruias, & quid a quoque expectes, & postules. sunt enim quidam homines in suis ciuitatibus, & municipijs gratiosi: sunt diligentes, et copiosi: qui etiam si antea non studuerunt huic gratiae, tamen ex tempore elaborare eius causa, cui debent, aut uolunt, facile possunt. his hominum generibus sic inseruiendum est, ut ipsi intelligant te uidere quid a quoque expectes, sentire quid accipias, meminisse quid acceperis. Sunt autem alij, qui aut nihil possunt, aut etiam odio sunt tribulibus suis, nec habent tantum animi, aut facultatis, ut enitantur ex tempore. hos internoscas: & uideto, ne, spe in aliquo maiore posita, praesidij parum comparetur. & quanquam partis et fundatis amicitijs fretum ac munitum esse oporteret: tamen in ipsa petitione amicitiae permulta, ac per uiles comparantur. nam in ceteris molestijs habet hoc tamen petitio commodi, ut possis honeste, quod in cetera uita non queas, quoscunque uelis, adiungere ad amicitiam: quibuscum si alio tempore agas, ut te utantur, absurde facere uideare: in petitione autem nisi id agas & cum multis, & diligenter, nullus petitor esse ui-

deare. Ego autem tibi hoc confirmo, esse neminem, nisi si aliqua necessitudine competitorum alicui tuorum sit adiunctus, a quo non facile, si contenderis, impetrare possis, ut suo beneficio promereatur, se ut ames, & sibi ut debeas, modo intelligat te magni aestimare, ex animo agere, bene se ponere, fore ex eo non breuem et suffragatoriā, sed firmam & perpetuam amicitia. nemo erit, mihi crede, in quo modo aliquid uirtutis sit, qui hoc tempus sibi oblatum amicitiae tecum constituen- dae praetermittat, praesertim cum id tibi casus afferat, uti tecum petant, quorum amicitia aut contemnenda, aut fugienda sit, & qui hoc, quod ego te hortor, non modo non assequi, sed ne incipere quidem possint. nā quid incipiat Antonius homines adiungere, atque inui- rare ad amicitiam, quos per se suo nomine appellare nō possit? mihi quidem stultius nihil uidetur, quā exi- stimare eum studiosum tui, quem non noris. eximiam quandam gloriam, & dignitatem, ac rerum gesta- rum magnitudinem esse oportet in eo, quem homines ignoti, nullis suffragantibus meritis honore afficiant. nanque ut homo iners, sine officio, sine ingenio, cū in- famia, nullis amicis septus, hominum plurimorum stu- dio, atque omnium bona existimatione munitum pra- currat, sine magna culpa negligentia fieri non potest. quamobrem omnes centurias multi & uariis amici- tijs, cura, ut confirmatas habeas: & primum id, quod ante oculos est, senatores, equitesq; romanos, cetero- rum hominum nauos homines & gratiosos complecte- re. multi homines urbani & industrii, multi libertini gratiosi: in foro nanque uersantur: quos per te, quos

DE PETITIONE CONSVLATVS
per communes amicos poteris sumere. cura ut tui cupi-
di sint, elaborato, appetito, allegato, summo beneficio
te afficere ostendito. deinde habe oratores urbis totius,
collegium omnium pagorum, uicinitarum. ex ijs prin-
cipes ad amicitiam tuam si adiunxeris, per eos reliquā
multitudinem facile tenebis. postea totam Italiam fac
ut in animo, ac memoria tibi distributam, comprehen-
samq; habeas: ne quod municipium, coloniam, prae-
etram, locum denique Italiae ne quem esse patiari, in
quo nō habeas firmamenti quod satis esse possit. perqui-
ras etiam & inuestiges homines ex omni regione, eosq;
cognoscas, appetas, confirmes, cures ut in suis ciuitati-
bus tibi aliquos petant, & tua causa quasi candidati
sint. uolent te amicum, si suam a te amicitia expeti ui-
debunt. id ut intelligant, oratione, quae ad rationem
pertinet, cōsequere. homines municipales, ac rustici,
si nomine tantū noti sunt, in amicitia se esse arbitrantur.
si uero etiā praesidiū se aliquid sibi constituere putāt, nō
amittunt occasionem promerendi. hos ceteri, & maxi-
me tui competitores ne norunt quidem, tu & nosci, &
facile cognoscas: sine quibus amicitia esse non potest.
neque id tamen satis est, tametsi magnum est; sed ut
consequatur spes utilitatis, atque amicitiae, ne nomen-
clator solum, sed amicus etiam bonus esse uideare. ita
cum & hos ipsos propter suam ambitionem, qui apud
tribules suos plurimum gratia possint, studiosos in cen-
turijs habebis; & ceteros, qui apud aliquam partem
tribulium propter municipij, aut ciuitatis, aut colle-
gij rationem ualent, cupidos tui constitueris; in optima
spe esse debebis. Iam equitum centuriae multo facilius

mihi diligentia posse teneri videntur . primum cognoscendi sunt equites, deinde adipiscendi : multo enim facilius illa adolescentulorum ad amicitiam etas adiungitur . deinde habebis tecum ex iuuentute optimam quaque, & studiosissimum humanitatis . tum equester ordo sequetur illius auctoritatem ordinis, si abs te adhibetur ea diligentia, ut non ordinis illius auctoritatem solum voluntate, sed etiam singulorum amicitijs eas centurias confirmatas habeas . iam studia adolescentulorum in suffragando, in obeundo, in nunciando, in asseclando mirifice & magna & honesta sunt . Et quoniam asseclationis mentio facta est, id quoque curandum est, ut quotidiana cuiusque generis, & ordinis, & etatis utare : nam ex ea ipsa copia coniectura fieri poterit, quantum sis in ipso campo virium, ac facultatis habiturus . huius autem rei tres partes sunt ; una saluatorum, cum domum veniunt ; altera deductorum ; tertia asseclatorum . In saluatoribus, qui magis vulgares sunt, & ad hanc consuetudinem, quae nunc est, plures veniunt, hoc efficiendum est, ut hoc ipsum minimum officium eorum tibi gratissimum esse videatur . Qui domum tuam venient, ijs significato te animaduvertere ; & eorum amicis, qui illis renuncient, ostendito ; saepe ipsis dicito . sic homines saepe, cum obeunt plures competitores, & vident unum esse aliquem, qui haec officia maxime animaduvertat, ei se dedunt, deserunt ceteros, minutatim ex communibus proprii, ex fucosis firmi suffragatores euadunt . iam illud teneto diligenter, si eum, qui tibi promiserit, fucum, ut dicitur, facere uelle senseris, ut te id audisse, aut

DE PETITIONE CONSVLATVS
scire dissimules; si quis tibi se purgare uolet, quod susse-
ctum esse arbitretur, affirmes te de illius uoluntate nū-
quam dubitasse, nec debere dubitare: is enim, qui se
non putat satisfacere, amicus esse nullo modo potest.
scire autem oportet, quo quisque animo sit, ut et, quā-
tum cuique confidas, constituere possis. Iam deducto-
rum officium, quod maius est quā saluatorum, hoc
gratius tibi esse significato, atque ostēdito, et, quoad eius
fieri poterit, certis temporibus descendito. magnam af-
fert opinionem, magnam dignitatem quotidiana in de-
ducendo frequentia. Tertia est ex hoc genere assidua af-
sectatorum copia. in ea quos uoluntarios habebis, cura
ut intelligant te sibi in perpetuum summo beneficio ob-
ligari. qui autem tibi debent, ab ijs planē hoc munus
exige; qui per aetatem, ac negotium poterunt, ipsi tecū
ut assidui sint. qui si ipsi sectari non poterunt, necessa-
rios suos in hoc munere cōstituant. ualde ego te uolo, et
ad rem pertinere arbitror, semper cum multitudine es-
se. præterea magnam affert laudem, & summā digni-
tatem, si ij tecum erunt, qui à te defensi, & qui per te
seruati, ac iudicijs liberati sunt. hæc tu planē ab ijs po-
stulato, ut, quoniam nulla impensa per te alij rem hone-
stam, alij salutem, ac fortunas omnes obtinuerunt, nec
aliud ullum tempus futurum sit, ubi tibi referre gratiā
possint, hoc te officio remunerent. Et quoniam in
amicorum studijs hæc omnis oratio uersatur: qui lo-
cus in hoc genere cauendus sit, prætermittendum non
uiderur. fraudis, atque insidiarum, & perfidiæ ple-
na sunt omnia. non est huius temporis perpetua illa
de hoc genere disputatio, quibus rebus beneuolus, &

simulator diiudicari possit. tantum est huius temporis
admonere. summa tua uirtus eosdem homines et simu-
lare tibi esse amicos, & inuidere coget. quamobrem
Επιχαρις illud teneto, nervos atque artus esse sapien-
tiae non temere credere. & cum tuorum amicorum stu-
dia constitueris, tum etiam obrectatorum, atque aduer-
sarium rationes, & genera cognoscito. haec tria sunt:
unum ex ijs, quos laesisti: alterum, qui sine causa non
amant: tertium, qui competitorum ualde amici sunt.
Quos laesisti cum contra eos pro amico diceres, his te pur-
gato planè: necessitudines commemorato: in spem ad-
ducito: te in eorum rebus, si se in amicitiam còtulerint,
pari studio, atque officio futurum spondeto. Qui sine
causa non amant, eos aut beneficio, aut spe, aut signi-
ficando tua erga illos studia futura, delinies, dans ope-
ram, ut de illa animi prauitate deducas. Quorum uo-
luntas erit abs te propter còpetitorum amicitias alienior,
his quoque eadè inferui oratione, qua superioribus: et si
probare poteris, te in eos ipsos còpetitores tuos benenolo
esse animo ostendito. Quoniam de amicitijs constituē-
dis satis dictum est, dicendum est de illa altera parte pe-
titionis, quæ in populari ratione uersatur. Ea desiderat
nomenclationem, blanditiam, assiduitatem, benignita-
tem, rumorem, spem in Rep. Primum id, quod facis, ut
homines noris, significa, ut appareat; & auge, ut quo-
tidie melius fiat. nihil mihi tam populare, neque tam
gratum uidetur. Deinde id, quod natura non habes,
induc in animum ita simulandū esse, ut natura facere
uideare. nō comittas tibi necesse est, ea, quæ bono ac sua
ui homine digna sunt. sed opus est magnopere blāditia:

DE PETITIONE CONSVLATVS

quæ etiã si vitiosa est, & turpis in cætera vita, tamẽ in petitione necessaria. tibi enim cum deteriore aliquem assentando facit, improba est: cū amicoiorem, non tam vituperãda. petitori uero necessaria est, cuius et frõs, et uultus, & sermo ad eorũ, quoscunque conuenerit, sensum, & uoluntatem commutandus est. iam assiduitatis nullum est præceptum: uerbumq; ipsum docet, quæ res sit. prodest quidem uehementer nusquã deesse: sed tamen hic fructus est assiduitatis, nõ solum esse Romæ, atque in foro, sed assidue petere, sæpe eosdem appellare, non committere ut quisquam possit dicere, quod eius sit consequi possis, si abs te non sit rogatũ, & ualde ac diligenter rogatũ. Benignitas autem late patet, & est in re familiari. quæ quanquã ad multitudinem peruenire nõ potest, tamen ab amicis laudatur, & multitudini grata est: est in conuiujs, quæ facete abs te, & amicis tuis concelebrentur & passim, & tributim: est etiam in opera, quam peruulga, & communica: cura, ut aditus ad te diurni atque nocturni pateant, neque foribus solum adium tuarum, sed etiam uultu, & fronte, quæ est animi ianua. quæ si significant uoluntatem abditam esse ac reclusam, parui refert patere ostium: homines enim non modo promitti sibi, præsertim quæ à candidato petant, sed etiam large ac honorifice promitti uolunt. quare hoc quidem facile præceptũ est, ut, quod acturus sis, id significes te studiose, ac libenter esse facturum. illud difficilius, & magis ad tempus, quàm ad naturam accomodatam tuam; quod facere non possis, ut id iucunde neget. quorum alterũ est boni uiri, alterũ boni petitoris. nam cū id petitur, quod

honeste, aut sine detrimento nostro promittere nō possumus, quo modo si quis roget, ut contra amicum aliquā causam recipiamus: belle negādum est, ut ostendas necessitudinem, demonstres quā moleste feras, alijs te id rebus exaētūrū esse persuadeas. audiui hoc dicere quendam de quibusdam oratoribus, ad quos causam suam detulisset; gratiore sibi fuisse orationem eius, qui negasset, quā illius, qui recepisset. sic homines fronte, & oratione magis, q̄ ipso beneficio, req; capiuntur. uerū hoc probabile est. illud alterum subdūrum tibi homini placere perito suadere: sed tamen temporī tuo cōsulam. quibus. n. te propter aliquod officiū necessitudinis affuturū negaris, tamē ij possunt abs te placati æquiq; discedere. quibus autē idcirco negaris, quod te impeditū esse dixeris aut amicorū negotijs, aut grauioribus causis, aut ante susceptis; inimici discedunt, omnesq; hoc animo sunt, ut sibi te mētiri malint, q̄ negare. C. Cotta in ambitione artifex dicere solebat, se operam suam, quod nō contra officium rogaretur, polliceri solere omnibus, impartire ijs, apud quos optime poni arbitraretur; ideoq; se negare nemini, quod saepe accideret causa, cur is, qui pollicitus esset, nō uteretur; saepe, ut ipse magis esset uacuus, q̄ putasset; neq; posse domū eius cōpleri, qui tātū modo reciperet, quātū uideret se obire posse; casu fieri, ut agātur ea, quæ nō putaris, illa, quæ credideris in manibus esse, ut aliqua de causa nō agātur: deinde esse extremū, ut irascatur is, cui mēdaciū dixeris. id si promittas, et incertū est, & in diem, et in paucioribus. sin autē id neges, statim abalienant se, et inimiciantur: plures. n. multo sunt qui rogāt, ut uti liceat opera alterius, quā qui utantur. quare satius est, ex ijs aliquos aliquando

DE PETITIONE CONSVLATVS

tibi in foro irasci, quàm omnes continuo domi, præser-
 tim cum multo magis irascantur ijs, qui negent, quàm
 * ijs, quem uideant ea causa impeditum, ut facere, quod
 promisit, cupiat, si ullo modo possit. Ac ne uidear aber-
 rasse à distributione mea, qui hæc in hac populari par-
 te petitionis disputem; hoc sequor, hæc omnia non tam
 ad amicorum studia, quàm ad popularem famam per-
 tinere. etsi inest aliquod dictum ex illo genere, benigne
 respondere, studiose inservire negotijs amicorum, ac pe-
 riculis: tamen hoc loco ea dico, quibus multitudinem ca-
 pere possis, ut de nocte domus compleatur, ut multi spe-
 tui præsidij teneantur, ut amiciores abs te discedant quàm
 accesserint, ut quamplurimorum aures optimo sermone
 compleant. Sequitur enim, ut de rumore dicendum sit.
 cui maxime seruiendum est. sed quæ dicta sunt omni su-
 periori oratione, eadem ad celebrandum rumorem ua-
 lent, dicendi laus, studia publicanorum, & equestris or-
 dinis, hominum nobilium uoluntas, adolescentulorum
 frequentia, eorum, qui abs te defensi sunt, assiduitas,
 ex municipijs multitudo eorū, quos tua causa uenisse ap-
 pareat, bene homines nosse, comiter appellare, assidue
 ac diligenter petere, benignum, ac liberalem esse, be-
 ne loqui existimare, domus ut multa nocte compleatur,
 omnium generum frequentia adsit, satisfiat oratione o-
 mnibus, re, operaq; multis proficiatur, id quod fieri
 potest labore, & arte, & diligentia, non ut ad po-
 pulum ab ijs omnibus fama perueniat, sed ut in ijs stu-
 dijs populus ipse uersetur. Iam urbanam illam multitu-
 dinem & eorum studia, qui conciones tenent, quæ ade-
 ptus es in Pompeio ornando, in Manilij causa recipien-
 da, Cornelio defendendo, excitanda nobis sunt: quæ ad-

huc habuit nemo, quin idem splendore omnium, uoluntatesq; haberet. Efficiendum etiam illud est, ut sciant omnes, Cn. Pompeij summam erga te esse uoluntatem, et uehementer ad illius rationes, te id assequi, quod petis, pertinere. Postremo tota petitio cura ut pompæ plena sit, ut illustris, ut splendida, ut popularis, ut habeat summam speciem, ac dignitatem, ut, etiam si qui possit, ne competitoribus tuis existat aut sceleris, aut libidinis, aut largitionis accommodata ad eorum mores infamia. Atque etiam in hac petitione maxime uidendum est, ut spes Reip. bona de te sit, et honesta opinio. nec tamen in petendo Resp. capeffenda est, neque in senatu, neque in concione. sed hæc sunt tibi retinenda, ut senatus te existimet ex eo, quodd ita uixeris, defensorem auctoritatis suæ fore; equites R. boni, et locupletes ex uita acta te studiosum orij ac rerum tranquillarum; multitudo, ex eo duntaxat quodd oratione in concionibus, ac iudicio popularis fuisti, te à suis commodis alienum non futurum. Hæc mihi ueniebant in mentem de duabus illis comotionibus matutinis, quo tibi quotidie ad forum descendenti meditandum esse dixeramus: nouus sum: Consulatum peto: tertium restat, Roma est, ciuitas ex nationum conuentu constituta; in qua multe insidie, multa fallacia, multa in omni genere uitia uersantur; multorum arrogantia, multorum contumacia, multorum maleuolentia, multorum superbia, multorum odia ac molestia perferenda est. uideo esse magni consilij, atque artis, in tot hominum cuiusque modi uitis, tantisque uersantem uitare offensionem, uitare fabulam, uitare insidias, esse unum hominem accommodatum ad tantam morum, ac sermonum, ac uoluntatum uarietatem. qua

DE PETITIONE CONSVLATVS

re etiam atque etiam perge tenere istam uiam, quā in-
stituiſti : excelle dicendo : hoc et tenentur Romae homi-
nes, & alliciuntur, & ab impediendo, ac ledēdo repel-
luntur . & quoniā in hoc uel maxime uitioſa eſt ciui-
tas, quōd, largitione interpoſita, uirtutis, ac dignitatis
obliuiſci ſolet, in hoc fac ut te bene noris, id eſt, ut intelli-
gas eū eſſe te, qui iudicij ac periculi metū maximū com-
petitoribus afferre poſſis . fac itaque, ut ſe abs te cuſtodi-
ri, atque obſeruari ſciant . tum diligentiam tuam, tū au-
toritatem uimq; dicendi, tū proſecto equeſtris ordinis
erga te ſtudium pertimeſcent . atque hæc ita te uolo illis
proponere, ut uideare occaſionem non meditari, ſed ut
hoc terrore facilius hoc ipſum, quod agis, cōſequare . &
planē ſic cōtēde omnibus neruis, ac facultatibus, ut adi-
piſcamur quod petimus . uideo eſſe nulla comitia tam
inquinata largitione, quibus nō gratis aliqua centurie
renunciēt ſuos maxime neceſſarios . quare ſi aduigila-
mus pro rei dignitate, & ſi noſtros ad ſummū ſtudium
beneuolos excitamus, & ſi hominibus ſtudioſis gratioſ-
usq; noſtri ſuum cuique munus deſcribimus, et ſi cōpeti-
toribus iudicia proponimus, ſi ex equeſtribus metū inij-
cimus, diuiſores ratione aliqua coercemus : perfici po-
teſt, ut largitio nulla fiat, aut nihil ualeat . Hæc ſunt
quæ putauī nō melius ſcire me q̄ te, ſed facilius his tuis
occupationibus colligere unū in locū poſſe, & ad te per-
ſcripta mittere . quæ tamē etſi ita ſcripta ſunt, ut nō ad
omnes, qui honores petant, ſed ad te proprie, & ad hāc
tuam petitionem ualeant : tamē tu, ſi quid mutādū eſſe
uidebitur, aut omnino tollēdū, aut ſi quid erit præteri-
tū, uelim hoc mihi dicas : uolo . n . hoc cōmentariolū pe-
titionis haberi omni ratione perfectum .

SCHOLIA PAULI MANVTII IN
SECVNDAM CICERONIS PHI-
LOSOPHIAE PARTEM.

Pagina 2.

CAVSAM, id est principium, philosophiae esse scientiam] Nisi enim scientiae nobis amor à natura esset insitus, non erat causa cur philosopharemur. scientiam autem philosophiae causam, & originem esse, inde cognoscitur, quod de natura deorum non modo uariae sunt doctissimorum hominum opiniones, uerum etiam discrepantes. cuius rei causa est scientiae cupiditas. Cur autem non nulli hanc lectionem adeo non probauerint, ut corruptum exemplar sequi maluerint, non intelligo: nisi si ea, quae in suo libro manuscripto non uident, ex ingenio, & coniectura esse omnia in animum induxerunt.

2.

QVOD est enim temeritate fortius?] Aut hic fortius in mala partem est accipiendum, quasi uolentius; qua significatione hanc uocem alibi non memini me legisse: aut pro fortius corrigendum, scilicet; quod affirmare sine uetustis exemplaribus non audeo.

2.

QVOD uero maxime etc.] Receptam lectionem non improbo: neque enim est cur debeatur. sed ut medicum non eos solum, qui aegrotant, sed eos etiam, qui satis commodè habent, quandoque curant, ut ad naturae beneficium addito artis adiumento, quam optimam ualitudinem, & speciem consequantur: sic nos non ea mo-

DD

SCHOLIA IN PARTEM II.

do, quæ errorum tenebris involuta, minus perspicua sunt, sed siquid etiã eiusmodi est, quod lectorem omnino non lateat, quanto magis possumus correctione illustramus: ut hoc in loco, dixi me receptã lectionem nõ improbare; neque, cur improbem, causa est: tamen ad uenustatem, & ornatum quiddam addetur, si ita legas. Quod uero maxime rem, causamq; continet, utrũ nihil agant, nihil moliantur, ab omni curatione & ad ministracione rerũ uacent; an contra ab his & à principio omnia facta & constituta sint, & ad infinitum tempus regantur, atque moueantur; in primis magna questio est.

6.

PHYSIOLOGIAM] Post hãc uocem sequebatur, id est naturæ rationem: quod induximus, uidentes glossam esse ab aliquo adiectam, qui physiologiam interpretaretur.

8.

A' MAGISTRO Platone uno dissentiens] Primum non ab uno, sed à multis dissentiebat; nam philosophi de dijs uarie sentiebant: deinde ab alijs potius, quàm à Platone; cuius eandem ferè de dijs fuisse sententiam paulo ante ostendit: quam eius discipuli, Aristoteles, & Ponticus Heraclides, sunt secuti: itaque uidendum, num ita legi possit: A' magistro Platone non dissentiens.

9.

ET tamen modo mundum, tum mentem diuinam esse putat] Corrigo, Et tum mundum, tum mentem Deũ esse putat: itaq; planè est in Maffei libro, nisi quod

PHILOSOPHIAE CIC.
habet, Et cum mundum.

6.

THEOGONIAM, id est originem deorū]
Hic quoque glossa fuit: nam illud, id est, originem deo-
rum, quis nō uidet adscriptum fuisse, ut Theogonia si-
gnificatio ostenderetur? qua ratione adducti deleui-
mus, eo libentius, quod quibusdam in antiquis libris ex-
positio illa non est.

6.

VSITATA S perceptasq; cognitiones] Re-
Elius opinor, insitas perceptasq; cognitiones: nā & in
Massei libro ita scriptum legitur: & pagina etiā 10:
Insitas, dixit, deorū cognitiones habemus. Et alibi nō se-
mel, atque etiā Lucretius hac locutione usus est: Vnde
(inquit libro V.) insita notities est utilitatis.

11.

NON modo uiderat animo, sed etiā sic tractat,
ut manu, doceat] Huius loci correctionem sensus ipse
uidetur ostendere: tollet enim omne mendū, si quis ita
legat, Non modo uiderat animo, sed etiam sic tracta-
rat ut manu, docet.

11:

EXISTAT, & ad deos affluat] Legendum
puto, A' deo affluat, sententia ita postulante: de quo
dubitādum eo minus est, quod pagina 24 Cum inquit,
ex ipso imagines semper affluāt. & Lucretius nostram
coniecturam libro 4. planē confirmat.

15:

QVOD & non predicanti tam facile quidem
credam, sicut] Tam, & sicut particula nō sunt sibi

DD ij

SCHOLIA IN PARTEM II.

inuicem respondentes: itaque & locutione magis usitata, & sensu aliquando aptiore legetur: Quod & non prædicanti, tamen facile quidem crederem, sicut mali ædificij, &c. quam lectionem habet Maffei liber manu scriptus.

17.

HVIC pulchrior deo?] Concinnior erit sententia, si legatur; Hui, pulchrior Deo?

18.

IPSUM sibi displicere] Sic libri manuscripti: à quibus non dissentio: uidendum tamen est, num rectius ita possit, ipsum tibi displicere.

18.

SIGILLA numerantes] Sensus, ut opinor, meliore, clariore quidem certe legetur, Sigilla uenerantes,

19.

QVAE funditus gens uestra non nouit] Puto legendum esse, Quem: ut subaudiatur, morem; & deinde, argumentis sententiam, non argumenti sententiam.

19:

COR, pulmones, iecur ceteraq; , detracta utilitate, quid habent uenustatis?] Corrigo, Cor, pulmones, iecur, cetera; quæ, detracta utilitate, quid habent uenustatis? ut à præcedentibus tenui distinctionis nota sciungantur, & ad uerbum, habebit, referantur.

22.

SUPERIOR aer] Antiqui libri & superius aer, & supremum aer, habent. ego rectius legi putarem, superiorem aer; ut subaudiatur, locum teneat:

uel, superior aeris : ut insequens membrum spectet.

24.

HOMINES non colant] Hominibus nō cōsulant, magis probare. erat enim hac Epicuri sententia, deos hominibus nō consulere. quod Cotta refellit cū hoc loco, tū in fine libri, cū inquit ; dii nulla re egentes, & inter se diligūt, & hominibus consulunt. Item libro 11. pag. 59. Si, inquit, omnibus hominibus deos cōsulere cōsemus. Et huius disputationis libro 3. pagina 72 : Primum deorū ne providentia mundus regatur : deinde cōsulant ne dii rebus humanis. & alibi in eādē sententiā sepiissime : quae quia tā manifesta in re minus uidentur esse necessaria, praetermittam.

24.

PRODICVS Cius] Alij uidentur legisse in antiquo libro, Prodicus Cius. nos hic haeremus, cum ex pagina 9 : auctorem huius sententiā fuisse Perseū appareat. nisi si uelis legere, Perseus Citieus, non Prodicus Cius, literis haud ita dissimilibus, ut correctio temeraria uideri possit. Perseū autem, Zenonis auditorem, fuisse Citieum, Suidas, & Laertius in Zenone testatur.

29.

DISTINCTIONEM, ueritatem, pulchritudinem, ordinem] Ex ijs, quae sequuntur, manifestū est, uarietatem potius hic esse legendum, quā, ut antea, utilitatem : ut illa ratio omittatur, quod de utilitate, qua homines adducti deos agnoscunt, nō in quarta causa, sed in secunda mentionem facit.

35.

BIS bina quid essent] Bina numerū significat,

DD iiij

SCHOLIA IN PARTEM II.

nō qualitatem : itaque sic opinor rectius, Bis bina quot essent, una litera immutata, siquidem quit pro quid uerteret scribebant : quæ deinde multorum errorum causa fuit, describentibus libros hominibus imperitis.

39.

IS RAPVIT Proserpinam] Hærebat antea lector hoc in loco deprauatione uerborum implicatus. nunc ex Maffei libro correctione adhibita, nemo tam tardus est, qui, uel cursim legens, sensum nō percipiat.

43.

SONITV, & spiritu] Qui pro spiritu, legere malunt, strepitu; nō animaduertunt ex sua lectione uersum claudicare. hūc autem uersum, & alios consequentes recitat Priscianus in libro de comicis metris.

44.

SICVT inciti, atque alacres rostris perfremūt] Metire uersum pedibus: uitiū deprehendes: quod mutatione parua tolletur, si pro, sicut inciti, leges, Sicuti citi.

51.

VOMITIONE canis purgare aluos ibes Aegyptiæ curant] Varie legitur in libris manuscriptis : nam pro purgare, & purgante, & purgātes, & purgant, reperitur, & pro canis, canes: ut fortasse ita corrigendum sit : Vomitione canes purgātur: aluo se ibes Aegyptiæ curant. Cuius rei historiam ex Plinio, & Plutarcho licet cognoscere.

53.

MOLLITVR cibis] Satis aptus elicitur sensus: mihi tamen magis placeret, Molitur; à uerbo mo-

PHILOSOPHIAE CIC.

lo molis, unde molares dentes . atque etiā in hoc uerbo
Massei liber l consonantem non geminat .

55:

APERTE t̄gendi] In libro Massei lectio pro
babilior, Pariter t̄ngendi : cuius sententiam, quia pa=
tet, ostendere supernacaneum uidetur .

60.

SI mehercule, inquit, Vellei] Aut in his uerbis
mendum est, aut quidpiam desideratur . quod si ita cor
rigas, sanè hercule, inquit, Vellei; non erit, quo lector
offendatur . subaudietur enim, paratus uenio: & opti=
me cum sequentibus sententia conueniet .

64:

SENSVM, & rationē, & orationem, hæc ea=
dem & caniculam non habere] Antiqui libri alij ha
bent, sensum, & rationem, hæc eadem & caniculam
nō habere : alij, sensum, & rationē, & orationē, hæc
eadem orionem, & caniculam non habere . emendo,
sensum, & rationem, orionem hæc eadem, & canicu=
lam non habere .

67:

IDAEIS indigenis] Idæis digitis, alij: utrunque
deprauatum . sequor Cōstantij Fanensis, eruditi sanè
hominis & admodum diligentis, sententiam, qui legit,
Idæis Daētylis, ex Strabonis libro X. qui scribit, unum
ex Idæis Daētylis Herculem fuisse nominatum . & ex
Diodori sexto, cuius hæc sunt uerba: Primi in Creta cir
ca Idam habitauerunt Idæi Daētyli appellati . & infra,
Scribunt unum ex eis appellatū Herculem . Sic etiam
legitur in Massei libro . Digitis autem, ut idem Cōstan=

D D iiij

SCHOLIA IN PARTEM II.
ius recte conijcit, glossa fuit, uerbo Daetylis superim=
posita: unde & indigitis, & indigenis errore aucto
factum est.

71.

CVIVS Abazea sunt instituta] Maffei liber,
cuius Sabazea: lego, Cui Sabazea: pro, in honorem
cuius. Sabazius autem Dionysij cognomen fuit: unde
Sabazia sacra. cuius nominis etymologiam Suidas ex=
ponit in uerbo Σαβάζιου, & Aristophanis interpres in
Auibus, & Vespis. ut fortasse apud Macrobiū libro
I. Saturn. pagina 141. Legendum sit, Sabazium, non,
Sebadium.

72.

IN Palatio, & ædem Larū] Lares inter res per=
niciosas annumerari mirabar, cum in Maffei uetusto
exemplari scriptū animaduerti, in Palatio, & Orbonæ
ad ædem Larum. quæ mihi lectio admodum sanè pla=
cuit; quoddam Febri, Orbona, Mala Fortuna, recte & ui=
deri, & dici res perniciose possunt. quod si quis hoc ar=
gumento contentus non est, et, præter antiqui libri au=
thoritatem, amplius præterea desiderat, Pliniū audiat,
cuius hæc sunt uerba libro 2. cap. VII. nat. hist. Febrī
fanum in Palatio dicatum est, Orbonæ ad ædem La=
rium ara, & Malæ Fortunæ Exquilijs.

73.

POST QUAM pater, &c.] Septenarium
hunc uersum oportet esse, quemadmodum & insequen=
tes reliqui sunt. ut autem legitur, pedibus recte distin=
gui nō potest. neque secus habent antiqui libri. sed ani=
maduerti, uersum, nulla mutatione, restitui posse, si ita

PHILOSOPHIAE C I C.

scribatur, ut incipiat à uerbo, Appropinquat, & duæ præcedentes dictiones, tanquam superioris uersus extremæ, seiungantur.

78.

QUINAM Tantalidarum, etc.] Senarij tres iambici sunt: quos nemo hætenus agnouit. mihi cum semper ipsa uerba poeticum quiddam olere uisa sunt, tum multo magis, posteaquam in Maffei libro scriptum legi, satias supplicij, non, satietas supplicij. quod cum animaduertissem, confugi statim ad mensuram; eaq; usus, deprehendi uerum, quod propter continuatū uerborum ordinem latebat. senarios inquam iambicos ex uetere poeta, esse comperi: qui sunt ita distinguendi:

Quinam Tantalidarum internecioni modus
Paretur? aut quænam unquam ob mortem Myrtili
Pœnis luendis dabitur satias supplicij?
Satias autem pro satietas quandoque ueteres dicebāt:
unde Lucretius libro II. fessus satiate uidendi. & li-
bro V. iuuabant cum satiate cibi.

83:

IN secundo Consulari] Puto corrigendū, In se-
cundo de Consulari: ut subaudiatur, libro.

86:

ÆTHEIUM] Plutarchus in Crasso Ateium appellat: quo modo hic etiam legendum puto: quādo eum Dion historiæ libro XXXIX. C. Ateium Ca-
pitonem nominat: Capito autem cognomen Ateiorū,
non Aetheiorum fuit.

89.

MINVS mirum est] Hæc tota somnij inter-

SCHOLIA IN PARTEM II.

pretatio constat è septenarijs: itaque nō intelligo quid spectauerint ij, qui ueterem lectionē mutarūt, & pro, Minus mirū est, legere maluerunt, minus mirandū est.

99.

POLYBVM Corinthium] Polidum Corinthium, Maffei liber, minus corrupte, sed ut mundū tamē penitus non tollat: nam est scribendum, Polyidū Corinthiū, ex Homeri loco, quem Cicero significat, qui est Iliadis libro XIII. his uerbis:

Ἦν δ' ἔτις εὐψύων πολυίδου μάντιο υἱὸς
ἀφνείει τ' ἀγαθὸς τε, κορινθοῖσι οἰκία ναίων,
ὃς ῥ' οὐκ εἰδὼς κῆρ' ὅλοῖν ἰδὲ νοὸς εἴβαινε:
πολλάκι γὰρ οἱ εἶπε γέρον ἀγαθὸς πολυίδει,
νόυσω ὑπ' ἀεγυαλῆϊ φθίειν οἷς ἐν μεγάροισιν,
ἢ μετ' ἀχαιῶν νυσιῖν ὑπὸ τρώεσσι δαμῆναι.

99:

DE principum filijs sex singulis Etruriæ populis] Valerius Maximus nō sex, sed decem fuisse tradit, qui singulis Etruriæ populis in disciplinam traderentur.

99:

VT enim Aegyptij, ut Babylonij] Vt Aegyptij, ut Babylonij, libentius legerem; uel, Etenim Aegyptij, & Babylonij.

100.

SOMNIANDI causa excubabāt] Viderur esse legendum, Incubabāt: quo uerbo & Virgilius, de Latino Rege loquens, in eandem sententiam libro VII. usus est, cum inquit: Pellibus incubuit stratis somnosq; petiuit. Incubabant enim, ut somnos caperent. at excubare contrarium significat.

101:

PRAEROGATIVAM etiam maiores omnes iustorum comitorum esse uoluerunt] Nō, omnes; sed omen, ueram lectionem esse puto: quo modo etiam legitur pagina 125.

102.

TIBI P. Claudius] Puto legendū, App. Claudius: qui fuit P. Clodij frater, augur peritissimus, qui etiam de augurali sciētia libros edidit. quod si hūc esse Appium Claudium, probabitur: cōstabit ex hoc loco, uel ijs, qui iuuenes admodum essent, Romae olim fieri augures licuisse, quippe cū triennio ante Appij Aedilitatem Cicero Consul fuerit, Aedilitas autem Consulatum quinquennio praecesserit: qui ante XLIII. aetatis annū nemini, nisi extra ordinem, dabatur: eōq; anno qui Consules fiebant, suo anno Cōsules fieri dicebatur: quod alibi Cicero sibi contigisse dicit. sed hac de re & plenius, & distinctius in eo libro, quem de magistratibus Romanis aggressi sumus.

102:

ROMVLVS pulcher in alto Querit Auentino] Liuius aliter: nō enim Romulum, sed Remum in Auentino obseruasse tradit.

106:

VERISIMILE est] Ordinem uerborū & sententiam secuti sic emendauimus; cum antea legere tur, uerisimiles.

107.

PERMISTI cum corpore animi] Nihil mi

SCHOLIA IN PARTEM II.
to, neque mutandū censeo : fuit tamen, cū dictionem,
animi, crederem abundare .

107:

V T enim Ceos] Particulæ, ut, nō uideo quid re=
spondeat. omnino in Ciceronis scriptis nonnulla depre=
henduntur, quæ nō habent quod referantur: sed utrum
id scriptoris, an librariorū uitio sit assignandum, igno=
ro . hic quidem unius literæ mutatione restitui poterit,
Etenim Ceos .

116.

INDUCITIS] Duo uerba, quæ sequuntur,
Captiones, & Explicetis, facile me adducunt, ut legen=
dum putem, Induitis: qua ratione item in Verrem di=
xit, induere se in laqueos : & Lucretius libro IIII. Ac
nos in fraudem induimus frustra nimis ipsi .

129:

A V T ea ne ipsi quidem dij significare possunt]
Mihi hoc totum frustra uidetur inculcatum: quorsum
enim, cum idem significet id quod dixit, Aut, quid euen=
turum sit, ignorant?

130.

NEGANT enim id esse alienū maiestatis deo=
rum, scilicet causas omnium introspicere] Apparet,
hæc præcedentibus esse attexenda, locumq; ita corrigen=
dum : Negant etiam id esse alienum maiestatis deorū,
scilicet, causas omniū introspicere. quo enim ordine Chry=
sippus, Diogenes, & Antipater rationes, cur diuinitas
esset, attulerunt : eodem ordine eas ipsas rationes cona=
tur Cicero confutare. Negant etiam, inquit, id esse alie=
num maiestatis deorum, causas omnium introspicere :

PHILOSOPHIAE CIC.

ἐγοὐκ ἔω : quasi dicat ; Maxime est alienū maiestatis
deorum, casas omnium inrospicere, ut uideant quid
cuique conducatur. & dixit casas potius, quā domos, ut
humilitate uerbi maior esset ironia : domos enim prin-
cipes uiri habitare solent, casas non solent, quæ agrestiu
proprie sunt. Distinctionem autem illam, scilicet, ita acci-
pinus, ut per ironiā posita sit, non ut, id est, significet.
Neque, Maestate, lego, pro maiestatis ; cū alienus etiam
generādi casu coniungatur : ut libro I. de Finibus 51.
Quis alienū putet eius esse dignitatis, quā mihi quisque
tribuit ? & de Vniuersitate 198. Naturā fugientem,
& eius copulationis alienā. & Sallustius in Cat. Do-
mus D. Bruti propinqua foro, neque aliena cōsiliū pro-
pter Semproniam. & Lucretius libro VI. Alienaq; pa-
cis eorum. & infra, Nec tamen hæc ita sunt aliarum
rerum aliena.

131.

QVORVM interpres] L. Cotta : de quo Sue-
tonius in Iulio Cesare his uerbis . Percrebuit fama, L.
Cottā XV uirū sententiam dicturum, ut, quoniam li-
bris fatalibus contineretur, Parthos nisi à Rege nō pos-
se uinci, Caesar Rex appellaretur. Ex quo Ciceronis lo-
cus illustratur, et simul intelligitur, libris sibyllinis inter-
pretandis XV uiros præfuisse.

131.

QVÆ Ennius fecit] Puto hoc inducendum, ut
glossam præcedentis uerbi.

139.

STIRPES omnes eiciendæ sunt] Elidēdæ, nō
dubito quin corrigendum sit, ut cum uerbo, stirpes, &

SCHOLIA IN PARTEM II.

cum uerbo item, propaganda, quod in superiore mem-
bro positum est, in trallatione consentiat. Sic etiam lo-
cutus est Tusculanarum quaestionum libro III. pagina
208: Stirpes, inquit, ægritudinis, trunco euerso, omnes
elidende.

141.

QVID autem magnum, et naufragum illum si-
ne nomine in riuo esse lapsum?] Tollenda stellulæ
nota, nescio quo modo è regione posita. sensus est: quid
mirū est, naufragum quoque illū in riuo esse lapsum?
intulit autem post uocem magnū particulam, et, pro-
pterea quodd iam exemplū de Daphita, & de Philippo
confutarat: quasi diceret, præterea.

160:

DISPUTARI solent nimirū ista] Vetus-
tū exemplar Maffei, Disputari solet nimirum ista: unde
mibi orta coniectura est, nimirum ista, glossam fuisse,
eamq; omnino esse inducendā: quod tamen prius non
adducar ut faciam, quā id mihi per antiquos libros
licere perspiciam.

161:

VNDE enim illa] Rectius ex antiquo libro, Vn-
de est illa: nam coniunctio, enim, non ita cū præceden-
ti, aut cum insequenti membro coheret.

163.

ATTICE * uidetur] Tale quidpiam suspi-
cor deesse, ut opinor: ut ita continuata oratione lega-
tur. Attico, ut opinor, uidetur, mihi quidem certe, ex
natura ortum esse ius.

167:

ESSE noluerūt] Reēte, noluerūt, legit iuriscō= sultorum princeps Alciatus in libello de quinque pedū præscriptione. & paulo post, sed nos tres arbitri.

168.

SVIS, omnibusq; naturæ coniunctos] Suis cō= iunctos, non uideo quo sensu legatur. rectius uidere= tur, sibi.

170.

EOSDEM migrare] Eos demigrare, crederem esse corrigendum: & paulo post, Videar adduci, pro= uideam adduci.

170.

CVM pro Ambio] Quis hic Ambius fuerit, igno= ratur: neque pro eo Ciceronem, aut Pōpeium dixisse, comperimus: utrumque autem pro Balbo; pro quo ex= tat luculenta Ciceronis oratio: itaque corrigo, Cum pro Balbo, approbante Maffei libro manuscripto.

170:

QVAM ex Quinto saepe audio] Ineptū, si ad amœnitatem referatur: potius referendum uidetur ad id, quod sequitur de Thebano Epirote: & pro, Quā, legendum, Quemadmodum: quam uocem ita scimus à librarijs nōnullis apice superimposito contrahi solere, ut interdum uel Quam, uel aliud simile potius, quā= quemadmodum, significare uideatur.

173.

NE'VE novos, sed ne aduenas] Verā lectionem esse puto, Ne'ne novos, et ne aduenas; parua admodū, & propè nulla mutatione; siquidem, set, ueteres scri=

SCHOLIA IN PARTEM II.

bebant pro, sed; & sæpe hoc mendi genus deprehendi-
mus, cum alicuius uerbi prima litera ex ultima antece-
dentis sumpta, & repetita est. Maffei liber habet, Ne'ue
nouos, siue aduenas. antiquitatem magis oleret, Ne'ue
nouos, ne'ue aduenas.

173.

TEMPLA liberata & efflata] Ex antiquorū
testimonio, & auctoritate legendum est, Efflata . nam
M. Varro de lingua lat. Hinc, inquit, efflata dicuntur,
quod augures finem auspiciorū coelestium extra urbem
agris sint effati. hinc effari templa dicuntur. ab augu-
ribus effantur, qui in his fines sunt. hinc fana nomina-
ta, quod Pōtīfices in sacrado fati sint finem. Et Gellius
lib. xiiij. cap. xiiij. de pomœrio his uerbis. Pomœriū quid
esset, Augures populi R. qui libros de auspicijs scripse-
runt, istiusmodi sententia definierūt. Pomœriū est locus
intra agrum effatum, per totius urbis circuitū penē mu-
ros, regionibus certis determinatus: qui facit finem ur-
bani auspicij. & in eodem cap. neque postea D. Iulius,
cū pomœrium proferret, intra effatos urbis fines inclu-
serit. Pomœrium est circa murū locus, quem in cōden-
dis urbibus quondā Hetrusci, quā murum ducturi erāt,
certis circa terminis inaugurato consecrabāt. Vti appa-
reat, effari, & cōsecrari idem esse. Præterea Liuius lib.
I. Iouis Statoris ædem uotam, ut Romulus ante uoue-
rat: sed fanum tantum, id est locus templo effatus iam
sacratus fuerat.

174.

V T & tu rogas] Allusit ad tabellas, in quibus
scriptum erat, uti rogas. Vide ad Atticum lib. I. & Li-
uium

PHILOSOPHIAE CIC.
uium libro XXXIII.

175.

MALAE Fortune, detestataeq;] In antiquioribus libris, Malae Fortune detestatur. ut existimem uerbū, detestatur, esse inducendū, ueluti glossam ab aliquo ad scriptam ad id, quod sequitur, Quae omnia eiusmodi repudianda sunt: ut ostenderet Ciceronem eiusmodi omnia detestari.

177.

EUMOLPIDAEQUE NOSTRI]

Aut corrigendum, Eumolpidaeq; uestri: aut in nominibus personarum error est: nam Eumolpidae sacerdotes erāt Athenis. repetam igitur quod supra est, idq; , ut est in Maffei libro, perscribam. Versatur oratio. at uero, quod sequitur, quo modo aut tu assentiare, aut ego reprehendam? M. sanē quæro Tite. quid tandem id est? Att. De nocturnis sacrificijs mulierum. M. Ego uero assentior, excepto praesertim in ipsa lege solenni sacrificio ac publico. Att. Quid ergo aget Iacchus, Eumolpidaeq; nostri, & augusta illa mysteria: siquidem sacra nocturna tollimus? non enim populo R. sed omnibus bonis, firmisq; populis leges damus. excipis, credo, illa, quibus ipsi initiati sumus. M. Ego uero, &c. Hoc totum uacare mendo existimamus. nam illud, sane quæro Tite, refertur ad memoriam. quæro inquit, quid sit quod in lege sequitur. deinde, quasi reminisci non posset, infert. quid tandem id est?

182:

ASTIM cum illo] Ex Maffei libro legendū est, ne in Astico sepeliretur. Asticus autem locus erat Athe

EE

SCHOLIA IN PARTEM II.
nis, ubi liberi homines sepeliebantur, cum alibi mercedem pro sepulcro penderent.

182:

DOMVS QVE funeris] Dominusq; funeris, opinor emendandum: quemadmodum etiam in oratione in Vatinium dixit, Dominus epuli.

188:

PERTVRBANDAS] Tollenda asterisci nota sine causa apposita.

188:

SAPIENTIA maiore nihilo uide] Alij, Nihilo uideris, sensu mihi quidē parū probato. Maffei liber habet, sapientia inde maiorum non ne uides, quod: ut putem esse legendum: sapientiam maiorum non ne uides, quod concessa &c.

189.

QV O'D si is casus. &c.] Hic locus ex Maffei libro ita uidetur esse corrigendus. Quod si is casus fuisset rerum, quas pro salute Reip. gessimus, ut non omnibus gratus esset, & si nos multitudinis uis furentis inflammata inuidia pepulisset, Tribunusq; aliquis in me populum, sicut Gracchus in Lenatem, Saturninus in Metellum, incitasset: ferremus d Quinte frater: etc.

290:

QVI eas frangere deberent, cupiditatis eiusdem tenerentur?] Etsi teneor cum genitino legitur apud Plautum: tamen & ad sententiam, & ad usum loquendi magis placeret hæc lectio: Qui eas frangere deberent, eisdem tenerentur.

190:

QVAECVNQVE mutatio morum extiterit,
eandem in populo secuturā] Cum de praeiis ora-
tio sit, apparet legendum esse, in populo secutam.

190:

IUDICANDO quin in lege] In uerbo, quin
mendum esse constat: neque uetusti libri discrepant:
forte, itemq; , legendum sit.

191:

FLETVS] Fluctus, recte putat esse legendum
Hieronymus Ferrarius uir pereruditus. est autem sen-
sus: Faciebat Gratidius Arpini, quod post Romae fi-
lius eius Marius fecit. hoc autem translatis uerbis ele-
ganter expressit.

191:

AC nostro quidem, qui cum] Si relatiuum, qui,
tollatur, mendi nihil supererit. non enim assentior ijs,
qui illud, Ac nostro quidem cum praecedenti membro
conneunt: ex quo inepta planè, atque insulsa fieret
sententia. noster autem sine substantiuo quandoque ue-
teres usurpabant, ut Terentius in Phorm. Noster, quid
ageret, nescire: & Cicero in epist. fam. 236: Quod no-
stra tibi gratias agit.

192:

DILIGENTIAE memoriam esse] Corrigo
ex Maffei libro & ex sensu, diligentis memoriae esse.
nam illud, diligentiae memoriam esse, frigidam habet
sententiam, & perabsurdam.

192:

OPEM referre] Opem Reip. ferre, coniecturā

EE ij

SCHOLIA IN PARTEM II.

secutus emendo. erroris origo, ut opinor, ea fuit, quod in antiquis libris cum scriptum esset, R. P. ferre, pro Rei publicæ ferre, ab imperitis immutatum est, & scriptum referre.

193.

SERVI, & latrones] In antiquis libris, Servi atque patroni, et, Servi, & patroni tui, legebatur: nos, Servi et latrones, emendauimus: ut tamen, si quis melius attulerit, libenter eum secuturi simus.

193.

SEQUITUR de captis pecunijs, de ambitu legis] Adiutus à uetere scriptura emendari: Sequuntur de captis pecunijs, de ambitu leges. duo enim capita, quorum alterum ad captas pecunias, alterum ad ambitum pertineret, leges appellat: ut paulo ante, cum dixit, Leges præclarissimæ de XII. tabulis translatae duæ, quarum altera priuilegia tollit, altera de capite ciuis rogari, nisi maximo comitiatu, uetat.

196.

EXPLICANDVM uidetur, esse cognitio] Verba Platonis in Timæo hæc sunt. ὥς ἂν τοὺς λόγους, ὧν πέρ ἐστιν ἐξηγηταί, τούτων αὐτῶν καὶ συγγενῆς ὄντας. ex quibus apparet legendum esse, cognitio; non, cognitio: ut fortasse ita locus restituendus sit. In omni oratione, cum ijs rebus, de quibus explicatur, uidetur esse cognitio.

196:

RECTE ne igitur, etc.] Videtur ita corrigendum. Recte ne igitur unum mundum dixerimus; an fuit, plures & innumerabiles, dictu uerius & melius?

PHILOSOPHIAE C I C.

transtulit enim Platonis locum totidem uerbis : quem subiiciemus, ut, si quis uelit, conferre possit. πόθεν οὖν ὁρῶς ἐναὶ οὐρανὸν προσειρήκαμεν; ἢ, πολλοὺς καὶ ἀπειροὺς, λέγειν ἢν ὁρῶτερον.

197.

DEIVNCTA] Ex sensu, & ex Platone corrigo, Deivncta.

197.

ALTERA gigneretur] Alter, legendum esse, & sensus & uerba Platonis ostendunt. mirū autem, tam multis mendis hunc de uniuersitate librū ad hunc diem refertum fuisse, cum ex collatione Platonis non ille quidem ubique, sed certe plurimis in locis potuerit emendari.

198.

CONCLVDVNTVR: & globosus] Re-
cte: neque mutatione opus est. græce tamen sic: διο-
καὶ σφαιροειδής. quod est, Quare & globosus.

198.

QVOAD eius præstabat iudicio dissimilitudinī
similitudo] Sensus requirit, ut legatur, Quid eius:
idq; potius græca uerba significant: νομίσας μνηστῆρα καὶ
λαίον ὁμοίον ἀνομοίου.

198.

INGRESSVS corpore sustineret] Maffei
liber, Ingressurus corpus sustineret. uerā lectionem pu-
to, Quibus ingressus corpus sustineret. græca uerba,
οὐδ' ὁλως τῆς περὶ τῶν βασίλων ὑπηρεσίας.

198.

FIGVRAE eius] Antea, Figuratus. nos græca
EE iij

SCHOLIA IN PARTEM II.

uerba secuti, Figura eius, emendauimus, & proxime, cohiberet maxime, cū antea legeretur, cohiberet. maxima. quo loco sententiam distinctio mutabat.

198:

QVI erat] Græca lectio, ὄντ' αἰ λογισμὸς θεοῦ: ut uideatur legendum, Qui semper erat.

198:

NATVRAM QVE illam, quam alterius diximus, uel cum eadem coniunxit] Vel, expungendum; &, uī, reponendū. τὴν θατέρου φύσιν δύσμικτον οὖσαν εἰς ταυτὸ συναρμοσθῆναι.

198:

PERMISCENS cū materia] Distinguedum à superioribus, et, Autem, addendum: ut sit, Permiscens autem cū materia. μίγνυς δὲ μετὰ τῆς οὐσίας.

199.

AT QVE ita cum alterum esset exteriorem amplexus orbem] Et sensus, & græca lectio indicat hæc duo uerba desiderari, Alterum interiorem: ut hic ordo sit, Atque ita cum alterum esset exteriorem, alterū interiorem amplexus orbem. quod etiam ex insequenti membro clarius ostenditur, cum subiiciat, illū eiusdem naturæ, hunc alterius nominauit. græca uerba Platonis hæc sunt: καὶ τὸν μὲν ἔξω, τὴν δ' ἐντὸς ἐποίητο τὸν κύκλον, τὴν δ' οὖν ἔξω φερόμεν ἐπεφύμισεν εἶναι ταυτοῦ φύσεως, τὴν δ' ἐντὸς τῆς θατέρου.

199.

EAM QVE, quæ erat eiusdem, detorsit à latere in dextram partem; hanc autem citimā et à media] Ex græcis uerbis uidetur emendandum, Εὐμή; qui erat

eiusdem, detorsit à latere in dextram partem; hūc autem alterius, à media etc. est enim de orbibus oratio, ut in Platone perspicitur. Et uerbum, citimam, nō est in Maffei libro, sed, item, pro eo.

199:

RATIONIS, contentionisq; etc.] Totum hunc locum opinor ita esse corrigendum: Rationis cō-
contentionisq; (ἀρμονία græce) compos et particeps: quo
nihil ab optimo et præstantissimo sempiternarum re-
rum et sub intelligentiam cadentium genitore melius
procreatum. λογισμοῦ δὲ μετέχουσα καὶ ἀρμονίας ψυ-
χή. τῶν νοητῶν ἀπὸ τῶν ὄντων ὑπὸ τοῦ ἀρίστου, ἀρίστη γενο-
μένη τῶν γεννηθέντων.

199:

QUIPPE qui, etc.] Hic locus ex græcis uerbis
ita corrigendus. Quippe qui ex eadem iunctus, alteraq;
natura, adiuncta materia, temperatione trium partiū,
proportionem compactus, se ipse conuersans, cum materiā
mutabilem arripuit, et cum rursus indiuiduam atque
simplicem, in se omnis mouetur, etc.

199:

RATIO autem uera] Alij, Ratio autē utra-
que, non recte. ijsdem enim uerbis græca lectio testō
det: λόγος δὲ ἀληθής.

200.

SINE uoce, et sine ullo sono] Si quis græcā le-
ctionem sequatur, intelliget addendum, reuoluta: φέρο-
μενος ἀπὸ φθογγῶν καὶ ἡχῆς. Et quod sequitur, legen-
dum, cum eam partem; non, cum eandem partem: ex
græcis uerbis, ὅταν μὲν περὶ τὸ ἀσθενέστερον γίνηται.

EE iij

SCHOLIA IN PARTEM II.

200.

ORBIS illius generis alterius] Vt hoc totū si-
ne interſpiratione cum ſuperioribus continuetur, & o-
mnia referantur ad illud, Tū opiniones : crederem le-
gendum, Orbisq; illius generis alterius : ex græcis uer-
bis, καὶ ὁ τοῦ θαλάσσης κύκλος . quæ etiam uocem, illius,
uacare ſignificant .

200.

ITA uim ſuam] Recte à ſuperioribus interual-
lo diſtinctum : nam ad quinquaginta uerſus interce-
pti ſunt .

200.

QUANDO igitur, etc.] Hoc totū ſi cū græ-
co conferas, intelliges ad hunc fere modū eſſe reſtituens-
dū . Quando igitur unūquodque eorum ſyderum cur-
ſum decorū eſt adeptum, quibus erat motus temporis cō-
ſignādus; colligataq; corpora uinculis animalibus ani-
mantia orta ſunt : tum imperio parere didicerunt .

201.

TERTIVM * terreſtre quartū] Reſtituo,
Tertiū aquatile, terreſtre quartū . hæc enim græca uer-
ba : τρίτη δὲ ἐννοεῖται ἡ δὲ : πέρον δὲ καὶ χερσαῖον,
τέταρτον .

201.

CVM' QVE ſimile uniuerſitatis naturæ efficere
uellet] Nihil muto, tamen magis arrideret, Vniuerſita-
tis figuræ, quàm , uniuerſitatis naturæ . τῷ δὲ παντὶ
προσενκάλων .

201.

COMITE' QVE cum ſapientia quamoptimæ

PHILOSOPHIAE CIC.

mentis effecit] Adscribam græca uerba, quibus latina
haud planè respondent. τίθησί τε εἰς τὴν τοῦ κρατίστου
φρόνησιν, ἐκείνῳ ξυμπετόμενον.

201.

H V N C uarietate distinctum.] Ex Maffei li-
bro, & ex Platone, Hac uarietate distinctū, restituo.

201:

I A M uero terrā, etc.] Græca uerba recitemus,
ut, quo modo latina sint restituenda, uideamus. γῆν δὲ
τροφὸν μὲν ἡμετέραν, εἰ λουμένην δὲ περὶ τὸν διὰ παν-
τός πόλον τεταμένην, φυλάκα καὶ δημιουργὸν νυκτός τε
καὶ ἡμέρας, ἐμμηχανήσατο πρῶτην καὶ πρὸς θυάτην σω-
μάτων ὅσα ἐντός οὐρανοῦ γέγονε. Ex quibus apparet,
latinam orationem ita esse corrigendam. Iam uero ter-
ram, altricem nostram, quæ traiecto axe sustinetur,
diei noctisq; effectricem, eandemq; custodem, primam
& antiquissimam corporum uoluit esse eorum, quæ
intra cælum gignerentur. Maffei liber non nihil hanc
emendationem adiuvat: nam pro, eorū qui, habet eo-
rumq;: cum uera lectio sit, eorum quæ.

201:

R V R S V S' Q V E emersi errorem incutiāt ra-
tionis expertibus] Corrigo, terrorem incutiant, uel, ut
est in Maffei libro, horrorem incutiant. καὶ πάλιν ἀνα-
φανόμενοι φόβου καὶ συμπτώσεων τῶν μετὰ ταυτὰ γενησομέ-
νων τοῖς δωαμένοις λογίζεσθαι πέμπουσιν.

201:

V S V R P A R E, atque appellare uidemus]
Passive puto esse legendum, usurpari atque appellari
uidemus. nam in Platone, λεγομένους ἴσμεν.

SCHOLIA IN PARTEM II.

202:

NON sunt dissoluta me invito] Alij, Hæc sunt indissoluta me invito. Corrigendum puto, Hæc sunt in dissolubilia me invito. hoc enim græca uerba significat; ἃ δ' ἐμοῦ γε γέγονε, ἄλλα ἐμοῦ γε θέλονται. id est, quæ per me facta sunt, non dissoluentur, si ego uoluerō. Cicerō uertit illud, ἐμοῦ γε θέλονται, me invito. quod tamen eandem habet sententiam, quam haberet, me uolente: ut, qui considerabit accuratius, intelliget.

202:

TENEAT autem oportebit, ut eodē nequid absit, quæ à me ipso effecta sint, quod deorum uitam possit adæquare] Corruptus locus, et fortasse mutilus: quem ex græcis uerbis qui uoluerit emendabit. δὲ δὲ, εἰ μέλλει τέλει ἰκανῶς εἶναι δ' ἐμοῦ δὲ ταῦτα γεγένηται, καὶ βίου μετασχόντα, θεοῖς ἰσάζοιτο. ac fortasse non absurde, mutatione certe parua, sic corrigi possit. Teneat autem oportebit, ut ex eo nequid absit. sed quæ à me ipso effecta sint, deorum uitæ possint adæquare. nam et Maffei liber uerbum, Quod, inducit.

202:

SVPERIS' QVE permissionis] Forte, superiorisq; permissionis. τὰ τῶν πρόσθεν ὑπόλοιπα καὶ τεχέτο μίσγων.

202:

NISI quod, etc.] Plato sic. ἀκέραια δ' οὐκέτι κατὰ ταῦτα ὡσαύτως, ἀλλὰ δυνάτεα καὶ τρίτα: quæ referuntur ad uerbum ὑπόλοιπα: ut uideatur in Cicerone legendū: Nisi quidd nō ita incorruptas, ut eæ quæ semper idem, sed à dijs secundas sumebat atq; tertias.

CUM autem animis corpora cum necessitate inse-
uisset, cumq; ad corpora necessitate tum abcessio fie-
ret, tum accessio, necesse erat, &c.] Trallatio cū græ-
cis uerbis non planè congruens. quòd si uerius uertere
quis uelit, ita scribet. Cum autē animos corporibus ne-
cessitate inseuisset, cumq; ad corpora tū accessio fieret,
tum abcessio: primo necesse fuit sensum existere unū,
communemq; omnium, uehementiore motu excitatum,
coniunctumq; naturæ. quā lectionem & antiqui librē
quadam ex parte probāt. Græca autē uerba hæc sunt.
ὁπότε δὴ σώματιν ἐμφυτῶθαι ἐξ ἀνάγκης, καὶ τὸ μὲν
πρῶτον, τὸ δὲ ἅπλοισι τοῦ σώματος αὐτῶν, πρῶτον μὲν
αἰσθῆσιν ἀναγκάων εἶναι μίαν πᾶσιν ἐκεῖ βιόων παθημάτων
ἐμφυτον γίνεσθαι.

ALIOS in terra, alios in luna] Terram et Lu-
nā accusandi casu, rectius legitur. græca quidem uer-
ba significant, Solem & Lunam, non Terram & Lu-
nam. τοὺς μὲν εἰς ἥλιον, τοὺς δὲ εἰς σελήνην.

DEINDE ut huic animati, etc.] Si græca uer-
ba sequamur, ita corrigemus: Deinde ut huic animati
principes se ducesq; præberet, uitamq; eius pulcherrime
regerent, et gubernarent, nisi si ipse sua culpa sibi alia
quid miseriæ quæreret. καὶ πάνθ' ὅσα ἀκόλουθα ἐκείνοις
ἀπεργασασμένοις ἄρχειν, καὶ κατὰ δυνάμιν ὅτι καλλίστα
καὶ ἄριστα τὸ θνιτὸν διακυβεσθῶν ζῶν, ὅτι μὴ κακῶν αὐτὸ
ἐκαστῶ γίγνοιτο αἴτιον.

SCHOLIA IN PARTEM II.

203:

MODO huc, modo illuc] Post hæc uerba, ubi
spatium in nostris libris est, amplius LXXX uersus de
siderantur.

203:

CVM ignis oculorum cum eo igne, qui est ob os of
fusus, se confudit, & contulit] Non nihil deest: nam
in Platone sic. τοῦ περὶ τὸ πρόσωπον πυρός, τῷ περὶ
πῆν ὄφιν πυρὶ, περὶ τὸ λεῖον καὶ λαμπρὸν ξυμπαγῆ γι
γνομένῳ.

203:

ADIVVANTIA causarum] Lego, Adiu
menta causarum, & ex Maffei libro, & ex Platonis
uerbo: quod enim ille dixit, ξωχίτια; recte uertit Ci
cero, adiuumenta causarum.

F I N I S.

SERIES LITERARVM.

ABCDEFGHIKLMNOPQRST
VXYZ, AA BB CC DD EE.

Omnes quaterniones.

APVD ALDI FILIOS.

VENETIIS, M. D. XLVI.

5818008

